



21468/B

~~Buy 220~~







2<sup>nd</sup> ed. 1778

## THESAURUS MEDICUS

EDINBURGENSIS NOVUS:

SIVE,

*Thomas Windsor**Manchester*

DISSERTATIONUM

IN ACADEMIA EDINENSI,

AD REM MEDICAM PERTINENTIUM,

AB ANNO 1759 AD ANNUM 1785,

DELECTUS,

AB ILLUSTRIBUS

SOCIETATE REGIA MEDICA EDINENSI

HABITUS.

TOMUS I.

EDINBURGI &amp; LONDINI,

Apud C. ELLIOT &amp; G. ROBINSON;

*Dublini*, apud G. GILBERT; *Parisiis*, apud P. T. BARROIS;*Viennae & Lipsiae*, apud RUDOLPHUM GRAEFFER.

M,DCC,LXXXV.

THESSAURUS MEDICUS

EDINBURGHENSIS NOVUS.

DISECTATIONUM

IN ACADEMIA EDINBURGHENSIS

AC RHM MEDICAM INSTITUTIONUM

AD ANNO 1750 AD 1755

D. P. L. E. C. T. U. S.

AD 1755

EDINBURGH MEDICAL ACADEMY



EDINBURGH & LONDON

AD 1755

AD 1755

AD 1755

AD 1755

A C A D E M I Æ

E D I N E N S I,

E T

M E D I C I N Æ S T U D I O S I S,

S A C R U M.







## P R Æ F A T I O.

**U**T antiquos non despicio, ita temporum  
nostrorum ingenia laudo: Neque e-  
nim quasi lassæ et effoetæ Natura, quæ vox  
aliquorum esse potest, nihil amplius laudabi-  
le parit. Contra, plurima a veteribus, at-  
que etiam ad patrum fere nostrorum me-  
moriam, parum intellecta, vel prorsus igno-  
rata, nuper in diem prodierunt. Sed ea an-  
tiquorum virorum merita sunt, ut raro illu-  
strior quisquam apud nos exstiterit, quem  
illorum studia non oblectarint, sapientia quo-  
dammodo instruxerit, literarum elegan-  
tia ornaverit. Rapidus in artis medicæ  
partibus progressus, quem, nostro fere  
tempore, viri docti fecerunt, abunde te-  
statur, quantum, experientia duce, recen-  
tiores antiquis præstent: Ex hoc progressu,  
quod ad medicinam attinet, quam Professo-  
res Edinenses, non ingenio magis, quam in-  
dustria spectabiles, præ caeteris excoluerunt,  
liquido

liquido patet, quanto hic Delectus usui esse possit. Huic Academiae, huic Urbi, etiam Saeculo, tanta ingeniorum lumina et ornamenta gratulor, a quibus ARCHIMEDES ipse discere, quos CŒSAR ille senex consulere, haud erubescerent.

Complurium, quae quotannis ab honoris Medici Candidatis emittuntur, Disputationum, etsi meliore fato dignarum, pauca exemplaria, nec plura exigit mos, in lucem tantum prodeunt, eaque ipsa *aut fugiunt Uticam, aut uncta mittuntur Ilerdam*, amplius in usum publicum non parabilia. Quae ingenii exempla fugitiva retrahere, et in unum colligere, si mihi liceret, opus rei medicae haud ingratum fore existimans, Professores de ea re consului; qui, ardore solito, et studia promovendi cupiditate, non consilium solum, sed et auxilium, argumenta deligenti, dederunt.

Quae argumenta, in his chartis, ubi, in uniuscujusque morbi historia, symptomatum et curationum commemoratione, nihil omit-  
titur,

titur, plenius, quam in ullo medicinae corpore, pertractantur. Ob quam causam, singulorum morborum, singulae saltem disputationes editae sunt; quo facilius, quem medici sexaginta amplius annos Edinburgi exercuerint, legenti usus pateret. Verum, Thesaurus hic non solum quod morbos et artis usum respicit, sed multa Anatomiam, Physiologiam, Chemiam, Botanicen, et Materiam Medicam spectantia, amplectitur. Cujus operis et instituti nostri haec brevis ratio est, ut, a Boerhaavio usque ad hoc tempus, omnia comprehendantur.

Ingeniosorum virorum, inter quos Professores nostri primam laudem tulerunt, et totius saeculi industria adhibita, infinitis institutis experimentis, Naturae, Anatomiae, et Medicinae, auctam, in longius provectam disciplinam, scholae Boerhaavianae lapsam quasi aetatem, opiniones veteres rejectas, et recentioribus, utpote quae fundamentis firmissimis, ab ipsa Natura jactis, nitantur, posthabitas, prudens Lector facile animadvertet.





Omnium Disputationem TITULI, additis AUCTO-  
 RUM nominibus, ab anno M,DCC,XXVI. ad hujus  
 voluminis finem an. M,DCC,L. Sic notatae \* in  
 hoc opus assumptae intelligendae sunt.

	Pag.
1726 * Joannes Monteith, Scoto-Brit. De Dolore	1
1730 Carolus Brown, Scoto-Brit. De Pleuritide	
1731 Jacobus Mallifon, Anglus, De Pleuritide	
1731 Samuelus Kay, Anglus, De Nephritide	
1731 * Joannes Jamefon, Scoto-Brit. De Infantum morbis, ab infantia ortis	19
1731 * Georgius Grieve, Scoto-Brit. De Secretione bilis	43
1731 Joannes Sutton, Anglo-Brit. De Rachitide	
1731 Jacobus Dalrymple, Scoto-Brit. De Tympania	
1732 * Joannes Armstrong, Scoto-Brit. De Tabepurulenta	61
1732 Robertus Paterfon, Scoto Brit. De Scorbuto	
1732 * Joannes Lindsay, Scoto-Brit. De Calore	83
1733 Jacobus Grieve, Scoto-Brit. De Morbis humorum oculi	
1734 Carolus Aytoun-Douglas, Scoto-Brit. De Exercitationum in medicina usu	
1734 Joannes Arnot, Scoto-Brit. De Abortu	
1734 Henricus Tonge, Anglo-Brit. De Noxis ex cibi et potionis abusu oriundis	
1735 * Gulielmus Schaw, Scoto-Brit. De Morbis ex animi passionibus orientibus	127
1736 * Joannes Fothergill, Anglo-Brit. De Emeticorum usu in variis morbis tractandis	153
1737 Alexander Hamilton, Scotus, De Morbis of- fium ipsam substantiam afficientibus, ex causis internis oriundis	

		Pag.
1737	Chafe Holmes, Anglus, De Aëre viribusque eidem ingenitis, quibus humano corpore vel morbos intendere, vel sanitatem restituere valet	
1738	Robertus Hamilton, Scoto-Brit. De Frigoris effectibus in corpus humanum	
1738	Patricius Blair, Scotus, De Obstructionum origine	
1740	* Samuel Worthington, Anglo-Brit. De Aceto	217
1740	Michael Dickson, Scoto-Brit. De Purgantibus	
1740	Archibaldus Drummond, Scoto-Brit. De Urina	
1740	Robertus Gushart, Scoto-Brit. De Aëre ejusque in respiratione usu et effectibus	
1742	Abrahamus Swaine, Anglo-Brit. De Mercurio	
1742	Robertus Mercer, Scoto-Brit. De Perspiratione Sanctioriana	
1742	* Stuartus Threipland, Scoto-Brit. De Partu	255
1743	Jacobus Walker, Scoto-Brit. De Glandularum morbis	
1744	Gualterus Laurie, Scot-Brit. De Malignitate et de Peste	
1744	Josephus Nicoll-Scott, Anglo-Brit. De Quibusdam capitis nervorumque affectionibus	
1744	Thomas Jarvis, Indo-Antiguanus, De Affectione hysterica	
1744	Robertus Courthope-Sims, Anglo-Brit. De Vomica pulmonis	
1745	* Ebenezer M'Fait, Scoto-Brit. De Aëre, aquis, et locis	289

	Pag.
1745 Robertus Willan, Anglus, De Qualitatibus aëris	
1745 Parker Bennet, Ab Inf. S. Christoph. De Menstruis	
1746 Joannes Tait, Scoto-Brit. De Hydrope	
1746 * Thomas Elliot, Scoto-Brit. De Crifibus in morbis acutis	317
1746 Robertus Douglas, Scoto-Brit. De Incerto Indicio velocitatis sanguinis in febribus ex calore et pulsu	
1746 * David Clerk, Scoto-Brit. De Rheumatismo	355
1746 Gulielmus Macghie, Scoto-Brit. De Frigore quatenus morborum causa	
1747 Georgius Buckley, Anglo-Brit. De Pleu- ritide	
1747 North Vigor, Anglo-Brit. De Diabete	
1747 Joannes Smith, Anglo-Brit. De Boerhaavii aphorismis	
1748 Michael Law, Hibernus, De Scorbuto	
1748 Joannes M'Michan, Hibernus, De Dyfen- teria	
1748 Joannes Gill, Hibernus, De Ictero	
1748 Cheney Hart, Anglo-Brit. De Cortice Pe- ruviano	
1748 * Jacobus Lind, Scoto-Brit. De Morbis vene- reis localibus	381
1748 Ifaacus Unthank, Hibernus, De Rachitide	
1748 Joannes Heys, Anglo-Brit. De Chlorofi	
1749 Bayly Rogers, Hibernus, De Haemorrhoi- dibus	
1749 Joannes Moultrie, Ex Carolin. Mer. De Febre maligna biliofa Americae	
1749 Alexander Bayne, Scotus, De Pleuritide	
1749 Edmund Blackall, Hibernus, De Fluore albo	

		Pag.
1749	Joannes Mattëar, Hibernus, De Calculo veficæ	
1749	David Orme, Scotus, De Angina inflammatoria	
1749	* Andreas Wilfon, Scoto-Brit. De Luce	409
1749	Gualterus Farquharfon, Scoto Brit. De Peripneumonia vera	
1749	Joannes England, Anglo-Brit. De Hepatitide	
1749	Robertus Ewart, Scoto-Brit. De Scrophula	
1749	Alexander M'Kinlie, Hibernus, De Lumbricis	
1750	* Francifcus Home, Scoto-Brit. De Febre remittente	435
1750	Joannes Brisbane, Scoto-Brit. De iis quæ medico ad artem bene exercendam adeffe debent	
1750	Jacobus Johnftone, Scoto-Brit. De Aëris factitii imperio in primis corporis humani viis	
1750	Robertus Petrie, Scoto-Brit. De Morbillis	
1750	Joannes Wilfon, Scoto-Brit. De Febre biliofa Indiæ Occidentalis incolas infeftante	
1750	Lachlanus Frafer, Scoto-Brit. De Morbo hyfterico five hypochondriaco	
1750	Robertus Langlands, Scotus, De Hydrope-anafarca	
1750	Joannes Scott, Scotus, De Salivationis ad luem veneream curandam inutilitate	
1750	Philippus Brown, Scoto-Brit. De Praefagiis ex oculis in morbis acutis et chronicis	
1750	Patricius Dickfon, Scoto-Brit. De Cholera	
1750	* Colinus Drummond, Scoto-Brit. De Ictero.	465



C  
DISSERTATIO MEDICA  
INAUGURALIS,  
DE  
D O L O R E.

QUAM,  
ANNUENTE SUMMO NUMINE,  
Ex Auctoritate Reverendi admodum Viri,  
D. GULIELMI WISHART,  
UNIVERSITATIS PRÆFECTI;

NEC NON  
Amplissimi SENATUS ACADEMICI consensu,  
Et nobilissimæ FACULTATIS MEDICÆ decreto,  
PRO GRADU DOCTORATUS,  
SUMMISQUE IN MEDICINA HONORIBUS ET PRIVILEGIIS  
RITE AC LEGITIME CONSEQUENDIS;  
Eruditorum examini subijcit

JOANNES MONTEITH,  
SCOTO-BRITANNUS, A. & R.


Ad diem 4. Novembris, hora 11. *A. merid.*

In Bibliotheca Academiae Edinburgenae.

EDINBURGI:

---

M,DCC,XXVI.





Ornatissimo, nobilique viro,  
**D. JACOBO MONTEITH**  
**DE MILLHALL,**  
Gentis suae principi :

Viro dignissimo,  
Morum integritate et humanitate insigni,  
**D. JOANNI DRUMMOND**  
**DE QUARREL,**  
Tam de patria quam de suis optime merito :

Nec non  
Viris spectatissimis amicissimisque,  
Praeceptoribus suis,  
Quibus omnem qualemcunque  
In medicina scientiam acceptam refert,  
Summa observantia aeternum colendis,  
**JOANNI RUTHERFOORD,**  
Et

**ANDREÆ ST. CLAIR,**  
Med. Doct. atque in Academia Edinburgensi  
Medicinae Theoreticae et Practicae  
Professoribus :

**ANDREÆ PLUMMER, M. D.**  
Et

**JOANNI INNES, Phil. et M. D.**  
In eadem Academia Medicinae et Chemiae  
Professoribus :

**ALEXANDRO MONRO, R. S. S.**  
Ibidem Anatomiae et Chirurgiae  
Professori :

Differtationem hanc Medicam,  
Obsequii et grati animi ergo,  
D. D. C. Q.

**JO. MONTEITH** Auct.





# DISSERTATIO MEDICA

## INAUGURALIS,

DE

## DOLOR E.

I. **U**T Almae Academiae instituto morigerer, simulque ut rem, tum Medicis tum aliis, non ingratam proferrem, in Differtatione hac inaugurali de Doloris causis et effectibus agere proposui.

Dolor mortalibus ipsis coevus, nemini parcens, hominem nascentem excipit, ad tumulum deducit, individuus comes, apud omnes fere malorum princeps habitus. Atqui hunc posuit benignus naturae Author fidum vitae custodem, et instantis periculi monitorem vix corrumpendum.

II. Dolor itaque, Graeco nomine *αλγος, οδυνη* (quatenus medicinae objectum) est ingrata illa ac molesta sensatio, quam mens percipit, ex certa conditione physica

sica organo sentienti inducta; quae tamen sensatio, sic in mente excitata, neutiquam repraesentat actionem corporis, organum illud afficientis, neque illud physicum, quod tunc patitur organum affectum, sed ideam tantummodo molestiae.

III Ita enim facti sumus ex instituto summi Conditoris, ut, quamdiu sani vivimus, molesta haec idea necessario in mente oriatur, quoties organum quodvis sentiens certa ratione afficitur a corpore extraneo; cuius quidem ideae excitatio aequae constans est, ac si corporis applicati nativus fuisset effectus, adeo ut, cessante illa organi affectione, hanc doloris ideam mens nullo modo sibi fingere possit.

IV. In hac itaque dissertatione more medico tractare juvat conditionem illam physicam corporis, quae doloris ideam in mente excitare constanter deprehenditur. Dolor quidem, pro ratione partis affectae, varia sibi acquisivit nomina, uti in capite, Cephalalgia, in ventriculo, Cardialgia, &c. At, cum dissertationis inauguralis angustiae omnes doloris species tractare non permittant; de dolore tantum in genere differendum proponimus. Doctrinam hanc, simplicem licet, pauci certe, si ulli, physico ratiocinio prosecuti sunt, donec orbi medico illuxit Hermannus Boerhaave: Hunc itaque unum sequar; ut si quae arideant, nobili auctori tribuatur laus, si quae minus, inexperto tyroni adscribantur.

V. At, priusquam sedem vel subiectum doloris in machina humana definire possim, duo videntur axiomata

mata physica praemittenda, quorum veritatem constans docet experientia.

1. In corpore humano, vivo, et sano, omnis mutatio inducta, vel motus impressus organis sentientibus, defertur ad cerebrum, et mutat quodammodo illam ipsius partem, ubi cuncta filamenta medullosa ab omni puncto corticis superpositi exoriuntur, constitutura mox medullam cerebri. Hanc partem appellare licet *sensorium commune*.

2. Anima humana, quamdiu corpori unitur, objecta corporea percipit ex conditione sensorii communis quodammodo mutata per motum impressum organis sentientibus, quae mutatio, cum infinitis fere modis variari possit, infinitas quoque potest diversas in mente excitare ideas, pro diversitate, sciz. organi affecti, objecti in illud agentis, et motus impressi.

VI. Quum itaque dolor sit affectio corporis simul et mentis, ejus subjectum, vel sedes, erit omne punctum corporis, inter quod et sensorium commune intercedit commercium, per exilissimas, pervias tamen, fibras, quarum origo est in medulla cerebri.

VII. Fibrae illae ex medulla cerebri, ejusque appendicibus, medulla oblongata et spinali, exortae, in plurimos fasciculos collectae, vaginis a pia et dura meninge oriundis inclusae, per diversa cranii et thecae vertebralis foramina exeuntes, per omnia corporis loca distribuuntur.

Quod autem talis chorda, quae vulgo Nervus dicitur, sit revera fasciculus infinitorum fere et exilissimorum nervu-

nervulorum, demonstratur ex artificiosa nervi evolutione Ruyschiana, qui in aqua suspensus exhibet innumera filamenta, instar tomenti subtilissimi, fluctuantia; tum etiam ex distributione nervi cujuscvis: Is enim quocunque progreditur, propaginem suam disseminat ubique, quae exilis licet appareat, viscus aliquod vel musculum ingressa, vel ad membranam extensa, ilico in innumera et exilissima filamenta, propriis adhuc vaginulis inclusa, dispergitur: Haecque iterum divisa, tandem visus aciem, licet microscopiis adjutam, effugiant. Si scripta revolvamus acutissimorum anatomicorum, Willisii, Vieussenii, Ruyschii, &c. inveniemus ubique tam operosam nervi distributionem, ut fateri cogamur, vix dari in toto corpore punctum, in quo non inveniatur fibrilla nervosa, atque eo magis, si cum candidissimo et accuratissimo Malpighio contempler tenelli Embryonis fabricam, quae tota videtur cerebro, cerebello, et medulla spinali constare, e quibus sensim, quasi ex carina, exsurgunt postea reliquae corporis partes solidae.

VIII. Quod nervus sit verum doloris subjectum, ut antea posuimus, experimenta haud pauca clarissime confirmant; nam si nervus, qui ad partem quamvis tendit, solitarius, in animali vivo denudetur, tumque comprimatur, vel vinculo constringatur, pars illa omni sensu privatur; neque ullum doloris indicium praebet animal, dum pars infra compressionem aut vinculum vellicatur, pungitur, imo comburitur: Restituto autem nervo, redit iterum sensus, et locus punctus aut vellicatus dolorem patitur satis acutum. Norunt porro chirurgi, si nervus aliquis corruptus vel integre dissectus



fectus sit, actum ilico esse, non modo de motu, sed et sensu partis, nisi forte nervosa propago, et alio trunco integro oriunda, ad eandem derivetur partem.

IX. Hisce saltem experimentis constat, in dolore affici nervum; namque, impedita actione, vel soluta ejusdem cum sua origine continuitate, perit omnis sensation, ideoque et dolor, in parte ad quam pertinet nervus. Agnoscunt autem anatomici triplicem nervorum originem: Multi quippe ex cerebro, alii ex cerebello, nonnulli ex interiore medullae spinalis substantia, oriuntur; qui quidem diversis usibus in machina nostra inserviunt; nervi autem ex solo cerebro oriundi, propria videntur sensationis, proinde et doloris, organa: Namque, compresso praeter modum cerebro, omnes sensus, tam externi quam interni, vita superstitite, abolentur, ut quaedam docent experimenta in bruta instituta, clarissime vero apoplexia sive a plethora, sive a mutata cranii figura, inducta: Immo, exsecto integre ex cranio animalis vivi cerebro, si illaefum manet cerebellum, corrui omnis animalitas, protrahetur tamen utcunque vita; i. e. peribunt ilico omnes sensus et motus, praeter cordis, arteriarum, et pulmonis. Insuper nervos sensitivos, doloris subjecta, originem suam a medulla cerebri ducere, patet ex eo, quod cerebri meninges atque cortex minutatim abscissa, in animali vivo, nullam fere excitant incommodi sensationem: Simul vero ac adigitur scalpellum in medullasam cerebri substantiam, prae dolore immani convulsus prosternitur animal: Atqui est convulsio doloris acutissimi effectus; nam forcipe prehensus nervus

et tractus dolorem acutissimum praebet, qui, si augeatur tractio, exacerbatur, insequiturque convulsio.

X. Hisce positis, jam ordo exigit ut explicem illam conditionem physicam, nervo a causa violenta inductam, quae doloris ideam menti exhibet: Et quidem omnes historiae doloris cujusvis docent, illum fieri ab actione quavis talem excitante motum subitum, in nervo a cerebri medulla orto, ut, si continuetur, vel augeatur, necessario destruat nervi illius continuitatem. Causae assignatae veritas patebit, si perpendamus quae fiant tam in mitissimo quam acerbissimo doloris gradu. Demonstrant acutissimi Malpighius et Ruyschius, quod ad totam cutem tendant innumerae nervulorum propagines, quae, postquam involucrum a dura matre datum depofuerint, atque corpus quoddam reticulare inde contexerint, apices suos molles et pulposos elevant densa cuticula tectos. Si igitur pars corporis, in qua papillae hae pyramidales magis conspicuae et frequentes sunt, levissime tangatur corpore celeriter acto, v. g. pluma, oritur sensatio non ingrata, seu titillatio, medium quid inter voluptatem et dolorem: Haec si continuetur actio, doloris gradum sed mitissimum parit, quem ut homo effugiat, partem sic irritatam ilico subducit; is itaque dolor oritur ob motum subito et celeriter nervo etiam laxo inductum. Quantum vero distat pruritus ille a sensatione acerrima, quam excitat nervus naturaliter tensus, vique externa distractus, liquet facile ex atrocissimo illo dolore, qui fit ab ungue divulsa, &c. Quum itaque exinde constet, doloris causam esse motum subitum nervo impressum, ejusdem solutionem minitantem; sequitur, quo nervus distractus

a solutione remotior, eo mitior dolor; quo vero propior, eo acerbior; ideoque, ex nervo jamjam disrumpendo, fit dolor summus.

XI. Nervi itaque naturaliter tensi magis, laxi vero minus, dolori obnoxii sunt: Hinc qui supra ossa et membranas strictas decurrunt, se ulterius distrahi non patiuntur sine acerrimo excitato dolore; quo enim magis tunc distenduntur, eo solutioni propiores fiunt. Hec in podagra, rheumatismo, spina ventosa, paronychia, et odontalgia patet, ubi dolor adest ingens sine ullo saepe excitato tumore. Nervi vero laxiores majorem extensionem, nec excitato dolore, permittunt; ut in leucophlegmatia, oedemate, &c. Hinc intelligitur cur corpora rigida, sicca, magis, laxa vero et humida minus, dolori sint obnoxia; ac proinde cur homines, quibus est temperies sicca, biliosa, vel melancholica, causas doloris praedisponentes maxime in se gerant, et vice versa.

XII. Ut vero quo rupturae propior nervus, eo acutior dolor; ita et quo exilius filamentum nervosum distractum, eo fit acrior. Cum enim nervi omnes ex fibris nervosis, medullosis, exilibus, dura piaque meningibus tectis, consulentur; sequitur, ut, quo paucioribus fibris componitur nervus quicunque, eo minus vim distractionis sustinere valeat, i. e. eo citius rumpatur. Nam vis distrahens determinata, uni fibrillae applicata, hanc longe citius dirumpet, quam si eadem vis adhibita fuisset, v. g. tribus hujusmodi fibrillis in unum fasciculum collectis; inde enim longe fortior fasciculus, qui vi longe fortiori resistere possit, non adeo facile

cile distrahetur. Doloris itaque acerbitas componitur ex ratione exilitatis nervi, et vis distrahentis; diuturnitas autem, ex ratione causae distendentis, et virium nervi resistentis.

XIII. Sed ad dolorem excitandum haud sufficit sola distractio nervi; oportet sit subitanea: Namque in anasarca, steatomate, aut meliceride, ubi lente et sensim distenduntur fibrae, nullus adest dolor: Contra, ab anthrace, carbunculo, aut phlegmone distensis subito fibris, nascitur intolerabilis. Supponit itaque dolor distractionem subitam; quae, si nervum rumpit, dolorem tollit: Natus itaque semel dolor non prius sopitur, quam vel nervus in pristinam laxitatem redeat, vel solvatur penitus.

XIV. Positis hisce de causa doloris proxima, videamus jam quae sint ejusdem remotiores. Harum prima est obstructio omnis, sive fuerit ab imminuta vasis capacitate, seu a molecularum transeuntium mutata figura, vel aucta mole, sive adactis in vasa aliena haud transmittendis fluidis, sive denique a quacunque alia causa orta, modo vasa subito distendat, nunquam non dolorem parit. Vasa etenim ex vasis constantur; haec ex minoribus; omnium autem ultima sunt nervosa, quae, nisi senio aut morbo occalluerint, ex commercio cum sensorio communi adhuc doloris subiecta sunt. Si itaque vas quodvis arteriosum materie quacunque subito repleatur, quam in venam transmittere nequit, oportet in illo vase haereat impacta moles: At urget a tergo subsequens sanguis, quem et novum omni ictu impellit cor. Atqui cum hinc angustias coni superare nequit,



nequit, illincque arietat cordis impulsus, fit quasi cuneus sanguinis in apicem vasis vibrans, latera hujus brevi quaquaversum distendens; unde distrahuntur fibrae nervosae vas ultimum constituentes, sive fit causa doloris.

Obstructio in aliis vasis dolorem similiter excitat, si modo a tergo urgeat distendentis liquidi vis: Hinc fit ut saevissimus dolor nephriticus aegrum vexet, quamdiu solida quaevis materies fistulis renum uriniferis, vel ureteribus, haeret impacta.

Huc spectant tumores quicunque ad loca nervosa naturaliter tensa orti, imprimis ad ossa; unde exostosis scorbutica vel venerea atrocem adeo fuscitat dolorem. Neque hunc imputet quis soli humorum acrimoniae membranas tensas rodenti: Idem quippe occupat corpusculum rachiticum, muco viscoso, inertis, refertum. Simili ratione dolent omnia ligamenta ossium satis tensa, si extendantur nimis, vel e situ naturali truantur, ut in luxatione.

Praeterea dolorem efficit quicquid nervum partim vel integre dissecat; nervo enim semidiscisso, fibrae integrae, jam pauciores, vim eandem distrahentem sustinent, quam antea sustinuerant omnes; cui itaque distractioni impares, dolent. Sic in amputatione, cum cultellus obtusus periosteum ferrando lacerat, fit dolor penitus intolerabilis; secus ac si uno ictu dissectum fuisset periosteum. Atqui dolorem parit vel integra nervi solutio, truncus quippe nerveus, eadem ratione qua reliquae corporis animalis vivi partes, dissectus resilit, ramosque adnatos tendit, unde dolor, non quidem in loco laeso, sed ejusdem vicinio. Duplex itaque oritur in omni vulnere causa doloris, tum, sciz.

in

in ipsa solutione continui, a nervis semidiscissis, tum in vicino, a distensis præter modum dissecti trunci ramulis. Hinc intelligitur causa doloris in omni vel levissima punctura.

Huc referenda omnia acria, externa vel interna, quæ corpori calenti et humido admota, instar tot spiculorum, fibrillas tenuissimas lente discindunt, eodemque modo dolorem movent quo cultellus obtusus, ferratim vel lente disseicans; hinc vesicatoria, caustica, acre, scorbuticum, cancrum, &c. dolores pariunt mitiores aut acutiores, breviores aut diuturniores, pro varia exilitate fibrillarum, aut erodentis corporis pertinacia.

XV. Animal quodcumque dolore affectum non placida fruitur quiete, sed corpus in mille posituras conjicit, aliquem sperans loco dolenti nacturum situm quo mitescat. Sic corpore jactato, sic mente continua aerumna excruciat, haud mirum si dolentem placidus fugiat somnus. Supervenit porro febris, mitior quidem, si a solo nervi tensi stimulo; saevior vero, si huic adjuncta accedat inflammatio: Solus etenim stimulus cerebrum lacessit, spirituum secretionem augeat; quorum itaque uberior ad cor derivatio, hujus contractiones crebriores reddit et validiores, celeriores proinde et sanguinis motum, i. e. febrem, producit. Si vero adsit simul inflammatio, fines nonnulli arteriosi inde obstructi, sanguinis nihil in venas analogas transmittunt: Eadem itaque hujus quantitas, intra idem tempus per pauciora vasa trajecta, movetur celerius; auctus igitur ab hac causa motus priori conjunctus febrem intendit, et innumera adducit inde

secu-

secutura symptomata; sin vero nervus eo usque tendatur, ut jam jam rupturam minitetur, neque rumpatur, fit dolor omnium acutissimus, cui comes individuus convulsio supervenit; neque cessat prius doloris summa saevities, quam sublata tensione restituatur nervus, vel solutus destruat.

XVI. Dolor semel natus unicuique se manifestat; adutorum quippe querelae, lactentium vagitus, praesentem proclamant. At de prognosi adnotanda veniunt;

1. Quo acutior dolor, eo brevior, et vice versa. Hoc experiuntur podagrici et odontalgici.

2. Quo violentior causa, eo peior; deterior autem a causa interna quam externa.

3. Quo profundior situs, adeoque et remediorum applicatio difficilior, eo pertinacior dolor. Hinc odontalgia, podagra, spina ventosa, difficulter adeo remediis auscultant.

4. Ratione functionis laesae varium est doloris praesagium. Sic pleuritis functionem laedit vitalem, scilicet respirationem; dolor vero ad brachium, animale tantummodo afficit; levior proinde hic quam ille.

XVII. Ut vero mortalibus adeo horrendus cicuretur et dometur dolor, variae indicationes, ex varietate causarum, nascuntur. Omnis quidem doloris causa proxima est distensio subita fibrillae nervosae: Talia itaque remedia, quae applicata hanc distensionem tollere valeant, salva interim fibrilla nervosa, vocantur anodyna. Verum, quum variae extent diversae causae remotae

remotae hanc proximam efficientes, varia etiam erunt ejusmodi anodyna.

Primo itaque in limine animadvertendum, quod nervi solutionem plerumque nimia distensio minuetur: Quicquid ergo nervum disponat, ita ut ulteriorem adhuc patiatur distractionem sine rupturae metu, dolorem tollet. Hujusmodi vero sunt humectantia et laxantia. Sic chorda musica, aut membrana quaevis animalis arefacta, fit ad minimam extensionem friabilis; quae tamen oleosis, humectantibus immersa aliquamdiu, pristinam flexilitatem et extensilitatem readepta, in longum extendi, sine ruptura, possit. Sic in dolore ab iniqua distensione: Namque pleuriticus solamen summum a fomentis, cataplasmatibus, linimentis, &c. laxantibus, habet: Colicus a fomentis et clysmatibus oleosis: Podagricus a regimine tenui, humido, laxante, fero lactis, et panc. Homines etenim rigidi, sicci, doloribus maxime obnoxii, si humidiores, laxiores tali modo reddantur, tolletur illa diathesis.

Hic in genere positus, videamus quomodo tollatur dolor, a materia in angustis vasis arteriosi impacta fuscitatus. Huc itaque referenda modo laudata laxantia, quae, sciz. vasa disponant, ut majorem adhuc extensionem sine ruptura patiantur. At pergit cor omni ictu novum sanguinem ad obstaculum pellere, quo demum eo usque extenditur iterum, ut jam de novo doleat. Oportet itaque debilitetur cordis vis, minuat liquidum replentis copia; quibus opportune convenit V. S. ex vulnere amplo parcius, vel copiosius, pro ratione qua urget doloris saevities, aut permittunt aegri vires. Hinc, quippe sanguinis ad cor appulsi minuitur copia, corque minorem, et minori vi, in arterias agit,



agit, quae vi reciproca resistunt : Deplentur itaque vasa, ante praeter modum distensa, quae inanita flaccescunt, et aufugit dolor a fibris distensis ortus. Porro, dum ita celebratur V. S. arteriae, utcumque munere venarum funguntur, suaeque contractilitate, impactam molem versus cor, parum tunc reagens, determinat, unde solvitur obstructio, et penitus auferitur inde nati doloris causa.

Huc spectat tumorum dolentium resolutio tam internis quam externis laxantibus, et vasorum depletionem efficiunda, simul et materiei viscofcae et a remora concretæ, per resolventia saponacea fluor conciliandus ; vel si manui chirurgi datur accessus, tollendus est, aliis remediis parum auscultans, tumor ; si denique pars quaevis vi externa distracta, intorta, luxata, aut quocunque modo e loco detrusa dolet, simulac in situm naturalem restituta et firmata aequaliter tenditur, dolor cessat.

Ut dolor a nervo partim soluto ortus tollatur, vel solvendus est integre nervus, quo auferatur commercium inter partem laesam et cerebrum ; vel roboranda filamenta adhuc integra, ut tractioni sustinendae evadant paria : Hoc fit applicatis quae nervum stringendo solidiorem reddant, ut ol. terebinth. &c. at nervo integrae dissecto, si vicina occupet dolor, cedit applicatis emollientissimis, laxantissimis, tam internis quam externis ; acris potro externa, auferenda sunt quantocius ; adhibitis mox, si dolor superstes urgeat, anodynis jam memoratis. Interna aut glutinosis obtunduntur, aut corriguntur iis, quae indole acrimoniae singulari opposita pollent ; aut denique evacuatione idonea expelluntur. Dolens, denique nervus, summa urgente necessitate, sensus expers redditur, compressione valida, dis-

C

sectione,

sectione, inuisione; ad quae, tanquam ad ultimum praesidium, fugere coguntur quandoque medici in odontalgia aut podagra.

XVIII. Sin vero hisce parum cedat dolor, adhibenda demum sunt quae somnum inducendo, mali sensum, licet non causam, tollant. Hypnotica haec aut narcotica dicuntur, quorum princeps benigna vi exoptatissimum sese praebet opium; dolentes quippe, inasuetos praesertim, paulatim exhilarat, lenit dein, tandem placido obruit somno: Sopitus itaque hac ratione aliquamdiu dolor, nullam parit molestiam; diffatis autem opii viribus, idem recrudescit. Hinc fit ut opium, intempestive exhibitum, inducias saepe fraudulentas adferat, dum incommoda saepe ex alio fonte oriunda simul edit, pulsum imprimis robore auctum, et excretiones naturales cohibitas. Ideo non prius propinandum erit opium, quam parti dolenti applicatis emollientibus, laxantibus, resolventibus, et larga instituta V. S. fiat vasorum depletio, laxitas; injectoque simul clysmate, mollis conservetur alvus: Tunc enim gratissima conciliata quies, mentem mox turbatam pacabit, symptomata ex doloris atrocitate oriunda sopiet, et placidum relinquet temporis intervallum, quo remedia mali radicem excisura propinentur; adeo ut opium, juxta methodum propositam exhibitum, unum sit dolentibus remedium gratissimum, utilissimumque. Si vero, his cautelis neglectis, temeraria manu ingeratur, corrumpitur fidus vitae custos doloſo pharmaco, dum serpens mali fomes, stragem ubique edendo, impune grassatur, et aegrum inopinato, vel partis sphacelo afficit, vel morte opprimit.

F I N I S.

DISSERTATIO MEDICA  
I N A U G U R A L I S,

D E

Infantum Morbis, ab Infantia ortis.

Q U A M,

ANNUENTE DEO TER OPT. MAX.

Ex Auctoritate Amplissimi SENATUS ACADEMICI,

Et nobilissimae FACULTATIS MEDICÆ decreto,

PRO GRADU DOCTORATUS,

CUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS;

Eruditorum examini subijcit

JOANNES JAMESON,

SCOTO-BRITANNUS, A. & R.

Ad diem 10. Junii, in Bibliotheca Academiae Edinbur-  
genfis, Hora 10. ante Merid.

EDINBURGI:

---

M,DCC,XXXI.

THE UNIVERSITY OF CHICAGO  
LIBRARY

1911

THE UNIVERSITY OF CHICAGO

LIBRARY

1911

THE UNIVERSITY OF CHICAGO

LIBRARY

1911



THE UNIVERSITY OF CHICAGO

LIBRARY



Amplissimo atque ornatissimo Domino,

D. JOANNI WAUCHOP  
DE EDMONDSTON,

Viro omnibus charo,

Multifque in suos meritis conspicuo :

Nec non,

Priscae virtutis viro,

GULIELMO JAMESON  
MERCATORI EDIN.

Patruo dilecto;

Imbellis suae infantiae custodi benigno,

Adolescentiae monitori fido :

Differtationem hanc Medicam,

Qualemcumque studii fui

Ac devinctissimi affectus tesseram,

D. D. C. Q.

JOANNES JAMESON.



# DISSERTATIO MEDICA

## N A U G U R A L I S,

D E

NT

### Infantum Morbis, ab Infantia ortis.

I. **U**T aequo Academiae instituto morigerer, multos in mente revolvi morbos, genus humanum per vitae decursum infestantes, quorum plerique ex ipsorum vitiis oriuntur; tandem ad mala innocuam infantiam torquentia deductus, de iis aliquid, pro mea tenuitate, proferre prae caeteris visum est.

Et primo circa tenellorum corpora haecce in limine animadvertenda occurrunt.

1. Quod caput et cerebrum, ratione ad caeterum corpus habita, mole praepolleant, unde longe major nervorum numerus et spirituum (quam in adulto) copia.
2. Nervi hisce magis sensiles et acuti, ideoque levissima ab injuria facillime irritandi, quatenus a pressione externa vel interna nondum indurantur.
3. Fluida prae solidis debilibus copiosa redundant.
4. Vasa longe numerosiora quam adulti habent, immo

fere

fere dicerem, quod totum corpus quidem nerveum sit, fuit etenim quondam carina Malpighii unde reliquae pullularunt partes.

Medicis (saltem junioribus) ad infantes vocatis plurima occurrunt incommoda, quum ex horum querelis nihil detegant, ex aegritudinibus parum quidem, ex adstantium responsis nil certi hauriri possint, et (ut ait medicorum pater Hippocrates) ex pulsu vel urina infantum nihil expiscari potest, quum levissima ex causa turbentur, praeterea cum medicamenta fere omnigena plerique respuant.

De hisce itaque morbis scripturus, cum accuratissimo nec satis unquam laudando Boerhaavio, horum plurimum origines uni ex quinque adscribam causis, vel sciz. strigmentis mucosis, os, oesophagum, &c. investientibus, vel meconio non rite aut tempestive expulso, vel lacti in ventriculo coagulanti, vel dentitioni, vel denique vermibus: De quibus seorsum, et quam paucissimis.

Infantes in lucem editi statim aliquando nausea, vomitu, singultu, borborygmis, saepe etiam convulsionibus, corripiuntur, meconio nondum expurgato, quia medicamenta in hunc finem propria deglutire nequeunt; quod vix nisi debilioribus tamen accidit.

Haec omnia symptomata a strigmentis glutinosis, lentis, et fere caseosis, os, oesophagum, ventriculum, et intestina replentibus, ortum ducunt: Haecque saburra a liquore per os hausto (dum in utero materno haeret) cum a muco intestinali, gastrico, oris et oesophagi producitur, quae cum tam tenax sit, oris, oesophagi, et ventriculi continuatam tunicam nerveam (instar fili deglutiti et moti) irritando, memorata producit mala.

mala. Quorum nisi illico removeatur causa, et si forte lac fugat infans, in debili ejus ventriculo, utpote loco calido, acescit, novosque producit morbos, iis similes a lacte postea describendis.

Hujus morbi medendi methodus videtur, saburram attenuare, detergere, et e corpore postea expellere.

Hunc itaque in finem jejunium patiatur per 10 vel 12 horas, quod (invitis adstantibus) ex teneili aegritudine facile fit. Haece abstinencia ventriculus, respirationis motu adjutus, fortius in contentam materiam agit. Postea, quinta quavis hora, exhibeatur parva dosis mellis cum vino Hispanico, admitta aq. menthae stillat. quae attenuant, detergunt, et ventriculum roborant. Postquam materia solvitur, quod saliva viscida ex ore stillante facile cognoscitur, e corpore est expellenda purgantibus mitissimis, vel solis, vel cum prioribus adhibitis; qualia sunt syr. violar. ros. pallid. vel cichor. cum rheo, cum aqua stillat. menthae, aut meliss. quae saepe vomitu, vel per anum, mucum ejiciunt. Exhiberi etiam potest ipsum rhabarbarum, cum aliis medicamentis admixtum, vel pilularum forma, quod fibras ventriculi, &c. etiam roboret, forte etiam emeticum ex ipecacuan. infus. vel oxymell. scill. aqua diluto prodesset, si vires ferre possent.

Profunt etiam epithemata ex moderate aromaticis, et spirituosis epigastrio applicata; quatenus calore suo ventriculi et intestinorum fibras roborant, unde major illorum in contenta (et ad attenuationem et expulsionem) actio. Talia fieri possunt ex oleo macis per express. theriaca Venet. vel spiritu mastichino, aut aq. theriacali linteis, vel pane tosto, exceptis, et abdomini

D

applicatis,



applicatis, cum aliis similibus eidem scopo inservituris.

II. Nascuntur aliquando infantes tam fortes, ut (propria vi viscerum, musculorum abdominis, et pressione diaphragmatis in inspiratione) meconium sine medicamentorum ope expellant; sed plerumque, immo fere semper, catharticum requiritur.

Est autem meconium excrementum primum a recens natis expulsum, colore sanguineum, valde nigrum et piceum, utcunque splendens, et nil aliud esse videtur, nisi pars foeculenta materiei per os (dum in utero) ingesta, tum mucii totius tubae intestinalis pars crassa retenta, in intestinis accumulata, et ex parte bilis recrementitia admista nigrescens; nec a glutine priori discrepat, nisi colore et tenacitate (a bile saponacea) mutatis.

Hae foeces, si in corpore, vel a duritie sua, a nimia ejus copia, vel intestinorum ficcitate, diu nimis maneant, plurima proferunt mala; quatenus (infante jam excluso) datur aëri liber in intestina ingressus, unde meconium (quod antea prae aëris defectu non putrescebat) jam acredinem putridam vel acidam concipit, pro materiei indole. Quae intestina admodum sensilia stimulando, vel forte parte ejus subtilissima resorpta, et cum sanguine per totum corpus trajecta, plurima producit phaenomena, nauseam, viz. vomitum, singultum, tumores et tormina ventris, convulsionones, tusses, sternutationes, clamores, pervigilia, terrores, febres, maciem, et saepe mortem.

Nausea, vomitus, et singultus, (ab acri quocunque aut insolito succi nervosi insultu, tunicam ventriculi

et

et oesophagi nerveam stimulantibus, in spasmos urgentibus) producuntur; ventris tormina, ex tunica intestinorum villosa irritata, et procedente causa (ex nervorum consensu) convulsiones etiam accersuntur, quatenus intestina nervis a plexu renali suppeditantur, qui ex nervo intercostali et pari vago conficitur; nervus intercostalis, quum ramum obtineat a ramo ophthalmico quinti paris, qui ramulum in membranam narium etiam impendit, hinc sternutatio; et, quum pulmo ex pari octavo obtineat nervos, tussis facile intelligitur. Pervigilia a nimia liquidi nervosi determinatione ad sensuum organa, reliqua ab irritatis nervis, macies a nutrimenti defectu, unde sequitur mors.

Quae mala, nisi occurrantur, aut initio tollantur, sensim ingravescunt, et novos producunt morbos: Nam intestinorum fibrae, a nimia et diuturna distensione, elasticitatem suam amittunt; unde illorum paralysis, inflammationes, tum a nimia compressione et acredine gangraena.

Cum ex diversis causis retineatur meconium, medicamenta ad easdem spectantia requiruntur, ex. gr.

Si ex infantis debilitate, vel nimia ejus copia, retineatur meconium, quod a tumore hypogastrii tactui cedente facile cognoscitur; tum detur mel cum vino Hispanico, parva sennae dosi, sed saepe repetita, ne vomitum excitet. Dein lene purgans ex syr. ros. solut. cum senna, syr. cichor. cum rheo, manna Calabrin. cassiae pulp. vel suppositorium ex melle ad spiss. cocto, addito saponis Venet. parum, oleo blando illinitum: Vel rhei grana pauca, cum saccharo et lacte materno commista, pro cathartico. Forte etiam lac maternum, quod primis diebus tenue et ferofum est,

et

et colostro caret, a provida fit natura, ut optimum ad foeces, per aliquot menses congestas et induratas, ex corpore eluendas; licet plurimae matronae id negligant, quia, uti dicunt, impurum est, et nutritioni ineptum.

Si a duntie retineatur, in hypogastrio sentitur quasi tumor durus: Tum convenit haustus ex fero lactis recentis cum melle, clyfma ex fero saponato, vel mellito; rhabarbarum hoc casu non convenit, quia intestinis vim infert constringentem, materiae tum durae expellendae improprium.

Si ex intestinorum siccitate fit, prosunt olea blandissima cum fyr. althaeae, tum ore hausta, tum clysmatis specie adhibita; et abdomen mane et vespere unguento alth. cum oleo amygd. vel oliv. inungatur; emolliunt etenim et lubricant. Cavendum interim ab aromaticis et adstringentibus: Nam quam pessime infantibus consulunt mulierculae, quae illis, modo in lucem editis, vinum rubellum, spiritum vini Gall. adustum, sem. anisi, carvi, et similia, ad flatus discutiendos, uti aiunt, exhibent.

Post meconium expulsum, absorbentia, ad acidum domandum, et exinde flatus praecavendos, propinanda, quae aequae debiliū dolores pro tempore demulcent, ac opio adulatorum dolores et vigiliae tolluntur. Hic etiam juscula animalium juniorum haud impropria sunt.

Opiata, eaque mitissima, nisi urgente necessitate, infantibus vix sunt admittenda; saepe enim per totam postea vitam eos fatuos mansisse, testantur scriptores. Si necessarium sit, fyr. diacodii aqua dilutus, et per vices exhibitus, sufficiet. Infantum vasa, quum tenerima

rima et quasi membranacea sint, cautissime exhibenda sunt stimulantia, praecipue volatilia, licet alias indicentur.

Icterus quandoque infantibus accidet, obstructio sciz. a mucosa vel glutinosa aliqua materia ductu communi cholydocho, qui facilem medelam capit, qualemunque saponaceam et leniter stimulantem.

III. Tam multis dirisque morbis a prava victus ratione patiuntur infantes, ut crederem, post debilia foetus stamina, pravatam tenelli nutritionem primum longaevitatis impedimentum: Lac etenim, instituto naturae infanti paratum atque exhibitum, ultimi pastus dum genium semper sequitur, a matronae epulis, vel nutricis victu viliori, tale quandoque erit quod vomituritiones, ventris tormina, febres, diarrhoeas, epilepsias, convulsiones per saepe profert, multasque necis inopinatae occasiones.

Post secundum tertiumve diem, matronae mammam nutricis vel maternam infanti proferunt, ut alimento a provida natura parato jam utatur: Si vegetus sit, papillam, simulac in ore collocatur, ilico, instigante natura, avide fugit; si vero debiliior, aut recitatorum malorum causae non cohibitae sint, papillam renuit, et lac omnino respuit, nec nisi improba cura mammae adducitur. Sed statim, et plerumque per totum lactationis tempus, plurimis exponitur malis, a triplice fonte exsurgentibus.

1. Si debilis sit infans, ingesta suam sequuntur indolem.

2. Si nutrix acido nimis laboret, vel alcaliscentium et spirituosorum usui nimis indulgeat.

3. Ob

3. Ob saepius repetitam lactationem, de quibus seorsum.

Si debilior sit infans, minor actio ventriculi, minorque bilis in lac efficacia, quae, licet copia magna fatis adsit, ex eo quod quo origini propius animal, eo grandiori hepate, aliarum partium respectu, gaudet. Sed quum ejus humores tam mites blandique sint, neque sal neque oleum acre (debita saltem copia) adsint, ad bilis confectionem apprimè necessaria; unde infantis bilis (uti adultioribus debilibus etiam accidit) vi saponacea et acidum corrigente minus pollet. Ponatur licet hinc infans sanus, sanis parentibus ortus: Nam crederem quibus parentes scorbutici fuere, aut labe venerea tincti, acriorem contingere bilem, tantaque acrimonia vitiatum aliquando sanguinem, ut erosa cuticula per vasa cutanea erumpere visus fuerit.

Experientia constat, si lac animalis vegetabili victu vefcentis loco tepido aliquamdiu fervetur, acefcit, in colostrum et serum tenue acidum convertitur, citius vero si radiis solaribus exponatur.

Sic quoque lac foemininum, quum ultimi pastus naturam retinet, quumque nutrices nunc solis acefcen-  
tibus ex vegetantibus paratis vefcuntur, nunc in aulis, praecipue magnatum, solis carnibus putrescentibus, lac utrinque praebent saepe tenello nocivum; deterius forte adhuc, si solis crudis tenacibus in gluten coeuntibus usa fuerit. Lac itaque, invento (in ventriculo debili) calore proprio, citius seriusve degenerat; unde plurima saevaue (tenellum torquentia, et ad tumulum saepe ducentia) producuntur mala.

Lac in ventriculo acefcere cognoscitur per foeces alvi virides, acidum spirantes, materiam vomitu rejectam



jectam acidam; et, nisi tempestive cicuretur malum, producit tormina, flatus, borborygmos, dolores iliacos, colicos, et plurima symptomata a meconio memorata, praecipue convulsiones.

Foeces virides acidum spirantes ex bile debili cum colostro acido admista proveniunt; tormina ex acore acido intestina sensilia pungente; flatus ab aëre in intestinis tardato, a lento muco inviscato, calore dein corporis magis magisque rarefacto, intra bina intestinorum claustra spasmodice contracta intercluso, quorum solutio nunc borborygmos nunc crepitus edit.

Horum malorum causa, si augeatur, ex nervorum consensu, sensorio communi impertitur, et, perturbato spirituum in musculos aequabili influxu, fiunt convulsiones. Febres ab irritato genere nervoso; et si ventriculum stimulet hicce acor fit vomitus, si intestina, ex tunica nervea stimolata, majorique sequente liquidi ferosi secretionem, fit diarrhoea.

Ad consilium Hippocraticum hic adnotandum, viz. quod diarrhoea infantum non adstringentibus aut narcoticis cohibenda, sed potius humores ferocientes cum pulveribus testaceis compescendi sunt, quibus in rudem pulverem reductis, ex recentiorum auctoritate addiderim rhabbari aliquot grana, redundantem pituitam ex corpore expulsura, ne, acidum in prima officina non offendens, terrestre politum cum phlegmate gluten indomabile constituat.

Patiuntur saepe infantes a nutrice, si, viz. debilis sit, vita utatur sedentaria, et acido in primis viis laboret, si acescentibus, aliquando ipsis acidis, vescatur: Tum lac infanti adeo acescens porrigit, ut fere acidum dixerim. Tale in ventriculo infantis, licet sani et robusti  
fatis,

fatis, cito acidum devenit, et memorata producit phaenomena.

Si contra nutrix alcaliscentibus opiparis vel potibus meracioribus nimis indulgeat, viz. carnibus praecipue volatiliis, jusculis glutinosis, et vino, vel ejus spiritui, ut principum et ditiorum nutricibus saepe accidit: Vel si synapios genere nimis utetur, peccare ut coguntur haud raro pauperes, in mala prioribus opposita incidunt infantes, nec absorbentibus terrestribus, sed acescentibus, sananda.

Peccantque nutrices, quae lactentibus mammam, vel ad clamores pacandos, vel ad eos saginandos, continuo porrigunt: Nam lac novum, priori non concocto, sed in ventriculo subacido facto, affunditur; unde cito grumescit, caseescit, vel in mucilaginem acidam, viscidam, et tenacem abit. Unde memorata mala, et pallor subviridescens, pustulae rubrae, icterus, et exinde excrementa alba, cineritia, tussis sicca, et saepe suffocativa, ab humorum acrimonia bronchia continuo irritante; quae nisi tollantur, pejora fiunt ventriculi, viz. erosiones, unde cardialgiae fere semper lethales, illius ex parte caseosa intestina obstipante, convulsiones, et tandem mors.

Quorum causa primaria videtur acre, imprimis acidum, quod simulac per signa in ventriculo praedominare cognoscitur, antacidis, saponaceis, et expurgantibus mala omnia sunt curanda: v. gr. absorbentibus terrestribus, saponem Veneto, sale alcal. aut felle bovino, tum rhabarbaro lacte intime commistis, vel cum aqua propria stillat. aut alia quavis methodo, tenello singulis horis, parva dosi propinatis, donec levantur symptomata.

tomata. Clysmata saponacea, biliosa, et leniter stimulantia plerumque conducunt.

Sed, quum infantes medicamenta per saepe respuant, ex nutricis regimine aliquando perficitur medela. Utatur itaque nutrix alcaliscentibus, et ab acescentibus quam maxime per aliquot dies abstineat, viz. pro victu carnibus maxime volatiliis, et pane biscocto, pro potu jusculis carniis et vino, pauxillo salis alcalini admisto, et majori exercitio, imo ipsi labori, se assuecat; tali enim methodo, ut prius notavi, lac ingestorum naturam retinens, acidum brevi domabit, praecipue praegresso cathartico, quod etiam e mamma sugere potest infans.

Si viz. nutrix mane vacuo stomacho capiat infusum forte, fennae, vel aliud quodcunque purgans, sed forma liquida, (emulso lacte nocturno), tum pannis aqua tepida madidis, attracto ad mammas hoc novo medicamento, quod si infans jejunos fugat parca simul copia, feliciter satis saepe inde purgabitur.

In exhibendis absorbentibus animadvertendum, ne subtiliter nimis laevigentur aut praecipitentur, ut faepissime suadetur; nam cum materia viscida, in ventriculo aut intestinis dum admiscuntur, in pastam tenacem, glutinosam, vix abluendam abeunt; et licet absit mucus, cum humoribus gastricis et intestinalibus crustam etiam efformant, quae ventriculi et intestinorum superficiei internae stricte accrescens, prostratum appetitum, insolita tormina, languorem, maciem, et demum mortem \*, producet.

E Si

\* Bonet. lib. 2. § 7. Obs. 139.

Si acido laborat nutrix, illo mutato, vel victus ratione, vel medicamentis acidi genio oppositis, sanabitur; si contra alcaliscentium vel spirituosorum abusu vitietur lac, per dietam priori oppositam, et cauta manu exhibitam, ad statum naturalem facile reducitur. Interim infanti leniter acefcentia ad nauseam compescendam, et febriculam forte excitatam pacandam, haud improprie exhibentur.

Si postremo mammam infanti frequenter nimis porrigendo peccaverit nutrix, et memorata exinde appareant phaenomena, hisce per antacida, saponacea, biliosa, et purgantia, tum per os, tum clysmatis forma, remotis; moneatur in posterum ne nutrix infantem nimis alendo eum interficiat \*.

Ad tusses et convulsiones pacandas haud inepte etiam applicantur epispastica ex semine sinap. radice raph. rust. cum sapone nigro, quae ex particulis suis alcaliscentibus sanguini admistis, et febre exinde excitata, acidum, malorum causam primariam, destruant: Quod si non effecerint, applicetur emplastrum ex cantharidibus.

IV. Dentitionis tempus adeo ambiguum est, ut periodum certam nemo statuere audeat: Visi fuerunt qui recens nati dentem unum aut alterum, † aliquando plures exhibuerunt; vulgo tamen quatuor, 5, vel 6, mensibus a nativitate elapsis, dentes ordinario incipiunt erumpere, primo incisores, deinde canini, et postremo molares.

Harris,

\* Bonet. lib. 3. § 8. Obs. 22.

† Senert. lib. 4. part. 2. cap. 14. Plin. hist. nat. lib. 7. cap. 16.

Harris, auctor Anglus, dentitionis tempus duplex adnotavit, unum quo ex osse maxillari primum emergere nititur, quo gingivae pars externa et superior (absque aliquo ejus tumore) albido quodam circulo circumscribi ut plurimum solet; alterum quo dens, mole jam auctior, gingivam tumidam reddit, atque eam perrumpere omni vi conatur; atque hoc solum postremo casu quandoque licet gingivas incidere.

Erupturos dentes concomitantur infantis inquietudines, capitis gravedo, in ore pruritus, salivatio, febricula, fitis, gingivarum inflammatio, vesiculae, insomnia, vomitus, diarrhoea, aliquando alvus adstricta, et nutrix papillam fortius stringi quam antea sentit\*, oculi saepe lacrimantur, tum facies squalida, narium fluxus; quibus saevientibus, nisi debita adhibeatur cura, pejora sequuntur; vomitum, diarrhoea viridis, convulsiones, tandem epilepsia, vera in initio, vix paroxysmis periodicis circumscripta, sed quandoque ex improvise occupat paroxysmus, os oculosque distorquens, nigredine vultum perfundens, et artus varios convellens, quandoque praesentitur ex digitorum in pugnum contractione, et ex stabili et insolita oculorum immobilitate, nunc ferius nunc ocus se proripiunt paroxysmi, certa subinde periodo, vario alias insultu revertentes; sed apparente morte a tergo se invicem premunt: Si quando inducias dent, in soporem proclives sunt infantes, donec novo resuscitentur insultu; tandem grata morte decumbunt.

Quum ramus primus quinti nervorum paris, (ramulo ad nervi intercostalis confectionem demisso) impenditur

\* Senert. lib. 4. part. 2. cap. 14.



ditur in glandulam lachrimalem, membranas et oculi palpebras, et ramus notabilis membranae narium etiam demittitur; et cum ramus secundus ejusdem paris, ramulos demittat dentibus maxillae superioris, musculo orbiculari palpebrarum, naso et labio superiori, haud difficilis est intellectus diarrhoeae, oculorum immobilium et lachrimantium, palpebrarum tumidarum, narium fluxus, faciei squalidae et saepe convulsionibus distortae: Neque salivationis, muscutorum faciei spasmodyce contractorum, et parotidum tumidarum, cum ramus tertius ejusdem paris dentibus maxillae inferioris, musculo crotaphiti, masseteri, buccinatori, et reliquis maxillae inferioris, etiam glandulae parotidi, sublinguali, et maxillari inserviat. Tussis a stimulo per nervum intercostalem pari vago communicato, unde pulmo suos obtinet. Vomitus ex nervorum consensu, vel ex saliva in ventriculum delapsa, ubi acrior devenit, praecipue si infans cibum renuat; alvus etiam ex partibus tenuioribus et lubricantibus febris vi dissipatis, utriusque bilis et succi pancreatici perturbata secretionem et admistione, et spiritibus minori forte copia ad intestina delatis, adstricta manet. Reliqua sponte patent.

Et quum in medicina vel parum versato facile constet, quam cito inflammationes, febres, gangraenae, convulsiones, et insultus epileptici, ex nervis punctis aut dilaceratis, ipsis etiam adultis accidunt; quanto igitur citius infantibus, quibus nervi numerosiores, mobiliiores, et vasa omnigena (quam hisce) copiosiora extant; horum itaque symptomatum fere omnia, a genere nervoso irritato derivantur.

Omnia vero haec mala graviora vel mitiora erunt, secundum infantis temperiem, et quo plus minusve genus nervosum mobile fuerit. Quo magis, viz. athleticus

thleticus et euchymus sit infans, nisi intercedat V. S. eo saeviora metuenda symptomata, et vice versa; nisi prae ejus debilitate malorum decursum intercipiat mors.

Si ex signis praegressis dentes erupturi praevideantur, et cum bene cognoscatur quod phaenomena durabunt vel cessabunt, quo citius tardiusve membrana dentis et gingivae perforatur; haec itaque primo indicantur, quae naturam ad faciliorem dentium eruptionem adjuvant. Cui satisfaciunt emollientia et refrigerantia gingivis applicata, quae membranas nerveas in faciliorem distentionem et perforationem disponunt.

Foveantur ergo continuo mistura ex aqua florum sambuci, infusione althaeae aut meliloti, cum nitro, syr. de alth. aut violarum parata. Vel cremore lactis vitello ovi, et spiritu aether. terebinth. commistis; vel illinantur gingivae pulticula ex emollientibus composita, addito croci pauxillo, quibus emollitae gingivae inflammationi magis resistunt.

Plurima novi inter scriptores passim inveniuntur huic usui decantata, uti cerebrum leporinum, &c. sed huic scopo feliciter aequae prospiciunt memorata.

Si mammam respuant, quod prae gingivarum dolore saepe accidit, emulsiones nitratae magis minusve cardiacae ad aegri temperiem propinentur, quas (gingivis exinde refrigeratis) avide deglutiunt, profunt quoque ad sitim febrilem compescendam.

Cum infantes, benigna instigante natura, quaecunque oblata ori tunc temporis inducant, iisque gingivas fricent; unde promovetur dentis eruptio: Hinc  
specificum

specificum habebatur dens lupi, a Sylvio de la Boe, quia ex sale ejus volatili penetrantissimo credidit gingivarum perforationem maxime promoveri, quod interim sal, uti ex chemicis constat, non nisi magna ignis tortura educitur; et prodest aequè corpus quodcunque durum, politum, ut corallium, quatenus ex attritu tenuiores redditae membranae, dentibus emittendis aptiores evadunt.

Si haec non juvant, sed symptomata magis urgeant, gingiva, parte, qua erupturus est dens, (quae ex inflammatione aut vesicula facile cognoscitur) juxta ejus longitudinem, lanceola, sed perita manu, est incidenda, remedium quidem praestantissimum quod plerumque sanat, licet timidæ matri horrendum videatur. Sectione peracta, emollientibus, flore lactis, vel melle rosato, aliquando spiritu vini illinatur pars.

Dentitionis tempore diarrhoea saepe accidit \*, ut olim observabat Hippocrates, quae benigna quidem est, nisi nimia duratione ejus subducantur vires, ut alibi dicit †. Quibus, dum dentes erumpunt, alvus crebrius demittitur, minus convulsionibus tentantur, quam quibus sic alvus raro subducitur. Et Celsus, dentientium mala enumerans, ait ‡, *Quae periculi plerisque plena sunt, et quibus maxime venter est astrictus*. Nam foeces intestinis detentae acredinem concipiunt, et tunicam nerveam vellicando convulsiones et plurima mala producant: Vel quantitate et pondere nocent, quae clysmate facile intercipiuntur. Si urgeat diarrhoea, rhabarbaro aut diascordio lacte soluto sistatur.

Con-

\* Hipp. §. 3. aph. 25.

† Hipp. de dentitione.

‡ Cels. lib. 2. cap. 1.

Convulsiones infantum, si a parentibus vel corporis vitio pendeant, ad me non pertinent; si a dentiendi dolore tundatur vena, et nuchæ applicetur epispasticum, additis demulcentibus, opiatis, nervinis.

Plurima extant medicamenta antiepileptica; sed quum a nervis dentitione dilaceratis, intestinis humore aliquo acri irritatis, aut vermibus punctis, infantibus accidat, hisce semper prospiciendum, uti etiam dentitionis tempore absorbentia per foeces virides saepe indicantur.

Convulsionibus epilepticis guttae Goddarti multum profunt, siue spiritus C. C. cui admistum oleum animalis empyreumaticum per retortam, ad guttas, viz. tres vel quatuor, syrupo kermisino vel aliquo idoneo exhibitus, prodest; quatenus nervos aequabiliter suscitât, et, si in primis viis acidum offendat, idem corrigit.

V. Infantes aetate provectiores, et ablactationis tempore propinquante, alimenta cruda, eaque saepe frigida, panes, viz. carnes, fructus, caseum, saccharum, et similia, comedere incipiunt; unde vermibus haud raro vexantur.

Recentioribus clare constat, vermes in recenter natis non deprehendi, licet veteribus vermes ex pituita intestinali, lenta, viscida, et putrescente, et calore fota, generari credebantur\*.

Gignuntur autem hi vermes ab ovis insectorum, muscarum, &c. quae vel cum cibis vel aëre forte deglutita sunt; nec viscerum debiliû actione destructa

aut

\* Vid. lib. 9. cap. 27. Hipp. lib. 4. § 5. Fernel. lib. 6. cap. 10.

aut exclusa, sed pituita lenta intestinali, et forte gastrica (quasi proprio nido) fota et nutrita excluduntur vermes, qui incrementum capiunt, pluresque pariunt. Unde concludendum est, lumbricos nunquam in utero materno generari, et rarissime, si unquam, in infantibus solo lacte ex mamma utentibus deprehendi.

Vomitu rejiciuntur saepe, et in ventriculo inveniuntur, atque ibi haerentes nerveam ejus substantiam mordicantes insultus epilepticos, quandoque lethales, producant: Sed an quidem ibi generentur, dubitandum.

Lites exstiterunt inter auctores nonnullae, de variis vermium classibus, et diversis unicuique imponendis nominibus: Sed quum hujus loci est de vermibus infantum agere, solos teretes ponimus.

Disponunt ad vermes generandos corporis debilitas, cachexia pituitosa, inertia bilis, assumpta dulcia, et quaecunque insectorum ova continent ingesta.

Signa praesentium in corpore sunt, nausea, vomitus, singultus, diarrhoea, et aliquando alvus astricta, ructus, flatus, borborygmus, febricula, sitis, ventris tormina, praecipue jejunis, in somno pavor et stridor dentium, salivatio, narium pruritus, tussis saepe sicca; nimius saepe etiam adest appetitus, qui interdum plane dejicitur; urina plerumque perturbata est et alba; saepe praeter morem solitum, pronam positionem jacendi cupit infans; linguam aliquando exserit, et masticare videtur. Vermibus vero magnitudine et copia auctis, saeva et mirabilia producuntur phaenomena, uti pulsus vermicans, internum penitus intermittens, facies squalida, ejusque alternatim rubor et pallor; oculi concavi, circa quos interdum insueti splendores obser-



observantur; sudor frigidus saepe adest, suspirium, animi deliquium, nervorum distensio, epilepsia, cataphora, mentis hebetudo, oblivio, delirium, inquietudo horrida, expurgiscentia, concussio per somnum, fames canina, febres fatis pravae, et ex colluvie circa vermes putrescente foetor, marasmus, intestinorum perforatio; quibusdam clamor subitus, quem iterum excipit ex repente altum silentium. Aliquando adest lethargi species; nunc ventris distensio, qui pulsatus tympani more resonat, nunc penitus supprimitur, plerumque plus aequo fluit, et excrementa sterqus bubulum referunt; tum corrupta multa excernuntur. Quorum plurima intelliguntur ex nervis ventriculi aut intestinorum irritatis, qui ex pari vago vel nervo intercostali quum sint, stimulum ad oculos, nares, faciem, pulmones, et cor facile communicant.

Ad curationem quod spectat, sunt vermes enecandi, cum proprio nido e corpore eliminandi, et morbo-sae infantis diathesi prospiciendum.

Solvitur saburra saponaceis nativis vel arte paratis, uti gum. saponaceis, myrrha, galb. sagap. opopan. assa foetida, felle bovino, sapone Veneto, salibus alcalicis fixis, praecipue methodo Tacheniana paratis.

Necantur vermes medicamentis hisce indigestibilibus, salinis, viz. amaris, aromaticis, mercurialibus, et metallis ipsis, uti C. C. C. corallio, corallina marina, sale gem. nitri, Glaub. femine fanton. herba ruta, absynth. tanaceto, abrot. cent. min. Aethiope min. merc. dul. ppt. vitriolo Martis, ente Veneris, tartaro vitriolato, limat. chalybis, et praecipue stanni, melle et mellitis.

F

Expel-

Expelluntur per purgantia phlegmagoga, amara; uti sunt agaricus, colocynth. diagridium, rad. jallap. ejusque refina, aloe, mercurialibus admistis, ex quibus variae concinnari possunt formulae, ad aegri temperiem.

Profunt etiam decocta amara cum catharticis amaris per anum injecta, et suppositoria ex melle ad spissitudinem cocta, cum aloe, vitriolo Martis aut similibus parata, et post alvum depositam intrusa.

Conducit etiam abdominis, balsamicis fortissimis cum purgantibus, inunctio; ut unguento nervino, ex arthanita, vel formula ex felle taurino, aloe, castorio, myrrha, cum oleo quovis decocto amaro, cavendo semper ne horum usu nimium prosternantur vires.

Accedunt alii morbi huic aetati vulgo adscripti; sed vel communes sunt, vel a causa externa ortum ducunt: Quemadmodum sunt aphthae, varia exanthemata, ichoris transfusio pone aures, ad axillas, et inguina, varia mala a compressione cerebri, et varia tum a parentibus tum a nutricibus communicata: Quae tractare, tum extra nostrum propositum esset, tum hujus dissertationis debitos limites excederet.

F I N I S.

C

DISSERTATIO PHYSIOLOGICO-MEDICA  
I N A U G U R A L I S,  
D E  
S E C R E T I O N E B I L I S.

Q U A M,  
ANNUENTE DEO TER OPT. MAX.  
Ex Auctoritate Amplissimi SENATUS ACADEMICI,  
Et nobilissimæ FACULTATIS MEDICÆ decreto,  
P R O G R A D U D O C T O R A T U S,  
SUMMISQUE IN MEDICINA HONORIBUS ET PRIVILEGIIS  
RITE AC LEGITIME CONSEQUENDIS;

Eruditorum examini subjicit

G E O R G I U S G R I E V E,  
S C O T O - B R I T A N N U S, A. & R.

Ad diem 10. Junii, in Bibliotheca Academiae Edinbur-  
genfis, Hora 10. *ante Merid.*

E D I N B U R G I:

---

M,DCC,XXXI,

THE UNIVERSITY OF CHICAGO  
LIBRARY

3016-14017-1510

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

1910-1911

Amplissimo, ornatissimo, spectatissimo Domino,

D. ALEXANDRO MURRAY

DE BLACKBARONIE,

Equiti Baronetto;

Viro, quum ob natalium splendorem,

Tum ob proprias fibique congenitas virtutes,

Ingenii solertiam,

Morum elegantiam,

Insignesque alias animi dotes,

Admodum conspicuo :

Differtationem hanc Physiologico-Medicam,

Summo eo quo par est obsequio et veneratione,

D. D. C. Q.

GEORGIUS GRIEVE.





# DISSERTATIO PHYSIOLOGICO-MEDICA

## I N A U G U R A L I S,

D E

### SECRETIONE BILIS.

§ 1. **A**D Bilis secretionem perficiendam cum varia conspirent viscera et vasa, singulorum officium summa qua possum brevitate exponere, atque amplam hanc materiam intra arctos dissertationis inauguralis limites contrahere conabor: Si autem, dum brevitati studeo, minus perspicuus evadat sermo, aut si praetermissa sint quaedam argumento illustrando vel ornando inservientia, ignoscent, spero, aequi iudices: Norunt quippe hi tum propositi nostri rationem, tum operis difficultatem.

§ 2. Hepar, sive jecur, organum praecipuum bilis secretioni inserviens, sua mole totum fere dextrum hypochondrium replet; supra dextram ventriculi partem, quandoque ad splenem usque extenditur, atque sensim angustius et tenuius, ne ventriculum nimis  
pre-

premat, evadit; duplici membrana involvitur, extima a peritoneo mutuata, altera propria; partibus vicinis per varia ligamenta connectitur, potissimum diaphragmati, per membranaceum latum atque validum, suspensorium dictum, quod \* substantiam hepatis, ingressum fibras suas vaginae five involucris venae portarum, inferius exponendi, fibris jungit. Versus dextram substantia hepatis per amplam satis superficiem septo transverso arctissime accrescit; venae umbilicalis ope in ligamentum versae, umbilico, mediante peritoneo cartilagini ensiformi annectitur; atque hisce vinculis hepatis moles sustinetur, ejusque debitus situs conservatur. Quod ad hepatis figuram, colorem, magnitudinem, et similia, attinet, haec, utpote quae ad visceris officium intelligendum parum conducunt, consulto omittam, ad vasa hepatis describenda properans.

§ 3. Exigit ordo, ut primo loco exponantur vasa quae liquores mutandos in hepar advehunt, quorum maxime notabile est amplius ille canalis vel sinus, ex plurimis et magnis venis coeuntibus factus, qui nomine venae portarum vulgo insignitur. Inter venas quae sinum hunc constituunt eminet splenica, quae cum totum sanguinem a liene acceptum sine partis cujusvis dispendio hepati tradat, videndum quidnam in liene patiatur sanguis; ideoque paucis exponenda est hujus visceris fabrica.

§ 4. Lien, five splen, in sinistro hypochondrio e regione hepatis, a diaphragmate pendulus, reni sinistro,

\* Glisson. hepatis anatomia, cap. II. p. 59.

Stro, ventriculo atque omento annexus, situs est; sanguinem accipit purum, cordis et pulmonis vim modo passum, per arteriam a sinistro coeliacae ramo oriundam; quae lienis substantiam ingressa, mox finditur in ramos innumerabiles per totam ejus molem distributos; quorum alii in cellulas inter se et cum vena splenica communicantes, alii in corpuscula quaedam globosa, glandulas simplices omni nota referentes, terminantur.

Structuram lienis cellulosam, ut et glandulosam, strenue oppugnat † Ruyschius. Primam autem clarissime demonstravit celeberrimus Dominus Monro, Anatomes in hac Academia Professor dignissimus: De posteriore quid censendum sit, videbimus infra in hepatis structura indaganda.

§ 5. Ingens autem nervorum numerus huic visceri impenfus, cujus nec motus nec sensus manifestus est, non leve praebet indicium, liquidum subtilissimum, nervosum, haud exigua copia sanguini hic loci misceri.

§ 6. Hinc lienis actio videtur esse, 1. Lympham tenuem in glandulis secernere, quae per ductus peculiare in venas et cellulas defertur ad sanguinem ibi diluendum. 2. Respirationis vi sanguinem in cellulis remoratum comminuere, attenuare, secreta omnia iterum confundere, conquassare. 3. Liquidum nervosum addere, sicque sanguinem, qui tenuissima hepatis vascula subeat, idoneum reddere.

Grin. 1712. 10. 1. 1. Haec

† Thef. Anatom. 7. p. 37. et alibi.

Haec omnia firmat sanguinis ex vena splenica educ-  
ti singularis indoles, qui, observante † Bohnio, tenuis,  
solutus, purpureus, ruber, non facile concrefcens, in  
ferum et glebam sciffilem vix secedens,prehenditur:  
Sanguis in liene sic praeparatus venae magnae spleni-  
cae committitur, ut per ejus ductum in venam porta-  
rum, atque inde in jecur fluat.

§ 7. Epiploicae dein venae adportarum venam for-  
mandam concurrunt, quae sanguinem ab omento re-  
ducunt, hoc viscus a caeliacis et mesentericis arterias  
accipit; quae in plexus reticulares et in venas simili-  
ter dispositas abeuntes, per canales laterales intra cel-  
lularem hujus visceris substantiam multum subtilis  
olei deponunt: Quod ibi accumulatum, retentum,  
fotum, agitatum, per motum perpetuum partium vici-  
narum tenuius mobiliusque redditum, in venularum  
ostia se insinuat, per ramum splenicum et mesenteri-  
cum in hepar deferendum. Quem oleo omenti affig-  
navimus tramitem, ad oculum demonstravit ‡ Malpi-  
ghius, qui in ranis et pennatis, pressis vesiculis oleosis,  
olei guttulas in vena portarum observavit. Quemad-  
modum itaque lienis sanguis, lympa et spiritibus di-  
ves, sic et omenti oleo subtili scatens ad hepar defer-  
tur.

§ 8. Proximae sunt venae sanguinem a mesenterio  
et toto intestinorum tractu advehentes; quae in unum  
truncum coeuntes, cum ramo splenico junctae, mag-  
num venae portarum alveum constituunt.

§ 9.

† Circul. Anatom. p. 294.

‡ De omento, p. 42.



§ 9. Sanguis hicce, ab intestinis redux, humoribus quidem per intestinorum glandulas et vasa exhalantia spoliatur; sed loco hujus, chyli pars subtilissima, et forte etiam ipsius bilis, munere suo in intestinis jam functae, portio tenuissima, venis bibulis absorpta, in venas meseraicas recipitur; ut argumenta sequentia probant:

1. Harum venarum numerus et capacitas, hic triplo major ratione arteriarum, quam in alia quavis corporis parte. 2. Harum fabrica singularis; intestinum quippe annulorum instar cingunt, ex quibus annulis ramos vasis sanguiferis minores emittunt. 3. Anatome comparativa, in pennatis lactea non reperiens; quorum itaque omnis chylus in venas meseraicas recipi debet. 4. Harum venarum peculiaris decursus, qui non in venam cavam, sed ad hepar arteriae in modum tendit. 5. Liquores ad multas saepe libras intra paucas horas hausti, quorum tanta copia tam brevi spatio per solas lacteas transire nequit, neque per alvum excerni observatur. 6. Bilii experimentum, qui in cane vivo, ligatis arteriis meseraicis, post paucas horas venas fucoco quodam subobscuris, cineritis, et sapore singulari praeditis, turgidas invenit. 7. Denique constans observatio, quod ubicunque arteriae exhalantes reperiuntur, ibi venae absorbentes adsint. 8. Sed rem extra omne dubium ponit Reverhorstii \* experimentum; qui flatum ope tubuli in venam meseraicam immissum ad intestinum pergere, illudque distendere vidit.

§ 10.

\* De motu bilis circul. p. 37.

§ 10. In ventriculo idem obtinere docent eadem fere argumenta, ut et subita virium ab ingestis refectio.

Praeter venas hactenus memoratas, sunt et aliae a ventriculo sanguinem revehentes, quae hunc canalem adaugent: Scilicet venae breves, et gastrica major, quae suum sanguinem in ramum splenicum infundunt; pylorica, quae in ipsum truncum venae portarum se exonerat, aliique ramuli quamplurimi, qui cum ramis ab omento juncti gastro-epiploicam dextram et sinistram constituunt: Haec in ramum splenicum, illa juxta splenici et mesenterici concursum terminatur, et venula quae sanguinem, persucto suo munere in pancreate, adfert.

§ 11. Ex dictis intelligi potest indoles illius sanguinis qui ex variis locis in sinum venae portarum concurrat. Sanguis enim a ventriculo et intestinis redux, subtili absorpto liquido, dilutus et fluidus redditur. Sanguis lienis vim passus, actione hujus visceris jam breviter exposita, et spirituum animalium forte admistione, fluidissimus fit. Sanguis per venas epiploicas ab omento adductus, subtili oleo rancescente scatet. Omnis hiece sanguis, a diversis plagis proveniens, in magno venae portarum alveo, vi alterna respirationis confunditur, conquassatur, idoneus ex quo bilis liquidum, amarum, saponaceum, resolvens fecernatur, redditur.

§. 12. Vena autem portarum sic constituta, oblique sursum et dextrorsum tendens †, binas alias venulas

† Vesal. de corpus human. fabrica, lib. 3. c. 5.

a vesica fellea accipiens, partem hepatis concavam, prope ejus centrum, inter tubercula a Galeno πύλας dictas, ingreditur; a quibus portarum vena dicitur. Ea hepar ingressa statim venae naturam deponit, atque tunica firma fibrosa sibi adscita, (capsula communi, quia porum biliarium etiam complectitur, a Glissonio dicta), spatium circiter semipollicare emensa, partim dextrorsum, partim sinistrorsum fertur, sicque finum transversum format. Ex hoc sinu egrediuntur quinque rami, quorum quatuor per concavam hepatis partem disperguntur, quintus autem versus gibbam ejus partem recto tramite fertur, atque huic prospicit.

§ 13. Hinc iterum patet hujus vasis cum arteria convenientia; quia sanguis ex trunco in ramos in illo vehitur, non ex ramis in truncum, ut in venis accidit. Pulsu quidem caret, sed alterna respirationis actio huic quid analogum praestat.

§ 14. Ex arteriae dein coeliacae ramo dextro arteria notabilis oritur, quae hepati impenditur: Hanc \* Drelincurtius, quem secutus est doctissimus Boerhaavius, splenica decuplo minorem statuit; sed re probe examinata arteriae hae capacitate parum discrepareprehenduntur. Arteria haecce hepar juxta πύλας ingressa, in capsulam communem se insinuans, eadem ratione ac vena portarum per totum hepatis molem distribuitur; ita tamen ut maxima ejus pars tunicis venae portarum impendatur †. Praeter hanc arteriam, ramos aliquot ex phrenica, una cum ligamento suspensorio

\* Drelincurt. de lienosis, p. 10.

† Glisson. de hepate, c. 29.

suspenforio descendentes, et exiles furculos ab ipsis \* cysticis, nonnunquam, licet raro, ramum notabilem a † meseraica superiore hepar accipit.

§ 15. Truncus autem venae cavae in magnam foveam in postica hepatis parte excavatam insinuatus, tres amplios ramos pluresque minores hepati porrigit: Observavit autem Ruyschius ramos hosce ramis venae portarum et numero et capacitate cedere.

Rami hi in minores minoresque divisi, per totam hepatis molem dispersi, ramos venae portarum pluribus in locis decussant, et tam arcte iis adhaerent, ut unus ab alio sine laceratione divelli vix possit, et aliquando rami unius in ramos alterius extremis finibus terminari videntur. Hujus rei aspectus, fallaci Anastomoseon specie, Spigelio, Bauhino, Bartholino, aliisque imposuit, donec ‡ Glissonii industria contrarium docuit.

§ 16. Sed postquam ars injectoria celeberrimo Ruyschio innotuit, demonstravit ille quod fines harum venarum per totum hepar dispersi, in summam subtilitatem diducti, sibi invicem juncti, in mollem, pulposam, gossipii instar tenuem, fasciculatim dispositam materiem abeant, atque sic globulos distinctos constituent, ex quibus maxima hepatis pars, quae parenchyma antiquis audit, conflatur.

Hos globulos Malpighius || microscopiis diligentissime perlustrans glandulas simplices esse statuit, quarum

\* Ruysch. thes. 10, p. 53.

† Palsin, Anat. chirurg. p. 135.

‡ De hepat. c. 33.

|| De hepat. c. 3.

rum plurimae adunatae lobulos constituunt, et hisce unitis lobi majores fiunt, unde totum hepar glandulam conglomeratam vocat. Glandula autem simplex constat ex folliculo membranaceo [cavo, circa cujus ambitum ubique disponuntur vasorum arteriosorum fines, in venas jamjam abituri, ex quibus emergunt canaliculi vasis sanguiferis longe exiliores, qui liquorem singularem a sanguine secretum in sacculum vel folliculum glandulae, inde per ductum ejus excretorium auferendum deponunt, dum sanguis a secretione superstes venis nascentibus committitur. Ruyschius tamen hujusmodi folliculos aut in hepate, aut in alia quavis corporis parte, dari strenue negat.

§ 17. Anatomicus ille subtilissimus, in thesauris suis anatomicis, variis exemplis ostendit, quod injecta in venam portarum, sua materie ceracea, subtili, quae usque in ramos venae cavae penetraverat, nulli appareant folliculi membranacei, sed vasculorum tantum congeries in summam subtilitatem diductorum. Hepar, lienem, et alias etiam glandulas, vasis prius exquisitissime repletis, in aqua diu maceravit, et conquassando vascula tenuia a se mutuo separavit; tumque canaliculorum fines instar penicilli explicati apparentes nullam folliculi notam exhibuerunt. Sic credidit Ruyschius se doctrinam Malpighianam de glandulis penitus profligasse.

§ 18. His autem respondent Malpighianae sententiae† fautores, quod materies ceracea Ruyschii, utut subtilis,

† Vid. Boerhaav. epistolam ad Ruysch. de glandulis.



subtilis, per canales tam angustos in folliculos penetrare non possit; sed vasa sanguifera dilatando glandulosos acinos comprimat atque evanescere cogat; in aqua partes omnes materie ceracea balsamica non repletæ, corruptæ decidunt: Ideoque vascula non prius a se invicem separari incipiunt quam sacculi membranacei in aqua soluti dispareant.

§ 19. Malpighius \* autem omnia quæ ad glandulæ veram structuram eruendam spectant solícite perpendens, de glandularum existentia in multorum animalium jecinoribus, et in aliis etiam corporis partibus, ex anatome comparativa, certior factus; et in morbidorum jecinoribus post mortem dissectis sacculos, humore repletos, nunc majores, nunc minores, pro augmento mali inveniens, hepar humanum ex talibus acinulis componi non temere conclusit.

§ 20. Observatio † Harvaei, quod hepar in embryonibus ex distinctis vesiculis componatur, ad doctrinam Malpighianam confirmandam plurimum confert. Sed rem extra omne dubium ponere videtur observatio domini ‡ Littræ, qui in homine bene constituto, qui nullo vel levissimo morbo laborasse videbatur, ex vulnere mortuo, folliculos glandulosos in hepate clare et distincte se vidisse perhibet; atque || idem folliculos, in renibus foetus novem mensium, inter pariendum mortui, cujus ureteres impervii fuerunt, visos, una cum vasis et ductibus excretoriis descripsit et delineavit.

\* De hepat. c. 3.

† Lib. de generation. animal.

‡ Memoir. de l'academ. royale des sciences pour l'année 1761. p. 51.

|| Ibid. 1705.

vit. Talpa, ateroma, meliceris, atque hydatides ex hac doctrina intelliguntur, eandemque confirmant.

§ 21. Ex corpusculis jam descriptis ortum ducunt exiles admodum et visum fugientes canaliculi, quorum plures sensim juncti, venarum modo, canales majores constituunt, qui pori biliarii dici solent: Hi omnes venae portarum divaricationes individue comitantur, atque in eadem cum illa vagina, quae inde a Glissonio capsula communis appellatur, includuntur.

§ 22. Tandem rami majores ad finem venae portarum in unum truncum coeuntes, canalem insignem constituunt, in quo continetur liquor flavescens, amarus, saponaceus, resolventissimus, bilis hepatica dicta. Canalis hicce in suo versus intestinum duodenum itinere, ductui cystico, qui bilem spissiore huius infundit, occurrit.

§ 23. *Κυστίς* autem *Χοληδοχος*, vel vesica fellea, est faccus ovalis figurae, concavae hepatis faciei in fovea oblonga ibi insculpta adhaerescens, in adultis gallinae ovum magnitudine fere aequans, ventriculo et intestino colo, quae colore flavo plerumque tingit, incumbens. Vesica haec ex tribus tunicis conflatur; quarum exterior cum ipso hepate communis est, media fibris muscularibus ordine incerto semet intercussantibus constant: Intima rugosa est, multisque foliis instar favi apum inaequalis; contra bilis acrimoniam crusta mucosa munitur, parvisque glandulis, eis quae in membrana meatus auditorii externi reperiuntur  
H simillimis,

simillimis, obfidetur. Vesica fellea arterias a dextro coeliacae ramo, ejus tunicas suis reptatibus egregie exornantes, cysticas, gemellas dictas, accipit: Ejus fundus paululum latior est, in situ erecto inferius pendens; ex quo oblique sursum ascendens strictior sensim facta definit tandem in canalem angustum, cujus initium annulus fibrosus quasi sphincter cingit, ductum cysticum appellatum. Canalis hujus collum, ut primus, quantum novi, observavit Reverhorstius \*, tortuosum est, et eminentias, valvulas mentientes, producit; paululum autem progressus rectilineus fit, et acuto versus hepar angulo ductui hepatico junctus, hi duo canales ductum communem choledochum constituunt. Ductus hicce, posticam intestini duodeni partem petens, cum ductu pancreatico plerumque unitus, intestini tunicam exteriorem penetrans, inter eam et secundam ad duodecimam circiter unciae partem decurrit; tum hanc quoque perforans, inter illam et tertiam semunciali fere longitudine proserpens; tandem hiatu rotundo, angusto, in papillam elevato, in intestini cavum aperitur.

§ 24. Insectio talis et adaptatio fistulae ductui communi, cujus ope notabilis bilis quantitas colligitur (ut alia argumenta praeteream) docent quam clarissime, bilem ex hepate in intestinum fluere; nihil autem ex hoc in illum.

§ 25. Praeter canales haecenus descriptos, sunt et alii inter hepar et vesicam felleam intermedii, radices vesicae felleae vulgo dicti: Horum unum memorat

Glif-

\* De motu bilis circul. p. 23.

Glissonius \*, papillula quadam prominente in vesicam hiantem.

Verheyenus † tres vel quatuor hujusmodi canales ex hepate bovino descripsit et delineavit: Unum tantum in jecinore humano vidit.

Horum plurimos in hepate etiam bovino vesicae, tunicas obliquo tractu penetrantes, in homine et cane tres vel quatuor, ‡ Bohnius se vidisse affirmat.

Docet || idem, quod aqua tepida, in porum biliarium vitulinum injecta, vesicam distendat: Quod flatus per ductum cysticum in vesicam immixtus diversos hepatis tractus distendat, et tandem per porum hepaticum erumpat: Quod in humano etiam hepate, compresso folliculo fellis, intumescat porus hepaticus: Ex quibus experimentis liquet, liberum esse commercium inter hepar et vesicam felleam, inter hanc et porum hepaticum ope horum canalium. Eorum autem in vesicam insertio, et ductus cystici cum poro biliario unio, bilis portionem, lege naturae, per eosdem canales vesicam ingredi, per ductum cysticum in communem, indeque in intestinum deferendum, docent.

§ 26. Bilis vesicaria amarescit magis, profundius flavescit, spissiorque est quam bilis hepatica; quas doctes in ipsa vesica ibi stagnando, liquorisque per vesicae glandulas admistione, acquirere videtur.

§ 27. Ex jam dictis patet, ni fallor, bilem hepaticam in intestinum, quamdiu animal sanum perstat, continuo infundi: Chylus enim vix unquam tanta copia

\* Hepat. Anatom. p. 63.

† Tract. de hepat.

‡ Circul. Anatom. p. 271.

|| Ibid.

copia simul per pylorum exire posse videtur, ut hujus influxum impediat.

Patet etiam bilem cysticam certis tantum temporibus exprimi: Cum nempe vesica bile turget, aut bilis ibi diu stagnans acrior facta, ejus tunicam muscularem in contractionem stimulat, aut cum ventriculus cibo distentus vesicam comprimit.

§ 28. Indoles singularis humoris in hepate secreti; ejus sapor amarus, et saponacea natura, ea, quae sanguini in vena portarum contento accidunt, dum per ventriculum, lienem, intestina, pancreas, et omentum transit, fabrica venae portarum, ejus cum vena cava conjunctio; commercium inter has venas et porum biliarium, nervorum hic loci qui venae portarum tractum sequuntur distributio, arteriarum hepaticarum exilitas, earumque distributio, probare videntur, bilem ex solo venae portarum sanguine, in glandulis supra descriptis secerni, per porum biliarium et radices vesicae felleae ex hepate deferri; dum sanguis a secretione superstes per ramos venae cavae in cor iterum redit; arteriam autem hepaticam pro nutritione, calore, propulsu humorum in hepate inservire.

Contendunt nonnulli, quod sanguis arteriarum hepaticarum, munere suo in jecore perfunctus, non in venam cavam, sed in venam azygon, per alias venas deferatur; sed nescio an quisquam hasce venas adhucdum demonstraverit: D. Douglassius eas quidem memorat, in tractatulo de peritoneo nuper edito; sed, de methodo qua ad illas detegendas usus sit, fileat.

F I N I S.



C

DISSERTATIO MEDICA  
INAUGURALIS,  
DE  
TABE PURULENTA,  
QUAM,

ANNUENTE DEO TER OPT. MAX.

Ex Auctoritate Amplissimi SENATUS ACADEMICI,  
Et nobilissimae FACULTATIS MEDICÆ decreto,  
PRO GRADU DOCTORATUS,  
SUMMISQUE IN MEDICINA HONORIBUS ET PRIVILEGIIS  
RITE AC LEGITIME CONSEQUENDIS;

Eruditorum examini subjicit

JOANNES ARMSTRONG,  
SCOTO-BRITANNUS, A. & R.

Ad diem 4. Februarii, in Bibliotheca Academiae Edinbur-  
genfis, Hora 3. *post Merid.*

EDINBURGI:

---

M,DCC,XXXII,



Claro atque eleganti Viro,

H A N S I O S L O A N E,

Equiti Baronetto,

Ob vitae integritatem, morumque

Comitatem, omnibus probato;

Cujus improbus labor,

Et impensae magnificae, abdita naturae referarunt,

Medicinam auctiorem politioremq; exhibuerunt;

Digno proinde

Qui Regiae Societati Londini,

Per orbem inclytæ, praeesset;

Quique in Collegio Medicorum ibidem,

Merito per Britanniam celebri,

Primos honores teneret;

Hanc qualemcunque dissertationem

Sacrûm vult

J O A N N E S A R M S T R O N G.



# DISSERTATIO MEDICA

## I N A U G U R A L I S,

D E

### T A B E P U R U L E N T A.

**I**PSA vita, ipse sanguinis circuitus, haud sine machinae humanae dispendio exercetur. Omni nimirum cordis ictu, innumera fragmenta a vasorum flexilium parietibus excussa foveas relinquunt; quae, nisi materiei deperditae simili, idonea vi applicata, reficiantur, continuo emarcescit homo. Quatenus autem nutritio in vasis omnium minimis peragitur, ideoque subtilissimas, blandissimas, et utcumque viscosas simul, particulas exigit, nil mirum si saepius turbetur: Et saepissime quidem turbatur. Quod, si tota sanguinis copia acrimonia atque tenuitate peccet, sique simul vis cordis deterens expellensque satis valida sit, fieri aliter nequit, quin omnino fere, cum quoad solida, tum quoad fluida, evanidum corpus in auras dissipetur. Et sic quidem se res habet in tabe a fomite purulento. Qui morbus, acutis topicis saepe succedens,

I

chro-



chronicorum frequentiorum facile pessimus est, et maxime exitialis. Hujus modo historiam atque curationem, summi praesertim Batavi auctoritate innixus, aggredior. Quoniam autem res ita postulare videtur, pauca prius de puris ortu atque ingenio praemittam, quam ad ipsius morbi ex eo fonte oriundi tractationem accedam, ab inflammatione exordium sumendo.

Quoties igitur, ex causa quacunque, plurimi arteriarum ramuli sibi invicem vicini adeo obturantur, ut liquidis irruentibus transitus per horum angustias negetur, corpore interim quod ad caetera attinet sano, et praesertim vegeto; tunc, nisi cito resolvatur moles obstruens, haec fiunt: Nempe, redit ad cor sanguis venosus a finibus arteriarum obstructarum, et dum eadem ac antea sanguinis copia per vasa pauciora circumgyrat, nascitur in vasis liberis plethora; humorum idcirco velocitas augetur; magna in vasis oppilatis colligitur sanguinis vis, impedimenta superare non valens; cor summo cum impetu in haec impedimenta arietat; fit major eo loci attritus inter humores compactos et vasa tensa; vasa obstructa distensilia dilatantur, distrahuntur; globuli rubri in oscula vasorum seriferorum dilatata impelluntur: Hinc febris accenditur; attollitur tumor durus pulsans; calet, dolet, rubedine splendet: Quae symptomata inflammationis utcunque ideam absolvunt.

Si obstructio magna, neque tempestive resoluta, vasa occupat non nimium a corde remota, neque rigida nimis; si humores simul blandi, vis vitae satis valida (non tamen validissima, ut in gangraenam potius abeat) inflammationis symptomata indies exacerbantur, vasa impervia magis magisque labefactantur,

tur, donec tandem vi cordis atterente in fluidum resolvuntur, et, una cum materia obstruente eadem vi subacta, pus constituunt. Et quamprimum omnia vasa prius obstrueta solvuntur, inflammationis symptomata quiescunt, aut saltem plurimum mitigantur; pro dolore gravitas locum occupat, tumor albescit, fit mollis, fluctuat: Jamque abscessus aut vomicae nomine insignitur; quo sponte rupto, five arte aperto, effluit pus, fit ulcus, quod, pro vario situ atque figura, bubo, sinus, fistula, aliudve quid, nuncupatur.

Verum alienum a proposito esset, ulcerum differentias hic loci sigillatim tractare; quinimo, quantum ad hanc dissertationem spectat, quaecunque fere de ulcere dixerò, eadem de abscessu intelligenda velim, et vice versa; pus enim utrique commune est: Caeterum doctrina in qua occupatus sum, a puris indole, mutationibus, et effectibus, ex toto pendet.

Pus itaque recens et laudabile, est liquor albus, pinguis, saporis subsuavescens, odoris fere expers: Quando primum conficitur, tenue est, et lympham quodammodo refert; verum posteaquam in abscessus aut ulceris cavo aliquamdiu stagnaverit, ex resorptis aut diffatis partibus ejus tenuioribus, crassum evadit et spissum, non tamen ita tenax ut in filamenta deduci possit: Fit ex tenuioribus humoribus et chylo recenti simul in ulceris cavum advectis: Pus denique recens bonumque est balsamum blandissimum, et vasa rupta benignissim efovet; verum, diutina quiete in loco calido, longe diversas dotes acquirit.

Patet ex chemicis, sanguinem rubrum saluberrimum (omnium quotquot sunt in corpore nostro humorum inquilinorum, sani sint an morbofi, thesaurum) si  
phia-

phialae altae commissus balnei arenae calore lenissimo, hominis sani calorem non superante, digeratur, haud longo temporis intervallo putrescere. Imprimis scilicet ex tepore et quiete solutus crasin rarescit; sales nativi, neutri, blandi, semivolatiles, ex oleorum amplexibus sese subripiunt, exacuuntur, attenuantur, ex neutris alealici, ex semifixis volatiles deveniunt; olea ipsa blandissima, humoribus lenitatem, solidis flexilitatem lubricitatemque conciliantia, pristinae indolis oblita, acria, putrida, volatilia, evadunt. Eundem omnino processum patitur pus in cavo aliquo corporis diutius solum; eademque ratione blanditia sua spoliatum, per omnes putredinis gradus ad summum usque virulentiae procedit; licet quidem in abscessus specu, aut ulceris, cui aër externus accedere nequit, tardius progrediatur haec mutatio.

Pus jam acre, tenue, atque putridum, factum, osculis venarum sanguiferarum aut lymphaticarum erosus vel ruptis se insinuans, ad cor deferitur; et quandoque per corporis emunctoria absque ulteriore noxa expellitur. Sic aliquando, per vasa pulmonum bronchialia exitum sibi comparans, sputi forma rejicitur\*: Nonnunquam etiam huic patet egressus per vasa intestinalia aut renalia†: Neque defunt exempla talis criseos per vomitum factae‡.

Verum, quod dolendum est, optabilis haec puris expulsio per organa corporis excretoria haud adeo frequenter accidit. Saepius fane per corpus circumactum pus, modo satis insigni copia totum animale systema

\* Hippoc. aphor. 15. § 5. Lommii. observ. medicin. lib. 2.

† Idem ibid.

‡ Carol. pis. de morib. a colluv. ferof. ort. observ. 45.

stema turbat, symptomataque producit, eo caeteris paribus saeviora, quo copiosius est et acrius: Quorum communiora et praecipua haec sunt:

Horrores scilicet vagi huc illuc per membra serpunt, saepiusque de die recurrunt; lenta febre carpitur aeger, cum pulsu exili, frequenti, debili; calor interdiu tenuis, et parum molestus, nisi ad volas manuum et plantas pedum digitorumque extrema; noctu tamen vehementior; potum assidue efflagitat; cibos quoscunque ut plurimum respuit, quibus assumptis corpus gravius sentitur; horaque una aut altera post pastum elapsa (quo tempore chylus crudus nimia copia sanguini commiscetur) febricula hectica atque calor invalescit; et, paroxysmo jam ad acmen suam prope-  
rante, omnia haec symptomata circa vesperam exacerbantur.

Tempore autem matutino profusi sudores erumpere solent; symptomata memorata levantur, aeger tranquille quandoque dormit, vires utcunque resectas sentit, et sanitatem sibi falso pollicetur, donec novus iterum impetus spem inepte arreptam profligat.

Interim aegri robur indies per repetitos paroxysmos deteritur; obstructions, inflammationes, abscessus, ulcera, gangraenae, scirrhi, saepe per viscera, glandulas, aliasque partes, propagantur, praesertim per pulmones, qui semper fere citius seriusve in hoc morbo plectuntur: Pustulae aquosae prurientes, vel scabies sicca faciem et totam cutem, deturpant; flavedo pel-  
lucet; diarrhoea colliquativa urget; quae quandoque in dysenteriam cruentam, quandoque in lenteriam, degenerat: Nunc genae rutilae splendent, nunc squa-  
lidae pallent; marcidum caput continua atrophia ab-  
sumit;

fumit; omnes functiones languent; adest summa debilitas, in animi deliquium nonnunquam resolvens; corpus aridum contractumque fit; oculi subsidunt, et quasi intra cava sua sese recondunt; tum reliqua faciei Hippocraticae insignia moesta squalent; capilli decidunt; ungues recurvantur, et evanidi fiunt coloris, in quibusdam livescunt; tandem attollitur hydrops, manus nempe pedesque inflantur; deglutitio saepe, in mortis vicinio, ex muci defectu, laeditur: Et hoc modo omnia indies in pejus ruunt, donec tandem ulceris (aut fonticuli, si quis adsit) exsiccatio, fudor frigidus guttatim caput et collum irrorans, et totius dein corporis frigus, cordis vires deficere, et mortem in limine adesse, proclamant.

Praeter haec modo recensita symptomata, innumera alia passim occurrunt, quae ex parte singulari quam occupat abscessus ulcusve ortum suum ducunt. Sic suppuratio pulmonum (quae phthisium et frequentissima est et pessima causa) tussi, dyspnoea, anxietatibus, aliisque symptomatis stipatur, quae tabem ex purulentis, v. c. renibus minime comitantur, donec prius in veram phthisin pulmonalem degeneraverit. Symptomatum autem huic aut illi phthiseos speciei peculiarium enumeratio huc minime pertinet; imo vero opus fere infinitum esset dictis complecti quot modis tabidi poenas luant. Si qua igitur generalioribus factis utcumque sit factum symptomatibus, caetera reticebo. Pauca duntaxat circa rationem phaenomenon, inter haecenus memorata magis notabilium, proponam.

Quales mutationes pus in abscessus claustro fubeat, supra utcumque expositum fuit. Vidimus nempe, quod



quod prius blandum erat atque balsamicum, acre, putridum, et alcalicum factum : Hisce itaque proprietatibus indutum, circuloque commissum, crassioribus suis partibus vasa minora obstipat, acribus pungit, stimulat. Ex hac origine febriles hi insultus nascuntur. Fomes interim hicce putridus sanguinem summopere solvit, fundet, putrefacit ; novimus enim quod nihil sanguinis in pelvim excepti coagulationem aeque impediat ac salis cujuscunque alcalini permistio. Sanguis vero solutus semper acer est, et utcunque putridus, vel saltem in putredinem pronus. Ipsa febricula attenuatur plus, solvitur, et in acrimoniam evehitur sanguis. Pus tandem per diei decursum resorptum, aliosque humores a purulento fomite et febricula attenuatos, atque corpori noxios factos, natura, felicissimam nata occasionem, postquam scilicet aegri corpus in lecto calido aliquamdiu compositum fuerit, et quasi in balneo vaporis fotum, per sudores profusissimos colliquativos, febre instante, expellit ; defoecatur sanguis, et aeger melius sese habet, donec ex novo pure resorpto, admisto, febriles paroxysmi recurrunt. Neque longa requie fruitur aegrotus ; humores enim in abscessus cavum, propter minimam ibi resistantiam, ex arteriarum hiantium osculis jugiter stillant ; corporis autem valis ex humorum per sudores, &c. jactura depletis, venae absorbentes admodum esuriunt, atque pus putridum acriter exhauriunt ; dum interim ex febre hectica augetur humorum prava diathesis, pus majori copia conficitur, citiusque putrescit, plus movetur, et promptius resorbetur : Adeo ut febriles hi consueti, ex maxima puris ubertate, saevissimos quandoque febri tertianae intermittentis paroxysmos aemulentur, et quandoque

que saepius de die impetus suos reiterent, immanibus cum sudoribus defervendo : Ut plurimum saltem nulla dies a paroxysmo immunis labitur, quamvis quidem febris haec nonnunquam, raro tamen, tertianae intermittentis typum induat \*.

Morbo jam provectiore, humores colliquati haud raro per intestina stratum sibi viam inveniunt, praesertim si sudores aliquo modo sistantur † : Hinc effraenata fere diarrhoea, ex muco oblinente deterso, sanguine fuso, intestinisque summo opere debilitatis, in dysenteriam aut lienteriam saepe degenerans.

Humores tandem, diuturni morbi injuriis, in aquosum laticem prorsus soluti, vasa majora deferunt, et in minoribus accumuluntur : Hinc, praesertim si sudores simul atque diarrhoea inhibeantur, circa partes extremas tumores leucophlegmatici nascuntur, et quandoque ipsum abdomen ascitide attollitur.

Humoribus sic quotidie fufis, acerbis factis, expulsi, et febricula indies ferocius urgente, nil mirum si nutritio atque omnes functiones langueant, si marasmus superveniat, si demum corpus exsuccum, aridum, extenuatum fiat.

Et sic paulatim proserpit morbus usque dum suprema dies aegrum vita solvit.

At reliqua symptomata sigillatim tractare vetant angusti hujusmodi dissertationis limites, neque opus est ut in hisce diutius morer : Omnia namque, aut ex pure in hoc vel illud viscus translato ; aut ex febre hectica eliquante, deterente, dissipante ; aut ex sanguinis tenuitate, ejusdemve acrimonia ; sive ex humorum defectu ;

\* Morton phthisiolog.

† Idem.

defectu, vasorumve exinanitorum collapsu; seu denique ex cordis viribus deficientibus, facile deducuntur.

Ex morbo praegresso, symptomatumque mox recentiorum praesentia, morbus praesens satis in aperto est. Ex continuo dicendis, hujus jam cogniti eventus utcunque praevidetur.

1. Omnis phthisis ex abscessu, vel ulcere interno, curatu difficilis est.
2. Quo partem ad vitam sanitatemve magis necessariam occupant haec, et quo majora aut frequentiora sunt, eo, caeteris paribus, morbus atrocior atque minus expugnabilis; et contra.
3. Quo vehementior febris, eo morbus magis incurabilis, citiusque lethalis; et vice versa.
4. Phthisis in corpore juvenili, temperie calida, magis ut plurimum acuta est; et contra.
5. Autumno tabidi maxime periclitantur.
6. Si phthisicus cibum acriter appetat, et nihil inde roboris accipiat, desperatus est.

Tumor pedum oedematosus morbo labefactatis, alvi fluor saniosus, pluraque inter novissima symptomata memorata, exitium praemonstrant.

Quamprimum ulcus aridum fit, scire licet fatum imminere.

Ut curatio rite administretur, oportet,

1. Pus jam factum evacuare.
2. Ulteriorem ejus confectionem impedire.
3. Partibus quas pus translatum occupat prospicere.

K

4. San.

4. Sanguinem, ex fomite purulento putridum et alcalicum factum, condire, lenire, corrigere.
5. Corpus exhaustum, debile, reficere, roborare.
6. Symptomata mitigare.

Ad primam indicationem quod attinet: Vidimus jam quas strages pus, humoribus circulantibus admixtum, in oeconomia animali edat; ideoque in primis omni molimine tentanda est hostis hujus intestini expulsio. Sive in abscessus specu lateat, sive, hoc sponte rupto, in cavum aliquod corporis effundatur, ubicunque demum colligitur, illico, si manui accessus pateat, punctura facta, vel caustico applicato, lente et per vices exhaustum: Quippe in empyemate, v. gr. quoties apertione instituta totum pus uno impetu effluit, corrui homo\*; praesertim si pus copiosum sit, et vires aegri debiles.

Verum haud temere ullo pacto instituenda foret haec operatio; quippe, si aegroti vires multum a morbo labefactatae fuere, vel si suprema jam illuceant symptomata, apertio celebrata mortem ante diem arrefferet.

Si abscessus haereat in loco interno extra chirurgiacos limites posito, si simul neque ejus magnitudo nota, neque aegri debilitas, aliave hujusmodi dehortentur; ruptio tentanda est exercitiis corporis, cum generalioribus, quibus totum simul corpus agitur, quo ambulatio, equitatio, jactatio in rheda aut navi, spectant; tum quibus pars singularis abscessu occupata potissimum

\* Lommii, observ. medic. lib. 2.

num concutitur, quale est tussis aut vomitus in abscessu pulmonum.

Accidit tamen nonnunquam (ut supra innuebam) quod dum ars nihil ad puris evacuationem facit, natura sponte hoc opus aggreditur, et per organa corporis excretoria sordidum virus foras pellit. Si itaque in tali casu pus impetum faciat in intestina, caute promovenda est diarrhoea, medicamentis laxantibus blandis, aperientibus, lubricantibus, clysmatis aut potus forma ingestis; ut serum lactis, vel simplex, vel aperientibus medicatum, cassia fistula, manna, tamarindi, syrupus cichorei, rosarum pallidarum, violarum, &c. Si versus renes ruat pus, vasa renalia laxare, et medicamenta, quae simul pus detergant, atque urinam blande cient, adhibere oportet; scilicet serum lactis, lac ebutyratum, praeparata ex vegetabilibus aptis, qualia sunt endivia, cichoreum, dens leonis, acetosa, hederæ terrestris, virga aurea; terebinthina nativa; sal nitrum, polychrestus, et plura similia. Verbo dicam, quodcumque corporis emunctorium ad pus eliminandum affectat natura, eo versus leniter sollicitandum est, medicamentis et regimine quae huic vel illi excretioni favent; semper a stimulantibus inflammantibus cavendo, et cum medicamentis evacuantibus pus leniter abstergentia miscendo.

Pure sic evacuato, magnopere nitendum ut calamitatum male ferax scaturigo prorsus exsicceat. Pergendum itaque in modo dictis expellentibus. Abstergentia idonea antiphlogistica (sapones, scilicet, ex oleo et sale acido nativo plantarum, simul ope naturae intime commistis, conflati; quales sunt mel, saccharum; gummi aromatica non nimis stimulantia, quae pilularum



larum aut elixiris forma exhiberi solent, ut pilulae pectorales, elixir pectorale, &c. succi lactescentes plantarum acescentium saponacearum, cichorei, dentis leonis, lactucae, &c. acetaria, decocta, ex talibus herbis; emulsiones ex nucibus et feminibus oleosis, blandis, frigidis; olera lenia, atque infinita alia) magna copia intro sumenda sunt, et versus partem ulceratam derivanda. (atque si ulcus externe hiat detergentia apta topice applicanda) donec constat fatis depuratum esse. Et tunc balsamicis nativis, (ut opobalsamum, balsamum Peruvianum, Tolutanum, copaiba, terebinthina, &c.) gummi blandis mucilaginosi, herbis, atque radicibus talibus consolidandum.

Interim victus instituat talis qui eundem scopum attingat, sitque ex his quae minus apta sunt ut in pus convertantur, aut saltem quae haud facile in ulcere putrescant: Huc referenda sunt lac herbaceum, recens, ebutyratum, herbae acidae aut acescentes, fructus horaei maturi, olera blanda, &c. quorum omnium electio et praeparatio ad aegri gratiam innumeris modis variari possunt.

Verum tamen quicquid molitur, perraro fane ad primum medici conatum fugatur morbus, praesertim si ex ulceribus internis oriatur; neque statim impediri potest, quo minus, ex pure quotidie confecto atque resorpto, viscera humoresque in perpetuo labis atque corruptelae discrimine versentur. Idcirco ut quam minime noceant pus circulans nitendum; huic scopo tertia atque quarta indicationes collimantur. In primis itaque, si constat pus resorptum partem aliquam vitae aut sanitati necessariam gravare, obstipare; tum medicamentis opus est laxantibus, diluentibus, aperientibus,

entibus, detergentibus, et simul inflammationi atque putrefactioni adversis, quae calida affatim sumenda sunt, atque versus partem violatam allicienda. Talia praecipue medicamenta sunt herbae emollientes cum salinis penetrantibus minime stimulantibus mistae, saponacea blanda ad secundam intentionem laudata, quae omnia in forma liquida huic proposito maxime arident.

Si transmigret pus in partem aliquam externam, neque glandulis neque nervis insignibus praeditam, inflammatio sibi potius committenda, et in suppurationem maturanda videtur, nisi vetat aegri imbecillitas.

Interea temporis sanguinem purulento miasmate contaminatum, atque febricula hectica plus vitiatum, corrigere oportet. Et ad hanc indicationem per totum morbi decursum enixe attendendum est; sanguis enim solutus, acer, et putridus functionibus sanitatis ineptus est; ipsum etiam ulcus sanationem omnino respuit, quamdiu humoribus acribus, putridis, quotidie irrigatur: Ideoque, dum in hujus curatione occupamur, operam ludemus, nisi simul omnes nervos ad humorum correctionem adhibeamus. Quantum itaque medicamenta aut victus valent, nitendum est, ut putredo arceatur, utque sanguinis acrimonia in genere in specie mitigetur.

Primae harum intentioni satisfaciunt medicamenta salina parum stimulantia, ut nitrum, sal prunellae, sal ammoniacus, borax; balsama nativa; herbae antisepticae, balsamicae, vulnerariae; gummi aromatica.

Secundae

Secundae respondent, acrimoniam obtundendo atque sanguinem leviter incrassando, herbae et radices emollientes, mucilaginosae blanda ex vegetabilibus parata, quae oleosis praestare videntur, quippe quod promptius in sanguinem rapiuntur, neque rancescere aut vasa obstruere apta sunt; farinacea non nimis spissa, olera, emulsiones ex nucibus et seminibus blandis, lac.

Tertiae arrident acida vegetabilia; neque forte ab re esset et ex focilibus destillata adhibere, quae omnium maxime alcalinae indoli atque putredini resistunt, refrigerantque. Haec aliaque hujusmodi magna copia, quoad ulcus patet, ingerenda.

Jamque corporis exhausti refectio atque corroboratio expendendae veniunt; neque haec levis cura. Cibi itaque analeptici, eupepti, blandi, acescentes, aut grate acidi, saepe exhibendi, ut humorum per sudores, diarrhoeas, &c. amissorum damnum refarciatur, utque chylo blando demulceatur sanguis superstes. Eupepti sint, id est, qui magno viscerum molimine haud egeant ut in bonum sanguinem subigantur; corpore enim per sudores, &c. exhausto, languent admodum tum viscera chylopoetica, tum haematopoetica, neque humores inquilini (pauci nimirum atque effoeti) sufficiunt ad alimenti crudioris assimilationem; chylus autem crudus (ut reliqua ejus incommoda omittam) aptissimus est qui vasa, prae inanitione contracta, et tantum non collapsa, obstruat; unde febriculae post partum exacerbatio, cui quantum fieri potest occurrendum. Cibi autem vel facillimi digestu, ob easdem causas, parva tantum copia simul dandi.

Tales

Tales cibi sunt panis fermentatus, biscoctus, praeparata ex pane, hordeum, oryza, olera blanda, emulsiones, lac. Jura carniū parce administrare tutius videtur; si vero horum usus varietatis ergo concedatur, praeparentur ex animalibus junioribus, sanis, teneris herbis aut feminibus vescentibus, neque sint nimis meraca; praeterea cum herbis vulnerariis, detergentibus, &c. ad medici scopum coquantur, et acidis denuo gratis impraegnentur.

Pro potu interim ordinario assumat, decocta herbarum acidularum, emulsiones tenuiores ex feminibus frigidis, lac cum aquae fontanae triplo aut quadruplo mistum, serum lactis, lac defloratum, ebutyratum, et similia.

Quicquid fere medicina interna valet ad tabem ex ulceribus curandam, sola forte lactea diaeta assequitur. Si enim lactis originem atque naturam rite perpendamus, et simul morbi ideam recognoscamus, patebit lac animalis sani, vegetabilibus acescentibus pasti, omne fere punctum attingere. Lac enim recens ingesta redolet, chylum refert, et revera nil aliud est nisi chylus in primis officinis subactus, attenuatus, defoecatus, unica saltem transmissione per pulmones plus elaboratus, (haud tamen diutina circulatione eo usque evectus, ut indolem assumptorum plane deponat,) iterumque a sanguine per glandulas mammarum secretus. Hinc lac facillime in bonum sanguinem subigitur, adeo ut qui lacte vescitur per vicarium quasi alimenta sua concoquat. Ideoque lac optime corpus marasmo exhaustum replet, languidum reficit, emaciatum nutrit. Porro, ex hujus praeparatione et analysi spontanea, liquido constat, in lacte recenti herbaceo, oleum blandum

blandum et sal acidum vegetabile simul utcunque mista saponem constituere: Hinc quatenus saponaceum est detergit; quatenus acefcit refrigerat, sitim sedat, nauseam compefcit, putredinem arcit, neque aptum est quod puri materiem subministret; oleo suo molli benignoque acria alcalina involvit, obtundit, et humores mitigat; sal demum hujus acidus eandem acrimoniam in sanguine corrigit.

Ex praefatis liquet, animalis ipsius lactantis diaetam haud perfunctorie tractandam fore: Qualia enim sunt alimenta assumpta, talis erit chylus; et qualis chylus, tale lac. Sic si mulier v. gr. lactans, vegetabilibus blandis, detergentibus, balsamicis, vescatur, hujus lac iisdem proprietatibus imbutum resurget, et erit quasi lac medicatum, natura pharmacopoeia vicem gerente. Et hoc modo cujuscunque animalis ad hoc negotium adhibiti lac, ad medici arbitrium varie impraegnari possit, prout haec vel illa indicatio efflagitat.

In genere autem lac, quo tenuis est, eo caet. par. tabidis magis arridet; cum quod magis meabile est, tum quod promptius in salubrem sanguinem assimilatur. Lac ideo muliebre prae reliquis apud scriptores laudatur; lac asinum secundam sibi palmam vendicat; haec equinum, caprini serum, bovinum, ovillum, in ordine sequuntur.

Ex quocunque autem animali recens emulsum sumatur: Tum quia partes subtiliores, maxime scilicet reficientes, et nutrientes, nondum exhalaverint; tum quia hac ratione, prius forte venas lacteas ingredi potest quam in spontaneam indolem abeat: Verum, utut hoc sit, satius videtur semper pauxillum sacchari, mel-

lis,



lis, aut saponis Veneti, si nihil repugnet, adjicere; vel, si acidum ventriculum laceffit, absorbentia terrestria, testacea, una admiscere, ut forte hoc modo impediatur, quo minus, ex diutina in ventriculo debili remora, vel ex cibi proxime assumpti reliquiis acidis, coaguletur.

Interim, dum in diaeta rite administranda satagimus, corporis exercitia minime spernenda sunt: His enim, pro ratione virium aegroti, institutis, excitatur appetitus, concoctio atque assimilatio alimentorum summo pere juvantur, densatur sanguis tenuis, et corpus flacidum roboratur. Equitationem praesertim summis laudibus \* Sydenhamus prosequitur; qui, postquam insignis hujus vires in affectione hysterica et hypochondriaca curanda praedicaverat, hoc remedium saepe obtinuisse perhibet, in tabidis phthificisque tantum non deploratis, quibus scilicet nocturnis sudoribus diutius maceratis, et macie prope confectis, ipsa jam etiam diarrhoea colliquativa supervenerat.

Symptomata denique molestiora, quae mitigationem morbo primario vigente admittunt, palliare interest. Nausea igitur atque sitis, (haec molesta, illa cum molestia admodum noxia), quatenus ex calore hectico diffiante, atque colluvie putrida ventriculum osque internum irritante, proficiscuntur, solis refrigerantibus et acidis gratis auscultant. Ad nauseam praeterea praecavendam tollendamve, multum juvat cibos parca manu simul administrare. Pessime autem aegrum macerare solent sudores colliquativi atque diarrhoea; verum hae evacuationes haud temere sistendae sunt;

L

tutiusque

\* Epist. de affectione hysterica, &c.

tutiusque videtur haec symptomata apud se invicem commutare, si forte aliquid solaminis ex malorum alternatione sentiatur, quam utrumque omnino tollere. Sic, si diarrhoea diutius aegrum exercuerit, adeo ut jam immineat dysenteria cruenta, commode fisti potest derivando ad cutim; cui intentioni maxime arrident opiata, tum intestinorum tormina atque irritationem sopiendo, tum diaphoresin augendo. Sin contra de sudoris colliquativi taedio conqueratur aegrotus, hujus impetum medicamentis stypticis, temperantibus, refrigerantibus internis externisque, refrænare licet. Sed intestina simul laxanda sunt. Per haec enim emunctoria paroxysmi hectici crisis absolvitur, expelluntur humores inutiles atque noxii; qui, si intra corpus coerceantur, diras turbas movebunt, labem per viscera nobilia adhuc forte sana propagabunt, aut in cavum aliquod corporis effusi, hydropibus incurabilibus fontem atque incrementum suppeditabunt\*.

\* Morton phthisiol.

F I N I S.

DISSERTATIO MEDICA

I N A U G U R A L I S,

D E

C A L O R E.

Q U A M,

ANNUENTE DEO TER OPT. MAX.

Ex Auctoritate Amplissimi SENATUS ACADEMICI,

Et nobilissimæ FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS;

Eruditorum examini subjicit

J O A N N E S L I N D E S A Y,

SCOTO-BRITANNUS, A. & R.

Ad diem 22. Novembris, in Bibliotheca Academiae Edin-

burgensis, Hora 3. *post Merid.*

EDINBURGI:

M,DCC,XXXII,





Celeberrimo Viro

JOANNI ARBUTHNOT, M. D.

Regiae Societatis,

Et collegii Regalis Medicorum apud Londinenses Socio;

Omnibus, non graviorum modo Scientiarum,

Sed elegantiorum etiam Artium laudibus ornatissimo;

Dissertationem hanc Medicam

Sacrum vult;

JOANNES LINDSAY.





# DISSERTATIO MEDICA

## INAUGURALIS,

DE

## CALORE.

**I**N toto non minus artis quam naturae ambitu, mira quaedam est series et continuatio. Soli rerum universitati competit harmonia vel symmetria perfecta: Similiter scientiae omnes artesque unum, simplex, absolvere videntur systema. Nisi enim scientia universalis naturae promoveatur, et a perenni hoc fonte vitae perpetuo scaturigines deriventur, ad scientiarum quasi campos irrigandos, utcunque hae se junctae forte expoliantur, et in usum vulgarem magis accommodentur, de singularum tamen incremento minus erit sperandum. Philosophia etenim naturalis, ut cum ingenti Bacono loquamur, ‘Pro magna scientiarum matre potius haberi debet, quam ad ancillae officia detrudi.’ Expedi quidem, atque gravissimae id causae postulare videntur, ut scientiae a se invicem distinguantur,

quantur, atque aliquo modo dispertiantur ; sed ita tamen id faciendum, ut mutuam earum inter se cohaerentiam a contemplatione nostra nunquam penitus femoveamus.

Non igitur diversa ratione medicinam imprimis a physica licet dissociare, aliter enim haec non multum praestaret empirica. Hujus rei insigne satis exemplum praebent antiquissimi apud Graecos philosophi, qui disciplinam hanc, ut partem tantum studii sapientiae colentes, primi nobilissimae arti dignitatem aliquam et scientiae liberalis speciem conciliasse videntur. Hoc autem aevo inutile esset multis ostendere, quam infirma foret haec ars, nisi in physice fundata ei etiam innitatur. Cum igitur ita se res habeat, neutiquam vel ab academiae instituto, vel officii nostri ratione alienum videri potest, de Caloris, sive organi illius universalis tam naturae quam artis, atque principii in mundo maxime actuari, indole, quatenus physicen praecipue haec spectant, quaedam exposuisse : Rerum enim medicarum non minus quam physices maxime interest causae adeo generalis, et latissime fusae, vim et naturam, quantum licet, perspectam habere ; cum, ex his rite perceptis, necessario nexu eadem doctrina ad medicos usus facillime et sua sponte protrahatur.

Nomina haec, calor, frigus, significant, cum ideas illas simplicissimas ab objectis in nobis excitatas, tum facultatem vel potentiam hanc in objectis, ab occulta minutissimarum corporis partium affectione quadam ortam, qua hae sensationes excitantur. De calore autem in corporibus, sive posteriori tantum vocis significato, hic agendum.

In

In natura caloris investiganda, primum notas aliquas five characteres indicare oportet, ex quibus ejus praesentia et gradus in locis et corporibus dignoscantur. Duplices autem hujusmodi notas habemus, sensiles nimirum vel insensiles. Sensiles dicimus eas quae sensum tangendi proxime afficiunt, insensiles, quae aliarum rerum ope percipiuntur.

Prima idea vel notitia caloris nascitur a sensu ; quae tamen adeo fallax est et aequivoca, ut saepius vix aliquid certi doceat, cum sit ‘ Res respectiva, sive in ordine ad hominem, non ad universum, atque effectus caloris tantum in nervos vel spiritus animales †,’ qui varie praeoccupari vel affluere possunt, ut ejusdem caloris diversissimas in nobis perceptiones producant. Omni experientiae genere id compertum habetur, neque in re notissima opus est ponere exempla. Corpora nimirum ad tactum humanum percipiuntur calida, cum organo sentiendi applicatur calor major eo qui viget in ista corporis parte cui applicatum sit calidum : Sin aequalis fuerit, nullus sentitur ; contra, si minor, frigidum appellamus. Quamvis autem caloris notae ex sensu perceptae non admodum profint ad ejus naturam dignoscendam, eae tamen usu suo aliquo non destituuntur, nihilque impedit quo minus vulgare retineamus vocabulum, itemque per ignem, loquendi modo satis recepto, caloris et lucis in eodem corpore conjunctionem intelligamus : Quippe res veteribus suis et notissimis nominibus fraudare necessarium non visum.

Secundi generis characteres caloris sunt thermometra. Haec instrumenta ope liquorum quorundam le-

† Baconus.

viorum, mobilissimorum, vel maxime fluidorum, intra vitra hermetice clausa, fidelissime indicant gradus incrementi decrementive caloris. in quocunque loco vel corpore. Jamdudum etenim observatum, fluida haec a calore expandi, frigore contrahi, satis perspicue, indeoque ascensu suo vel descensu in hisce vitris ostendere effectum caloris in

Constat ex experimentis Fahrenheitii, a Cl. Boerhaavio memoratis, frigus artificiale longe supra summum naturale frigus haecenus exploratum in insula Islandia intendi posse; unde verisimillimum videtur, calorem eundem, superioris vel vehementioris respectu, frigus saepius appellari, inferioris vero vel languidioris ratione caloris nomen obtinere, neque limites frigoris decrementive caloris poni posse; unde thermometra tantum indicant quanto major sit calor in uno quam in altero loco vel corpore, non ejus quantitatem absolutam. Hoc loco non necesse habemus horum instrumentorum varia genera, aut varios modos ea conficiendi, recensere, ut accuratae sint observationes ex iis factae, simulque utiles atque idoneae ut cum similibus aliorum experimentis possint conferri; neque vitia quaedam notare quae in iis detexerunt viri in rerum physicarum studio versati: Sufficiat hic animadvertisse, quod simul ac liquores thermometrorum ebullierint, eorundem subsistat expansio; unde alio artificio opus erit ad magnos calores explorandos, quod ferri candentis ope perfecit Cl. Newtonus in Aët. Phil. 1701. Scalam etiam ibi tradidit variorum graduum caloris a frigore glaciali usque ad ferri candentis summum ardorem, et ex hujus methodi congruentia cum aliis suis experimentis, thermometro ex oleo lini captis, quodammodo



dammodo demonstravit hujus olei expansiones fatis accuratam exhibere mensuram variorum graduum caloris, sive iisdem esse proportionales quam proxime.

Expansio haec, in fluidis thermometrorum primo observata, omnino est universalis in corporibus omnibus tam solidis quam fluidis; obtinetque non minus in corporibus ponderosissimis et durissimis metallorum et lapidum, quam in liquoribus levissimis; ita ut semper crescat expansio pro caloris gradu aucto in singulis. Fluida tamen plus, solida minus, ab eodem calore expanduntur, atque liquores leviores, ut plurimum, magis expansiles sunt ponderosioribus. Caloris autem imminutio, vel frigus, semper contrarios edit effectus. ‘Omne enim corpus contrahit et cogit in angustius, adeo ut per intensa frigora clavi excidant e parietibus, aera diffiliant, vitrum etiam calefactum et subito positum in frigore diffiliat et frangatur †.’ Item, pro gradu aucti frigoris corpora semper in minorem molem rediguntur, et pondere specifico augentur.

Hanc vero notam sive signum caloris universale intellexisse videtur nobilissimus Baconus, egregius ille omnis verae scientiae instaurator, humanaeque libertatis vindex, in tractatu suo *de forma calidi*, ubi primus de hac re egit methodo experimentalis. ‘Calor,’ inquit ille, ‘est motus expansivus, per quem corpus nititur ad dilatationem sui, et recipiendum se in majorem sphaeram quam prius occupaverat.’ A Cl. autem Boerhaavio, in sua chemia, omni experimentorum genere haec prorsus stabilita habemus. Expansiones

† Baconus.

porro aquae congelacentis, imprimis ex experimentis quibusdam philosophorum Hetruscorum, magnus hic vir contendit oriri posse ab aëre inde separato, et in majores moleculas elasticas adunato, adeoque non esse contrarias regulae huic generali rarefactionis.

Non tamen omne genus expansionis corporum videtur esse signum individuum caloris, ast illud verisimiliter quod simul comitatur motus quidam celer, reciprocus, et vibrans partium minorum corporis, uti etiam observaverat Cel. Baconus supra laudatus. Aër enim idem condensatus, et postea in ingentem molem expansus, non calescit; neque aër in antlia pneumatica ex rarefactione calescit. Aër etiam alterne condensatus et expansus, in generatione sonorum, nullum sensibilem contrahit calorem. Corpora quaedam in menstruis soluta multo majus occupant spatium quam prius; neque tamen necessario inde calescunt. Calor semper conjungitur cum motu aliquo, ut ex omni ejus natura et effectibus constat;isque est partium praecipue minimarum motus, non totius: Id quod vel hoc exemplum demonstrare potest, ferrum nimirum lima interrasum notabiliter concalescit, cum lima haud fere ullum calorem concipiat, propterea quod lima ferro atterendo multo longior sit, unde ejus denticuli vicissim tantum ferro applicantur, atque motum illum intestinum, quem a ferri attritu acceperant, cito amittunt. Hujusmodi vero motus vibrans intelligi potest ex ipsa natura caloris, qui semper habet actionem quandam permanentem, non transeuntem; atque hunc in omnibus corporibus aliquo modo oriri posse praeterea cognoscimus ex doctrina sonorum: Corpora enim elastica maxime idonea sunt ad sonos vehementes excitandos,

citandos, eodemque modo calori magno cito concipi-  
 endo aptissima deprehenduntur, uti patet ex attritu et  
 percussione. Clavus ferreus duro impactus ligno us-  
 que ad caput, simulac ulterius intropelli non potest,  
 valde incalescit, non prius; ex repetitis, sciz. mallei  
 ictibus, hoc in casu, oportet ut partes agantur in tre-  
 morem quendam vel motum vibrantem, quoniam mo-  
 tus earum progressivus penitus impeditur: Simili pror-  
 fus modo ferri frustum solidum percussione ita inca-  
 lescere solet, ut sulphur injectum accendat. Ostendi-  
 tur autem harum vibrationum celeritas ex motu par-  
 tium flammæ, atque ex eo quod ferrum, corpus ma-  
 xime elasticum, in hujusmodi motus celeres et reci-  
 procos cito agatur, ideoque in suo menstruo multo  
 citius solvatur, et vehementius caleseat, quam aurum;  
 quod minus elasticum, lente solvitur, ideoque absque  
 magno calore. Est etiam cur credatur, expansionem  
 ipsam a vibrationibus partium oriri posse, hancque  
 majorem vel minorem fieri, pro vibrationum amplitu-  
 dine, quæ, cum calor est major, latius se diffundunt.  
 Secundum vero hanc sententiam, omnes corporum  
 partes interiores in agitatione perpetua versantur.  
 Huic motui partium vibranti ad apicem deducto, ut  
 mutuas earum cohaesiones superare valeat, dissolutio  
 corporum ab igne deberi videtur; denique, ita minu-  
 tissimas metallorum partes ab invicem separari, eas-  
 demque diverforum metallorum partes magis intime  
 intermisceri, quam ulla alia arte fieri potest, verisimile  
 apparet; itidem duo frusta eorundem metallorum ita  
 invicem jungi per fusionem.

Apta hic ordinis et perspicuitatis gratia videtur di-  
 stinctio caloris, in eum ubi lucis aliquas esse partes  
 manifesto

manifesto apparet, et eum in quo nulla percipitur lux: Ita ut de lumine sit primo agendum, et calore inde orto. Lumen cum calore propinquam admodum habere cognationem, apud omnes semper in confesso fuisse videtur; et revera, si inquisitiones nostrae de calore ex sola ipsius natura petantur, nec praeterea lucis actionem et naturam consideremus, parum utique promovebimus: ‘ Summae enim (ut ait nobiliss. Baconus) est imperitiae, rei alicujus naturam in ipsa sola perscrutari; quoniam eadem natura, quae in aliis videtur latens et occulta, in aliis manifesta est, et quasi palpabilis, atque in illis admirationem, in his ne attentionem quidem movet.’

Liquido apparet inter calorem et lumen haec interesse, quod appulsus lucis sit actio transiens, non permanens: ‘ Mora nimirum corporis calidi auget calorem, at hoc non facit lumen; etenim lampas aut candela in aliquo loco posita, non magis illuminat per moram diuturnam, quam statim ab initio \*.’ Vibrantes enim illi motus partium, qui calorem semper comitantur, sunt naturae permanentis et durabilis; at lux uno quasi brevissimo momento propagatur ad locum. Praeterea, aqua fervens, metalla, et alia solida calefacta, sed non usque ad ignitionem sive ruborem, nullam lucem emittunt, cum calorem satis validum acceperint. Flamma spiritus vini aut ignis fatui longe ferro calido, et non penitus ignito, calore lenior est, verum lumine fortior. Cicendulae, rores, aquae salsae, pisces, lignum putridum, et multa alia, propria aliqua luce micant, calida ad tactum non sunt.

Radii

\* Baconus.

Radii luminis videntur Cl. Newtono esse particulae, five corpuscula exigua, e corporibus lucentibus per vibrantem partium ipsorum motum excussa, et e sphaera attractionis suorum corporum ingenti admodum velocitate propulsa. Istiusmodi enim corpuscula per media uniformia transmitti debebunt in lineis rectis, nec inflecti in umbram, quo utique modo transmittuntur radii luminis: Poterunt quoque diversas habere proprietates, istasque proprietates inter transeundum per diversa media immutabiles conservare, quae est altera proprietas radiorum lucis. Solem autem et stellas fixas, ingentes terrarum globos vehementer calidos esse censuit summus hic philosophus, (in spatiis nimirum omnium rarissimis locatos, atque figurae caloris tenacissimae), quorum etiam calor conservatur corporum ipsorum magnitudine, et mutua actione et reactione, quae est inter ipsa et lumen quod emittunt, et quorum partes ne in fumos abeant, facit non modo sua ipsorum fixa admodum natura, verum etiam ingens pondus, densitasque atmosphaerarum sibi circumcirca incumbentium, et vapores atque exhalationes, quas uspiam emisierint, condensantium, atque ita prohibentium ne calorem cito amittant, vel ingentes illi globi imminuantur, nisi forte luminis emissionem.

Ingeniosus quidem Renatus Cartesius solem et stellas fixas potius flammae comparavit, singulaque haec corpora rotundum quendam acervum esse materiae primi sui elementi posuit, centrum proprii vorticis occupantem; et cum nulla admisisset spatia vacua, motusque omnium corporum naturales in gyratione quadam circulari fieri affirmasset, atque ita coelestia corpora fluidi cujusdam cui innatant turbine circumferri, quem-



quemadmodum plurimi etiam ex antiquis philosophis credidere, lucem voluit consistere in conatu isto ad motam, quo corpora omnia quae in gyrum aguntur a centris sui motus recedere conantur. Hinc docuit, vim lucis non in aliqua motus duratione constitui, sed tantum in pressione aliqua, sive prima praeparatione ad motum particularum sphaericarum secundi sui elementi. Non dissimilem aliquam doctrinam pressionis per medium fluidum propagatae tradidit D. Malbranche: Talis etiam sententia Cel. Hombergio, et quibusdam aliis, non displicuisse videtur.

Verum, si lumen in sola pressione sine motu actuali propagata consisteret, tum omnia intervalla attingeret eodem puncto temporis: Lumen autem non uno temporis puncto, sed quasi intra septem minuta a sole ad terram, quod est intervallum supra 50,000,000 millium passuum, transire, ex phaenomenis satellitum Jovis astronomi dudum collegerunt. Istorum enim planetarum circa Jovis corpus assidue volventium eclipses creberrimae, quae ex ingressu ipsorum in Jovis umbram eveniunt, tempus ratione centri systematis ex computo in tabulis definitum paululum antevertere observantur, quando fiunt in terrae et Jovis conjunctionibus respectu solis; contra, in eorundem oppositione, tardius accidere, constanti quadam aequatione sive errore, propterea quod lumen in posteriori casu per longius spatium quam in priori, differentia aequali duplo distantiae solis a terra, trajiciatur. Hoc quidem argumentum quodammodo labefactare conati sunt quidam astronomi Parisini, studio ut videtur Cartesiarum partium abrepti: Quanquam enim dubitationes quasdam et scrupulos injicere nitantur, propter in-

inaequalitates quorundam satellitum, atque orbium planitarum excentricitates; tamen experimentum ipsum fatentur esse verissimum, adeoque argumentum, inde sumptum penitus tollere non possunt. Hoc autem Cl. Roëmeri subtilissimum inventum nuperrime plurimum confirmavit Cl. D. Bradley, astronomiae professor Savilianus: Ex hac enim causa, atque telluris simul annuo circuitu, motus quosdam inaequales stellarum fixarum a polo eccipticae haud longe distitarum feliciter admodum explicavit. Ipsa vero phaenomena prius D. Molyneux, nulla omnino hypothese vel theoria praeoccupato, insperato prorsus eventu sese exhibuere, in experimentis accuratissimis de parallaxi orbis magni institutis. *Phil. Tr.* No, 406.

Utcunque autem se haec res habeat, multis rationibus evicit Cl. Newtonus, lumen in pressu quovis vel motu per medium fluidum propagato non posse consistere: 'Nam in omnibus talibus hypothesebus phaenomena luminis ita explicarunt philosophi, ut ea ex novis quibusdam radiorum modificationibus oriri possuerint \*.' Quam sententiam multis pulcherrimis experimentis refutavit. Praeterea, si lumen consisteret in pressu tantum, sine motu actuali, non facile intelligimus quo pacto agitare et calefacere corpora posset, quae id refringunt vel reflectunt. 'Si lumen consisteret vel in pressu, vel in motu propagato per medium fluidum, sive in momento id fieret, sive in spatio temporis; utique futurum esset, ut id in umbram sese inflecteret. Etenim pressus in medio fluido ul-

N

\* Newtonus in opticis,

‘tra quodvis obstaculum, quod partem aliquam motus  
 ‘impediverit, propagari non potest in lineis rectis,  
 ‘sed omnino sese inflectet et diffundet quaquaversus  
 ‘in medium quiescens quod ultra id obstaculum ja-  
 ‘ceat:’ Ut satis constat ex *propp* 41. 42. 43 *lib.* 2.  
*Prin. Newtoni.* ‘Sic undae in superficie aquae, dum  
 ‘oras lati cujusvis obstaculi praeterlabuntur, in-  
 ‘flectunt sese et dilatant, diffunduntque gradatim  
 ‘in aquam ultra id obstaculum quiescentem. Undae,  
 ‘pulsus seu vibrationes aëris, in quibus soni confi-  
 ‘sunt, similiter inflectunt sese:’ At lumen nunquam  
 curvas vias ingredi, nec sese in umbram inflectere,  
 perpetua experientia comprobatum est.

Haec omnia argumenta vim suam obtinent absque  
 consideratione hujus quaestionis, viz. num omnia spa-  
 tia sint plena, an potius sit vacuum interspersum? Pri-  
 orem opinionem copiose evertit Cl. Newtonus: Si  
 autem spatia coelestia materia aliqua resistente abso-  
 lute vacua ponamus, cum magno hoc auctore, (nam  
 omnia hic pro dignitate expendere non licet), hinc a-  
 liis rationibus firmissimis hypothesis Cartesiana convel-  
 leretur.

Fortassis vix operae pretium fuisset in doctrinis his  
 refellendis versari, nisi magno ac praeclaro philosopho,  
 aequae ac medico, illustrissimo Boerhaavio, visum fuisset  
 simile aliquod dogma amplecti, de solis ac luminis  
 natura in nobilissimo suo nuper edito chemiae tracta-  
 tu, cui plurima in hacce dissertatiuncula debentur.  
 Vir clarissimus dicit, ‘Solem nullam emittere ma-  
 ‘teriam igneam, verum esse causam, quae quoties a-  
 ‘gere valet sine impedimento alio in materiem lucis  
 ‘hospitantis in hoc nostro aëre, eam uno momento  
 ‘cogat

cogat in radios parallelas. Directorem itaque ignis solem habendum, velocitatem porro inimaginabilem esse eam, qua philosophi aiunt solem emittere ignem illum qui calorem facit; sibi autem videri, hanc solem tantum potentiam habere, ut præexistentem in aliquo loco ignem non auctum dirigat in lineas parallelas.

Nihil spero, vel praeter tyronis verecundiam, vel summam eam, quae tanto tamque stupendi ingenii viro debetur, venerationem fecisse existimabimur; si ab illo in hac doctrina ea qua decet modestia dissentiamus, atque incomparabilis Newtoni argumenta supra allata pro merito vindicimus. Et primum quidem, siue haec illustri Boerhaavii opinio eadem sit cum sententiarum aliquibus supra memoratis, siue aliam aliquam supponat astrorum naturam, non enim quid sentiat de solis ipsius natura aperte significasse videtur vir eruditissimus, neque constat num forte intelligat simile quid opinionibus quae Philolao et Empedocli† a quibusdam auctoribus tribuuntur: Qualiscunque tamen haec ejus sententia sit, iisdem semper quas diximus difficultatibus videtur urgeri; pressione enim aliqua vel saltem motu per medium fluidum rem peragi assumit.

Quam deinde, vel minimam quidem, habere queat hic radiorum parallelismus vim vel efficaciam, neutriquam possumus perspicere; neque celeberrimo auctori, dum tanto molimine id probare adnititur, opera

feliciter

† Hi philosophi dicuntur credidisse solem vitreae cujusdam vel crystallinae esse naturae, qui ignis per omne spatium mundanum aequaliter diffusi, ad nos aliquo modo repercutiat splendorem; *Plut. de Pl. ph. l. 2. cap. 20.*

Feliciter cessisse videtur: Ex ipsius enim ratiocinio nulla idonea consecutione colligi potest eandem radiorum divergentium vel convergentium quantitatem non posse eundem, et aequè validum, ac si paralleli essent, effectum obtinere. Perpetua verò monstrat experientia eadem copia radios in minōri spatio comprehensos majorem edere calorem, atque ex densitate radiorum, non ipsorum directioni, calorem pendere. In vicinia corporis luminosi calor est maximus, quia ibidem radii plures eodem spatio continentur; pro eo autem ac illi rariores deveniunt sive dissipantur, calor minuitur: A vitris insuper comburentibus in spatium valde angustum radii contrahuntur, atque juxta focum, ubi minimum occupant spatium, fit calor summus: Si ab eodem recedamus pauciores aderunt radii in eodem spatio, eademque ratione calor minuetur: Tandem, caeteris paribus, calor semper augeri deprehenditur in ratione densitatis. Omnino autem non assequi licet sensum nobilissimi hujus scriptoris, ubi de candelae luce agens, ejus vicinitatem asserit parallelismum creare: Certissimum quippe est, radios magis a se invicem divergere, atque longius a parallelismo abesse, quò propius accedimus ad candelam; atque ubi radii sunt frequentes et stipati, ibi semper maximum adesse calorem. Lineae quidem parallelae a physicis aestimantur quae ad punctum valde distans tendunt, atque ea ratione aliquando supputant focos radiorum a sole vel puncto aliquo longinquo in specula vel vitra pellucida incidentium; non tamen inde argumentari licet, eos enquam vere supponere hunc parallelismum: Immo, e contrario, ex divergentia radiorum solis supputantur ejus vires in singulos planetas, qui a magnò

New.



Newtono inveniuntur calore solis majore vel minore frui, pro diverso gradu densitatis.

Ex hoc parallelismo denique sequi videtur, corpora coelestia non magis incallescere debere, cum corpori solis appropinquant, quam ubi ab eodem longissime recedunt: Quamvis autem in coelos ascendere non possumus, et sensibus talia experiri; attamen minime haec convenire posse videntur doctrinae illi modo memoratae densitatis variae in planetis, vel observationibus astronomicis; v. g. de caudis cometarum, quae semper majores et splendidiore emittuntur postquam perihelium praeterierint cometae, adeoque a sole propiore vehementer fuerint calefacti: Has enim caudas nil aliud esse comperit admirandus Newtonus, quam tenuissimum vaporem, ex atmosphaera quadam nuclei sive capitis cometae in perihelio versantis exhalatum, eodem modo quo fumus in camino ascendit.

Radios lucis refringi, non incidendo in ipsas corporum superficies, sed vi quadam per totam corporis superficiem diffusa, et perpendiculariter agente, qua hi in transitu per sphaeram sive spatium attractionis attrahuntur vel impelluntur versus corpus pellucidum, antequam id corpus contingant, qua eadem nimirum vi in aliis circumstantiis reflectitur radius, quaque eadem e corpore ipso lucente initio emittitur, copiose fatis demonstravit Cl. Newtonus: Sed per *prop. 95. lib. 1. Princip.* hujus summi auctoris, velocitas lucis ante incidentiam est ad ejus velocitatem post emergentiam, ut sinus emergentiae ad sinum incidentiae: Ex quo conficitur, posito angulo incidentiae communi, radiolum aliquem lucis vi refractionis semper majori velocitate moveri per medium refringens, quam prius

in

in vacuo, in ratione finuum qui corporum refractiones metiuntur. Corporum ergo illorum partes veloci hoc motu vicissim agitantur, quoniam actioni aequalis est reactio: Quin etiam reciproce in hanc vim, quae se exerit per intervalum aliquot interjectum, cum majorum corporum attractione, sive mutua gravitate, comparavit magnus Newtonus. Si autem actione aliqua vel vi corporis pellucida acceleretur motus radiorum, oportet motum hunc in radiolo lucis productum reagere in illud corpus, partium illius motum ciere, atque repetitis quasi celerrimis ictibus, uti in corporibus ex percussione fieri supra monuimus, vibrationes in his corporibus excitare ad ea calefacienda. Haec autem puncto temporis fient minori quam concipi potest: Si enim lumen a sole ad nos perveniat spatio septem minutorum, partem temporis quam exiguam elabi cogitandum est, dum id sphaeram attractionis trajicit alicujus corporis pellucidi, motu etiam adhuc concitatiore. Hujusmodi autem partium corporis minimarum celeres vibrationes cum calore semper conjungi, probabile admodum esse supra ostensum; ergo ita omnia corpora a luce calefieri posse videntur, cum omnium corporum naturalium partes minimae sint aliquo modo pellucidae, et opacitas istorum duntaxat oriatur ex refractionum et reflexionum multitudine, quae in interioribus ipsorum partibus fiunt.

Quo validior ergo sit haec actio, eo magis corpora calefaciet; adeoque, cum verisimile sit radios lucis ex particulis compositos esse inter se dissimilibus, quarum aliae sunt majores, aliae minores; maximae quae creduntur lucis particulae, sive colores fulgentissimi, aptiores erunt, caeteris paribus, ut corpora ex his calefiant,

fiant, quam colores lucis debiliores et languidiores; simili modo ac in tunica retina vibrationes longissimas excitare videntur.

Ad haec, cum pro varia indole corporum opacorum radii diversorum colorum multas diversas reflectiones et refractiones intra haec corpora patiantur, quo pluribus huiusmodi determinationibus vel directionibus variis agitur lux, eo magis multiplici hac actione corpora calefacit: Unde omnium tardissime a luce solari incalescunt corpora candida, dein rubra, caetera vero omnia tanto citius quo debiliorem lucem reflectunt. Qui enim radii a corporum prima superficie statim reperiuntur, non adeo calefactionem corporis promoveri possunt, ac alii qui multiplicibus refractionibus et reflectionibus intra corpora agunt, donec tandem vel in solidas corporis partes impingentes absorbeantur, vel utcumque e corpore per reflectionem vel refractionem emergant. Omnium vero citissime calefiunt corpora nigra, quae ideo constare videntur ex particulis omnium tenuissimis, adeoque ad reflectendam lucem ineptis, et quae lumen varie refringunt intra se, usque eo donec id restinguatur penitus et intercitat.

Rursus, quoniam vires corporum ad reflectendum et refringendum lumen proportionales sunt corporum ipsorum densitatibus quam proxime, per *Prop. 10. lib. 2. Opt. Newtoni*. Liquet ergo, quo densiora fuerint corpora, eo semper maiorem esse debere lucis in eadem actionem, sive magis a luce concalescere posse. Periculis autem in corporibus institutis memorabilem hanc differentiam invenit summus vir, quod corpora unguosa et sulphurea duplo vel triplo magis lucem refringant, quam corpora terrestria et macilentia ejusdem

dem prorsus densitatis, ita tamen ut semper etiam illa, perinde ac omnia alia, eandem servant inter se legem generalem praedictae propositionis. Inde etiam valde probabile reddi existimat Cl. auctor, ‘Omnia corporum, praecipue, si non omnino, deberi refringendi vim partibus his sulphureis seu oleosis; quoniam verisimiliter in omnibus corporibus insunt partes sulphureae, in aliis quidem majori, in aliis minori, quantitate.’ Omnium ergo maxime idonea erunt a luce calefieri corpora unctuosae et sulphureae, quae etiam ignem adeo facilius concipiunt, et vehementius ardent, quam alia corpora, tam ex lumine in focus vitrorum urentium, quam ex igne vulgari.

Tandem, ex copia sive densitate radiorum in corpus aliquod incidentium, quam maxime intendi potest calor: Unde quo propius accedimus ad corpus luminosum, calor increscit, uti prius memoratum, cum de Cl. Boerhaavii parallelismo ageremus. Id imprimis probari ibi ostensum ex experimentis speculorum vel vitrorum comburentium, unde vis radiorum solis in immensum augeri potest; quibusque speculis vel vitris omnino fit idem effectus, ac si tanto propius ad ipsum solis corpus accederemus. Dispersio enim vel raritas radiorum divergentium crescit in ratione duplicata distantiarum; Et ex his principiis supputavit Cl. Newtonus cometam anni 1680, si modo terra arida fuisset, ex radiis solaribus calorem concipere potuisse, quasi 2000 vicibus majorem quam est calor ferri candentis.

Huc referre licet calorem ortum a radiis solis varie reflexis et constipatis inter montes, aut per parietes, et in vallibus; cum iidem radii solis directi, et sine  
nullis

ullis reflectionibus, ut in altissimorum montium cacuminibus, vel in partibus atmosphaerae superioribus, parum admodum calefaciant: Quod partim quidem a raritate aëris in his locis, maxime autem a paucitate reflectionum, pendere videtur. Valde autem debilitatur vis radiorum solis in zonis terrae frigidis, vel tempore hyemali; non tantum quia pauciores radii ex obliquitate in aliquod spatium incidunt, atque a reflexionibus magis dissipatis ob angulos incidentiae obtusiores, verum etiam ob diversam longitudinem dierum ac noctium, quibus fit ut multo plus frigoris contrahatur ex longissimis noctibus, quam contrahi possit caloris quantitas ex diei brevioris sole. Radii etiam plurimi in obliquitatibus suffocantur, quoniam per multo longius spatium atmosphaerae terrestres eos trajici oportet. Multum praetereatribuendum censuit Cl. Halleius viribus ictuum radiorum ex obliquitate imminutis; quin etiam hujus causae, ad variorum locorum terrae a linea aequinoctiali distantias, computationem exegit.

Doctrinae allatae de radiorum densitate non repugnat, quod ‘lunae imago, plenilunii tempore, nocte serena hyberna, directe opposito speculo Vilettiano excepta, quamvis focus lucidissimus inde ortus fuerit, tamen ne minimum signum caloris vel frigoris ad thermometrum dedit\*.’ Neque omnino hoc mirabile apparet, cum simplicissimo modo hujus rei ratio reddi posse videatur. Nulla enim alia de causa lunam plenilunii tempore non aequae interdiu ac noctu luce re observamus, nisi propter dispositionem quandam

O

oculi

\* Boerhaavii chem. p. 227.



oculi diversam, et quod debilior ejus lux, perinde ac omnium planetarum et astrorum, splendore magno nostrae atmosphaerae luce solari illustratae, adeo obscuratur ut insensibilis fiat: Interim certissimum est, tunc haemisphaerium lunae maxima sui parte a sole illuminatum, tam diebus perpetuis quam noctibus, aliquamdiu telluris incolis obversum manere, adeoque radios a luna ad visum nostrum pertingentes nihilo plus noctu calorem excitare debere atque per diem; nam lux major lucis minoris propagationem non impedit, sed tantummodo sensui non adeo notabilem reddit, eoque minus fortiter hunc afficit minor lux, quo majori lumine visus occupatur et praestringitur. Luna autem interdum revera nube aliqua lucidior non apparet; si ergo radii a luna emissi calorem aliquem insignem per haec specula gignere valerent, tum pari ratione lux a nube quavis reflexa, et ab his speculis repercussa, comburere posset, quod nunquam fieri observatum: Etenim, si hoc accidere queat, tum profecto non valde tuto his instrumentis uti liceret in aëre aperto, dum luce solari splendet atmosphaera. ‘Solis quidem imago a speculo plano reflexa valde urit, eadem a luna propagata non item:’ Quia longe alia est ratio superficialium hujusmodi expolitarum, laevium, et aequalium, quae radios omnes acceptos in unam tantum partem reflectunt, atque superficiei lunaris, quae summe inaequalis, scabra, et aspera ab omnibus philosophis habitata, astronomisque deprehensa est; et propterea radios solares non unam in partem, veluti specula plana, verum quoquo versus summa inaequalitate dispergit. Differentia etiam insignis inter corporis lunaris et speculorum istorum planorum reflectionem, vel hinc ori-

ri potest, quod per longissimum intervallum radios solares luna ad nos propaget; ideoque illius lumen erit inde multo debilius et magis dispersum lumine speculorum, antequam perveniat ad speculum Vilettianum, in quo instituebatur hoc experimentum. Revera sensibus nostris vel oculorum acie fallacissime iudicamus de lucis copia vel gradibus; eadem enim corpora, sive loca videntur tenebrosa vel lucida, pro varia dispositione retinae vel pupillae, et ratione obscuritatis vel splendoris corporum vicinorum et circumjacentium. Quin etiam summam lucem non cernimus, nisi vel directe a lucido corpore ad nos dirigatur, vel corpori occurrat alicui reflectenti; visio enim non fit nisi per radios qui in oculum impingunt. ‘ Si Vilettiani speculi focus in aëre nullum attingit opacum in pleno sole, non videbitur ibidem ulla imago lucis, nisi quis directe se opponeret,’ &c. An inde iudicare licet lumen magna valde copia ibi non adesse? Videntur etiam \* quidem auctores, qui de his rebus scripsere, non satis animadvertisse verum discrimen inter lucem et calorem, atque caloris vicinis corporibus communicandi rationem sine luce; de quo postea: Tum quod solis lumen vix finitam habeat rationem cum candelae alicujus luce vel ignis. Nemo potest solem adversum in meridie directe intueri; atqui lux candelae in luce solari umbram projicit; nam solis candor illustrior quam ullus ignis, qui immenso systemati nostro tam longe lateque colluceat.

Restat explicanda mira quaedam lucis proprietas, quam illustris auctor facilioris reflexionis et transmissus

\* Vide Mariotte traité des couleurs, p. 288. et plurimos alios.

fus paroxysmos appellavit. Experimenta in tenuibus lamellis aëris vel aquae, ex duorum vitrorum contragutorum sibi invicem compressione factis, quorum aliud erat convexum, alterum planum, itemque in bullis smegmatis saponacei et lamellis tenuibus vitri Moscovitici, capta, ostendunt lumen naturale reflecti et refringi in annulos coloratos, definitae a se invicem distantiae et latitudinis, cum macula centrali nigra vel alba; qui annuli colorati per transmissionem visi semper apparent oppositi prorsus coloris ab illo qui ad eandem crassitiem lamellae per reflectionem cernebatur. Colores autem quivis singulares prismatici hoc modo explorati annulos quidem dedere consimili prorsus ordine et ratione; verum omnes ejusdem et unici illius coloris, non diversorum, ut prius.

Ex his porro observationibus et calculo accurate instituto, invenit sagacissimus auctor, idem genus radiorum, aequali obliquitate in has lamellas incidentium, ita reflecti et transmitti multis alternis vicibus, pro crassitudine lamellae aucta in progressionem arithmetica numerorum, 0, 1, 2, 3, 4, 5, 6, 7, 8, 9, &c. hancque dispositionem transitoriam, quam in transmissu suo per quamlibet superficiem refringentem adipiscuntur, et quae aequalibus revertitur intervallis, appiellavit paroxysmos facilioris reflectionis et transmissus. Nam si prima reflectio fiat in crassitudine 1, tum radii transmittuntur in crassitudinibus, 0, 2, 4, 6, 8, 10, 12, &c. reflectuntur autem in crassitudinibus, 1, 3, 5, 7, 9, 11, eoque pacto efficiunt annulos coloratos et maculas centrales per reflexionem et refractionem visos. Si autem, e contrario, hae vices propagantur a puncto reflectionis, tum alio etiam ordine vices facilioris reflectionis

flexionis sequuntur progressionem numerorum 0, 2, 4, 6, 8; &c. ac proinde intermediae vices facilioris transmissus distant ab illo puncto in progressionem numerorum imparium, 1, 3, 5, 7, 9, &c. Ex iisdem observationibus colligitur, 'Lumen, etiam antequam in corpora pellucida incidat, vices suas habere facilioris reflexionis et facilioris transmissus, atque verissimum esse id vices istas tum nanascisci, cum e corporibus lucidis primum emittitur, illasque per totum suum progressum usque retinere.' Paroxyfmi enim illi in quibusdam casibus deprehensi sunt centum vices excessisse; immo, ex phaenomenis quibusdam laminarum crassarum, intelligimus eas propagari ad plura millia; nam, ubi crassities lamellae  $\frac{1}{4}$  unciae non excedebat, tamen hujusmodi in ea paroxyfmi fiebant 34386 vicibus: 'Adeo ut vices hae alternae revera in omnem distantiam, sine fine aut limite, ab omni superficie refringente propagari videantur.'

Liquet etiam, ex observationibus lamellarum tenuissimarum vitri Moscovitici aqua madefactorum, alternam hanc refractionem et reflectionem ex crassitie vel distantia superficierum cujusque tenuis lamellae, ideoque ex ambabus his superficiebus, pendere. 'Ad haec pendet quodammodo ex actione vel dispositione aliqua propagata a prima superficie ad secundam: Alioqui enim in secunda non penderet ex prima. Ea autem actio sive dispositio ita propagatur, ut aequis perpetuo intermittat et revertatur intervallis. Efficit enim in omni progressu suo, ut radius, certa interjecta distantia a prima superficie, reflectatur ex secunda, alia autem interjecta distantia transmittatur,

‘tur, idque aequalibus intervallis, et per innumeratas vices. Depositio autem ad transmissionem vel reflexionem in variis distantis existimanda est reversio ejusdem dispositionis quam habebat is initio in prima distantia, hoc est, cum transmitteretur vel reflecteretur per primam superficiem refringentem.’ Simile quod his paroxysmis etiam observatur in corporum electricitate, ubi ab occulta vi quadam tam repelluntur quam attrahuntur corpuscula vicina.

Hi paroxysmi videntur medium aliquod subtilissimum arguere, in quo motus quidam vibrans vel circulatorius a radiis luminis excitatur, unde in similes rursus agitationes sollicitantur solidae partes corporis refringentis vel reflectentis, ita ut varios illos etiam hae ineant cursus et recursus, eoque pacto efficiant ut corpus id quodammodo incalescat. Vibrationes hoc modo excitatae inde propagari possunt in medio sive substantia refringente vel reflectente, eodem fere modo, ac vibrationes ad efficiendum sonum propagantur in aëre; moventurque eae velocius utique quam ipsi radii, adeo ut illos antevertant: Cumque radius aliquis est in ea, viz. vibrationis parte quae cum motu suo conspiret, tum is per superficiem refringentem facile transmittitur; cum autem est in contraria vibrationis parte, quae, sciz. motui suo obstat, tum is facile reflectitur: Et consequenter radius unusquisque ita comparatur, ut, vibrationibus singulis eum praevertentibus, reflectatur is facilius, vel facilius transmittatur, vicibus alternis.

Variae autem incurvationibus quibus radii in refractionibus, reflectionibus, et inflexionibus de recta linea detorquentur, ex densitate medii hujus oriuntur,  
in



in diversis locis diversa, lumine nimirum a densioribus partibus medii semper recedente. ‘ Forte enim  
 ‘ hujus medii densitas major est in spatiis liberis et  
 ‘ apertis, quae sint aëre, aliisque corporibus crassioribus  
 ‘ vacua, quam intra aquae, vitri, crystalli, gemmarum,  
 ‘ aliorumque corporum densorum poros, et pro eo ut  
 ‘ ex his crassis densisque corporibus, in spatia vacua eatur,  
 ‘ densius evadit paulatim; eoque pacto radios luminis  
 ‘ r fringit, non simul et semel in uno puncto,  
 ‘ sed gradatim eos in curvas lineas flectendo. Nam,  
 ‘ cum lumen per vitrum aut crystallum transmittitur,  
 ‘ et oblique admodum in ulteriorem ejus superficiem  
 ‘ incidens, ex toto reflectitur; reflectio illa ex toto, a  
 ‘ densitate potius et vigore medii quod est extra ultraque vitrum,  
 ‘ quam ex ejusdem imbecillitate, oriri debet.’

Medii vero hujus condensatione, quae ita gradatim fit, radii luminis qui prope corporum densorum extrema, interjecto aliquo intervallo, transeunt, deflecti hoc modo ad ipsum oculum cernuntur; atque par est ratio radiorum refractorum vel reflexorum, qui procul dubio non in puncto incidentiae, sed paulatim per continuam incurvationem radiorum, partim in aëre factam, antequam corpus attingant, partim etiam in ipso corpore postquam illud ingressi sint, flectuntur.

Medium porro hujusmodi, siquidem existat, erit subtilissimum, mobilissimum, rarissimumque. Subtilitas ejus summa et mobilitas inde intelligi potest, quoniam omnium corporum poros facillime permeat, et movetur velocius radiis lucis, ut ita eos antevertat: Ex iisdem colligitur, illud esse valde elasticum. Oportet enim

enim vibrationes five pulsus hujus medii, ut vices illas alternas facilioris reflectionis et facilioris transmissionis generare queant, esse ipso lumine celeriores; ideoque amplius 70000 vicibus velociore motu sonorum; sed ex *Prop. 48. lib. 2. Pr. Newt.* pulsuum in fluido elastico propagatorum velocitates sunt in ratione composita ex subduplicata ratione vis elasticæ directæ, et subduplicata ratione densitatis inversæ; unde erit vis elastica hujus medii, pro ratione suæ densitatis, amplius 700000 x 700000 partibus major vi elastica aëris pro ratione itidem suæ densitatis. Magna igitur hacce elasticitate ubique se diffundet, atque omnia spatia coelorum et corpora pervadere debet. Mira autem particularum hujus medii tenuitate fieri poterit, ut summam hanc obtineat elasticitatem, simili modo ac vis attractrix vix se conspicuam præstat, nisi in minimis materiae particulis, atque uti electrica attractione agitantur corpuscula exigua multo magis quam grandia. Sequitur præterea, ex prop. supra allata princip. Newt. pro medii hujus raritate valde crescere ejusdem vim elasticam, quod imprimis videtur notatu dignum.

Caeterum, ex qualibus particulis constet hoc medium five aether, definire non licet, num, sciz. more aëris nostri ex particulis a se invicem recedere conantibus compositum sit, an alio quovis modo. Ex dictis autem multo tenuiores esse liquet aëris nostri vel etiam luminis partibus.

Rarissimum esse oportet hocce medium; cum enim magna sua elasticitate se per omnia spatia dispergat, necesse est ut nullam præberet resistantiam, ne in corporum poris latens eorum agitationes impediret, vel in  
spatiis

spatiis cœlestibus magnorum istorum corporum planetarum et cometarum motibus ullo modo obsisteret.

Medii hujusmodi resistantiam intra corporum poros latentis nullam revera sensibilem esse per experimenta comperit magnus Newtonus, in scholio *Prop. 31. lib. 2. Princip.* atque ex theoria resistantiarum fluidorum patet, ab eorum raritate hanc in immensum minui posse, quatenus, scilicet. ex inertia materiae pendet; unde per multa pericula in corporibus facta, aequè ac ratio- cinia, demonstravit summus ille vir longe maxima ex parte in omnibus fere fluidis eam oriri debere. ‘A- deo ut si ponatur hunc aetherem (ita liceat appella- re, quamvis ejus naturam non satis perspectam ha- beamus) esse 700000 partibus magis elasticum aëre nostro, atque etiam amplius 700000 partibus rario- rem; jam ejus resistantia amplius 600,000,000 par- tibus minor foret, quam aquae: Tam exigua autem resistantia per decem millia annorum vix planetarum motibus variationem ullam induceret quae sensu per- cipi posset.’

Si quaeratur, qui fieri possit ut medium aliquod tam sit valde rarum? admiratio tolli potest ex eo, quod Aër ipse in atmosphaera superiori rarior esse queat quam aurum amplius centies millies millenis parti- bus. Etiam ex phaenomenis electricitatis; nam ex novis quibusdam experimentis effluvia haec deprehen- duntur ad perquam insignem ab ipso corpore electrico distantiam propagari. Similium rerum etiam exem- pla habemus in effluviis magneticis, et spiritu illo rec- tore in chemicis; quod subtilissimum corpus nulla arte seorsim deprehendi potest, et sine ullo pondere

fenfibili principium est maxime efficax in omnibus plantis, tam salutaribus quam venenatis. Hunc autem spiritum, five medium, corpora omnia vel crassissima pervadere, atque in iisdem latere, posuit Newtonus in *Princip. Phil. N. pag. ult.* atque in ultima editione Optices, hujus medii vibrationibus in corporibus calidis fieri existimat, ut ‘eorum calor intentior sit et durabilior.’ Itaque omnia corpora quodammodo hujus medii ope perpetuo moveri atque agitari videntur. Gravissima etiam argumenta pro talis medii existentia duci posse videntur ex Cl. Boerhaavii chemia, neque aliud opus est intelligere, nisi medium hujusmodi, ubicunque magnus hic vir loquitur de igne ut elemento. V. g. ‘Quis mortalium assignet ultimum punctum frigoris absoluti, id est, forte quis assignet perfectam ignis quietem? atque minimum ignis aut caloris vel virtutis rarefacientis principium, statim incipit expandere omnia omnino corpora.—Quare probabile sane habetur, ignem hunc in vacuo, et in meatibus intra solidissimas massas vacuas relictis, ut in vasis quibusdam contineri, moveri, agere semper.—Unde ergo semper foret actio et reactio, inter ignem in poris nitentem expandere elementa, et inter naturalem corporum nixum, in adunationem arctam suorum principiorum.’ Videatur Cl. Boerhaavii *Chemia*, p. 190. et multis aliis locis.

Tota porro doctrina caloris orti ex attritu, miscelissalium cum liquoribus, putrefactione, fermentatione, vel effervescentiis, quae hic ob angustos hujusmodi dissertationibus praescriptos limites omittere cogimur, uti etiam a Cl. Boerhaavio fuse explicantur, nil aliud fere ostendere videntur. Obiter vero hic notare liceat,

in attritu triplicem actionem hujus medii animadvertendam esse, viz. primum ex attritu motum aliquem in medio excitari debere, tunc medium mobilissimum in hunc motum fuscitatum agere in corpora; tandem corpora reagere oportere in medium ad motum hunc in eo sustentandum, qui primum ab attritu exortus fuerat.

Nil denique est, quod hujus medii tum existentiam, tum actionem tam manifeste ostendat, quam communicatio caloris. Corpora enim calida calorem suum in frigida contigua transferre, vibrationibus hujus medii, e calidis in frigida communicatis, elegantissimo hocce experimento monstrat Cl. Newtonus. ‘ Si in  
 ‘ duobus amplis altisque vitris cylindraceis inversis,  
 ‘ duo parva thermometra ita sint suspensa, ut vitrum  
 ‘ non contingant; aërque ex horum vitrorum altero  
 ‘ sit exhaustus; vitraque, hoc modo comparata, e loco  
 ‘ frigido in calidum deferantur; utique thermometro-  
 ‘ rum id, quod erat in vacuo incalescet nihilominus,  
 ‘ neque fere tardius, quam id quod non sit in vacuo.’  
 Annon ergo ‘ Calor ille exterior trans vacuum defer-  
 ‘ tur vibrationibus medii cujusdam, longe quam est  
 ‘ aër subtilioris, quod quidem medium exhausto aëre  
 ‘ tamen adhuc in vacuo supersit? mediumque hoc  
 ‘ annon id ipsum est, quo lumen refringitur et reflec-  
 ‘ titur, et cujus vibrationibus lumen calorem in cor-  
 ‘ pora transfert, vicesque illas facilioris reflexionis et  
 ‘ facilioris transmissus acquirit, hujusque medii vibra-  
 ‘ tiones, annon in corporibus calidis, ut eorum calor  
 ‘ intentior sit et durabilior efficiunt?’ Calor ergo com-  
 municatur quaquaversum, sive in ambitum, corpori-  
 bus contiguis frigidis, atque instar atmosphaerae alicu-  
 jus



jus se vi sua extendit in orbem, uti omni experientia constat.

Nonnulli calorem magis sursum quam deorsum ferri credidere, his et similibus experimentis adducti; quia, nimirum, omnia fluida ita incalescunt ab igne, ut si sint in vase aliquo profundo contenta, calidiores partes juxta fundum vasis leviores factae sursum primo ferantur, partibus inferioribus relictis quasi frigidis. Hoc fit in aëre corporibus ignitis vel flamma calefacto, ut experimentis de industria institutis in aëre et vacuo observaverunt academici Cimentini; item in aqua alto vase contenta, exempli gratia, refrigeratorii alembici facillime sentitur, manu in aquam immissa. Ex occasione autem horum phaenomenorum sic intellecta, non inferre licet, calorem ex sua natura magis unum quam alium petere locum, verum aequabiliter tanquam a centro quaquaversum sese diffundere. Jam locus esset dicendi de corporum majorum vel minorum, densiorum vel rariorum, calore et frigore, atque de variis naturae legibus in corporibus refrigerandis, quae omnia copiose persecutus est Cl. Boerhaavius; neque difficile esset plurima ex his per medii hujus actionem non valde dissimili modo explicare: Attamen fatendum est, naturam ejus et actionem esse adhuc satis obscuram, ut in his semper quid pro certo et explorato definire non liceat. Antequam vero haec prorsus missa faciamus, observandum esse arbitramur, huic medio in multis aliis arcanis naturae operibus primas forte deferendas esse partes, ubi vix quicquam vulgo de tali causa cogitamus.

Ejushmodi porro de quo loquimur medium non penitus fugisse videtur nobilissimi Baconi, saepius supra laudati,

laudati, ingenium penetrans et capax; dicit enim, in Novo suo Organo, calorem communicari a spiritu quodam, qui virtutem habet excitandi corpora ad motum illum qui est forma calidi. Antiqui autem philosophi, multum licet calori sive igni tribuant in formarum educatione, eumque potissimum naturae artisque instrumentum agnoscant, nil tamen nisi involutum et obscurum de illius natura et proprietatibus disseruere. Juvat tamen notasse, Platoni, in ipso Physicae diluculo, quasdam veritatis scintillas subluxisse: De elementis namque disputans, asserit \*, ‘Nihil igne vacuum unquam videri posse †, ignemque in omnia maxime pervasisse.’ In Philebo ‡ vero pro certo pronunciat, ‘Ignem omnem, qui apud nos reperitur, ab igne universi derivari.’

Ex observationibus Fahrenheitii de calore vario fluidorum ebullientium pro vario pondere atmosphaerae, colligit celeb. Boerhaavius, hanc ‘tanto plus incallescere a radiis solis, quo plus premitur, id est, quo propior est superficiei telluris, eoque minus, quo minus atmosphaerae pressio, id est, ad superiora.’ Ideoque conjecturam hanc sequitur nobilissimus auctor, ‘Ignem, viz. subterraneum, oriri posse ab aëre ibi densato, quoniam in terrae profundissimis infima ita premuntur ab immani incumbentium pondere, ut attritus minimi faciant calores maximos.—Item probabile esse a centro telluris summum aestum sensim decrescere, atque omnium minimum evadere, ubi terminus habetur medius inter duos planetas.’

Nullam

\* In Timaeo, ap. Steph. 1578, p. 31. edit. Serrani. † Ibid. p. 98.

‡ P. 29.

Nullam autem satis firmam causam videmus, cur tanta auctoritate vel in hac re penitus perstringamur: **P**rimum, quod non satis appareat, unde hi attritus oriri possint; certe non a compressione partium sola id fit; nunquam enim ostendi potest, ex sola compressione sine motu aliquo particularum ipsarum intestino vel acquisito, calorem enatum fuisse. Neque gigni potest hic calor a motu telluris diurno supra suum axem, quoniam rotatio aliqua, vel relativus totius corporis motus, calorem excitare non valet; sed solus motus inter se ipsarum partium corpus constituentium.

Praeterea, non intelligimus quomodo haec magna compressio oriatur in centro telluris, vel quo pacto in hac re vitari possit opinio nimis absurda, atque a vera physice summopere aliena, viz. quod sit gravitatio corporum ad centrum telluris tanquam punctum aliquod consideratum, quod, ut ait Celeb. Baconus, ‘esset profecto virtuosum genus nihil, quod tanta ad se raperet; etenim corpus non nisi a corpore patitur.’ Quamvis enim vis gravitatis a coelis usque ad superficiem terrae crescat in duplicata ratione vicinitatis corporum ad istam superficiem, tamen, ex iisdem causis, ostendit Cl. Newtonus, in *Prop. 38. lib. 1. Princip.* valde probabile esse, vim centripetam, progrediendo a superficie telluris versus ejus centrum, diminui in simplici et directa ratione, dum appropinquamus ad istud centrum; ita ut in centro ipso nulla sit omnino corporum gravitas. Neque adhuc satis constare videtur, calorem illum in fodinis profundioribus ex metallicis quibusdam vel mineralibus effervescentiis non potius ortum ducere. Narrat enim Nob. Boyleus, quod exploratores inveniant haec loca non modo ex calore esse molesta,

molesta, sed itidem fumis talidis, acribus mineralibus, valde noxiis semper scatere.

Postremo, multa essent dicenda de corporum prae aliis inflammabilitate, de vi aëris in flammam, de occulta etiam quadam proprietate aëris pulmonibus semel hausti, quo deinceps ineptus evadit flammæ alendæ, de qua re inter alios experimenta quaedam instituit D. Nieuentyt; denique, de pabulo ignis, quod multis argumentis ostendisse videtur Celeb. Homburgius nil aliud esse præter veras luminis particulas in oleo vel sulphure latentes: Atque hoc omnino convenit cum Cl. Newtoni sententia de ignis vulgaris et flammæ natura: Dicit enim hic, ignem videri esse corpus eoque calefactum, ut lumen copiose emitat, flammam verò esse tantum fumum sive vaporem candentem. Valde etiam hæc confirmantur ex actione mutua inter olea, sive sulphura, et lumen, atque ex eo, quod, uti multis exemplis ostendit Cl. Newtonus, 'corpora omnia, quæ abundant partibus terrestribus et sulphureosis, lumen emittant, quotiescunque partes illæ sint satis agitatae; sive id fiat calore, sive attritu, sive percussione, sive putrescendo, sive motu aliquo vitali, sive alia quavis de causa.' Insuper, quod lux sistatur et suffocetur in corporibus, quoties in eorum partes radii impingunt, et quod 'corpora omnia fixa, quum sint ultra certum gradum calefacta, emittant lumen et splendeant, eaque luminis emissio (ut supra memoratum) per motus vibrantes partium suarum efficiatur.'

COROL.

## COROLLARIA PHYSICA.

I. Sol particulas lucis e suo corpore ingenti velocitate ad nos transmittit in lineis rectis.

II. Parallelismus radiorum lucis nil facit ad calorem gignendum, neque omnino directio, sed densitas, caeteris paribus.

III. Calor omnis non oritur, neque communicatur, a particulis lucis.

IV. Nullus ignis subterraneus oritur vel a sola densitate et pondere incumbentium, vel a motu telluris diurno circa suum axem.

Doctrinam caloris rite perspectam rei medicae aequae ac physicae perutilem esse, ultra fatebitur qui, ob incompetas illius proprietates, animadverterit vetustos etiam medicinae antistites, de ortu et generatione corporis humani, ejusque facultatibus, incondita plurima et parum sibi constantia protulisse; quae opinionum prodigia a Galeni seculo fere ad nostra usque tempora invaluerunt. Quum enim in vegetantium omnium procreatione nil ad foecunditatem absque eo provehi vidissent, ipsiusque operam in animalis cujusque generatione non solum egregiam, sed plane necessariam; singula vero, dum in vivis numerantur, calore perfundi cernerent, morte vero consumpta, hoc prorsus extincto, refrigerari. Ad phaenomena haec quoquo modo solvenda principium quoddam commenti sunt

*calidi*



*calidi innati* titulo, qui vitae et sanitatis rector, generationis, nutritionis, somni et vigiliae moderator existeret, operationum denique animalium quarumvis munia obiret. De cuius natura et origine Galenum ejusque sequaces ridicule adeo disceptasse utut doleat, gratulari tamen libet Fernelio, disciplinae Hippocratici apud Gallos instauratori disertissimo, quod idem censuerit a sole quodammodo, tanquam a vero ipsius fonte, posse derivari, et quempiam asseruerit calorem in iis haec opera exsequi, ‘eumque solis calori concordem esse et consentaneum †.’

Experientia enim constat, hirundines et Alpinos mures ‡, multa denique insecta, frigore intenso ac tempore brumae, motu ac sensu fere privata jacere, quae solis accessu ac vere novo ad vitam redeunt. Historiarum fide accepimus, Aegyptios furni calore temperato pullos gallinaceos excludere solere; nec quenquam latet semen animalium, quae foetus vivos edunt, materno calore blando in utero fœtum foecundari, et motus principium, saltem sensibus obvii, adipisci.

Quid, quaeso, ex omibus hisce elici poterit, nisi caloris benigno influxu motum et vim elasticam vel oscillantem in animalis cujusque perfecti partibus, tam fluidis quam firmis, ali et foveri; in embryonibus vero aut seminis animalculis excitari et expandi. His consonum est illud Hippocratis, ‘Dua ad animantia omnia et hominem ipsum constituendum concurrere, facultate dissidentia quidem, usu vero commoda, Quidem ignem

† Fernelii phys. lib. 4. cap. 1.  
Plin. hist. natur.

‡ Gesneri hist. animalium.

‘ignem et aquam, quorum ille omnia movere, haec  
‘omnia nutrire potis est †.’

Sed ut momentum doctrinae hujus uberius innotescat, dispiciendum est, quomodo, in statu naturali, corpori calor accedat: Hoc autem duplici modo fit, sciz. vel extrinsecus admoto corpore calido, aut frictione adhibita; vel interne, solidorum et fluidorum attritu ad se mutuo.

Calor extrinsecus accedens, non solum se corpori insinuat, ac calorem internum sui incremento adauget, at etiam vibrationibus suis validioribus fibras nervas exagitando vi stimuli suscitatur, ac motum sanguinis projectilem intendit. Hic, diutius agente causa externa, motum morbosum arcessere potest, attestante omnium experientia qui in regionibus calidis fervidi solis radiis se paulo tardius subtraxerunt; nec ii, qui frictioni validiori ultra modum indulserunt, mitiorem sortem experti sunt.

Attritus autem ille solidorum et fluidorum inter se mutuo fit, vel motu musculorum laborioso, vel medicamenti stimulo. Prior ille modus calorem excitandi conceptui offert tritus totidem instrumenta, quot fibrillarum myriades complectuntur, universi corporis muscoli, eorum insuper compressionem et vires in omnia vasa fibrillarum interstitia perreptantia. Mirumne igitur cuiquam videbitur, quantopere valeat corporis exercitium ad sanguinem ‡ attenuandum, et ad calorem suscitandum, quantumque ultra modum excurrentis morborum seminio conferat? Posterior ille  
modus

† Hippocrat. Foessii, de victus ratione, lib. 1. p. 341.

‡ Hippocrat. de victus ratione, lib. 3. p. 367. et paulo infra, ubi exuperantiam vitandam monet.

modus medicamentis omnibus perficitur, quae vasorum vim elasticam erigunt, eaque roborant; quo censu veniunt aër gravis et elasticus, frigus, et aqua frigida, quorum omnium virtute assurgit solidorum in fluida reactio, sanguinis densationem efficiens, majoremque proinde attritum. Huc spectat illud Hippocratis \* tritum, ventres sive cavitates hyeme et vere calidiores esse quam aestate. Item illud †, ubi in tetano frigidae affusione calorem restitui ait, morbumque sanari. Praeterea interne vasa stimulantia motus vasorum oscillatorios proritant, ac sanguinis progressum accelerant; talia sunt spiritibus foeta, acria volatilia, caustica, et vulnerantia quaecunque. Hisce omnibus accedunt, externe vasa comprimentia et coarctantia, ut vestes, ac stragula densiora, astringentia et emplastica, quae porro meatus obstitant; quorum singulorum contemplatio ampliorum tractationem deposceret. Illud solum obiter notabimus, caloris gignendi rationes hasce omnes justo longius progressas eadem fere mala efficere, solaque applicatione diversa differre. Nimius namque calor, intra sive extra adhibitus, solida exsiccatur, fluida densatur, visceribus inflammationem et opilationes multifarias inducit: Quod unico cursorum exemplo illustrare visum est. Hos enim plerosque artuum rigiditate vexari comperimus, pleuritidi, peripneumoniae, sanguinis spato obnoxios, ac tandem lienosos fieri et sanguinem mejere; quae mala ipsi siti aridi vinorum ardentium ingestione adaugent. Sic  
olim

\* Aph. S. i. 15.

† Aph. S. v. 21. Vid. etiam Epidem.

olim cum hero apud Plautum conqueritur Acanthio  
fervus \* :

———— Genua hunc cursorem deferunt.

Perii! seditionem facit lien, occupat praecordia.

Perii! animam nequeovertere : Nimis nihili tibi cen scem.

Et paulo infra ait idem :

Tua causa rupi ramices, jamdudum sputo sanguinem.

Cui Charinus herus :

Resinam ex melle Ægyptiam vorato, saluum feceris.

Ex hisce omnibus fatis superque liquet, quam absurda moliantur ii, qui corpore intensiore calore tentato, volatilibus, aromaticis, et stimulantibus sanguini fervorem addunt, quem diluentibus et lenientibus compescere æquum est : Haec namque sola subtile humidum deperditum rescicere queunt.

Sed, ut finem tandem differendi faciamus, paucis perstringere lubet, quae calorem febrilem corpori inferunt; eaque jam dictis consona esse palam fiet, si febris conjuncta attentius lustremus phaenomena.

Primo vero dolor ille dorſi et lumborum, rigor et frigus extremorum, tremor in imis manibus et pedibus, vasa flaccida et contracta, unguium livor, cutis extima pallida, arida, sicca, stimulum solidis impressum declarant, indeque psalmum in vasis minimis per superficiem sparsis. Hinc fluida in arteriolis minimis  
obici

obici quasi impingunt, et per vasa continua, introrsus, eorum progressus tardatur; dum interim in lymphaticis et venulis liquida ad cor referentibus urgentur, quo cumulate ruunt. Inde rursus tremens et palpitans cordis motus, praecordiorum anxietas, spiritus densus et difficilis, jactatio, sensus flammulae aut ebullientis circa praecordia sanguinis, pulsus contractus, parvus, et debilis, nausea et vomendi conatus; donec, ex parte superatis repagulis, tenuatus sanguis in corporis superficiem provehatur, et per loca libera diffundatur calor, pulsusque fortius et plenius micet. Quorum necessarius in tali statu nexus clare perspicitur, et facilis eorum reddi posset ratio, nisi instituta brevitates a diverticulo retraheret. Jam in tali fluidorum et solidorum lucta, quis non summum cernit attritum, calorisque expeditionem vehementis, donec tandem, subacta materia resistente et vasorum spasmo, solutoque lentore, ac fugato stimulo, inutilis humoris nifus ad secretoria deflectat, et per excretionem, seu sensilem sive insensilem, e corpore propellatur? Si quis vero de talis stimuli existentia dubitandi ansam arripit, aut qua via, quove tramite ad dorium et lumbos, exindeque per corporis exteriora deferatur; in promptu est, talia infinita propemodum dari, quae apud omnes facile agnoscuntur: Qualia sunt; externa, vulnerantia et pungentia quaevis, acrida et corrosiva, quin et astringentia validiora; interna, primo vehementes animi affectus, terror imprimis et ira, qui sine materia, ab inexplicabili mentis et corporis nexu pendentes, nervos exagitant, nervosisque filamentis spasmos inducunt. Intus etiam sanguinem ipsum afficiunt, materia venenata, subtilis, caustica, alimenta paulo acriora, corrupti



corrupti et biliosi in primis viis humores, perspirabile interclusum, sudores critici exhibiti, exanthemata retro pulsa, materia purulenta, &c. quae omnia lege circuli sanguinis in arterias vertebrarum translata, in spinalem medullam ejusque membranas deferuntur: Hinc vi stimuli excutiantur nervi, quorum motus incompressus in totum systema ob nexum individuum propagatur. His accedunt partium tensio in tumoribus et inflammationibus, quae membranarum et nervorum divulsione eosdem concitant motus.

Frigoris tandem sensum ab imminuto aut impedito sanguinis progressu in partibus spasmo corrugatis provenire, indicio sunt color lividus et pallor, vasorum subsidencia, cutis ariditas et siccitas ob liquidi vitalis defectum; unde frigus sanguinis in progressu residuum signum est certissimum, prout calor ejusdem ad partes allapsus plane denunciat.

Ex hac caloris in febribus idea patet, quaecunque vasa laxant, stimulum tollunt, acre involvunt et demulcent, lentum et viscidum solvunt, vasa nimis infarcta modice deplent, vitae vires moderantur et corpori emissaria aperiunt, eadem et febris esse optima remedia.

F I N I S.

C  
DISSERTATIO MEDICA  
INAUGURALIS,  
DE

Morbis ex Animi Passionibus orientibus,

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. JACOBI SMITH,  
UNIVERSITATIS PRÆFECTI;

NEC NON

Amplissimi SENATUS ACADEMICI,

Et nobilissimæ FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS;

Eruditorum examini subjicit

GULIELMUS SCHAW,  
SCOTO-BRITANNUS, A. & R.

Ad diem 26. Junii, in Bibliotheca Academiae Edin-  
burgensis, Hora 11. *ante Merid.*

EDINBURGI:

---

M,DCC,XXXV,



Illustrissimo, potentissimo, ac nobilissimo Principi,

J A C O B O

Duci, Marchioni, et Comiti ATHOLÆ,

Marchioni ac Comiti de TULLIBARDIN,

Vicecomiti de GLEN-ALMOND,

Domino MURRAY, &c.

Comitatus Perthenfis praeſecto juridico hereditario,

Palatii Regii Falcolandiae Cuſtodi itidem hereditario,

Hereditario etiam Fifae Senefcallo,

Sigilli privati apud Scotos Cuſtodi,

Regi a ſanctioribus conſiliis,

Et antiquiſſimi et nobiliſſimi Ordinis D. Andreae Equitis

Nec non

Ampliſſimo et nobiliſſimo Viro,

D A V I D I

Vicecomiti de STORMONT,

Domino BALVAIRD,

COCKPOOL, et LOCHMABEN, &c.

Patronis ſuis maximopere colendis:

Differtationem hanc Medicam,

Qualecunque obſervantiae ſuae

Gratiae animi monumentum,

D. D. C. q.

G U L S C H A W  
R

1842

1843

1844

1845

1846

1847

1848

1849

1850

1851

1852

1853

1854

1855

1856

1857

1858

1859

1860



# DISSERTATIO MEDICA

## INAUGURALIS,

DE

### Morbis ex Animi Passionibus orientibus.

**N**IHIL prius aut antiquius scientiam aliquam aggreffuro esse debet, quam ut ejus primam originem variosque progressus pro virili cognitos habeat. Sequentium enim aetatum est priorum non modo vestigia consecrari, sed etiam summa ope et industria niti, ut jactis ab illis fundamentis aliquid de suo novi ad scientiam ulterius promovendam perficiendamque indies adjiciant. Qui, hac cura abjecta, ignaviae forcordiaeque se tradunt, vel rebus inutilibus tempus disperdunt, non solum omnis eruditionis hostes, sed generis sui opprobria censendi sunt.

In tota medicinae arte nihil invenimus, quod magis memoria excidit, et re vera tamen nihil magis altissimam mentis meditationem requirit, quam quos pro  
tempore

tempore *morbos patheticos*, five morbos mentis in corpus inductos, nominari peto.

## P R O B L E M A.

Quaer. *In corpore humano, quaenam sit mutatio mechanice inducta, quae mentis contemplationes uniformes destruit, functionesque pervertit, ut animi pathemata inducat?*

Si a compluribus observationibus, certisque severissime inductis experimentis, phaenomena a passionibus inducta maxime esse analoga illis originem ducentibus a quadam corporis variatione (dum mens paece fruitur) invenimus; non dubitem concludere causam efficientem, minime quidem primariam, eandem esse.

Antequam nostra mente aliquod objectum apprehendimus, organa sensationis externa afficiuntur †, haecque sensorio communi ideas communicant. Non meum est in hujus doctrinae explicatione litigare. Vide de hac re *Boerhaav. Institution. p. 219. usque ad 266. Bellin. p. 49. Willis de Cerebro, passim.*

Secundum corporum figuram externam sensu interno afficimur. Absurdum fortassis apparet, primo intuitu, passionum exordium ab externis corporibus derivare; sed, ni animus fallitur, assertionis veritas paululum reputando elucescet.

Ponamus

† Lock concerning human understanding, vol. I. chap. 2. p. 13. vol. 2. book 4. chap. II. p. 250. Philosophical Transactions for 1727, 1728, p. 447.

Ponamus quaevis corpora, quotidie uno eodemque tenore sensus afficere: Sine ullo horrore mentisve perturbatione ea aspicere possumus. Quod si ulla inducta sit superficiei diversitas, corpulse membris privetur, vel partium numerus augeatur; haec objecta, quaecum in naturali fuere statu attentionem nequaquam attrahebant, nunc adstantes insueta sensatione afficiunt, i. e. pathemata producunt; et haec magis intensa, vel mitia sunt, prout objecta insolita magis apparebant. Ab omnibus prius dictis fas est concludere, quod nullum exoriatur animi pathema, antequam organa externa afficiantur.

Haud quidem negandum est, homines indomitas in corde gerere passiones ubi nulla conspiciuntur objecta, ex. gr. etiam in atra caligine. Sed eodem res redit, siue sensus externi immediate objectis afficiantur, siue animus idearum seriem mente sepositam saepius revolviendo, aut ideas fictitias seu advenas superaddendo, majori vi ea repraesentet; in ambabus hypothesis mens eadem concutitur sensatione.

Ex principiis mechanicis, quibus modis corpora menti mutationem inducant, dicere conatus fui; evidenter autem ex prius dictis patet, objecta externa passionibus originem dare: Restat nunc leges demonstrare, juxta quas mens jactata corporis oeconomiam mutat, ut morbos inducant; et considerando, quaenam hinc oriatur animi dispositio concludere possumus: Et quidem hic labor, hoc opus est determinare. Ne autem nimis praecipites in hac re procedamus praemittenda sunt sequentia axiomata.

*Ax. 1um*, Corporum per aliquod medium latorum celeritates in ratione composita virium motricum, resistantiarumque superandarum fiunt.

*Ax. 2dum*, Vis impellens in ratione reciproca minuitur distantiarum a motus centro.

*Ax. 3tium*, Si liquor ex heterogeneis particulis compositus per canalem moveatur, quamquam vis motrix aequalis sit, attamen particulae inaequalem patiuntur resistantiam: Quae enim specificè graviores sunt, vasis latera punctis paucioribus attingunt, vel celeriore pede trajiciunt, quam leviores ejus portiunculae.

*Ax. 4tum*, Fluidum ponamus prius in aliquo canali movere, ex arteria deinde ramos ad quemlibet angulum produci; elementa quae maximam materiae quantitatem minima superficiei contentam habent, directione lateribus parallela, vel a basi usque ad apicem movebuntur; dum aliae diversi ordinis secundum quadratum sinuum angulorum vertuntur.

*Ax. 5tum*, Cuncta corpora secundum particularum configurationem, quae superficiem externam componit, hos illosve radios lucis reflectunt, et vario colore adstantes afficiunt.

*Ax. 6tum*, Si vis motrix augeatur, momentum liquidi inclusi etiam augetur; vel si fluidi quantitas sit aucta, idem sequitur effectus: Ergo momentum ab uno alterove producitur, aliquando ab ambobus simul agentibus.

Omnibus notum est, dum nostra corpora legibus circulationis gubernantur, tamdiu nos functiones proprias excolere posse, omnibus morbis immunes esse, mentemque passionibus liberam fieri: Interim concedere cogimur, aliquos facillime effraenis mentis actionibus

tionibus jactari, dum alii passiones revolvunt pectore incolumi. Hoc fuisse primordium credo omnium scriptorum veterum, de temperamentis sic dictis, vel idiosyncrasiis, i. e. sanguineis, attrabiliis, &c. de quarum doctrina non est quod pluribus agamus, cum ea ad *tertium* praecedens axioma generatim reduci possit. Ponamus hominem saeva ira candescere, adstantes quantum ab illo mutatum cognoscunt? 1. Vultum truculentum induit. 2. Oculi protuberantes furore scintillant. 3. Glandulae magno rivo liquores expuunt, invito muscoli convelluntur, verbo dicam, infano furore corripitur animus: Hinc canit poeta \*, *Ira furor brevis est*. Unde deveniunt haec phaenomena? Hoc fonte nimirum, motu liquidorum projectili subverso. Evidenter ex primo phaenomeno apparet, circuitum esse auctum, vimque fluidorum moventium solidorum resistentiis superiorem esse: Adeo insignibus praeditus est hic circuitus viribus, ut contra propriam gravitatem liquida ascendere cogantur: Sed experientia particulas rubras totius liquidi densissimas† esse docet. Ex Ax. 4. ergo demonstratum est, cur rubedine tingatur vultus, dum caetera membra nativum servant colorem, et hujus motus causa ex Ax. 6. patet. Quo majori circulatio rapitur vi, eo major liquidi quantitas dato temporis spatio secernitur: Hinc fit quod ira percitus saliva spumescente madidum habeat os.

Spirituum animalium sanguinisque influxus musculorum actionem facit: Alterius vel utriusque celeritas

aucta

\* Horatius.

† Leewenhockius sparsim in suis opusculis.



aucta eundem producit effectum, ac si quantitas fuisset aucta; sanguis musculorum villos spatio temporis proportionato tendit, tunc muscoli contrahuntur.

An absurdum fuerit e contrario ratiocinari, quod mentis quodvis pathema corporis aequabilem oeconomiam destruat, et an quaevis mutatio fluidis impressa mentis passionem producat. Ab exemplis autem sequentibus veritas plane apparebit, si motus quantitatem districte accommodemus obtinenti gradui dum furibundae fuere passiones.

Hominem ponamus spumantia pocula evacuare, donec sensorium commune vino impressum sit, et inde circulationis leges pessundari; in unam alteramve passionum praeceptum fertur: Prompti sunt aliqui dentibus propter iracundiam frendere, alii levibus amoris flammis uruntur: Sat erit exemplum secundum ad hujus doctrinae veritatem demonstrandam. Si amatores roseis labellis oscula carpunt, in mutuos amplexus prona ruunt, gaudio membra palpant. Motus solidis communicatus causa hujus phaenomini est: Nec mirum, cum nervi labiis distributi communicant intimeque confunduntur illis, qui corporis partibus maxime vitalibus conjuncti sunt, nempe praecordiis, &c. Titillans hic invenitur sensatio, oculi gaudium projiciunt, pulmoneque a magnis ramis iis distributis, nolentes volentes, se contrahere coguntur; hinc solito major liquidi portio extremitatibus supernis accumulatur, pulsus celer debilisque invenitur: Haec utraque ambobus esse effectus videmus.

In immensum cresceret hic tractatus, si omnium pathematum exempla afferrem; instituto meo suffecerit unum aut alterum delibare. Si partes nervosae  
- sensationibus

sensationibus prius allatis contrariis afficiuntur, diversas producunt passiones. Hominem aliquando apprehendisse ponamus aliquibus sensationis organis tale objectum, quale mechanicum solidis motum inducebat, talemve nervorum compressionem, quae dolorificam ideam excitabit, perinde est quatenus fuerit corporis pars; et cum reactio aequalis et actioni contraria est, idem sequitur effectus, ac si impressio in ipsum cerebrum facta esset; si denuo tale objectum sensus afficit, vel reflectendo mente voluitur, necessario odium oritur.

### G A U D I U M.

*Def.* Dum regnat gaudium, pectora dulci motu exultant, tristesque secluduntur curae. Secundum nostram theoriam millena invenimus corpora, quae primo intuitu laetitiam menti adferunt: Quaedam est in corporibus proportio, seu symmetria, quae gaudium voluptatemve spectantium animis pariunt, quae si versa, vel prorsus deperdita, contraria sensatione membra afficiuntur. Hoc nullo pacto ex ipsorum voluntate pendet, sed ex naturali lege oriri videtur. Quare tunc ejusmodi corpora organa afficiant explicare possumus; at cur non omnia voluptatem, aut omnia dolorem, aut aliam similem sensationem menti adferant, non mihi magis in promptu est, quam Domino Isaaco Newtono fuit gravitationis alteriusve cujusquam legis naturalis, causam assignare.

Annon hujus voluptatis vel doloris, quatenus de mechanicis rerum viribus nunc agitur, aequae ratio peti  
S . . . . . potest

potest ab externa corporum configuratione? Ita, v. g. supponamus sonum harmonice absque quorundam corporum interventu propagari, is multo minore voluptate nos afficeret, quam cum ejusmodi interveniunt corpora, quae sonum et augeant et suaviorem reddant. Si corpus, v. g. angulis vel poris abundet, tum radii sonori absorbeantur; si elasticum sit, vibrantes conquassationes ab instrumeto sonoro acceptas augebit, parique proportionem auditus organum validiore vel debiliore impulsu feriet, h. e. ut mechanice loquamur, voluptatem vel dolorem pariet.

Neque aures solum blanda dulcedine mentem imbuunt, sed omnes alii sensus externi laetitiam animo adferre possunt, v. g. si excelsa domus summo artificio extructa sit, ubi arbores ramos omnis generis fructibus gravatos emittunt, varisque flores fragrantis undique odores spargentes, nares oculosque afficiunt; gaudio exultat, et extra se quasi rapitur adspiciens.

### T R I S T I T I A.

*Def.* Cum moeror miserum excruciat pectus, etsi fortuna sereno ridet vultu, omnesque voluptates ei obrepunt, nullam tamen felicitatem veram homo possidet; cum objecta, quae olim gaudium menti adferebant, minuuntur, vel delentur, tristitiae quantitas erit in proportionem ad momentum gaudii antea potiti. Hujus causa videtur motus irregularis sensorio impertitus; tantis enim viribus praedita est haec passio, ut nisi ratio-

tiocinatione ei obviam ire conemur, tota mentis dispositio brevi labefactetur. Haec fortassis philosophandi ratio quibusdam nimis praecaria videbitur. Ego contra nihil a me hic propositum, nisi quod in ipsa rerum natura fundatum sit, assumo. Nullum pathema existere, nisi sensus externi prius afficiantur supra demonstravimus, et quamque passionem oeconomiam animalem turbare: Proinde, si liquidorum motus, ad eum quem habebant, dum furibundae erant passiones, gradum exegerimus, conclusio sua sponte sequetur.

Q. E. D.

Demonstratum haecenus credo, quatenus mutatio in corpore humano ad passiones ciendas requiratur, nunc considerandi sunt effectus, vel quibus modis morbos inducant: Quod quidem nobis praecipue propositum fuit.

Atque ut ab iracundia exordium sumamus, cum primum indomitus hic affectus aliquem invadit, protinus homo furore abreptus non diutius ullos legitimos animi actus exercere capax est; sanguis effraeni impetu per varios canales propellitur: Proinde juxta Ax. 4. certus particularum numerus per axim movebitur, i. e. motus projectilis a centro motus ad extremitates rectissima directione feretur. Cum autem arteriae ad caput emissae via omnium rectissima tendunt, maxima fluidorum quantitas illic, caeteris paribus, locum obtinebit, dum interim rami collaterales particulis secundi ordinis distendentur. Celeritate sanguinis sic aucta, spirituum animalium celeritas pari proportionem augebitur. Hinc cordis contractio acceleratur, et quamdiu ea durat, quaeque liquidorum vis divellens canales

destruere

destruere nititur; et quamprimum momentum cohaesionis partium componentium vel minimum superius evadit, horum canalium ruinam brevi consequi necesse est. Per Ax. autem 2. qua parte corporis id eveniturum sit, statuere licet. Extravasatione hinc succedente, cavitas praeternaturalis formabitur; atque adeo, juxta hydraulicorum leges, liquores in ea contenti impressionem perpendiculari ipsorum columnae et basi proportionalem efficient. Cum autem canales flexiles sunt, haec impressio in vicinos canales vim suam exeret, et in eorum lateribus resistantiam inclusis liquoribus superiorem, i. e. obstructionem inducet: Hinc quo major quantitas, eo minor invenietur resistantia; minima autem ubi canales disrumpuntur resistantia est. Hoc rerum statu aeger sensu privabitur, ac demum apoplexia morietur. Hic tamen effectus non repente contingit, sed paulatim progreditur: Prius enim unaquaeque canalis distentio, naturali ejus cavitate superior, partium tunicis injuriam adfert, quaevis nervosarum fibrillarum pressura dolorem excitat, et cum nervi alii cum aliis intime communicent, ex motus legibus tota machina ejus mali particeps fit. Hinc facultates pessundabuntur †; varii nimirum nervi, qui cum sua origine communicantes animalibus facultatibus inserviunt, magnam compressionem sustinebunt; et quo fortior debiliore erit haec compressio, diversa orietur objectorum repraesentatio: Ea enim aliquando caligine tecta, aliquando inversa, aliquando in gyrum acta apparebunt; donec tandem in morbos comatosos, qui vitae finem imponunt, aeger incidat.

*Coroll.*

† Bellin, de morbis capitis, p. 504. Observat. Tulp. lib. 2. cap. 20.



*Coroll.* An ex nostra theoria guttae ferenae, sine aliqua causa apparente productae, ratio reddi potest? Ex iis quae memoravimus indiciis fluidorum celeritatem auctam invenimus, eodemque res redit, sive liquidorum moles augeatur, an solito major ejus quantitas alicui parti dimittatur.

Notitia humanae structurae docet nervum cardiacum arteriae carotidis superficiem percurrere; si hujus arteriae sectio circularis, e. g.  $\frac{1}{10}$  distenditur, quo major haec distentio, eo magis nervus ille comprimitur, vel ejus capacitas imminuitur: Ergo cor principio motus actionisque fraudatur, paralyticum redditur, h. e. maxime acceleratur ejus vibratio, sed debilitatur vis impellens: Liquidis hoc pacto sua resistentia projectili cordis vi superioribus evadentibus, ejus motus cessabit, donec tandem spiritibus destitutum morti succumbat.

*Coroll.* An non ex hac doctrina, ratio erui potest, cur plurimi morte repentina extinguantur, quamvis eorum corpora accurate dissecta et perlustrata nullum indicium praebuerunt, vel oeconomiae animalis violatae, vel polypi, vel cerebri compressionis; quae multis pro refugio sunt?

Hoc fonte plurimi alii oriuntur morbi, quos prolixè tractare egregius esset otii abusus. Dum furor saevit, febre ardente homines jactantur; carpo tractato, symptomatum eritis judices; pulsus celeri magnoque ictu digitum ferit; tota ardente calore torret compages, dolore cruciatur caput, delirium accedit, &c.

Haec mala seu morbi humanum genus exagitant: Sed magnum datur discrimen inter fabricam organorum quae sexus distinguunt; quorum adeo pro dispari ratione

ratione morbi discrepabunt. Ponamus, v. g. mulierem, gravidum uterum gestantem, dum placenta ad uteri superficiem perexiguam habet proportionem, subita correptam ira; cruor tumultuario rivo in vasis uterinis acceleratur, nimia distentione ne quidem una guttula foetus nutritur, vascula ad summum usque impleta rumpuntur, liquida profiliunt, placentae nexus solvitur, et expellitur intempestivus foetus.

### A M O R.

Ab hoc quem modo consideravimus effectu plane diversus est amor, periculosus quidem quoad effectus, sive ejus in corpus simul et animum, sive in corpus solum (de quo nunc agitur) vim spectemus. Quampri- mum objectum hanc passionem excitans se offert, animus assiduo dilirio correptus ad hoc unum contem- plandum se convertit; ejusque intensio in proportione erit ad quantitatem felicitatis ex objecti fruitione spe- ratae: Quovis mentis actu spirituum dispendium fit, proinde cogitatio perpetua perpetuum dispendium crea- bit; et pro ratione assiduitatis et intensiois hujus ac- tus, ita major minorve jactura spirituum erit. Cum autem spiritus animales totius massae fluidorum longe subtilissimi sint, residuum densius reddetur; et quo major quantitas vitalibus actionibus consumitur, natu- rales animalesque debiliores fient.

Ut hi effectus clariores reddantur, a chylopoieticis visceribus incipiam. Actio ventriculi, si non prorsus evertetur, certe plurimum enervabitur, cruditas, pro- stratus appetitus, oris amarities, acidi nidorosique fla-  
tus,

tus, hypochondriorum tensiones, aëris generatio, borborygmique producentur †. Alimenti autem in liquorem nutritioni aptum conversio, actio princeps est; at digestionem perditam esse demonstravimus: Hinc horrenda incipit tragoedia, liquida resolvuntur, seu proprietates a cohaesione particularum pendentes diruuntur, circuitus lento trajicit pede, nutritio, humorum velocitate diminuta, particulisque subtilissimis dissipatis, laeditur; vitae atque sanitati adeo necessaria solidorum tensio discingitur, verbo dicam, primaeva illa lex attractionis labefactatur. Non igitur mirandum est, si amoris vinculis diu constricti corpus athleticum marcescat, antiquus vigor pereat, et juxta axioma 5. cujus ora antea suffusa rubore radiabant, nunc solidorum inertia fluidorumque solutione corpus inducto pallore fugiat sanguis, solidisque relaxatis membra imbecillitate frangantur.

Per Ax. 2. omnium corporum momentum immittitur, ut spatium a motus centro cumulatur: Hinc quo propinquior cordi, eo fortior est vis projectilis.

Omnium liquorum motus ab uno in alium minoris diametri canalem moventium accelerabitur, dummodo liquida inclusa solidorum reactionem haud superant. Solida a prius dictis debilitantur. Si in toto corpore punctulum monstrare possimus, ubi vis cohaesionis maxime imbecillis est, et tamen fluidorum momentum vividius, cohaesio solvetur. Si calculum inire velimus, pulmones eam partem esse deprehendemus: Hinc enim non solum eorum vires infirmae admodum sunt; sed

† Baglivi *Praxeos medicae*, lib. I. cap. 14. p. 147.

sed ii pressuram columnae perpendicularis, cujus altitudo atmosphaera est, basisque sectio vesicularum composita, sustinent. Hinc phaenomenon primum est sanguinis sputatio, phthisis dirus mortalibus morbus subsequitur. Hunc esse effraenis amoris effectum experientia \* testatur. Si aeger e faucibus mortis eripiat, alio ingruente distorquetur morbo; postquam portiunculae subtilissimae avolavere, spissiores legibus circulationis subeundis relinquuntur. Ubi canalis diameter particulis moventibus superior est, vascula nulla injuria corripuntur: At ubi motus lentescit, particularumque diameter aequalis tribus canalis semidiametris invenitur, obstructio oritur, particulisque redeundi nulla patet via. Nam obliqua pressura canalis laterum, fluidumque subsequens vim habent retrogrado materiae obstructae motui superiorem.

#### DE TIMORE. T I M O R.

Sive timor in imaginatione fundamentum habet, five externi afficiuntur sensus a corpore verum horrorem incutiente, iidem evenient effectus. Sequentia phaenomena loco axiomatum ponamus: 1. Pallor fit universalis. 2. Pavida formidine trepidat pectus. 3. Membra concutiuntur. 4. Largo corpus sudore proluitur. 5. Demum sequitur syncope. Inter philosophos pallor, seu pellucidus color, pro nullo habetur, sed omnium colorum combinatio. In sequente autem particularum configuratione eum consistere existimo, nimirum

\* Tulpii Observat. lib. 2. cap. 26.

nimirum in toto fluido cohaesionis vis eandem proportionem adipiscitur; ergo non solum anguli incidentiae angulis reflectionis aequales, sed anguli reflectionis inter se aequales sunt. Dum humani corporis vasa liquidis ingurgitantur, color qui ruber dicitur excitatur: Fluidorum autem motus, ut aliqui somniavere, absorptione sola nequaquam conficitur; sed evidenter vis projectilis a primo mobili derivata ejus est causa: Si ex vasculis distentis color modo dictus oritur, sequitur colorem diversam, seu pellucidum, ex vis moventis inertia proficisci; h. e. cor eodem impetu sanguinem quo statu sano nequaquam urget; si inaequalis devenit circulatio, major in uno quam alia parte accumulabitur quantitas, et per ax. 4. partes sic distentas designare possumus; hinc musculorum actioni requisitum aequilibrium disperditur, tremores levesque horripilationes sequuntur. In statu vegeto sudor, vel celeritate vel quantitate liquidorum aucta, aliquando momento diminuto excernitur: Si musculosi cutis sphincteruli iis resistendis oppositi relaxantur, liquida pleno profiliunt rivo, seu largo sudore corpus lavatur. In anxietate, cruciante quidem sensatione, sed quam medici a dolore distinguunt, palpitatio ex resistantia cordi injecta nascitur, quae minima ratione aucta, dum nictat oculus, si cordis actioni obstet, inde vel lipothymia corripit, vel solidorum inertia in spissam vertuntur fluida materiem; circuitu sic impedito, metus est ne aeger ad superos migret. Ponamus omnium canalium aream compositam ad fluida certam habere proportionem, e. g. 4 :: 3. Si ab aliqua causa vel moles aucta in toto corpore sit, vel major quantitas dato loco coacervata, canalis distenditur secundum propor-

T

tionem



tionem inductam, quisque nifus fibras componentes dilacerans inter elementa spatium auget, vel vim attractionis diruit; consequenter vim superandam habet cor solum, quam simul cum canalibus arteriosis superare confuevit; per ax 2. pulmones maxime distenduntur; hinc vesicularum villi gravitati incumbentis atmosphaerae resistere coguntur, non datur contractioni spatium requisitum; ergo in cordis dextro sinu, et in arteria pulmonali, sanguis accumulatur, sequitur peripneumonia, seu respirationis difficultas, i. e. vera agonia aeger corripitur.

Unam alteramve sententiam de *Diagnosticis* et *Prognosticis* adjiciam, brevitati studens.

## D I A G N O S I S

Plane apparet cuique insipienti.

## P R O G N O S T I C A.

Ex sequentibus *Corrollariis* morbi effectus intelligere possumus.

*Coroll. 1um*, In ratione composita celeritatis fluidorum solidorumque cohaesionis effectus erit. Ponamus vasculorum cohaesionem, ubi maxima est pressura, esse 16, vim autem a fluidis communicatam 10; ergo ut 10 :: 16, ita vis attractionis est resistentiae: Hinc solida vi fluidorum projectili cohaesione aequali 5 reniuntur; neque solum hic effectus in proportionem erit ad motus quantitatem, sed in ratione composita ex  
motus

motus quantitate et particularum soliditate: Nam liquores non solum undequaque premunt, vi ab aliis corporibus communicata, sed propria sua gravitate. Si fluidi portiuncula, cujus gravitas specifica 20 esse invenitur, vi 10 projicitur; corpus cujus resistentia est 35 percutit, prior exhauritur vis, incolumeque remanet corpus: Ponamus vim motricem eandem esse, sola gravitas specifica mutatur, ex. gr. 20 + 10, nunc corpus prius intactum cohaesionem velocitate aequali 5 amittet.

*Coroll. 2dum,* Ut momentum duratioque pathematum ratione superiorem potestatem acquirunt, ita sequuntur effectus. Tota haec mutatio in oeconomiam inducta, ab animi pathematibus originem haurit. Hinc sequitur, quodcunque tollendi effectus habet vim, vel inania redditurum pathemata, vel machinam pristino statui restitutum. Ut medelam perfectam attingamus, frequenter mentis dispositionem inquisitionem habere oportet: Medici quippe sapientis est, alta mente fontem hujus alijsve passionis indagare; sermones igitur cum aegroto conferendo, vel causam mali prorsus imaginariam esse suadebit, vel aliquos pravas animo ejus ideas suggerendo, et rem in pejore statu esse quam revera est, repraesentando, ipsi imposuisse. Si adeo furore praecipitatus est, ut nullis argumentis aurem praebeat, methodus curandi proxima erit, passionem affectui praedominanti contrariam excitare. Hominem amore jactatum ponamus, si odium ejus pectore inferere possis, finem optatum attinges. Sed aegri conditioni, medicique prudentiae, hoc relinquimus.

Ad eam medendi partem pervenimus, in qua humana tantum machina respicitur. Cum autem iidem sint effectus, qui in aliis morbis, si ope medicinae leges motus in fluidis corrigere possimus, et exitiosis passionis effectibus obviam ire, vere dici potest, nos effectibus ejus praeveniendis passionem ipsam amovisse.

Dum ira furit homo, phaenomena eadem esse, quae in momento sanguinis aucto aspicimus: Quodcumque ergo sanguinis quantitatem minuit, aut vim expansilem moderari valet, celeritatem retardabit. Interdum quidem quantitatem minuendo, celeritatem augebis, dum, sciz. liquidi quantitas solidorum vi aequilibratur. Nostra autem hypothesi, tali suppositioni ne vel minima ansa relinquitur. Hinc venae sectione fluidorum momentum diminuitur, hacque operatione non solum celeritas minor fit, sed etiam particularum soliditas imbecillis redditur. Omnium corporum cohaesio in ratione composita nifus particularum in contactum, pressuraeque corporum ambientium fit; haec locum habent, sive elementa solida, sive fluida sint; et cum reactio aequalis et actioni contraria est, quantitate motus diminuta, solida tonum seu elasticitatem repente amittunt. Hinc paucis punctulis parvisque superficiebus elementa se ipsa tangunt, id est, cohaesio seu vis attractionis decrescit: Variantibus autem indicationibus hanc repetere oportet.

Quo majorem caloris gradum quodvis corpus complectitur, eo majus occupabit spatium, i. e. caetera corpora magis premet: Si ulla inveniri potest methodus calorem extinguendi, pro frigoris inducti proportionem pressurae momentum diminuetur. Ars medica talia

talia suppeditabit; aliquibus enim praeparationibus frigus gignitur, quovis frigore naturali multis gradibus intensius, ut ex observationibus thermometricis constat. In hunc effectum, perscrutanda est tota attenuantium, resolventium, refrigerantiumque classis; idemque regimen praescribere, quod in morbis inflammatoriis, debemus.

In caeteris passionibus, quae evidenter celeritatem liquidorum minuunt, methodum medendi diversis morbi gradibus accommodare oportet; si nullum viscus particulari dolore cruciatur, sed dirus languor, mollis inertia, horrendaque macies pallentes occupat artus, et aegerrime functiones vitales excercentur; tunc indicationes curativae, ut variat diathesis, sunt omnia aromatica adstringentia, exhilarantia, medicamentaque cardiaca dicta, e variis naturae classibus, animalium, vegetabilium, fossiliumve excerpta; quodcumque denique solidorum elasticitatem, fluidorumque celeritatem lente auget. Postquam aeger per debitum tempus hanc partem curationis subierit, sequitur motus progressivus praescribendus. Hujus diversa genera ab antiquis \* tradita sunt. Nam motus quicumque vigorem seu vim musculorum auget, particulas solidas componentes ad se invicem premendo, seu in minorem molem redigendo; utque diametri minuuntur, cohaesionis punctula augentur, ac propterea movendo muscoli fortiores redduntur. Si languor supra dictus in ullum morbum particularem transfertur, ex. gr. vel in phthisin pulmonalem, aut maniam; ut alios illos

morbos

\* Vide Mercurial. de arte gymnastica, Dissertationemque nuper editam a D. Carol. Ayton Douglas,

morbos praeteream; haec maniae species nullo omnino pacto curanda est ut mania vulgaris, nimirum magnis iteratisque evacuationibus; sed danda sunt omnia medicamenta, quae solida laxata fortiora reddunt, celeritatemque fluidorum mox augent: Talia repetitis ictibus materiam obstructam solvent, hac methodo removentur morbi, aegerque sanitate vitaeque beata fruitur.

Timoris effectus unico verbo comprehendere possumus: Nimirum circulatio liquidorum retrograda devenit, id est, humores a circumferentia usque ad centrum moventur. Omne itaque medicamentum, quod solida stimulat, ut propellantur liquida stagnantia, solidorumve resistantiam minuit, aegrum curabit. Ad primum obtinendum, omnes acutae subtileque plantarum exhalationes, spiritus salesque volatiles, verbo dicam, quodcumque nervos inertes suscitât, requiruntur. Secundae intentioni respondetur, revulsiones faciendo, seu resistantiam quae fluidis circulantibus fit minuendo: Ubi enim minima datur resistantia, ibi maxima liquidi quantitas accumulabitur. In hunc finem pertundantur venae, epispastica pediluviaque applicentur.

Ut hisce tandem studiorum meorum primitiis finem imponam, id unum superest, ut a lectoribus veniam obsecrem, quod ipsorum oculos animosque nugis meis, rudi Minerva prolatis, ingeniique tenuitatem prodentibus, tamdiu detinuerim. Solus veritatis amor, communisque utilitatis studium ad hanc provinciam, a veteribus pene neglectam, a recentioribus leviter tentatam, obeundam me impulerunt. In re quidem

tum



tam ardua me ubique rectam viam tenuisse spondere  
non aſum; ſed neque in omnibus ea excidiſſe me  
ſperem: Ut hoc ſaltem poëtae lectorem meum dimit-  
tere liceat;

Qui legis iſta, tuam reprehendo, ſi mea laudes  
Omnia, notitiam; ſi nihil, invidiam.

F I N I S.



DISSERTATIO MEDICA  
I N A U G U R A L I S,

D E

Emeticorum Ufu in variis Morbis  
tractandis.

Q U A M,

FAVENTE SUMMO NUMINE,

Ex Auctoritate Amplissimi SENATUS ACADEMICI,

Et nobilissimæ FACULTATIS MEDICÆ decreto,

Pro GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS;

Eruditorum examini subjicit

JOANNES FOTHERGILL,  
ANGLO-BRITANNUS.

Ad diem 13. Augusti, hora locoque solitis.

EDINBURGI:

M,DCC,XXXVI.

U





Viris praeclaris,  
Praeceptoribus suis plurimum colendis,  
**JOANNI RUTHERFORD,**  
Med. Doct. atque in Academia Edinburgenſi  
Medicinae theoreticae et practicae  
Profeſſori :

**ANDREÆ ST. CLAIR,**  
Med. Regio,  
Medicinae theoreticae et practicae in eadem Academia  
Profeſſori :

**ANDREÆ PLUMMER,**  
Med. Doct. atque ibidem Medicinae et Chemiae  
Profeſſori :

**ALEXANDRO MONRO, R.S.S.**  
Et in eodem Lyceo Anatomiae et Chirurgiae  
Profeſſori :

Nec non  
**CAROLO ALSTON,**  
Med. Doct. et Reg. Botanices  
Profeſſori :

Ob plurima in ſe collata beneficia,  
Hoc ſpecimen inaugurale,  
Quod exegit mos laudandus Academiae,  
Omni quo par eſt obſequio et exiſtimatione offert

**JOANNES FOTHERGILL, A. et R.**





DISSERTATIO MEDICA

INAUGURALIS,

DE

Emeticorum Ufu in variis Morbis  
tractandis.

PROOEMIUM.

**Q**UUM corporis vigor, mentis acumen, falus perfecta praefens, futurae stabilimen, vitae constantis et integrae dulcedo, magna ex parte ventriculi, visceris praenobilis, fata sequantur; nihil arduum aut molestum ducebant tum veteres tum recentiores medici, quo minus in vado esset tantae utilitatis negotium. Experientia gnari facti fuerunt, si sospes esset ventriculus, minus metuendum esse reliquis; eo autem male se gerente, incolumem diu haerere totius corporis

corporis fabricam non posse. Indies quoque comper-  
tum est, quod arthritis, hydrops, scorbutus, tabes, in-  
fania, febresque pessimae (et si quae graviora mala su-  
persint, et hominibus infensa magis), rarius attollunt  
capita, illaeso interim ventriculo: Et si forte nascantur  
aliunde, saeviunt eo magis, quo magis a sanitate rece-  
dit princeps haec animalis officina. Hinc itaque li-  
quet, quantum naturae ministris incumbit, ejus inco-  
lunitati enixe prospicere. Ipsius autem ventriculi,  
ejusque contentorum vitia, tum et morbi exinde nati,  
quorum fibrae altius haerent, opem saepe poscunt,  
quae depletione tentatur; neque ad culpam horum  
delendam, prognatasque labes eradicandas, felicius  
adhibetur saepissime remedium, quam evacuatio per  
vomitum facta. Hac unica intentione adeo celebrata  
fuit emesis apud veteres medicinae patronos; ut etiam  
sanis, si sani perstare voluissent, hoc medicinae genus  
praescripserit \* Hippocrates, quod saepius-repetendum  
suasit, licet aspera et intractabilia admodum essent me-  
dicamenta vomitoria veteribus familiaria; nec certe  
sine decumbentium fastidio, vel medicorum sollicitu-  
dine, porrigenda.

## P A R S P R I M A.

1. Est autem vomitus ea ventriculi, diaphragmatis,  
et muscutorum abdominalium actio, qua illius con-  
tenta, quasi inter praela compressa, vi magna sursum  
per

\* Hippocrates de diacta, lib. 3. et alibi passim.

per os rejiciuntur. Horum siquidem viscerum contractione sursum urgentur omnia in abdomine contenta viscera, constringitur inde pylorus, dum quae in ventriculo haeret materies, illius \* et ambientium vi musculari in orificium ejus superius impressa, illud dilatat, et per contractas oesophagi fibras longitudinales facilem sibi parat exitum.

2. Stimulus quicumque validus, ventriculo inditus, ejusque nervis applicatus, actionem hanc incitare potest, ob commercium quod obtinent ventriculi nervi cum eis, qui musculis abdominalibus et diaphragmati inserviunt.

3. Copia etiam ingestorum nimia atque moles, licet haud alio, saltem parum ingrato potiantur aculeo, nauseam, deinde vomitum excitare queunt; cujusmodi sunt, aqua egelida, aromatibus imbuta, suaviaque, nec non dapes illae quae gustui summopere blandiuntur, avidae et sine norma deglutitae; quicquid porro nervos ventriculi irritat, aliave aliqua ratione aequabilem horum liquidi fluxum perturbat admodum, vomitionem ciet; qualia sunt capitis contusio vel concussio vehemens, jactatio in nave vel rheda inassuetis, valida imaginatio, sive rei cujusdam injucundae memoria; haec enim aliaque similia delicatulos summo urgent quandoque fastidio vomituque.

4. Attamen compertum est, objecta omnia, stimulo licet praedita, haud aequo certo vires suas in ventriculum

\* Wepfer de sicca aquatica, cap. 15. hist. i.

lum vicinaque exerere, sed nunc per unum ex emuntoriis, nunc per alterum, promovere secessum : Quaedam itaque quae fere perpetuo vomitum producere constabat, quaeque prae caeteris huic muneri obeundo maxime accommodata esse docebat experientia, in unicum hunc usum seposuit vetustas. *Euxirix* haec appellabant Graeci, VOMITORIA Latinis audiunt.

5. Mancus vero fuit horum apud veteres catalogus, licet amplius ; pauca enim vomitoria cognita habuerunt, quae non acerba admodum et inclementia, vel lenia prorsus et invalida, comperiuntur ; si modo simplicia eadem, eisdem insignita titulis, apud nos hodie prostant, ac apud istos olim : Uti cuique patebit, antiquorum scripta evolventi. Veratrum aliquando lethale fuit, infida quoque aliorum actio. Non mirum itaque, si morbo graviore torqueri, vel ad aliud quodcunque subsidii genus confugere maluerint aegroti, quam durum et immite, vel lenius, at incertum, saepe infructuosum, experiri medicamen : Quo contigit ut absterritus quandoque aeger, medicum abhorreret ; medicus pariter medelam, quae tanta pollicita est, propinare dubitaret : Unde uterque incommodum haud leve saepius tulit. Atque licet Hippocrates rationem intellexerit temperandi emetica ; alii tamen multi, minus solertes, spe sua saepe exciderunt. Neque chemia, quae tot praeclara medicamenta detexit, ulla fere suppeditat emetica, quae tenellis et delicatioribus tuto dare licet : Quin. et dolebat suo tempore Sydenhamus, desiderari adhucdum emeticum *tutum, et satis interim efficax*, quale in celebri radice ipecacuanha passim hodie experiuntur practici. Hujus instituti



instituti non est, singula, quae vi emetica pollent, recensere, horum saltem classes ratione virium indicasse sufficiat.

6. In *lenia*, *vehementiora*, et *fortissima* vomitoria, distinguendi hunc evacuantium ordinem, mos quibusdam obtinuit: Nec quidem inepte; diversa enim ista simplicia, quae ad vomitum ciendum hodie usurpantur, commode satis sub triplici hac serie dispertiri possunt. Nulla tamen fides efficaciae, sensibus patefactae, odori saporive videlicet, habenda est: Sed experientiae soli horum credenda distributio.

7. Emetica quae *lenia* appellantur, gemini sunt ordinis; *imo*, Recensentur ea quae mole sua, vel irritamine levi, moli unito, stomachum laceffunt; qualia sunt, aqua tepida, viscosa, saccharata, mellita, oleosa, salita, jura pingua, infusa theae viridis, cardui benedicti, florum chamaemeli, aliaque ejusmodi plura ex diversis plantis aromaticis elicita. *2do*, Huc pertinet emetici cujusdam fortioris dosis refracta, quae stimulo gaudet tam valido, ut nauseam, vomendique conatum unum alterumve provocare possit, nec amplius urgeat. Ex salium numero haec plerumque petuntur, quae humoribus gastricis statim solvuntur, et celeriter undiquaque dispersa, applicantur nervis, mox sursum rejiciuntur, penitusque epotis liquidis eluuntur soluta, ut brevi quiescant omnia. Filum per oesophagum trajectum, irritatio gulae, per pennam oleo madefactam; idea fastidiens, inassueta navis agitatio, currus per loca aspera ducti conquassatio, animi denique pathemata leviora huic ordini consentiunt. Novissime

viffime tamen memoratas caufas quibufdam vomitiones inducere perquam violentas haud diffiteor; plerifque vero non item, neque eos diu et fortiter fimul moleftare folent.

8. *Fortiorum* classis fit ex prioribus § 7. n. 2do, aucta faltem dofi, vel caufa; aut ex iis quorum firmior compages, et hinc tardior effectus, fed vehementior: Namque emiffae particulae vellicantes, paulatim in cryptas plicasque ventris rugofi feife infnuant, nervulis adhaerefcunt, moleftiam creant, augmentque, nec ingeminato vomendi nifu, velatis fedibus excutiuntur, ufque donec eorum vires repetito opere decoquantur; hinc emefis protractior, nec non vehementior. Medicamenta pleraque furfum purgantia, hodierna praxi maxime ufitata, huic claffi addenda funt, uti, v. g. afarum, ipecacuanha, radix raphani ruficani, femen finapis, fcilla, horumque variae praeparationes, combinationes, ex vegetabilibus. Ex metallicis fales quidam chemiae progenies, ut vitriolum martis, et falia vitriolica: Sed palmam prae aliis meruiffe videntur, quae ex venere acquiruntur, fal, fc. cupri ejufque tinctura. His addendi funt tartarus emeticus, et quorundam ex ferie fequenti imminuta dofis.

9. *Fortiffima* nuncupare licet ea, quae ars dogmatica et maxime rationalis, ob faevos et atroces effectus faepius expertos evitat, quaeque non fine imminente machinae periculo exhiberi poffe perennis docuit obfervatio, quae rarius, nifi ab audaci medicaftro, vel in morbo quodam acerrimum pofcente auxilium, a methodico

thodico praescribuntur : Licet inter hanc et praegressam classem, exquisitas metas apponere, difficile quidem sit. Plurima hujusmodi suppeditat vegetabile regnum : Eminent imprimis *καλὴ* purgantia, quorum amplificata dosis, praesertim si ex resinosis desumatur, crudeles vomitus frequenter excitat. Resinosa etenim humoribus nostris parum miscibilia sunt, indissoluta cavo ventriculi accrescunt, summos concitant dolores, spasmos, et immanes per superiora depletiones : Evincent hoc cruciatus isti, qui aegrotis superveniunt post ingestam jalapi resinam, aut ejusmodi quodpiam, non rite per attritum solutum, vel miscibile alia quavis ratione factum ; dum forte nativo suo sapone fraudantur humores inquilini, et aquosa pituita plena sunt omnia. His annumerari possunt, helleborus albus, tithymali species nonnullae, nicotiana, et plantae aliae permultae *deleteriae* dictae : Classem augment, stibiata acriora, et illa quoque emetica quae dat mercurius, una cum plerisque metallicis venenatis.

10. Ex tradita haecenus descriptione liquet, *1mo*, Vomitus excitari non posse, sine quodam aculeo (intelligi velim omne id, quod liquidi vitalis fluxum sive nervorum actionem mutare queat) systematis nervosi, regioni cuidam applicato. *2do*, Quod ex illius in nervos, horumque in musculos, § 1. actione, necessario fit contentorum gastricorum evacuatio. Denique, *3tio*, Quod haec neutiquam evenire possint, sine partium quarundam compressione forti, aliarum ingenti concussione, et insigni corporis universi motu. Lenissimae etiam vomitioni haec semper adsunt : Crescunt

ut extenditur emetici potentia, et adaucto stimulo, usque in fabricae ruinam evehi possunt.

11. Quum itaque praefatae conditiones nunquam non <sup>Emetici</sup> conjunguntur, quum ab hisce omnino pendeant pleraeque ex iis mutationibus quae ab emeticis sperantur, producuntur; effectus horum ex triplici illa causa nascentes, quoniam sint, rimaturus, his quaesitis responsa expediam; scil. Quid valeat emeticum, quatenus est stimulus? Quatenus evacuet? Quatenus denique vi sua mechanica totum corpus afficere queat?

## P A R S S E C U N D A.

### *De Emeticorum Ufu, a Stimulo suo derivato.*

12. Nulla adhuc instrumenta in corpore animali invenit anatome, quae stimulorum objecta propriae existimari possunt, praeter ipsos nervos; qui effectus horum, quales quales sint, primario patiuntur, aliasque ad partes propagant, uti multiplicibus constat experimentis: Haec enim docent, quod non modo in ipso puncto cui irritans applicatur, mutatio accidit; quin et ad nervi fontem, terminum, ramorum pullulantium fines derivatur effectus, nec non ad furculos, oppositam corporis plagam lustrantes, a causa licet diversa.

13. Effectus imprimis sunt, energiae vitalis ad partem ita affectam accessio major, in aliis ejusdem diminutio;

nutio; et perdita demum aequabilis lenisque ejus divisio, cursu magis accelerato, turbatoque simul. Haec vero omnia, gradus respectu, diversa futura sunt, et plus minusve conspicua, prout causae laceffentis vehementia et copia, nervorum indoles, numerus, atque moles, tegminis denique quo involuti sunt crassities, est diversa.

14. Causam hanc, five energiam, § 13. esse liquidum subtilissimum, mobilissimum, omnibusque fluidi dotibus communibus praeditum, e cerebro, jugi, leni, pacato motu derivatum in singulas corporis partes, agnoscunt plerique doctores. Nec inficias ibit, qui attente perlegerit quae de hac re scripsit \* Boerhaavius; vel qui ordine adhuc lucidiore exposuit inclytus noster anatomiae † professor, perpenderit.

15. Neque admodum verosimile videtur, effraeno vel praecipiti quovis impetu spiritus animales unquam ita rapi, ut enormium tot effectuum causa sint, vel tot morborum essentiam constituent; hancve in motum proclivitatem ab ingenti quadam et praeternaturali mobilitate oriri posse: Quippe quod spirituum impetus a fortibus vitae viribus solummodo pendeat; cum tamen in nullis frequentius occurrant morbi a systemate nervoso male affecto nati, quam in eis qui opposita potiuntur indole, laxis, scil. debilibus, et quibus vitae vires parum firmae sunt. Legibus certe oeconomiae perquam videtur consentiens, liquidum hoc, nunc paulo

\* Boerhaavii Institutiones, § 275. ad 292.

† Monro's Anatomical Treatise of the Nerves.



paulo celerius, nunc lentius moveri: Sed tantum interesse discrimen inter summam velocitatem, pigritiamque summam, ut sola sit, haec morborum origo, haud facile conceditur. Spirituum inaequalis distributio tumultuum plurimorum, qui nervis vitio dantur, parens esse potest, omniaque ista phaenomena, quae morbos, nervosos dictos, comitari solent, longe facilius hoc filo duce panduntur; nec alia suadet musculorum actio.

16. Pungens quodcunque fatis acre, nervo, ejusve propagini appositum, inaequabilem hanc dispersionem efficit, ut spasmi et convulsiones ad necem usque saevientes ostendunt. Peragit idem quoque compressio, in nervi cujuscunque insignioris ortum facta; aut obstructus, alia quavis de causa, spirituum per suos canales egressus, unde propinqui pleniori horum rivo lustrari debent. Hanc augent diathesin, vel minuunt summopere diversa fluidorum et solidorum ratio, quae unicuique aetati convenit; tum et propria cuique temperies: Quo etenim tenerior aetas, quo mollior habitus, eo, caeteris paribus, promptius irritantur nervi, vel comprimuntur. Sententiam confirmat experientia. Baro enim opipare pascens pueros, quorum sanguis spiritibus dives, et insigni praedita mollitie cutis, inquinat contagium variolosum, si modo venenum haud fuerit mitissimum, quin excitantur contractiones horrendae: Neque raro superveniunt insultus, epilepsiae verae prorsus aemuli. Nec semper, ob egestatem liquidi vitalis, invadunt insultus hysterici, cum otiosas, et luxu solutas foeminas adorianatur magis, quam quibus fors angustior obvenit.

17. His idcirco ita positis, generalem hanc regulam licet statuere; nempe, si morbus a stimulo particulari cuivis parti applicato nascatur, huic succurrendum est, vel destructione causae stimulantis, vel alterius applicatione parti adversae; sic etenim restituto aequilibrio, solvitur morbus spasmodicus.

18. Effectus memorati § 13. nervis praecipue et musculis contingunt. Alii tamen et diversi vicinas saepe partes corripunt, uti dolor, cutis rubedo, calor; humorum affluxus, tumor; vasorum compressio, obstructio; horumque destructio, suppuratio, gangraena. Haec internis juxta et externis corporis partibus eveniunt.

19. Generales aculeorum virtutes haecenus enarratas possidet remedium de quo nunc agitur. Hoc tamen sibi fere proprium obtinet, quod emeticorum actioni certiores plerumque limites praescribere liceat, quam interno cuivis stimulantem remedio. Haec enim quandoque frangunt repagula, faeviantque ferocius quam expedit, vel segnius agunt; dum emetici vis ad votum fere evehi vel reprimi potest, si atrocissima tantummodo excipias venena.

20. Ex dictis [§ 13. ad 20.] patet quid valeat emeticum quatenus est stimulus. Insignes equidem praestat effectus, e quibus eminent sequentes. Lenior apoplexiae species, quae ab inertis frigidaque pituita nascitur, si modo a causa recente, nec corpore valde senili accadat, emetico prudenter exhibito saepe solvitur: Inde siquidem crassa subiguntur, excutiantur; aperiuntur

aperiuntur nervorum oscula, horum tramites expediuntur, incitato simul torpescens sanguinis motu. Similes in simili paralyfi praestat effectus.

Pueris frequens est morbus epilepsia, ab acri quovis rodente nervos, eosque vellicante. Adultis saepe contingit ab eadem causa, tum et affectionibus animi gravioribus, a dolore saevo membra cruciante, a turbato spirituum fluxu, qualis hypochondriacis et hysteris familiaris est. In his casibus, si mobilis sit mali fomes, iterato vomitorio excutitur.

Membrana ista musculosa, quae tracheae segmenta cartilaginea sibi invicem adnectit, ex fibris conflatur musculosis contractilibus spasmobnoxiiis, in his praecipue quibus genus nerveum est mobile nimis. Nictu oculi saepe constringuntur fibrae, adducuntur sibi mutuo cartilagineae, pertinaciter elongationi solitae repugnant, crebros trahit spiritus aeger, avide captat auras, profunde gemit, tandem labore fatigatus, et mox angori succubiturus, prae defectu spirituum solutum sentit spasmum, explicatur pectus, et vivere de novo miser exorditur. Quod prohibet quin subito propinata dosis salis vitrioli, cupri, hujusve tincturae, quae irritando ventriculum, ciendo vomitum, spirituum iter tramitemque mutando, tumultus hosce sedet? omni certe vacat periculo.

Ubi sanguis eam nancisci indolem incipit, quae apud veteres *atra bilis* dicta est, ubi functiones naturales labascunt propter spirituum absentiam; quando quosdam tantummodo nervos iniquè petunt, hi certos duntaxat mentis corporisve actiones exercent; vix praestantius exhibetur remedium, quam emeticum cer-

ris cautelis moderatum, ut postea dicendi erit occasio.

In morbis spasmodicis, aliisque plurimis nervosi ordinis, qui proventum ab inertia et languore chylopoieticôn ducere videntur, plurimum prodesse visa sunt emetica. Chorea Viti, malum certe paucis hujusmodi pertinacia secundum, vires tamen hujus remedii \* quandoque fatetur. Atque, licet sola vi stimulante in his morbis non juvent, ea tamen plurimum profunt, spirituum auctiorem fluxum versus organa sollicitando, quae penuriam patiuntur, quaeque exinde deveniunt morbis opportuna.

In malis denique plerisque chronicis, quum pituita crassa decesque habitum obtundit, ignavius hac obsita vibrant solida, fluida jam viscida difficilius propelluntur, perditae vel depravatae facultates universae liquidî vitalis inopiam segnitiei vè demonstrant, uti in glutine vel acore spontaneo; emetica, licet curationem haud absolvant qua stimuli, aliis tamen remediis palmam praeripiunt; praesertim si ad reliquos vomitorii effectus respiciamus.

21. Actionis istius § 18. alter effectus est, fluidorum tenuiorum festinata secretio; quae duplici ratione comparat *Ἐξιδίωμα*; primo, motum sanguinis intendit in vasis majoribus, horum crebriorem et fortiorem in fluida reactionem excitando, attenuationem conciliando, et hinc secessui aptitudinem; dein ipsis secretionis organis praeparationem expedit, et transitum humorum accelerat. Hinc ab eodem stimulo diversae augentur

Y

secretiones,

\* Cheyne's Essay on the Gout, p. 113. edit. 4.

secretiones, prout diversimode in hoc vel illud organum secretorium determinatur.

### P A R S T E R T I A.

#### *De Emeticorum Usu, evacuando productis.*

22. Emeti effectus, quatenus evacuat, in duplicem ordinem partiri absonum haud videtur, *1<sup>us</sup>* est, Depletio ventriculi, contentis sursum rejeclis. *2<sup>us</sup>*, Aliarum partium excretio aucta per conatus vomendi. Quum vero haec pro causa proxima haud agnoscat vomitorium, inter effectus quos mechanice praestat emesis commode magis recitari potest, atque evacuatio universalis appellari meretur: Altera particularis, sive eorum expulsio, quae jam in ventre stabulantur, vel eousque per aculei vim pelliciuntur; vel denique per *αναδρομην* a viciniis in eum advehuntur; de qua proxime sermonem instituere jubet bona methodus.

23. Nocentia per os ingesta, aut in ventriculum aliunde delata, promptam emetici medelam exigunt, neque ullum novit medicina potentius adjumentum, ad prolem horum morbosam radicitus extirpandam, vel ad symptomata quaedam atrocia, fata hinc, lenienda.

24. Ex priorum numero, § 23. ex ingestis scilicet, cibi potusque in censum merito vocantur. Sors enim vitae ineluctabilis, quamdiu vitales auras carpimus, hos



hos effecit necessarios, rationes supprimo. Et materiei diversissima indoles, ex qua comparantur alimenta, et a nostra saepissime aliena, quorundam incuria, improba aliorum ventris ingluvies, denique vetiti aut nocivi appetitus, error in escarum potuumque delectu, et mensurae justo moderamine, vitia induxerunt ventriculo multiplicia. Hinc ferax malorum progenies, stomacho ipsi crudeles minitans dolores, ultimisque vasorum anfractibus nocitura. Quae sane singulatim explicare jubet inceptum, denegant autem temporis angusti limites. Et quidem eis excutiendis operam frustra navarem; quum pensum istud omni numero absolutum, vestris sub auspiciis, non ita pridem, in lucem prodiit, in dissertatione † eleganti, *de noxis ex cibi potusque usu et abusu oriundis*.

25. Copia ingestorum major justo mala parit ibi descripta; his levamen asferre solet depletio; quae, si aeger sit *suspens*, vomitoriis facienda; hac enim ratione citissime aufertur materies ventriculum gravans, et praecavetur ne incocti alimenti reliquiarum pars quaevis in corporis interiora ducatur.

Vitiata qualitas idem petit auxilium, dum adhuc in cavo ventriculi remanet materia nociva, aut non longe ab eo propagatur. Sic, quae nativa gaudent tenacitate, majore quam quae domabilis sit per corporis vires, suum secuta genium corrumpuntur, abeuntque in ductile phlegma. Eadem res est, si expultrix ventriculi facultas praepedita sit, ut in debilibus saepe fieri testantur practici: Tunc enim, licet nec copia nec qua-

litate

† Autore Henrico Tong.

litate insigniter vitiabili gaudeant, sponte tamen labem contrahunt ingesta, natam ab ipsa mora auctamque. Hinc prodeunt acrimoniae diversae species: hinc muci et pituitae tenacis scaturigo: Quae, prout singulatim dominantur, vel conjunctim permiscentur, adjuvante hominis temperie huic illive proclivi, produciunt diversa et nonnunquam plane atrocia symptomata. Sic multiplices appetitus depravationes, deletio integra, imminutio vel excessus ingens; sic vitiata, imminuta, vel sublata coctio vel incocti corruptio, haec saepe pro suis causis proximis agnoscunt.

Ex aegroto ipso facile discendum erit quid praegressum fuerit praedisponens; atque hinc patet indoles materiae, et quibus utendum remediis. Vomitoria fomitem exhaustiunt, causam proximam funditus eradicant: Hisce tamen solis non fidendum, sed exhibitis roborantibus (inter haec repetito, post debita interval- la, vomitu) ima de stirpe tandem morbus reciditur.

26. Substantiae quaecunque acres, casu vel industria in ventrem acceptae, vel medicamenti vel veneni titulo, si molestia denunciaret fabricae noxam insidiari, citissime sunt expellendae, et per ea loca praecipue, quae portam dant maxime periculis immunem, qua emigret hostis, intacta aliarum partium salute. Si nulla aut parva copia tubum intestinale ingressae sunt, emeticum caeteris remediis longe praestantius, et curationem saepe absolvit; neque erit omittendum, etiam si portiuncula tantummodo haereat adhuc in ventriculo. Classis prima § 7. amplam praebet pharmaciam, qua plurimae venenorum species debellantur et expelluntur; atque si antidoton universale sit, aqua

tepesfacta

tepefacta copiose ingesta, id forte suppeditat. In delectu tamen horum prudentia opus est; expulsio quandoque haud implet vota, quin tenerae partes quibus applicantur, ab istorum injuriis tuendae, mitigandi dolores, et veneni saevities compescenda, etiam dum citam molimur ejectionem. Hic iterum assumpti natura cognita medenti auxilia indigitat, ad infelicitis aegri levamen tempestivum procurandum. Sic salia alcalica diluta toxicis opponuntur acidis; saponacea mixturam conciliant oleosis; aquosa sales quoscunque dividunt, sternuntque vires; acria retundunt ea quae oleo vel glutine viscoso gaudent; et sic de caeteris existimandum. Consulat lector quae de hac re egregie scripsit \* Boerhaavius in capitulo *de antidotis*.

27. Neque tantum per emetica fit ingestorum evacuatio, sed et humorum omnium qui in ventriculum deferuntur. Proveniunt illi, vel a vasis ipsius ventriculi, vel vicinorum: Atque equidem nullibi clarius conspiciendus pungentium effectus, § 21. expositus, quam in hoc viscere. Id patebit, si attendamus ad nervorum per tunicas ampli ventriculi disperforum frequentiam, ad glandularum numerum, earumque munus, ad capacitatem denique vasorum quibus hoc viscus instruitur, molis respectu. Mollities tunicarum facilem dat nervulis introitum, cavitas spatiosa latam exhibet superficiem. Hinc nascitur insignior actio, sive gastrici liquoris uberior secretio; quae, quum semper larga sit, si augeatur, necessario totum corpus quodammodo mutat, humores serosos dispellendo, exsic-

cando;

cando: Et hinc alii emeticorum effectus pulchri, in morbis a serosa vapidaque colluvię natis; ut in catarrho, leucophlegmatia, diabete, et foedo isto morbo virginibus exsecrato, qui ab excretorum colore pallente nomen accipit; aliisque hujusmodi, de quibus in sequentibus fusius dicendum.

28. Finitima ventriculo sunt hepar atque pancreas. Utraque sua secreta fluida in ejus cavum quandoque immittunt; quae vel copia, vel acrimonia, vel utraque chylopoiesin temerare possunt: Bilis saepius, rarius succus pancreaticus, morbos excitandi reus incusatur. Bilem culpabant veteres, ac si morborum saevissimorum parens esset: Hanc sententiam multi inter hodiernos improbant, neque bilem esse malorum causam adeo frequentem contendunt. Si vero probe patuisset his quid per bilem antiqui voluerint, saltem ex iis sagaciores, haud temere abjicienda fuisse eorum dogmata forsan judicassent. Non enim solus ille liquor ab hepate ejusque vesica suppeditatus, *Bilis* titulo insignitus fuit, sed totius sanguinis molis, pars haud aspernabilis, et ipsissima illa quae recentiores *oleum* vulgo appellant; quod, ut ex chemia discimus, aequae fertilis morborum stirps hodie existit, ac fuit olim sub nomine celebri *Bilis flavae*. Verum hic agitur de bile vesicularia et hepatica, in ventriculum sursum propulsa, vel de liquore alio quovis, ibi advena, qui similia parit incommoda ac ipsa bilis; et talis est humor oleosus, interdum vomitu rejectus, flavescens, horrenda dotatus amaritie, nec unquam pene obliviscendo sapore, bilem fere referens, si solum excipias quod bilis in igne ardeat nunquam, hic autem instar olei sinceri flammam concipiat,



concipiat, si in ignitos carbones evomatur. Nascitur ab oleosis ingestis, loci calore mutatis in illuviem hanc ingratiſſimam, accedente gula nimis infatiabili, ut monet Horatius,

Nempe inamareſcunt epulae ſine ſine petitaë;

Illuſque pedes vitioſum ferre recuſant.

Corpus.

Et vera bilis, atque flavescens illuvies ejus aemula, ſimiliter hac dote gaudent, quod ſc. ſtagnatio, in loco calido, acriores et magis horrendas utraſque facit: Eadem pene ratione ac oleum quodcunque tepore leni et diurno ſotum, a ſapore blandiſſimo, odore non inſigni, colore ſubflaveſcente, tranſit per diverſos corruptelae gradus ad ſummum uſque putredinis ſaſtigium, tandemque maximam guſtui acredinem induit, exhalat mephitim olidiſſimam, et nigredine deformi ferit oculos. Similia plane patitur utraque mox ſupra deſcripta bilis, iſdem ſubjecta legibus, ubicunque in corpore congeſta, donec ſuam promovet expulſionem irrequietus hoſpes. Aliter enim diris et acerbis doloribus, torminibus, nauiſis atque vomitibus, poenam non ſinientibus, ſed ad mortem uſque vexantibus, excrucietur miſerandus aeger; praefertim ſi temperies hominis calidior, ſolis ardor, victus denique ranceſcens, aut fermenteſcens, pabulum flammamque prae-buerint. En cholera! morborum teterrimus: Febris accenditur, inflammantur viſcera, laboribus ſuccumbunt proſtratae vires, et niſi aſſideat lecto Sydenhamus alter, obrepens in viſcera gangraena duros cum vita terminat labores. Intra confinia, quae emetici vim ſuſtinent,



sustinent, materies sedem habet, quae causa morbi est. Indicatur ablatio causae; cur non emeticis, aut deorsum purgantibus, vel utrisque tentatur egestio, cum in primis viis adhuc stabuletur? Haud sane immerito, in tanta morbi feritate, horum usum repudiant medici prudentes: Nam utcumque fructus perplurimum in aliis, vel in inferiore ejusdem morbi gradu, praestat hoc vel istud medicamen; in violenta tamen cholera, loris quam stimulis magis utendum est, ut facile attendenti patebit. Acer enim et inflammans iste liquor, abrafo prius omni mucus gastrico, et, quousque pertigerat, intestinali, nudis applicatur nervis, saevos excitat dolores, spasmos fortes, pertinaces, febresque adurentes incendit; vomitu perpetuo evocatur mucus superstes, causa provehitur, et continuato emetici impetu, reduplicantur effectus horrendi. Licet etenim minimo polleat aculeo, hic tamen, qualis qualis est, hosti indigenae addit vires, stimulus stimulo committitur, et horum sociato nixu perit aeger. Si ad hoc stadium morbus non attigerit, neque spem occidunt mali ominis symptomata, ut curationem vomitoriis tentemus jubent omnia. Rei cardo est delectus medicamenti peritus. Nec bilis, nec oleosa materies, sive bilis altera, omni fluido promiscue unitur; hoc respuit, illud vero sequitur petitque. Quod itaque ad misturam parandam maxime idoneum est, istud usurpandum indolis morbi cognitae habita interim ratione, cui semper opponi debet auxilium. Hinc saccharata, mellita, saponacea acescentibus permista, ea omnia quoque § 7. n. 1. recensita, quae mole sua plusquam crethismate quovis agunt, prae caeteris conferre videntur.

‘Quan-

‘Quandocunque bilis vacuanda est,’ inquit † Foreſtus, ‘poſt juſcula multa, vel poſt potationem liberalem, provocandus eſt vomitus; nam bilis ut oleum his ſupernatat, et ob id facilius evacuatur: Adde quod acrimonia ejus temperetur mixtione harum potionum.’ Norma certe in vomitionibus bilioſis ſanandis nunquam non obſervanda; neglecta quippe peſſima quandoque proferit incommoda. Catharticum temere ingeſtum corruptae materiae partem abripit ad inferiora, forte et in ſanguinem deſert: Hinc iterum novae miſeriae.

29. Tanta liquoris pancreatici diluvies occurrit raro, quae ſolitaria morborum cauſa queat haberi, natos tamen augere poteſt: Quum enim in ſanitate larga adeo ſit ejus ſecretio, ut Brunneri experimenta docent, in morbis ex lymphâ redundante ortis, deveniet adhuc copioſior, hujusque per emeticum evacuatio ſeroſam colluviem imminuet.

30. Februm acceſſiones nauſea et vomitu plerumque ſtipantur, aliisque ſymptomatibus, quae ventriculum male affici ſignificant. Cautè tamen erit diſtinguendum, an ab ipſo viſcere, an ab ejus contentis, oriatur aegritudo: Alia enim curatio ventriculo, cujus membranae vexantur inflammatione, alia corruptis fordibus gravato, inflammatione libero, ſubminiſtranda. Antiquioribus haud adeo perſpectum fuiſſe videtur, hoc viſcus morbis iſtiusmodi aequè eſſe obnoxium, ac  
Z
aliud

† Foreſti obſerv. lib. 18. obſ. 3.

aliud quodcunque; donec Fredericus Hoffmannus †, in suis exercitationibus, hoc malum saepius obvenire docuit, quam vulgo creditur. Signa posuit diagnostica, quibus scopulos latentes vitaret medicus, in quos facillime alioquin impingeret incautus. Haec omnia pro suo more, cum largo foenore in libello *de cognoscendis et curandis morbis* exposuit Boerhaavius, nitidamque medendi methodum illi attexuit. Ab istarum commotionum, quae in febris initio toties ventriculo superveniunt, veri fontis inscitia, lites istae sollicitae inter practicos agitatae, de emeticorum fructu in hisce tractandis enato, profluxerunt. Adversus horum utilitatem hi strenue arguunt, effectuum exitialium adducunt testes, et fronte torvo vituperant usum. Alii successus salutares ad sidera tollunt, nec minus indubitatae historiarum fidem appellant, ad suas partes firmandas. Et quidem facile liquet neutros a veritate penitus aberasse. Quantos etenim cruciatus induceret vomitorium ventriculo, cujus vasa sanguine crasso turgent, et infartiantur; cujus distracti nervi, levissimo contra ingesta collisu, atroces patiuntur dolores; cujus denique tunicae distensae tumore, durtie, atque dolore, phlegmonem verum in corporis exteriori natum omnino referunt? Quantas itaque clades in hoc rerum situ editura est operatio cum tanta violentia conjuncta? Saepius autem vitia, ab inclusis contentisque producta, molestiarum autores existunt: Tunc sane laude dignos praestat effectus, et Hippocratem, Sydenhamum, et clarissimos quosque in arte viros, usum eorum sancientes habemus; nec non  
et

† F. Hoffmann. Dissertationum Decad. 1.

et ratio suffulta praxi idem effatur. ‘\* Si vomitus,’ ait Sydenhamus, ‘vel inanis aliqua vomendi propensio, interturbaverit aegrum, medicamentum emeticum omnino praescribendum erit.’ ‘Namque, ut testatur † Hippocrates, si quis homini vomenti aquam multam bibendam dare velit, *ακλυσθησεται διὰ τὸ ἐμεῖν τοῖς τῷ ἐμεῖται, αὐτῷ μὲν διὰ τὸ ἐμεῖν ὁ ἐμεῖλος παύσεται.*’ Nec solum hoc commodum foeneratur, quin etiam et medico et aegrotanti per totum morbi decursum quaestui ingenti erit, uti ex Sydenhamo discimus. ‘‡ Sane vomitorium propinare, ubi istiusmodi praegressa est vomendi proclivitas, adeo est necessarium, ut nisi humor ille expellatur, in sentinam complurium malorum difficilium sit abiturus, quae crucem figent medico toto durante medicationis tempore, aegrumque in haud leve periculum conjicient. Ex horum praecipuis et maxime solitis est *diarrhoea*, quae ut plurimum in deservescencia febris consequitur, quotiescunque emetica, quando ea suadebat indicatio, omissa fuere.—Porro etiam compertum habebis, etiam si proclivitas illa ad vomendum jam pridem praeterierit, diarrhoeam tamen, quamprimum vomitorium exhibueris, plerumque cessaturam, dummodo emetico ferendo pares fuerint aegri vires.’ Nec sane teterrimum rerum conspectum vir egregius delineavit; namque putrida haec materies in ventriculo stagnando magis putrida evadit, perque bibula vasorum officia, vacua jam per calorem et liquidi jacturam reddita, in sanguinem

\* Sydenham. de morbis acutis, §. 1. cap. 4.

† Hippocrates de locis in homine, clas. 2. p. 16. edit Mer.

‡ Sydenhamus ubi supra.

sanguinem ducitur, fordibus malignis cruorem polluit; et febrem omni numero saeviore reddi; quae cuncta feliciter anticipata fuissent, si vomitorium, quamprimum se patefecit haecce propensio, fuisset exhibitum. De emeticorum delectu monitum hic quoque repetendum erit, scil. quod ea elegamus, quae fordibus abluendis aptissima, quae harum indoli adversentur, eamque mutant vel corrigant; quae denique diluentis vicem gerant, si forte (quod pote est) portio aliqua in sanguinem hauriatur. His intentionibus arrident classē ima, § 7. memorata, cum nonnullis ex § 8. decerptis efficaciora reddita; oxymel scilliticum, v. g. cum radice ipecacuanha; hausto dein larga manu oxymelite simplice, aliove liquore tenui, prout res nata sit.

31. Dum de febribus agitur, cautelam fas est in memoriam revocare, quae apud practicos plerosque prostat, nec praetiriri debet; scil. quod in omnibus morbis, ubi plethoram adesse, vel ad eam esse vergentem habitum, sua signa demonstrant, et simul aegri conditio vomitorium postulaverit, sanguinis missio semper praemittenda est; ne fortasse illud ingens conamen, et tetanus momentaneus, vasa distensa rumpat; vel major saltem quam par est sanguinis impetus ad ea loca feratur, in quibus resistentia minus firma vi cedat illatae; disrupta vasa sua liquida fundant, et immediate pereat aegrotus per apoplexiam, vel haemoptoe, vel insanabili inde phthisi, pulmone labefactato, tandem trucidetur; aliisve visceribus pariter infractis e medio tollatur. Illa vomitio videtur optima quae brevi post  
sectam



sectam venam cietur; certius enim incommoda evitantur a plenitudine caeterum oritura; certius simul insequuntur emetici effectus salubres, praesertim si ex febrium genere sit morbus, qui utrumque expetit auxilium. Depleta siquidem per v. f. vasa, cito quandoque de novo turgent; vel ob sanguinis rarefactionem, vel ejus auctam molem per largos potus, in quos ardor et sitis aegrum impellunt, eadem nascuntur ac prius incommoda: Nec ante repetitam, v. f. exhibere licet emeticum, quod paucis post primam evacuationem horis tuto fuisset propinatum.

32. In febribus intermittentibus mirum quid exsequi videtur *Παιδιωσις μετα*, quae effectus quandoque exhibet aequae difficiles explicatu, ac fere ipsius morbi natura. Licet enim illius sedes praecipua sit in extremis vasis sanguiferis, aut aliquando forte in nervis; humorum tamen evacuatio, qui in alvo colliguntur, haud minimi est momenti. Prostant siquidem exempla hominum, qui vomitu solo curati fuere; hocque vel spontaneo, a benignis naturae auspiciis excitato, vel arte famulante inducto: Dum interim sanguinis evacuatio, nisi in plethoricis, plerumque obsit, et gravi medenti taedium pariat. At repetita prudenter emetica, corruptum in primis viis morbi fomitem sensim consumunt, subigunt, sanguinis fluxum accelerant; morbum denique vel tollunt, vel tutam expediunt febrifugo viam, quod caeteroquin vel morbi fomitem figeret magis, vel evacuatione, fursum aut deorsum excitata, proprias suas perderet vires.

33. Multiplices affectat natura vias, per quas domitam februm materiem, aptatamque ut per portas arte casuve recludendas eliminet, iterumque sanum corpus reddat. Nunc per emunctoria certis excretionibus assueta, per salivam, vomitum, secessum, sudores aut urinas eam ejicit : Nunc autem ad alia minus idonea loca despumationes emittit. Tumores ad exteriora nati, aliaque similia hujusmodi sunt. ‘† *Quae educere oportet, quo maxime vergunt, eo ducito per loca convenientia,*’ omnibus est regula bene nota. Si per salivam febrem judicatam fore constat, manus auxiliares eo sunt movendae. In vomitu idem erit praestandum, si criticum eum esse novimus, vel a materia excitatum naturae inimica; sedandum vero, si a ventriculo inflammato, et vomitus vomitu demulceri nequit. Eadem res est, si per alia quaevis excretoria egredi tentet. Quo diutius enim in corpore sistitur cocta fluensque sanies, eo pejora creat incommoda. Triste, sed verum hujus rei praebet exemplum febris purulenta, quae a resorpto tabo variolis saepius supervenit, secundaria plerisque nuncupata. Nec maligna minus est alius cujuscunque febris acutae materies critica putrescens, quae instantem exigit evacuationem. Praesto adsunt remedia, singulis evacuationibus promovendis destinata: Haec usurpanda prout viam monstraverit natura. Advertendum tantum est, quod uti materies morbi cocta per cutis spiracula diffilatur, corrupta labe usque adeo inquinata ut sanos saepe polluat; similis tamen ad interiora ventriculi et intestini, per horum exhalantia vasa deponitur, cathartico nunc, nunc

† Hippocratis Aphor. § 1. aph. 21.

nunc emetico, feliciter auferenda; ne forsan, ‘\* *Quae per morbos post judicationem intus relinquuntur, morborum reversiones faciant.*’ Atque suadet ea propter Celsus †, ‘*Vomitum post febrem eliciendum esse.*’

34. His numerosum morborum agmen licet adjicere, qui bona et eximia multa ab hoc subsidio mutuuntur. Pauci enim ex chronicis existunt, qui emeticorum ope non indigeant; sed eorum recensio particularis ultra metas protraheret orationem. Morbi enim plerique, puerilis aetatis affeclae, diathesis rachitica, strumosa, saburra vermium fomes nidusque, victus errores, atque similia, saepe emeticis feliciter emendantur. Arthritis, hydrops, scorbuti stadium clementius, adultio infesta, quandoque lenimen ab evacuatione per superiora facta sentiunt; chlorosis et fluor albus molliori sexu eadem saepe poscunt auxilia. Catarrhus, diarrhoea, dysenteria, coeliaca affectio, morbusque omnis a serosa colluvie natus, vomitorii commodum agnoscunt. Vix opus est memorare, quantum ad grandaevos annos comparandos conducant, idoneis intervallis exhibita. Hodie non desunt homines, qui veterum consilii memores, licet gulae placendae parum dediti, nec scopis indigentes ad reliquias crapularum auferendas, tanti aestimant vomitionem, ut bis terve per mensem contractas in stomacho sordes per superiora propellant. Illi, qui accuratam maxime vivendi normam servare studet, saepius in potu victuque errare necesse est. Hinc serius ociusve culpa ingruit ventriculo,

• Aphor. Hippoc. § 2. aph. 12.

† Celsi medicina, lib. 3. cap. 7.

triculo, ibique formatur primo morbi futuri flamen : Ægritudo five nausea moleſta interdum ſentitur, minuitur cibandi deſiderium, aliaque imminent ſymptomata, varia pro genio cauſae vitiique diverſo. Plerique ſtatim ad tincturas celebres plantis amaris aromaticis, ſpiritus ardentis ope elicitas, confugiunt, iſtis confident, indulgent ; donec horum ſub jugum miſſi torrefactis et effoetis viſceribus moriantur. Nullum quidem remedium novimus, quod tot tantaque eis polliceri videtur, qui ad cruditates generandas a vitae genere ſedentario proclives ſunt ; natum enim morbum aufert, cauſam proximam delet, eradicat, acorem eluendo quae hanc plerumque conſtituit. Iis itaque, qui vitam ſtudioſam degunt, vel quorum corporis affectus exercitationes motuſque prohibent, qui denique artibus utuntur ſellulariis, vel qui ob aliam quamcunque cauſam eiſdem malis obnoxii vivunt, iis, inquam, crebrum emeticorum uſum commendarem.

## P A R S U L T I M A.

*De Emeticorum Uſu, a mochlica ſua virtute petendo.*

35. Tertium adhuc ſupereſt quaefitum enodandum, quid, ſc. emetica proſint, quatenus vim exercent mechanicam, et virtute mochlica expugnant morbos ? Quae itaque partes afficiuntur, quid patiuntur, quae in reliquis exinde mutationes producuntur, et in toto corpore contingunt, proxime ſcrutandum.

36. Contractis itaque [§ 1.] musculis abdominalibus et rigefactis, fere instar columnae istius ossae, quae posteriora tuetur, vi hujusmodi nulla movendae; compulso simul valide diaphragmate, cui inferius ossa pelvim constituentia immobilia opponuntur; omnimodo ventris infimi capacitas angustatur, dum hinc atque hinc, super subterque, contenta ejus arctissime constringuntur; nec punctum fere in tota regione abdominali ingentis pressurae expers reperitur; cujus vim admodum insignem esse testatur vehementia, qua sursum exploduntur ventris contenta: Certa enim suadent experimenta, nullam inesse ventriculo potentiam contractilem, quae ista possunt exhaustire, donec conspirans simul partium modo memoratarum compressio fortis evacuationem integram absolvat. Tanta ergo violentiae viscera subjecta mollia participes fiunt, unde insignes utilesque effectus expectandi.

37. Antequam vero harum disquisitio instituat, incolarum abdominalium actiones, methodo sequenti, generatim disponere haud alienum est; ut, perspectis horum muneribus, facilius cernantur mutationes morbosae, clariusque patefeat quot quibusque modis in subsidium venire possit compressio vehemens, mechanica, alterna, in haec viscera.

38. Horum munera praecipua sunt, *1mo*, Ingestorum praeparatio, ut naturae egestatibus succurrendis nata sit materies. *2do*, Hujus separatio, ut quae refectioni apta sit ab ineptis amoveatur. *3tio*, Ejusdem in sanguinem, per instrumenta extra abdomen posita jam conversae, ulterior elaboratio. *4to*, Secretio li-

A a quorum



quorum vitae usibus egregie famulantium. 5to, Denique partium solidarum et fluidarum residui, effoeti nunc facti, a nutritiis separatio et ejectio. 1mo, Officinam praeparantem ventriculus et intestina tenuia praebent. 2do, Fluidiora a crassis segregant vasa lactea et absorbentia. 3tio, Sanguis ad arterias amplas meseraicas, caeterasque per ventrem dispersas, perpetuam patitur concussionem, compressionem reciprocam, propulsionem; quae omnia, in splene praesertim, conspicua. 4to, Cruor ita subactus, per appropriatas portas, v. g. per hepar, pancreas, totamque glandularem catervam, ubique per infimum ventrem dispositam, perpetim emanat, indole et forma mutatis, juxta determinatas organi cujusque naturae leges. 5to, Ramenta crassiora, corrupta, et per tubum protrusa, tempestive excernuntur: Sanguinis pars tenuis et aquosa, detritis onusta salibus, oleisque nutritioni ineptis, per renes abit, constituitque urinam. Cuncta haec officia, tempore eodem et eodem auxilio promoventur; alternata, scil. et constanti agitatione; quae respirationis est comes assidua et necessaria. Patet enim, quod, si sisteretur motus abdominis, et lenis ista succussio cessaret, nulla vis adesset, quae per tot tamque angustos tortuososque canales, ingenti interdum oneri subiectos (ut ii sunt, qui per inferiora repunt) contenta in eis fluida propellere valeret: Impetus quo vibrat cor, labori esset impar; et insignis illa potestas, absorptio dicta, qua fluida ex cavis intra venas hauriuntur, licet tanta ut nullis praescriptis finibus coercenda sit, cito deficeret. Nam sponte nata visciditas, cessante motu externo, canales paulatim obturaret, atque in exilibus tubulis tot impedimenta deponeret, ut sensim in omnibus progressus

fus brevi tolleretur, in quibusdam visceribus, vel in omnibus, prout malum proserpisset latius, aut arctiora castra metasset. Et quidem morborum aetiologia demonstrat, plurimos ex eis, qui abdomine infensi sunt, ex hac vel ista, vel utriusque simul causis nasci. Remedium igitur attenuans, motumque properans, prae caeteris indicatur.

39. Nisi itaque vomitus, viscerum superficies contra se mutuo valide comprimuntur, eorum moles imminuitur, compinguntur tranantia fluida, atteruntur, propelluntur; adversus canalium latera urgentur, et quae datur exitus confestim exprimuntur. Hinc secretio fit expeditior, celerior expulsio; crassi resolutio, ejusque subactio et ejectio; denique actionum omnium [§ 37.] maturatio, organis ipsis vigor, et, omnibus superatis obstaculis, agendi facilitas; ex quibus primario pendent et quantitas et qualitas istarum secretionum, quae sanitatis praesidia haberi possunt.

40. Interior ventriculi cavus conferto glandularum agmine vasisque exhalantibus obsidetur, ex quarum osculis, villosis, flexilibus, assiduo fluit humor, quo lubricus madidusque servatur ipse, defenduntur ab assumptorum injuriis nervi, promovetur chylopoiesis. Humorum vero crassities, sive indoles mucosa, qui haec loca salutant, accedente motu languidiore (prioris plerumque comite) necessario secretionem minuit tardatque; glandulas infarcit viscidis, sensimque munus earum evertit. Hinc gastrici fluoris penuria, cruditas inde et indigestio, appetitus deletus, aut nimis, stomachi ardor, aliquando nausea sitisque. Eadem quando.

quandoque occurrunt mala, ab arefacta sordium crusta cavitati ventris obducta; sicuti post febrem acutam diuturnam, ubi vulgus adstans, aut medicus forte crudelior, injuste naturae poscenti ipsam lympham dene-gabant. Diluentia in hisce casibus haud sufficiunt; haec enim ulterius laxant vasa; hinc tardius propulsa fluida cunctando brevi crassescunt, haud parvo labore iterum solvenda. His infortuniis istud remedium haud infimi usus est, quod praestat effectus supra enarratos [§ 29.] Instar enim pulmonis alterius totum abdomen censendum est. Munera quidem sibi propria singula viscera nanciscuntur, sed motus supervenit aliunde, quo perpetua fluidorum in unoquoque mutatio inducitur, provehitur; perinde ac in pectore res agitur, missio, scil. compressio, attritio, solutio, atque similia. Eiusdem causae effectus idem, licet organis diversis absolvatur. Vomitu itaque cito perficitur, quod lentis vicibus consequi nitebatur, sed incassum, natura.

41. Alvus constrieta, segnis et solitariae vitae assuetata comes, haud nascitur saepius quam a deficiente mucositate intestinali, et liquoris gastrici, glandularum et vasorum [§ 40.] sobolis absentia. Hic enim molles fluidasque foeces reddere debet; ille vero lapsum facile iis conciliare. Causa defectus eadem, ac supra [§ 40.] memorata, et levamen eadem medela, adscito motus et exercitationis auxilio, tentandum. Ab hoc solo fonte semper enasci malum non asseritur; at vero, si ab alio quocunque semel fuerit inceptum, augmentum exinde capit, et alvus segnis tandem astricta devenit. Foeces quidem educunt *κατα* purgantia blanda, praefens auferunt incommodum, molestias istiusmodi status

tus plerumque confortes leniunt. Si vero remediis, quae tam pulchra prae se ferunt, nimis indulgeat aeger, quoties alvus obstipata reducit aerumnas, secutura nocumenta vix evitabit. Talia sunt, alvus adhuc astrictior, humiditate omni cum foecibus educata, et viscerum oppilationes, infarctiones a crasso relicto. Duplici itaque de causa [§ 34 40.] sese commendat emesis, hominibus istis, qui vita fruuntur inerti; quatenus scilicet et expellit cruda, et viscidos attenuat liquores, accelerando motum, et proinde humectantis optimi vice fungendo.

42. Ventriculum et intestina gravat nonnunquam vitium priori oppositum; scilicet aquosi laticis diluvium, quo submersa illa fatiscunt, calorem amittunt, et instrumenta muneri vitali dicata huic obeundo imparia fiunt. Gravitas et languor circa praecordia; sputatio frequens; edendi cupido perexigua; aquosae coluviei ejectio per os, mane praesertim infesta; nausea gravis brevi desinens; sedes liquidae, crebrae, doloris expertes, una cum corporis universi debilitate, inertia, atque pallore hanc indicant illuviem, simulque ferocem solutamque sanguinis indolem. Memorata symptomata correctionem haud obscure innuunt. Expressio liquidi redundantis, et robur additum canaliculis primo necessaria sunt, tum secutura inde compacta sanguinis crasis, et mutata diathesis pituitosa: His imprimis conferunt emetica. Hinc itaque patet cur ventrem solutum vomitus comprimat, compressum solvat, juxta Hippocratis placitum \*, Celsi repetitum, ratumque.

\* Celsi medicina, lib. 1, cap. 3.

43. Pancreatis structura et munus, salivarium glandularum aemula, illud objiciunt similibus malis, secretioni nempe impeditae, vel nimiae. Utrique prodest emeticum; obstructionem quippe, si non nimis pertinax sit, referat, exuberantem laticem potenter emungendo exsiccat.

44. Inferius paulo, ab osculis lacteorum exfuguntur liquefacta ingesta, quae statim ad glandulas meseraicas feruntur. Tardus istorum motus, et vascula tam exilia et tortuosa tenuiorum a crassis separationem promoveant, dum difficile reddunt chyli ad sanguinem iter; illis praecipue qui debili stamine potiuntur, pravisque simul vascuntur escis; vel quibus harum partium structura mala contingit. Imprudens aetas, temperies sequeas, et victus crudioris malefuada fames, pueritiam, prae aliis vitae stadiis, morbis ex infarctis et tumefactis glandulis meseraicis opportunam reddunt. Causae similes in adultis similes edunt morbos, sed rariores; nam reipsa constat puerulis hujusmodi infarctiones, glandulas abdominales occupantes, frequentiores devenire. Istitis enim annis vix nobis occurrunt epulae gratiores, quam fructus crudi, immaturi, legumina et farinacea viscida, et, si magis indissolubiles pariat natura cibos, istis utimur imprimis, eos importune petimus, eventus luxuriosae gulae nulla facta ratione. Inde massa tenax in alvo formantur, quae in fluorem viscidum, vix nisi forma mutatum, tandem resolvitur, dilabitur e stomacho, occurrit bili inerti, ea diluitur, vix tamen solvitur: Tenuior pars abit in lactea, brevi prae tenacitate haesura; quotidie renovatur causa, crescit augeturque obstructio, durior evadit,



evadit tumor, vicina comprimit, aditum in venas claudit, atrophiam nascitur, et homunculus indies marcescit. Vel, si ad tantam saevitiem morbus non attigerit, nec penitus obturentur glandulae, imperfectus chylus sanguini affunditur, eumque labe contaminat; secreta, cruoris proles, vitiantur, affectis ubique fere glandulis; eisque praecipue tumefactis, quae collum faciemque obfident: Unde vultus fit praetumidus, torvus, et veram strumam, aut diathesin eo vergentem, adesse designat. Tetrica certe rerum facies haec, et medenti nodus intortus; suum enim robur perdidere solida, iusto viscidius fluida coguntur: Hinc depravantur, et quae assumptorum mutationem in corporis naturam ut plurimum debebant perficere, eam imperfectam relinquunt. Praeterea, glandulis obturatis, praeccluditur ipse meatus, per quem novas vires ad sanguinem mitti oportebat. Huc adde, quod semel oppilatae glandularum cryptae difficilius purgantur, et muneri suo minus aptae reddantur: Unde facile constat, ad morbum adeo pervicacem debellendum omni subsidii genere utendum esse. Tumorum resolutio imprimis tentanda, ut vitae pabulum depravatis medela, robur debilibus, quantum victu et remediis fieri possit, subministrantur. Deinde partium, in quibus mali sedes, ita firmanda crasis, ut gravantia liquida subigant, expellant; curata interim vivendi norma. Qui situm mesenterii callet, intelligit facile, quanta cum violentia, nisi vomitus, illud undequaque prematur; et quinam inde futuri sint effectus in glandulas recens infarctas: In vicina foeda spurcitie cumulata [§ 39.] in pancreas eadem scatens [§ 43.] in ventriculum denique, sursum evocando liquores  
acres

acres [§ 34.] hunc infestantes, et novas subinde vires morbo suppeditantes. Sedulo autem perquirendum erit, si integra sint viscera, si nullo ulcere corrupta, si a labe putrescente penitus immunia; sin minus imprudens emesis hominem laedet. Idem quoque verum est, si ex sola laxitate continui solutio metuatur: Tunc enim virtus mechanica parcius adhibenda est. Nil fere aliud prohibet, nec magni fructus spes erit inanis, dummodo mobilis sit obstipans materies, et repetita vomitoria commode ferant aegri vires.

45. Inter caetera abdominalia splen viscus est tenerima compage donatum, cujus columnae carnae, musculosae, ad fluxilem firmandam fabricam, plus quam ad insignem cruoris quam accipit copiam propellendam, aptatae videntur; nec labori par est arteriae robur, aut cordis impetus, per vasorum numerum, et anfractus tortuosos, retusus. His vero succurrit assidua et lenis agitatio, quam connectio splenis cum diaphragmate, musculorum abdominalium propinquitas, positio pendula, isti conciliant. Atque per has causas praecipue sanguinis progressum ver vasa lienalia conservari censendum est. Ideoque, si motus assuetus sistatur, vel diu minuat, (ut in eis fit, qui vitam utuntur deside, et domi peracta) cunctatur in cellulis cryptisque sanguis, evadit crassior, et maximo cum obstructionis periculo res agitur; quum debita mobilitas, et impetus assuetus, facilis liberique transfluxus autore, cessant. Diversa morbi aetas, causa diversa vari-  
um postulant lenimen; nec una medendi ratio lienosis omnibus convenit. Si recens infarctio, nec ingens durities; si ab exercitationibus omissis, et ex acriore  
adhibita

adhibita rei cuicunque cura nascatur; si gravedo distentione dolens, nec copiosa materies, atque temperies *evpogos* quoad caetera, compressio mochlica cum fructu potest adhiberi. Si vero durities schirrum indicet tactu, aut si praegressa febris inflammatum lienem in puris sacculum converterit, ad alia fugiendum remedia, ne schirrus irritatus in cancrum abeat; vel perruptis claustris, quibus pus coercetur, purulento diluvio submergatur abdomen, aut fordida tabe obruatur hepar.

46. Inter morbos, qui jecori infensi sunt, foeda ista, et luteo colore cutim inficiens aurigo, saepissime sensibus se prodit. Causas hujus mali proximas in scriptis medicis plurimas invenimus; singulas autem enarrandi vel discutiendi laborem mihi minuit elegantis illius exercitationis auctor, qui de ictero tractatulum *Tentaminum Med. vol. 1mo* \* inferuit. Caeterum, cum egregio viro, qui nomen suum latere voluit, censere licet, longe frequentissimas icteri causas calculos esse, in vesica fellea fatos, per meatum tortilem ex ea derivatos, et limine nimis angusto haerentes. Nam praeter historias, quas ipse auctor adducit, ratiocinia ejus plurimum stabilire videtur alia, † quae volumine sequente traditur. Si itaque haec sit vera rerum facies, (ut maxime verosimile videtur) caeteris remediis mechanica sunt anteferenda: Ambulatio, equitatio, alii-que motus quibus fortiter jactatur corpus, in hunc censum vocantur, ut eorum ope lapillus ab angustiiis extrudatur, et bilis repressa effundatur. Descensum

B b

\* Medical Essays, &c. vol. 1. art. 33.

† Idem, vol. 2. art. 28.

fane egregie promovent auxilia recensita; sed deficiunt nonnunquam, et duriori cuneo morbus indiget. Si unquam proficit emeticum virtute quavis mechanica, unquamve sperandi effectus hujus salubres, et morbi sedes, et causae genius, hic mentem fructus spe laccant, nec saepe inani. Hausto enim copiose liquore, turgidulus fotu tepesfacto saccus, ipsi fere ductui conftricto apponitur, eumque laxat; dum urget a tergo bilis, ingenti contractione [§ 36.] protrusa. Aut si causas alibi ponamus, v. g. in porro biliario, in primo ejus exortu a portarum extremis, aut ubivis praeterea, easque materiem crassam, purulentam, vel haerentes lapillos agnoscimus; haud minimae efficaciae erit emeticum, si artis adjumento malum debellari possit.

47. Per sympathiam, ob commune nervorum confortium inter ventriculum atque renes, perque motus turbasque in illo concitatos, quotiescunque hi dolore afficiuntur, viam indigitasse videtur dux natura, qua sedibus excutiatur quicquid inimicum foret renibus diuturniore mora. imo, Gypseae, mucosae, purulentae materies hic nata, vel per metamorphosin aliunde huc pro-  
 vecta, crassior quam quae per exiles canalium fines exire possit, vel egressa diutius quam fas est in linu renali stabulans, augmentum quotidie capit, mole crescit, vicina premit, vel atterit, et cruciatus atrocissimi existit auctor. Saepe formatus jam calculus casu in ureterem, hospiti tanto recipiendo nimis angustum, protruditur; cujus tunicae musculosae, sensiles, scabrae lapilli superficie rasae, arctius hunc complectuntur, et ulteriori progressui fortius obstant, saevientibus interim doloribus

doloribus omnem fere tolerantiam superantibus. V. S. imprimis celebrata, universalibus et topicis strictura tollenda est; deinde vis mochlica praestat quod arte praestandum. Nec unica haec est vomitorii virtus in hoc morbo, sed fomenti vicem gerit epotus liquor, qui cum injecto clysmate balneum internum faciunt, quod aquoso suo halitu relaxat contracturas, et, ventris infirmi contenta adaugendo, in renes aut ureteres vim magis intendit.

2do, Morbosa renum flacciditas, infracto vasorum robore, tale nonnunquam emitti patitur aquosi laticis profluvium, ut speciem istius morbi simulet, qui *Διζεντης* Graecis appellatur. Exit crebro urinae aquosae, tenuis, decoloratae, odoris saporisque pene expertis, copia spectabilis; sitis adest molesta, virium prostratio, fluidorum ingens dispendium, et solidorum detritio. Pejor morbi species ea est, in qua fit effluxus liquoris albicantis, chylosi, subdulcis, reliquisque stipata signis, quae propria huic morbo dedit praxis vetustior, et comprobatur hodierna. Licet enim morbus rarissimus, cernitur tamen aliquando. Sive jam natus sit a relaxatis renum vasis, sive a fluidorum dissoluta crasi, sive ex alia quacunque *πρόφασι*, uti loquitur † Sydenhamus, ‘Curativae indicationes, ad sanguinem corroborandum, invigorandum, ac pariter ad fluxum urinae praeternaturalem restringendum, omnino dirigendae sunt;’ cui addere licet, ad morbosam renum laxitatem auferendam.

Quae de virtute emetici exsiccante supra [§ 42.] dicta sunt satis evincunt, quantum prioribus indicationibus haec respondeant. Renum situs, ossibusque duris vicinitas, quid mochlice ii patiantur ostendunt, et

quam

† Sydenhami epist. resp. oper. p. 272.



quam fortiter impetus humidum redundans ex ipsa renum substantia emungat. Sane excutit quodammodo macerantem lympham, et amissum tonum fibris celatere suo privatis restituit.

48. Vix opus est monuisse quam immaniter uterum sarcina tumentum comprimant muscoli [§ 36.] spasmio validissimo contracti. Propius igitur instante partus exclusione, sedulo fugienda sunt quaecunque istis calcar addunt. Sed eandem ob causam videre est, quanta spes ab eodem fonte profluat, si parturienti deficient vires et repetito conamine eousque robur profternatur, ut quamvis situ legitimo potiatur infans, nec justam molem multo exsuperet, nec adeo arctetur exitus, quin par operi potentia partum produceret; emeticum, quod prompte, quod potenter agat, quod cito coerendum, fauste saepe rem peragit; nec tumultus, calores, aut incendia febrilia parit, quae comites atque sequaces sibi adsciscunt aromata, et praefertim ardentes spiritus istis acuminati, et ejusmodi plura, quae ab aniculis, suo more, in magnum plerumque aegrae incommodum affatim porriguntur.

Alii sunt uteri affectus, qui levamen ab eodem remedio capiunt: Quum vero, licet ultimas sedes in hoc viscere posuerint, vitia tamen per totum corpus dispergunt, hae tanquam effectus generalis causae spectandae. Fomes itaque in universo habitu delendus, priusquam utero redierit pristina salus. Quantum huic intentioni arrideat emeticum, postea dicendum.

Perspectis hoc pacto singulatim praecipuorum viscerum culpis, saltem quae a remediis mochlicis commoda accipiunt, effectus qui totum corpus respiciunt

per-

perpendendi, et mutationes indagandae, operationis tantae progenies.

49. Praeter insignes vasorum truncos, qui ventrem pervadunt, qui ad organa diversa sanguinem deportant, qui ab extremis referunt, quique in unum collecti portarum stirpem constituunt; milleni istorum furculi viscera perreptant, et variis ambagibus iter tentantes, plures formososque vasorum plexus constituunt; per quos assiduo propelluntur humores inquilini. Per vomitum vasorum situs, magnitudo, et figura omni momento variantur, ita ut actio nata sit pulmonum actioni simillima. Si vero numerum vasorum abdominalium, et vim quae eis eorumque contentis nisu vomitorio applicatur, in censum revoces, pulmonum vires, et actiones maxime potentes longe superari videas, Adde quod, hoc ipso temporis puncto, strenuius multo ab iis res geratur quam solito more fit. Inferre itaque nil vetat uniuscujusque munus sanguificandi summo opere exinde provehi; id est, compactio, densatio, attritio, solutio, miscela cruori eximie conciliantur. His quoque famulatur aucta sanguinis velocitas; comprimuntur enim arteriae, et quae per ventrem vadunt, quaeque etiam per artus dispertiuntur. Musculi enim plerique leviori tetano, dum nisu instat, horrescunt, ut cuivis patebit hominem evomentem spectanti. Musculi, qui pectus humerosque ambiunt, sustentant costas figuntque; exporrecta brachia suffulciunt corpus, quibus opitulantur illi musculi qui dorsum vestiunt, antrorsum curvatam spinam in situ commodissimo detinendo; crura rigescunt, et instar immobilis statuae peger ore hiantе vomitus insultum exspectat. Vasa  
itaque

itaque sanguifera mufculorum comites, acque ac abdominalia, preffurae fubjiciuntur, et eadem pati debent: Minuuntur arteriarum diametri; ruit ergo compreffum fluidum quo patet exitus; recessum prohibet urgens ejufdem a tergo columna; progredi neceffe eft, ocyus itaque venas appetit: Harum tunicae minus rigidae facilius vi cedunt externae; idem itaque his accidit, comprimitur nempe pelliturque fanguis; valvulae frequentes pedem revocare vetant, pergit ergo celerius et pleniori fluvio ad cor accedit; inde crebro repetitis ictibus perculfus, propere curfus iterat eofdem. Praedicta docent, nec obfcure; 1mo, Haematopoiefin emendari. 2do, Secretiones augeri. 3tio, Solida novis viribus inftaurari. 4to, Denique fanguinis momentum intendi, et feofitis impedimentis circulo liberiori frui. Atque ex hifce principiis facile patebit, quinam fint morbi της μεγλειας διαμενοι, et quare tot tantaeque, tum in fluida, tum in folida, efficiat vomitorium: In paucis tamen ejufmodi morbis horum ufus perfringere haud a propofito alienum erit.

50. Praeterita jam hyeme, folida, acri gelu prius rigefcentia, laxantur iterum, atque fluida, ab enervatis vafis minore impetu propulfa, verno tepore fpiffefcunt, et levi de caufa in extremis vafculis fiftuntur, deficiente quoque confueto folidorum robore; aëris humiditas fordes accumulat, et corpus debile, foecibus gravatum, multis malis opportunum reddit. Inducit fortaffe natura febrem benignam intermittentem, quae moleftum onus brevi excuteret, fanum vegetumque corpus daret, fi fibi commiffa ab opere non deturbaretur. Urget tamen quaerulus aeger, dictis amaris medicum

dicum laceffit, et fpreto confilio, forte ab aniculis in-  
tempeftivum morbi levamen, millenis faepius malis  
ftipatum, fibi comparat. Emeticum fecundat naturae  
aufus; et, fi radicitus haud extirpet, tutam tamen ex-  
pedit in fanitatem viam [§ 32.], etiam faepius repeti-  
tum prodeft. Febris intermittens autumnalis emetici  
fubfidium haud minus efflagitare videtur, tum ad a-  
murcas ex primis viis exhauriendas, tum ad vitia, quo-  
rum radices altius haerent, corrigenda.

51. Febris lenta, continua, morbo priori affinis, gra-  
du major, ab eisdem forte caufis, idem circa tempus,  
quandoque graffatur; immobilior videtur materies,  
quaeque diuturno naturae labore nullo modo subigi  
vel expelli poffit: Hinc nulla remiffio; parum tamen  
mordax eft, ergo haud impetu magno exardet. V. Sa-  
cum fanguine emittit vires, quae in hac febris fpecie  
fatifcunt nimis; alvi fubductio, fi lenis, parum confert,  
fi fortius res agatur, debilitat. Naturae inceptis fa-  
vere medici eft; feбри ergo flammæ fubjiciendae, ut  
irritos conatus abfolvat, craffa fubigat, et expellat fub-  
acta quo nocitura non funt. ‘At fi frigus eft et tor-  
por,’ inquit Celfus \*, ‘et jactatio corporis; non alie-  
num eft, in ipfa febre, dare mulsi tres aut quatuor  
cyathos, vel cum cibo vinum bene dilutum. Inten-  
ditur enim faepe ex eo febris, et major ortus calor  
fimul et priora mala tollit, et fperem remiffionis, inque  
ea curationis, oftendit.’ Nec quidem minora ab e-  
meticis efficiuntur. Adeft nempe vis insignis fpiri-  
tuum motum accelerans, [§ 18. 19.], evacuantur fordes  
in

\* Celfi medicina, lib. 3. cap. 9.

in ventre latentes [§ 30.], viscida subiguntur, si quae abdominis incolas obsideant [§ 39.], denique sanguinis intenditur cursus, et augentur secretiones [§ 49. n. 2. 3. 4.] tenues, per exteriora praesertim.

Neque ulla fortasse est methodus efficacior vel utilior, qua sudor elici potest, quam post exhibitum vomitorium; non modo enim in ipsa operatione copiosus plerumque exprimitur, sed exteriora versus tam valide trudentur liquida attenuata [§ 49.] ut, dimotis obstaculis, quae orificia cutanea claudunt, effluent pleno rivo humores istuc determinati. Atque huc egregie confert opiatum, quod post emeticum dari optimo consilio suadent practici. Vomitorium praeterea evocat squallorem primas vias foedantem, et praecavet ne exhibito hydrotico, eoque disperso per corpus fomite, manus hostiles in viscera convertantur.

52. Eadem doctrina innuit quanti sit usus emeticum in tenui acrique catarrho, in asthma humorali, aliisque ejusmodi morbis a frigore correpto natis; quum, sciz. retenta materies perspiranda, vasa eousque inertifluido replet, ut functiones omnes poenas luant; quum gravitate pigra sensus hebescant, et ad stateram fere corporis pondus auctum esse diceret; distensa denique vasa doleant, partesque sensiles aegre laceffantur. Cum haec et alia ejusmodi symptomata se produnt, remedium exhibendum est, quod portas referare, liquores superfluos expellere, atque solitam agendi facilitatem corpori restituere possit. Haud parum his confert emesis; et quacunque corporis parte aegritudo suas sedes posuerit his causis orta, multum valere possit. Ponamus glandulas, caeteraque vasa circa fauces et colum





esse cutim ponamus, vascula perspiratoria ita compressa ut coactam materiem vis solita nequeat protrudere: Hoc in casu contentorum moles augetur; calor febrilis ita ad interiora exaestuatur, ut organa intus exhalantia adeo arefacta, vel alioquin obstipata evadant, ut suum munus exsequi non possint. Ex utraque parte cohibetur idcirco fluidum, quod diuturnum nimis circuitum jam patitur, quodque longiore mora pessima mala pariturum est. Calor enim nimius acrimoniam gignit, unde stimulus partibus nervosis: Hinc iterum febrilis aestus sitisque, fortasse delirium, huic supervenit; ab aucta fluidorum mole anxietas praecordia infestat: Quum interim calore crassiora deveniunt fluida, coagulantur, et inepta magis redduntur ad exitum sibi apperendum per ea loca quae saepe indigitat natura, scilicet per fauces vel intestina. Exigunt haec mala coagulati in vasis exhalantibus utriusque loci resolutionem, evacuationem, reliquisque conciliatam fluiditatem, nec aucta interim febre plusquam per lene opiatum tuto coercere queat. Qui praedicta [§ 13 18. 39. 49.] de emeticorum effectibus, tum in fluida, tum in solida, in mentem revocaverit, haec non inepta esse auxilia, imo aptissima forsitan praedicabit. De febribus acutis agens Sydenhamus haec profert: ‘ \* Saepe miratus sum,’ inquit, ‘ dum forte materiem vomitu rejectam aliquando curiose contemplantur, eamque neque mole valde spectabilem, nec pravis qualitatibus insignem, quum factum fuerit, ut aegri tantum levaminis exinde senserint; nempe vomitu peracto saeva illa symptomata (nausea, v. g. anxietas, jaetiones,

tiones, suspiria luctuosa, linguae nigredo, &c.) quae et ipsos excruciant, et adstantes perterrefacerent, mitigari solent ac solvi, quodque morbi reliquum est *subiens* tolerari.' Quum vero ex antea dictis pateat, fluida crassa solvi, canales obturatos reddi tranabiles, totum corpus arefactum humectari, simulque nociva expelli, mirandum non est levamen tam subitum inde evenire.

54. Beneficiis sic cursim enarratis, quae ab emeticis lucrantur morbi acutiores, via sternitur ad alios, in quibus occasio minus praeceps, nec adeo fallax experientia, licet iudicium satis difficile. Vomitoria certe isti morborum cohorti praecipue adversari videntur, qui vel in ipso ventriculo, vel in visceribus prope sitis, ortum sedemque obtinent, et hujusmodi omnes fere morbi chronici sunt. Vitia enim hinc nata longe lateque brevi dispersiuntur, iterumque effectus temeratae salutis ad haec loca revertuntur. Hoc nullibi clarius conspicitur, quam in eis morbis, qui cum mentis alienatione junguntur, quique a pravo victu, vel in eo assumendo errore, ut a causa proxima eveniunt. Licet enim ab animi pathematibus, ab evacuationibus, aliisve causis remotioribus enascantur, victus tamen inepta ratio saepe constituit propiorem. Innumeri nervorum furculi ad ventriculum emissi, neque ad ipsius nutritionem, neque ad motum quemlibet provehendum tantummodo comparati sunt, sed potius ad chylicandi operam adjuvandam. Dispersis itaque nimia copia spiritibus, perditur ex causis sanitatis una; assuetae, scil. ciborum mensurae, in nostri naturam mutandae, imparia deveniunt instrumenta: Affucta  
tamen

tamen mensura assumitur, et dum caetera aequalia non sunt, necessario emascitur indigestio, et inde alia mala. Haec origo saepissime est affectionis hypochondriacae, et reliquorum quandoque graduum mentis laesae, a vacillatione levissima ad summam usque insaniam. Docent phaenomena hujus morbi in fluidis prae primis haerere culpam, hancque esse nimiam crassitiem, sive partium mobilissimarum distensionem: Hae sunt spiritus animales, halitus cruoris vaporosi, et aquea deinde ejus elementa, quorum minus majusve dispendium morbum efficit leniorem vel graviorem, dum sanguis per varios spissitudinis gradus transit, donec in veram bilem, a veteribus atram dictam, degeneret. Quodcumque de hujus morbi natura cognitum habemus, praeceptis chemicis ut plurimum acceptum referendum est, quorum ope hic, uti etiam in aliis bene multis, plurima phaenomena, alioquin abdita prorsus, deteguntur. Ex chemica sanguinis analysi constat, distillatis aquosis, superesse salina, oleosa, terrestria, diversimode conjuncta, sanitatis muneribus parum apta, utpote quae crassiora et leviora sanguine sano. Eadem etiam chemia fidis experimentis demonstrat, oleum, salem, terramque unita, plus aëris in se continere, quam aquam reliquis conjunctam. Hujus testis sit calculus humanus. Ergo solida praepollent fluidis, ocyus haec circumaguntur, et augetur tenuioris dispendium, dum crassescens residuum intimam cum diluentibus admixtionem respuit. Ingesta haud satis subacta morbo addunt, viscera molliora obstipant, actionem minuunt tolluntve: Hincque splenis, hepatis, hypochondriorum oppilationes, tumores, dolores. Satio requirit viscido restitutionem floris et miscibilitatis.

tatis. Haec fiunt per diluentia, saponacea, et attritum. Diluentia sola parum valere ostendit exposita morbi natura: Sola saponacea, efficaciora licet, raro sufficiunt; adjuvantibus vero attritu et calore, omnem quam possident vim exerunt, docente chemia. Denique attritus in hoc morbo raro per stimulantia vulgaria intenditur, quin haec saepe nociva comperta sint. Inde quidem augetur sanguinis celeritas, sed simul augetur ejusdem rarefactio. Compertum autem est, attritum esse in ratione celeritatis, soliditatis, et compressionis. Si itaque auctae rarefactionis ratio superet rationem auctae celeritatis, inde non modo non augebitur attritus, sed, e contrario, minuetur. Postulatur itaque remedium quod sanguinis celeritatem intendat, rareficientiam cohibeat. Tale, in nifu vomitus, reperiri, facile ex praegressis liquet. Hinc obiter patet utilitas submersionis in aqua frigida.

55. Huic morbo ex diametro opponi videtur hydrops, in quo lymphæ serosa viscera submergit, et pallescens sanguis corpus deturpat ingrato colore, docetque aquam exuberare, et vitio diverso, oleum, terram, falemque deficere.

Dispositione pituitosa in fluidis suborta (quæ a multiplici causa fit, quarum aliquas haud inconcinne memorat Poeta \*),

Corrupti jecoris vitio vel splenis, acerbus  
Crescit hydrops: Aut cum siccata febre medullæ  
Atque avidæ fauces gelidum traxere liquorem:  
Tum lymphæ intercus vitio gliscente tumescit,  
Secernens miseram proprio de viscere pellem,)

statim

\* Satimonicus.



statim ita debilitantur solida, ut torpidos liquores vix propellere possint. Hinc stagnatio in lateralibus vasis, et functionum languor. Indies accumulatur serum, turgēt, propinqua laedit, et perpetuo renovantur morbi causae. Si contingat haec in unius vase, hydatidis formatur; si *nata phlebas*, seu per tunicam cellularem per omne corpus dispersam, fit leucophlegmatia; si ruptum vas effundat contenta in cavum quodcunque, localis hydrops suboritur: Si denique (quod saepissime in causa est) actio venarum absorbentium debilitetur, sive ab obstructione in eis nata, sive a mero languore et inertia solidorum; dum suo munere funguntur arteriolae inhiantes, et squalentem laticem sine fine in cavitatem eructant: Hic continuo accumulatus spissescit, vasa omnigena brevi effoeta reddit, et hydropem topicum producit. In hoc morbo curanda, primaria morbi causa minuenda vel adimenda est; attenuantia, evacuantia, exsiccantia, roborantia uniuscujusque ordinis usurpanda; ut tandem amoveatur onus humidum, minuatur latex, et vasa eousque viribus instaurentur, ut officio debito fungantur, et fluidorum nativa bonitas redintegretur. Hisce omnibus absolvendis, dicata plurima apud practicos remedia invenimus. Nescio quot specifica celebria ab iis recenseantur, quae uno fere ictu morbum profligent, si fides eorum promissis sit habenda. Displicet aliis haec curta supellex, et in vitium incidunt contrarium; pompasam memorant farraginem, et remediorum cumulo obruunt aegrum. Utraque praxis evitanda, neque solis emeticis curatio committenda, nec sine his tentanda; cum longiores adimant labores, et compendio quasi rem gerant, quae pluribus adminiculis caeteroquin indiget. Remedia  
antibys

antihydropica, prius memorata, suum opus absolvere videntur, motum et attritum fluidorum ciendo, pellendo, difflando exuberantem lympham. His omnibus simul conducit nifus emeticus fortis, saepius repetitus; crassa quippe comminuit, obstructa referat, propellit stagnantia, humida exsiccat, secretiones aquosas auget, solum sanguinem compingit, resolvit viscidum, celeriore ad extrema facit appulsum, movetque sudores. Adde, quod ingentem in tumefactum abdomen vim exerit, et quum in hoc tantummodo sedem habet morbus, nec quopiam viscere pessundato, nec in corpore valde senili, et recens sit, repetitis emeticis, bene instituta diaeta, et exercitatione modica, res tuto expeditur, nisi in iis sit, ‘\* quibus inutilis libertas est, nec tam facile coguntur ac ii, qui servitutis beneficio convalescunt.’ In hydropis etiam provectiori gradu haud parum conferre visa est emesis. Idem comprobatur historia apud Forrestum † recitata de quodam hydropico, qui ‘inflatus ventre, manibus, pedibusque et facie, a medicis destitutus, et tanquam desperatus, adiit littus marinum, et naviculam per aliquot miliaria ascendit in altum maris, et provocato vomitu, post vomitum exercitio utens, sanitati restitutus est.’ Huc afferre licuerat Sydenhami suffragium, quod in tractatu suo eleganti de hydrope crebro fert, et sententiam de horum commodo plurimis exemplis, iterata observatione ratis, suffulcit; at diserta ejus verba in arte seniores probe callent, ad ipsum libellum juniores lubenter amandantur, cujus evolutio,

---

\* Celsi medicina, lib. 3. cap. 21.

† Observ. lib. 19. obs. 33.

\_\_\_\_\_ si propius stes  
 Te capiet magis ; \_\_\_\_\_ et  
 \_\_\_\_\_ decies repetita placebit.

Hoc tamen in morbo haud mochlicis pugna commit-  
 tenda est, nisi viscera aliaque ita se habeant, ut antea  
 [§ 44.] observatum.

56. Ex enarratis haëtenus liquido patebit, in morbis  
 plerisque a colluvie serosa natis, quatenam ab emeticis  
 expectanda sint. Patebit quoque horum usus in mor-  
 bo qui puerulis utriusque sexus infensus, gravis nec  
 infrequens, rachitide scilicet, qui a vitiis in abdomine  
 natis, ad medullam usque dispersis saepius productus,  
 ipsa corporis fulcimenta pedetentim suffodit, et duris-  
 sima ossa, inflexibilia fere, nimis facile flectenda red-  
 dit. Mali ortus et progressus, curatoria indicata, nec  
 non ratio, qua huic morbo vomitoriis iteratis occurri  
 possit, ex sequentibus clarius cernuntur \*.

imo, Ossa, quae in toto corpore jam solidissima sunt,  
 olim gelatinae fluxiles, membranae, cartilaginee fuere,  
 quae paulatim durescentes, per diversos soliditatis  
 gradus, ossa tandem fiunt rigida.

2do, Hujus indurationis causa duplex existit, mate-  
 riae, scil. officinae a sanguine secretio, et secretae appo-  
 sitio firma, sive compressio particularum ad se invi-  
 cem fortis. Haec effecta sunt virium vitae integra-  
 rum, et muscutorum vicinorum incumbentium. Ideo-  
 que,

3tio, Si sanguis particulis ossium structurae idoneis  
 minus dives sit, secretio minor erit, et muneri suo  
 in-

\* Vid. Alex. Monro's Anatomy of human Bones, p. 34. &c.

ineptior. Porro, si absit actio musculosa, et vires languent, altera causa ossificationis abest. Hinc itaque,

4to, Liquet istas condiciones, quae rachitidem parere possint, omnes ejusmodi esse quae chylopoiesin et haematopoiesin depravare solent. His ergo imprimis erit prospiciendum, et medicina id genus eligenda, quae et vitium in ipsis officinis diversimode corrigat [§ 18 27. 39.], auferat, nocivos ejus effectus, in aliis locis pullulantes, emendet, atque impetus motusque formantis defectui optime subvenire possit [§ 49.]. Viscerum quidem saburram feliciter educunt purgantia: Sed si fortiora fuerint, aut nimis saepe repetita, vires prosternunt admodum, crassiora relinquunt, sed vapida, et obstructionibus creandis magis opportuna; et debilia jam facta solida adhuc debilitant. Emetica valide expurgant viscera, nec vitae viribus adeo funesta, solida corroborant; imprimis si victus accuratus instituat, si corpus in frigidam saepe immergatur, si denique specificis leniantur subinde nata symptomata.

57. An in arthritidis insultibus utilis sit vomitus necne, quibus, quando, et quoties exhibendus, definire haud leve est. Illi, quorum auctoritas mecum prae plurium valet, in paroxysmis omnino ejus usum dehortantur, nisi urgeant nausea, vomitus, aliaque ventriculi sorde scatentis signa; et tunc lenia tantummodo admittunt. Alii \* vero haud infirmi subsellii medici stant contra; urgetque unus †, se observasse ‘insultus  
D d ‘arthriticos

\* See Dr Cheyne's Essay upon the Gout, p. 77. &c.

† Hoffmanni Dissert. Decad. I. p. 411.

‘arthriticos consuetos, perpetuo fere mitiores, quando  
 ‘statim inter initia leni emetico, vel solo, vel cum  
 ‘laxante mixto, prima regio a fordibus evacuata fue-  
 ‘rit.’ Qui valet, has lites dirimat: Ego, iis missis  
 factis, emeticorum usum in alio ejusdem morbi stadio  
 demonstrare paucis conabor; id est, inter paroxysmos,  
 ad futuros avertendos. Acris illa materies, in angu-  
 stis haerens, et dolores cruciantes excitans, post ex-  
 acerbationem podagricam (si recte res geratur, nec in-  
 tempestivo medicaminum externe vel interne applica-  
 torum usu suffocentur incepta naturae) expellitur, su-  
 dor lenis locum affectum perfundens, vel, si deterius  
 adhuc malum, et sedes habeat profundiores, erumpens  
 tophus, insequens inde levamen, symptomatum omni-  
 um remissio, hanc evacuationem criticam fuisse desig-  
 nant; ideoque morbi fomitis in sanguinem, partesque  
 nobilioribus vitae functionibus dicatas, nequaquam  
 metuendus erit regressus, sed quod morbi jam super-  
 est instar alius cujusque chronici saevioris abigendum.  
 Fluida, si prava sint, mendis purganda, infirma solida  
 roboranda, vires totius corporis instaurandae, stirps  
 denique atrocis mali quantum valet ars succidenda.  
 His plurimum confert medicina gymnastica, quae prae  
 caeteris aliis suppetiis infracta membra nova virtute  
 reficit. Equitatio, vectio in rheda, curru, &c. sunt  
 optima subsidia. At quoties haec prohibet parum a-  
 mica tempestas anni? Hyeme aut vere saepissime con-  
 tingit podagrae decessus, pejus tamen adhuc si autum-  
 no intermittat. Aër enim humore gravis frigidusque  
 foras egredi omnino prohibet; atque intra porticus,  
 vel domus penetrabilia, pedibus insistere, aut motu quo-  
 vis corpus torqueri, aegre admittunt artus distorti, et nu-  
 peris



peris cruciatibus claudicantes. Fricatio fane leviter tantummodo mundat exteriora, neque evacuat e visceribus pituitam, quae ob omiffum tamdiu motum ea necessario gravare incipit. Praeterea raro defunt aegro gratulabundi sodales, qui pignus amicitiae charius dare nesciunt, quam propriam salutem poculis evertere, hominifque ex morbo recreati exitium moliri, dum sanitatem pristinam verbis exoptant, revera autem infidias sanitati ſtruunt. Ex his atque ſimilibus cauſis, emeticum ſaepe ſaepius perquam neceſſarium eſt convaleſcentibus, neque ex praediſtis colligere arduum erit qua ratione exercitationis etiam fortioris vice fungatur. Patet etiam quibus modis actionibus animalibus opitulentur vomitoria, craſſa quomodo ſubigant, denique plus minusve ſingulis indicatis reſpondeant: Neque verentur ex practicis ſagaces, bis in menſe, ſaepius quandoque, iſtiusmodi hominibus vomitum praecipere. Perſpectis itaque horum commodis in chronicis plerifque, eos morbos levi pede percurrere animus eſt, qui ſexui ſequiori tantummodo infeſti ſunt.

58. Non modo vitae ratio, ſed ipſum fere vitale ſtamen, foeminis molliorem ac laxiorem temperiem deſiſſe videtur, niſi fors durior alienam impertita ſit, atque mens ſana, in corpore ſano laboribus improbis indurato, eis firmitudinem donaverit maſculae vi omnino aemulam. Eſt tamen vitae ſtadium, quo etiam haec mulierum conditio ex errore levi peſſimis obnoxia malis evadit; eo, ſcilicet, quo ſexus diſcrimina jam adfutura ſint, id eſt, ad vel circiter annum aetatis 15: Huc uſque enim, ſenſu medico, genus unum idemque eſt. In quibus autem diſcrepant, quare, quae cauſae  
phyſicae

physicae discriminis, referre non opus est; fusius ea ab aliis tractantur. Sed brevis morborum recitatio, quum lucidiori argumentorum explicationi inservire possit, proposito haud incongruum videtur.

1mo, Adveniente molis augmenti termino, eadem organa, quae corpori virgineo pabulum ministrarunt et incrementum, plus pergunt conficere quam sola corporis nutritio jam exigit; quod superest sanguinis per vasa uterina jam periodice emittitur. Si diutius retineatur, ob deficientes vasorum vires, vel impeditum exitum, plethora plethorae superadditur, et morbi virginei indicia cito sese produnt.

2do, Si vero aquosus, solutus, vel acris sanguis uterum pervadat, et momentum absit quo dilatentur vasorum oscula, eousque ut rubrum sanguinem deponant; is lateralia permeat, in glandulas, quae cavum uteri ubique obsident, infunditur, crassescit; exit tandem liquor viscosus, colore diversus, nunc albus (a quo *fluor albus* appellatur) vel albicans, vix lintea tingens, flavescens, viridescens, nigricans, et omnibus affectus coloribus qui inter hos existunt; nunc sine foetore transit, nunc graveolet; nunc mitis, ut in initio plerumque, et diutius vigente morbo acrior, coloratior, foetidior evadit. Patentēs glandulae tenuiores quoscunque separant humores, et eliminant; inter quos nutritivos, qui solidis vigorem, momentum fluidis supeditasse debebant. Hinc indies a viribus aliquid subtrahitur, perit membrorum virtus, labitur digestio, vitio magis indelebili fluida corrumpuntur, et per totam corporis oeconomiam serpit labes, qua nulla (expertos asserentes audivi) ex toto chronicorum agmine, sexui crudelior, curatu difficilior, aut effectibus extiosior.

tiosior. Nam fatiscunt imprimis instrumenta ipsa, quorum ope caetera reparari debuerant, et morbi sedes in viscere ponitur, cui omnium difficillime fit medicina. Id quidem haud cito labefactatur, sed si semel infectum fuerit, vitium diu servat; ‘Quia pars est,’ inquit Forestus\*, ‘quae prompte recipit aliarum partium excrementa, tum ob situm inferiorem, tum ob multitudinem venarum eo pertingentium, tum etiam propter consuetam illam naturalem purgationem.’ His adde compagem solidam et vasculosam, remediis, quorum vires longo circuitu decoquuntur, antequam huc deferantur, haud facile cedentem. Etiam post emendatam cruoris indolem, laxa glandularum fabrica pertinaciter obstat medelae, atque ea medicamina, quae harum mollitiei adversantur, constringunt quoque arteriolarum orificia, et molestiorem reddunt menstruationem. Laxitas nativa, victus prava ratio, vita deses et luxuriosa hunc morbum plerumque inducunt. *Rarius enim, ut ab eodem Foresto observatum, id patiens visae sunt agrestes mulieres.* Eadem quoque† fluxum uterinum suppressum saepe praecedunt. Remedia ergo hisce morbis adhibenda sunt, quae noxis, ex istiusmodi causis subortis, obviam eant; neque vomitoria repetita omittenda sunt: Praeter enim effectus, qui hactenus indicantur, stomachum expurgandi, solida stimulandi, et sanguinem mire atterendi, hunc tanto impetu versus uterum propellunt, ut exempla prostant‡ in quibus sola vis ejusmodi mechanica tardatum fluxum

\* Foresti observ. lib. 28. Obs. 21.

† Opera Doctoris Friend, p. 67. 80.

‡ Plateri obs. med. p. 191. Hildan. obs. cent. 3. obs. 58.

fluxum repente profuderit. Atque, nisi *durans* sit aegra, vel incommode ferat emetici actionem, haud minora in fluore albo quam in plerisque chronicis expectanda sunt. Saepius autem in hoc morbo motu levissimo fatiscunt vires, unde incommodi plus quam fructus accipiunt. Hoc ergo in primis indagandum, priusquam porrigantur emetica aegris hujusmodi.

59. Nihil etenim ex omni parte perfectum atque beatum: Sua secum trahunt commoda, et etiam incommoda, vomitoria; nec minus verenda haec, quam appetenda ista, si forte infelici auspice porrigantur. Infausti autem eventus remedii utilitatem haud minus praedicant quam effectus optabiliores; insitam ejus vim demonstrant, efficaciam probant, dum porrigentis imperitiam vel temeritatem redarguunt, nec hominis excidii reum habendum est medicamen, sed manus quae inepte vel intempestive ministrant. Quamvis autem, ex tradita de emeticis doctrina, facile perito patere possit, in quibus casibus utilia, in quibus nociva sint; haud tamen alienum est, ut brevi horum morborum enarratione claudatur dissertatio, in quibus vomitus imprimis vitandus:

imo, Nativa corporis structura apud nonnullos † scriptores causa exstat, quo minus quibusdam propinentur emetica; quibus habitus macer et gracilis, collum extensus, pectus angustum, atque ad vomendum difficultas; quibus denique sanguinis sputum, animi deliquium, tussis molesta, familiaria fuere, ab emeticis liberati sunt: Qui vero contraria temperie praediti sunt,

† Vide Fallopiam de purgant. p. 81.

sunt, horum usum salutarem ex consulto medicorum saepe sunt experti. In vehementiorum usu haec sane perpendenda sunt, ne forsan temeritatis vel incuriae poenas luamus; nec in leniori vomitu praecipiendo penitus omittenda. Idiosyncrasia quaedam, experientia aegroto cognita, at a medico, nisi ab ipsa didicerit, nunquam detegenda, hujus vel illius medicaminis usum vetaret, quod aliter ab ignaro porrectum multa mala est pariturum.

2do, In morbis inflammatoriis, ubi sanguis adusto lentore inquinatur, immeabilis in arteriarum finibus sistitur, neque vi propellendus; ut in febribus acutis, inflammationibus topicis, pleuritide, frenitide hepatitide, aliisque ejusmodi; vires vitae minuendae potius quam provehendae: Ergo, peracta accessione, urgente saevissimo dolore, tutum non erit emeticum.

3tio, Neque, si multum laedatur visceris, sive partis alicujus actio, quae tonica dicitur, sive aequilibrata potentia, qua solida fluidis reniti deberet, minuat, emetici fortioris vim mochlicam experiri licet, antequam ratio partis habita sit, an tantae vehementiae impetum commode ferat, vel incommodi majoris fiat particeps. Sic, v. g. in hydrope abdominali exsiccatur emeticum, sed tumorem pro aliquo saltem tempore extendit.

4to, In pulmones emeticorum vis sane ingens est, quia nisu vomitorio tam subito per eos dimittitur sanguinis inassueta moles, qua distenduntur vasa, comprimuntur vesiculae, quibus fortiter reagens intra detentus aër, pressuram validam longe validiorem reddit; et, si dehiscencia prius vasa sanguinem effuderint, vulnuscule certo certius ampliata haemoptoen augebunt. Quin  
et



et in incipiente haemoptoe, ab externa causa producta, dum sanguis adhuc blandus, nec fordida tabe contaminatus, vix fere ad emeticum licet confugere, quo e vesiculis pulmonicis excutiat<sup>r</sup> latens cruor, qui, stagnando corruptus, morbum, alioqui haud periculosissimum, intenderet. Pulmonicis igitur vix porrigenda sunt, nisi puris inundatio pulmones obruat, et lethum a suffocante materia, alias inevitabile, adfuturum sit.

5to, Denique, cavendum est ab horum usu in eis morbis, qui pro causis agnoscunt sanguinem multum crassum, pituitam valde tenacem, copiosam, pene immobilem, aliamve quamcunque hujusmodi materiem, cerebrum et nervorum fontem gravantem, ut gravior apoplexiae, paraplegiae, hemiplegiae species, veternus, carus, et ejusmodi. Altius enim morbum plerumque figunt, vel in ipsa forte operatione hominem interimunt. Vix ab eorum usu dehortatione opus est, licet aliqua symptomata ea necessaria esse alioquin innuerent, quando imminet adhuc haemorrhagiae metus, post vulnerata aut detruncata membra; vel denique quando per ampliores abscessus, aut aliud quodcunque ostium, apertus paratur exitus, per quem facto ingenti impetu emanet cum vita cruor.

F I N I S.

SPECIMEN MEDICUM  
IN A U G U R A L E,

D E

A C E T O.

Q U O D,

PRÆSIDE SUMMO NUMINE,

Ex Auctoritate Reverendi admodum Viri,

GULIELMI WISHEART, S.T.D.

UNIVERSITATIS EDINBURGENÆ Praefecti;

NEC NON

Amplissimi SENATUS ACADEMICI,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE AC LEGITIME CONSEQUENDIS;

Eruditorum examini subjicit

SAMUEL WORTHINGTON,

ANGLO-BRITANNUS.

Ad diem 27. Junii, hora locoque solitis.

EDINBURGI:

M, DCC, XL.

E c





Illustrissimo et potentissimo Domino,

D. G E O R G I O

COMITI DE WARRINGTON, &c.

Viro vere nobili,

Nec magis ob antiquissimum generis splendorem,

Quam ob eximias animi dotes,

Propriasque ac sibi ingenitas virtutes conspicuo ;

Has studiorum suorum primitias,

Qualecunque cultus fui

Ac perennis observantiae monumentum,

Sacras esse voluit

SAMUEL WORTHINGTON.





# SPECIMEN MEDICUM

## I N A U G U R A L E,

D E

## A C E T O.

**A**CETUM est remedium, quod apud veteres magni aestimatum fuisse videtur, tanquam in plurisque compositionibus princeps, si non unicum medicamentum pro morborum plurium curatione, in quo totam spem posuerunt. Undenam evenerit, quod jam diu tantilli pretii haberetur, haud nunc mihi operae pretium est inquirere; sed quum observaverim in exigua illa praxi medica, quae haecenus mihi occurrerit, hoc medicamen, plurimis medicinam facientibus, eventu felici, variis casibus morborum, tam internorum quam externorum, fuisse praescriptum, statim proposui, naturam ejus, proprietates, atque effectus, paulo accuratius

ratius investigare: Quod ut in ordinem redigerem, haud incongruum mihi hoc tempore visum est argumentum; quum tale publicum scientiae meae in medicina specimen pro more exhibendum haberem, quale, secundum leges academiae hujus celeberrimae, obstricti sunt omnes medici titulum ambientes praebere.

I. Acetum ita dictum Latinis a gustu *acido*, quia *acidum* inigne, aliis magis vulgare aut efficax; obquam etiam rationem Graecis nomine *ὄξος* appellari videtur.

II. Aceti generatio ex magna fit vegetabilium imutatione, insigni operatione chemica peracta. Ex fermentatione enim oritur, ad certum gradum aucta, ultra eum quo ipsorum olea attenuantur, adeo ut volatilia reddantur, atque leni calore a principiis reliquis eleventur, quo in statu spiritus ardentis appellari solent. Et infra illum motus intestini gradum (quem fermentationem nonnulli, alii melius putrefactionem, vocant,) quo olea ista rancida fiunt, sales etiam in naturam volatilem alcalinam vel alcaliscentem mutantur, hoc est, vegetabilia in animale naturam fere convertuntur. Species fermentationis intra has binas, sales hosce atque olea volatilia figit, ac in massam homogeneam redigit, adeo ut cum aqua intime misceri, atque prorsus in illa solvi possint. Talis est hicce liquor de quo nunc agimus.

III. Modus has varias fermentationis classes rite instituendi, effectus etiam quos in vegetabilia sensim produciunt, a Cl. Boerhaavio (cujus memoria est summo

mo

mo cum honore celebranda), ita accurate pertractantur, aequae ac nitide explicantur, ut verba illustrissimi hujus viri tantum perferberem, si de fermentatione rationi consentaneum loqui conarer: Potius igitur visum est, vos omnino ad eum ablegare †.

IV. In genere dixi (§ II.) quod vegetabilia, ad hunc gradum supra citatum fermentata, acetum praebeant: Non autem ab re fuerit memorare, quod summus rerum Opifex particulas vegetabilium tam varie disposuerit, ut alia has prius memoratas fermentationis species admittant, atque ista principia exhibeant: (Qualia sunt pleraque plantarum genera, et variae earum partes:) Alia nihilominus sint, acidae plantae, sciz. quae vel antea jam analogum quiddam primo ac secundo fermentationis stadio subierunt, vel quas natura, his omiſſis, juxta eandem conditionem generat, ac si haec ambo in iis peracta fuissent. Plantae autem alcaliscentes in forma illa apparent, quasi stadia haec tria fermentationis transierint, et ad illa etiam subeunda inepta sint.

V. Aceti analysis chemica, per destillationem, ejus compositionem nobis exhibet, quasi ex larga aquae portione, oleo, sale acido constans, et sale etiam (cujus si dotes peculiare inspexeris, vix iis acetum esse praeditum crederes) alcalino, sciz. Hoc vero phaenomenon ingentis caloris esse effectum, in omnes cujuscunque generis acidos sales vegetabilium, omnibus notum est †.

VI.

† Vide Chem. histor. fermentat.

† Vide Boerh. chem. tom. 2. Lemery cours de chemie, chap. 21.

Barneri chemia philosoph. tract. 3. cap. 3.

VI. Praeter haec principia haecenus jam enumerata, quae acetum constituunt, quidam auctores \* inter observationes microscopicas, animalculorum anguillulas referentium magnum numerum hocce liquore innatare sese vidisse affirmant; quas plurimum ad acetum conficiendum conducere credidere, qui etiam acorem ejus ac penetrabilitatem ab his anguillulis pendere volunt†. Caeterum istorum virorum observationes inanem reddunt suam opinionem: Observant enim illi ‡ se in aceto debili ac inertiduntaxat has anguillulas invenisse; coctione autem aceti augetur aciditas; at ista operatione destruuntur talia animalcula: Concludendum igitur est, ea ad acetum tantum delata fuisse, utpote ad locum ac pabulum illis idoneum; || et potius crediderim animalcula ista, hic loci accumulata, putrefactionem illam, quae aceto accidit, quum languidum et iners evadit, accelerare.

VII. Ad melius intelligenda quatenam sint hujus dissertationis proposita, nempe qui sit hujus remedii usus in morborum curatione; paululum expendere necessarium erit hujus liquoris aceti effectus in corpora animalia.

1. Acetum, aequae ac alia acida, lac vel chylum coagulat, neque in organis concoctionis tam valida est potestas, ad praecavendum ne plantae acidae hanc  
qualitatem

\* Dominicus Panarolus, pent. 4. obs. 36. Athanas. Kircherus in scrutin. pestilent. p. 66. Tho. Bortholinus histor. cap. 4. hist. 13. Joan. Nard. noct. genial. 1. p. 75.

† Dominic. Panarol. loc. citat.

‡ Joan. Nard. noct. genial. 1. p. 75.

|| Ephemerid. Germ. dec. 2. ann. 2. obs. 58.

qualitatem retineant, postquam etiam earum succi cum sanguine permisti, atque cum reliquis chyli partibus in mammis mulierum secreti fuerint. Patet hoc ex acida illa temperie infantibus inducta, solo lactis usu, quum nutricum diaeta magnam partem ex aciescentibus constat. Idem accidit in quadrupedum uberribus; vaccis enim, quae in campis pascuntur acetosae arvensis aut herbarum similium copia abundantibus, coagulatur lac, quamprimum in vas deciderit.

2. Differt acetum, suis in serum sanguinis effectibus, ab acidis mineralibus; loco enim coagulandi, uti haec solent, illum diluit; nec etiam spiritus ejus, nec residuum post spiritus ascensum, in serum sanguinis humani ullam coagulationem inducit: Quod, periculo facto, saepe expertus sum, non solum cum serum et hili liquoris frigidi erant, sed etiam cum ad calorem animale adacti, secundum gradus a Fahrenheitzio in mercurialibus ejus thermometris notatos.

3. Liquor hicce cum sanguine ex arteria aut vena ruente commixtus, haud omnino coagulationem prohibet, uti solent spiritus volatiles urinosi; concretio autem illa est tenella atque facilis separatu, colore etiam nigro gaudet †. Idem hocce experimentum eodem eventu repetivi.

4. Cum his sequentibus permistum fuit acetum, ejus spiritus, et residuum, atque ita se habuerunt  
*Phaenomena*:

α. Cum urina, mutatio nulla.

β. Cum bile, coagulatio nulla; bilis tantum subviridis evasit.

F f γ. Cum

† Du Hamel histor. Acad. Reg. scient. ann. 1669. § 6. cap. 1.



γ. Cum saliva, coagulatio nebulosa, praesertim a spir. ac residuo.

δ. Cum aqua pericardii, mutatio nulla; at aqua a spir. et residuo paulo turbida fuit.

ε. Cum synovia, turbida ea atque albida apparuit. Repetita sunt haec experimenta, liquoribus prius ad animalis calorem reductis, iidemque fere effectus sese prodidere.

5. In aceto immerfae animalis defuncti partes solidae, si colore rubro antea praeditae, nigrescunt, a putrefactione fervantur; diu autem in illo jacentes sensim atque sensim molliores fiunt, denique in mucilaginem solvuntur: Earum validissimis hoc etiam accidit, ossibus, scilicet quae prorsus flexilia deveniunt, postea liquefcunt penitus\*.

6. Ad epidermidem plerisque in partibus corporis applicato aceto, cum calore, qualis est in animalibus viventibus, nullus ingratus oritur sensus, contractio tantum quaedam parva, frigoris etiam levis gradus. De aceti calore et frigore dilucide agit Galenus†, cuius verba Latine sic redduntur. ‘Frigiditas, quae ab aceto proficiscitur, tanto est validior, quanto est tenuior. Inest vero illi et acrimonia quaedam excalfaciens, quae tamen satis non sit ad superandam ab aciditate proveniente frigiditatem; verum quae transitus modo celeritatem promoveat. Nam quanto calidum frigido facilius penetrat, tanto acris succus aptior

\* Ruysch thes. 4. No. 38. Id. thes. 6. No. 13. Cheselden's anat. introduction to the bones. Nisbet's osteogeny, lecture I. p. 31.

† Lib. 4. simplic. medicament.

‘ aptior est, qui sensibilibus corporum meatibus transeat,  
 ‘ quam acidus. Itaque ille viam quasi sternit, hic ve-  
 ‘ ro haud ita tarde insequitur, quo tempore sensus per-  
 ‘ ficitur mistus, et qui aegre exponi queat, utpote qui  
 ‘ nec plane frigidum esse acetum denunciaret, quippe cum  
 ‘ in eo ignea quaedam percipiatur acrimonia, nec plane  
 ‘ calidum. Nam perpetuo, quae ex praecedente fit a-  
 ‘ crimonia, calefactionem frigus ab insequente acidi-  
 ‘ tate occupans obscurat, protinusque extinguit: Quo  
 ‘ fit, ut major multo ex frigore percipiatur sensus quam  
 ‘ ex calore.’ Acetum autem ad epidermidem diu re-  
 tentum eam irritat, atque exiguum inflammationem  
 postremo excitat. Quod si cuticula callosa muniantur  
 nervi, ut hanc irritationem non admittant, tunc stupor  
 quidem et insensibilitas eo loci inducitur. Partes cu-  
 ticula tenui solum obiectas, uti labia, linguam, oculos  
 vellicat, atque iis doloris sensum creat; quae prius  
 rubrae fuerunt, pallescunt, aut subnigrae evadunt.

7. Sublata cuticula, cuti verae admotum acetum  
 dolorem primo creat, et irritat; postmodo autem magis  
 magisque insensibilem reddit; vasorum cutaneorum etiam  
 orificia constringit, ita ut liquorum effusionem cohi-  
 beat.

8. In vulneribus fere iidem sunt aceti effectus, qui  
 in cute ipsa, hoc discrimine, quod non ita sensibiles sint  
 partes subiectae, ideoque neque gravis est irritatio;  
 et quum majora sint vasa, liquorum effluxus non tam  
 subito coercetur, sed notabilior est vasorum con-  
 strictio, quoniam laxiora atque contractioni aptiora  
 sunt.

9. Haustum acetum ventriculum leniter irritat; aliis  
 car-

cardialgiae causa est, aliis vero hunc morbum tollit aut saltem mitigat.

10. Cum chylo sanguini permixtum frigoris sensum inducit, rarefactionem ejus minuit, quod monstrant vasa collapsa: Sitim etiam sistit, putredini adversatur, urinae secretionem promovet; si ad corporis superficiem determinetur, multum ibi excretionem adjuvabit.

11. Acetum purum sanguini admixtum effectus haud infaustos animali, in quo institutum est experimentum, producit: Nullo enim malo comitante, in venas immixta fuit una vice aceti quantitas nec parca\*.

12. Aceti usu continuo ac immodico ineptus devenit ventriculus ad cibi ullam portionem digerendam aut retinendam; ultra tonum distenduntur viscera abdominalia, tumidum hinc apparet abdomen; alvus vel adstricta est, atque foeces nec bile coloratae, nec adeo foetidae quam solent, vel dejectionibus aquosis obnoxius est aeger; urina limpida est et copiosa, nonnunquam postremo oritur diabetes; in pallidam albescentem commutatur color cutis rutilus ac floridus; membra quae ad tactum tensa fuerunt, mollia etiamque flaccida redduntur; pinguedo tabefacta est, relaxatur cutis, symptomata omnia humorum aquosorum in corpore adsunt; materia viscida in ore et ventriculo contenta lentorem denunciat, dum plurimum debilitantur solida. Affirmant nonnulli, quod usus aceti assiduus tam acres efficiat humores inquilinos, ut liquor amnii acrimonia sua foetum cuticula omnino spoliet†.

Phaenomena

\* Philosoph. transf. Motte's abridg. vol 4. part. 2. p. 221.

† Ephemerid. Germ. dec. 1. ann. 2. obs. 149.

Phaenomena haec sunt praecipua, in animalibus ab aceti usu oriunda, quae, ad melius intelligendas ejus vires in morborum curatione, utilia sunt: Ea autem simpliciter enarravi sine ratiocinio ullo; quod si necessarium esset, facile adjungi possit.

VIII. Antequam effectuum aceti disquisitionem particularem aggrediar, notandum est de aceto, una cum multis aliis remediis, quod, perinde ut sit ejus quantitas, prout acrius aut dilutius sit, plus minus cum aliis corporibus permixtum, mutantur ejus effectus, aliquando etiam prorsus contrarii sint; atque in aceto quam plerisque corporibus aliis hoc notabilius esse, facile hinc apparet, quod Galenus ipse \* aceti calorem atque frigus corpori nostro applicati, aut ore assumpti, verbis aegre consequi potuerit. Eadem evenit difficultas, quum ejus qualitati astringenti et relaxanti terminos praescribere volumus. Regula sola quae mihi occurrit haec est; quo dilutius aut tenuius est aquae aut liquoris similis mistura, eo magis refrigerans atque relaxans fit acetum; e contrario, quanto magis compinguntur aut acriores sunt ejus sales, tanto magis excalfaciens fit atque astringens. In ore retineat aliquis paululum aceti aqua diluti, secretiones omnes hic loci auctas sentiet; mucum ablutum, et frigiditatem et humiditatem aliquo post tempore manentem: Acetum autem acre aut coctum excitat dolorem, constringit vasa, et diu postea os siccum aridumque remanet. Hoc modo intelligendum, quod jam dictum est de aceto cuti verae aut vulneribus admoto, una cum his de effectibus  
ejus

\* Loco citato.

ejus internis, ubi semper diluendum est. Hinc etiam accurate olim observavit Hippocrates \*; quod oxymel acre excretionem arefacit; si autem tenue sit, et modice sumptum, pectus emollit, tussim lenit, et omni intentioni multum conducit. Galenus † etiam dixit recte, quod, etiamsi acetum cum aqua vulnera glutinet, attamen acetum purum non solum hoc impedit, sed exasperat, terit, doloremque creat.

IX Quum sensibus nostris magis eluceant morbi externi, et in illis remediorum effectus melius distinguantur; in quibus igitur eorum aptum sit acetum, et quibus non, in primis disquirere liceat.

1. Quando ab aegri conditione, ad corporis superficiem expectanda sit excretio humorum, qui a loci affecti situ putrescant, ac aegro molestiam aut morbum alium producant, optimum prophylacticum reperietur acetum. Inter causas haec est, cur in oxycrato prius madefactae fasciae et splenia ad ossa luxata aut fracta applicanda, postea etiam saepius cum illo aspersa sint: Hoc enim modo praecavetur pruritus ille molestus, pustulae istae atque ulcuscula, quae materia perspirabilis sub linteis retenta facile producit.

2. Quoniam acetum inter remedia sit, quae sanguinis rarefactionem auferunt (§ VII. No. 10.); in variis igitur haemorrhagiis externe etiam adhibitum summis laudibus extolli meretur: Haemorrhagias narium sistit, hæc nemo ignorat ‡: Mulieribus ad mortis metas lochiorum

\* De visu acutorum, § 28. edit. apud Vander Linden.

† De simplic. medicament. facultat. lib. I. cap. 21. 31.

‡ Vid. Fernelii therapeut. lib. 5. cap. 3.



lochiorum nimio fluxu fere perductis, eas involvere linteis oxycrato madefactis, celebre *Chapmanni* \* remedium fuit. Illum quoque magni aestimant mulieres praegnantes, dum haemorrhagiae uteri metuunt. Ab hac qualitate refrigerante, uti a veteribus dicebatur, in vulneribus, quibus aderat haemorrhagia, † illud applicabant; variis similibus casibus illud adhiberi jubet *Celsus* ‡: Atque in cephalalgia prodesse comperta erat externa ejus applicatio ||.

3. Cum partibus cuticula spoliatis applicatum acetum lenem irritationem praebet, atque vasa constringat, (§ VII. No. 7.) remedium idoneum est, non solum ubi requiritur fluidorum resolutio, sed etiam solidorum contractio. Idcirco olim in vulnerum atque ulcerum hypertarcosi, ulceribus etiam fordidis aut putridis, carne excrecente, impetigine, lepra atque eruptionibus plerisque cutaneis ¶ illo utebantur.

4. Ubique humores, in corporis superficiei vicina, obstructi aut extravasati sunt, interea autem vasa sine rupturae vel destructionis periculo stimulum gravem pati haud possunt, dum liquores intra circuitus ambitum potius redigendi sunt, quam putredinem contrahere stagnatione permittendi, nobilissimum remedium est acetum. Mala quae modo memorata, sunt inflationes aut ecchymoses a contusionibus, vel

\* Vide *midwifery*, p. 77.

† Vide *Dioscorid. lib. 5. cap. 17.*

‡ De re medica, lib. 5. cap. 1. 26. Idem, lib. 7. cap. 13.

|| *Dioscorid. lib. 5. cap. 17.* *Celsi medicina, lib. 4. cap. 2.*

¶ Vide *Hippocrat. de humidior. usu*, § 8. *Dioscorid. lib. 5. cap. 17.* *Celsi medicina, lib. 5. 6. passim.* *Galen. de simplic. medicam. facult. lib. 1. cap. 19.*

vel tendinum nimia distractione \* ; inflammationes variae non longe a cute, five in phlegmone vero et erysipelate, five in inflammationibus cutaneis quae indolem alterutrius participant †. An per poros cutaneos penetret acetum, five vasorum orificia aperta introeat, atque per varios eorum meatus reticulares transeat, ubi in arteriis obstructis liquidis motus retrogradus permittitur, vel etiam ea a venis valvulis non instructis in arterias abeunt, haud mihi nunc est inquirendum ‡. Qua autem acidum, atque hinc antisepticum est acetum, putredinem reprimat ; rarefactionem etiam liquidorum minuendo, distensionem vasorum tollit : Facilius igitur propelluntur humores non solum in vasis sic evacuatis, sed iis etiam in interstitiis haerentibus ; atque hoc pacto liquida attenuata, soluta, ac fluidiora reddita, aptiora fiunt ut vasa transeant, vel ab extremitatibus venarum absorbeantur, quae hiant in cavitates in quas liquida extravasantur. Hanc vim aceti antiphlogisticam rite cognoverunt antiquiores, adeo ut in vulneribus plerisque, ubi timenda erat inflammatio, super reliquas applicationes spongiam ex aceto vel oxycrato deligabant §. In nosocomio nostro eventu felici saepius, me teste, repetita est haec praxis Celsiana. Hac solum ratione acetum haberi debet medicamentum fortiter repellens, quod nomen ei impositum fuit ex effectibus suis in his similibus malis.

Quum plurima sit in morbis supradictis graduum ac conditionum varietas, paulo accuratius hos perpendere necessarium

\* Vide Dioscorid. lib. 5. cap. 17.

† Id. ibid. Galen. de simplic. medicam. facult. lib. 1. cap. 19.

‡ Vide Armstrong, medical essays, vol. 2. art. 4.

§ Celsi medicina, lib. 5. cap. 26. 28.

neceſſarium erit, ut in aceto applicando periti ſimus ad effectus quaefitos producendos, abſque ullo alioquin cujuſvis mali periculo.

α. Si liquida impacta ſint, et tam rigida fiant vaſa, ut nequeat expectari reſolutio, donec paululum remittant eorum tunicae, augendae ſunt vires aceti relaxantes, atque ejus ſtimulus aqua admixta minuendus.

β. E contrario, ſi vaſa adeo laxa et debilia videantur, ut fortiori ſtimulo opus habeant ad particulas obſtruentes propellendas, vel ſtagnantes citius abſorbendas, ſpiritus ardentis, camphorae, aut ſimilis remedii admiſſio, idonea erit.

γ. Quando niſus vis vitae ex ſanguine verſus cutem materiem morboſam ejicit, et hinc oritur verum apoſtēma; ſicut in eryſipelate, febre ſcarlatina, &c. cavendum eſt ne totam aceti vim impendamus, et ſubito in corpus has particulas cogamus; ideoque illius ſtimulus debilitandus eſt, ut nullo oriatur injuria praemature repellendo, atque interim virtutem ejus antiſepticam ac refrigerantem retinere oportet, ad praecavenda permulta vulgaria horum morborum mala. Quamvis etiam commoda multa ſecum adferat acetum loco podagra affecto admotum, ubi a Dioſcoride \* laudatum eſt; attamen, quoniam periodum ejus perficere debet hocce malum, nec temere repellenda eſt materies arthritica, caute hic applicandum eſt acetum, et tunc aegro multum prodeſt ejus vis leniter reſolvens,  
G g relaxans,

\* Lib. 5, cap. 17.

relaxans, stupefaciens, et antiseptica. De debito usu aceti optime monet Galenus\*.

5. Quacunque in parte fit obstructio pertinax, ab humore viscido orta, neque metuenda est a stimulo applicato vasorum destructio, vel potius ubi stimulus requiritur obstructioni tollendae idoneus, et liquidorum putredo omnino prohibenda est; uti in tumoribus cysticis, articulorum frigidis, atque schirrho affinis, struma, &c. nil melius indicationi curatoriae respondent quam hocce medicamentum, si illud tam acre eligamus, ut fibras stimulet; aut alio remedio admisceamus, quae stimulum augeat; vel aliter frictione eum arceffamus. Acetum cum tritici farina in gluten coctum strumae mederi refert Du Hamel†. Apud Galenum‡ remedium celeberrimum est acetum contra tumores scirrhusos. Magni illud, pro articulorum tumoribus, aestimat Celsus§.

6. Cum in morbo externo sunt liquida putrescentia, quae in sanguinem absorpta tabem minantur; sive magna sit eorum copia, aut foetor adsit, qui putridam eorum naturam indicat; aut denique, si situ suo difficilis reddatur ipforum evacuatio, adeo ut febris hectica cito inducatur: Ad hoc malum amovendum, inter antiseptica maxime insigne est acetum, absque incommodis ex antisepticiis vulgaribus necessario ortis. Successus felices testatus sum ab aceto aliis medicamentis permisto in abscessus amplos injecto, quorum cavitates

per

\* De method. medendi, lib. 14. cap. 4.

† P. 177.

‡ De method. medendi, lib. 14. cap. 5.

§ De re medica, lib. 4. cap. 24.

per incisionem haud omnino patefieri poterant. In ossibus cariosis nil intentioni aptius inservit, praecipue si ichor copiosus ac valde foetidus adfit. Spiritus vero ardentes febriculam semper excitant; pleraeque resinae, gummi, succi inspissati etiam in omnes corporis humores vim exercent, aequae ac ore assumpti, quod multum aegro nocere potest. Spiritus atque sales urinosi, aut alcalini, quibus utuntur nonnulli, omnia symptomata augent. Altera autem antisepticorum species est, quae in affectibus jam memoratis aceto praefenda sunt; spiritus minerales acidos intelligo cum aqua dilutos: Conditiones diversae, quibus aliud prae alio magis utile est, hae sunt: Si vasorum extremitates leni constrictione solum careant, et resolvenda sint liquida, utilissimum est acetum; si autem extrema vasorum plurimum corroborari, atque inspissari debeant eorum liquores, aptiora sunt mineralia acida.

7 Praeter hos aceti effectus, in quibus ejus modus operandi intelligi possit, perplurimi nihilominus sunt morbi, in quibus, propter causas latentes, quae haec mala corpori inducunt, licet ab illo sanatio perficiatur, difficile tamen est qua ratione id fiat explicare; v. g. contra animalium venenosorum aculeos aut morsus, pro antidoto laudatur acetum, et procul dubio nullum hactenus cognitum est remedium quod aptius huic malo opponitur\*. Norma erat apud antiquiores his in casibus, quod in venenis calidis acetum frigidum, sed in vulneribus ab animalibus frigidioribus venenosis influctis calidum esset applicandum†.

8. Sub

\* Celsi medicina, lib. 5. cap. 27. Galen. de medicin. expertis.

† Vide Dioscorid. lib. 5. cap. 17.



8. Sub his classibus generalibus perplurimi morbi externi comprehendi possunt : Etsi autem in his proficit acetum, attamen in aliis nocet, quos mihi haud ab re memorare videtur.

α Si in quavis corporis parte a liquidis, qui ab aceto coagulari possunt, pendeat obstructio, illam auget potius quam resolvit acetum ; idcirco evitandus ejus usus mammis nutricum, aut mulierum secus lacte turgentibus. Talium refrigerantium repellentium mammis prava applicatione oriuntur schirrhī, qui aliis medicamentis vel resolvi poterant, vel saltem suppurari.

β In obstructionibus ab humoribus frigidis viscosis, aceti effectibus iis applicati attendendum est : Si enim ita penetrare nequeat ut illas resolvat, perniciosum est, vasa externa coarctando, et proinde interna pleniora et magis obstructa reddendo ; circuitus hoc in loco debiliior fit, indeque periculum ne vasa magis obstruantur. Num hinc eveniat, quod partes quiescentes se mutuo magis attrahant, an quod particulae tenuiores ac mobiliiores detrahantur, aliis disceptandum relinquo.

γ Quum ad sanitatem corporis magis conducat, ut liquida obstructa vel extravasata in massam putridam reducantur, postea e corpore ejicienda, acetum, utpote quod huic intentioni adversatur, neutiquam usurpari debet. Idcirco, si suppurandus sit quivis tumor, aut alia pars inflammata, vel nimis parca sit suppuratio in quolibet vulnere, vitandum est acetum. Itaque, ob hanc causam, in gangraena atque sphacelo, etiamsi partibus jam mortuis utilis sit ejus applicatio, ad foetorem eorum intolerabilem praeccavendum ; attamen contra bonae

bonae praxeos normas erraret ille, qui illud loco applicuerit quo partes sanae ac mortuae sibi contiguæ sunt; hic enim promovenda est quam maxime suppuration, tanquam sola methodus gangraenam cohibendi.

X. Aceti effectus in primis viis et circuitus decursu haud minus notabiles sunt, quam eos esse in applicatione ejus externa, monstrare supra conatus sum.

1. Quae de usu ejus in inflammationibus externis antea enarravi, (§ IX. No. 4.) a fortiori in internis verissima sunt; quoniam regula est generalis, quod resolvendae sint omnes inflammationes internae, ne in suppurationem abeant. Ad anginam ideo dimovendam, nullum praestantius est quam hocce remedium: Et, licet in aliis inflammationibus primas vias afficientibus rarius adhiberi soleat, ex opinione falsa quam amplexi sunt practici, quod in omnibus ventriculi et intestinorum doloribus evitandum sit acetum; propterea quod in quibusdam horum viscerum depravationibus, ab humore viscido in iis contentis pendentibus, vel ab aëre se in iis expandente propter tunicarum earum laxitatem, revera noxium sit; veruntamen liquet, quod in statu viscerum inflammatorio, ubi indolem acidae contrariam potius acquisiverint liquores, atque fibrae contractione nimis violenta praeditae sint, ad dolorem hunc leniendum, causamque ejus etiam tollendam, insignis haec medela videtur, si cautela solum necessaria adhibita sit.

2. Quae de viribus aceti, obstructionibus a liquidis viscidis ortis applicati, supra diximus, (§ IX. No. 5.) huc etiam referri possunt, atque sane nullum medicamentum hoc efficacius novimus ad evacuationem materiae

teriae istius viscidae promovendam, qua saepius implentur vasa oris et oesophagi, nec non muci illius qui nonnunquam in ventriculum et intestina magna copia derivatur. Quoniam autem vasa omnia, quibus diu applicatur, debilitat atque relaxat acetum, et hinc illa aptiora reddit ad particulas hasce viscidas de novo generandas atque retinendas, illud tantummodo adhiberi oportet, donec expellantur noxia haec liquida mucosa; et in ejus exhibitione hujus contra indicationis modo memoratae habenda est ratio, ut una cum aceto permisceantur medicamenta quae ejus attenuandi vim augeant, vasa etiam corroborent potius quam debilitent.

3. In ventriculo aut intestinis si accumulentur olea rancida vel bilis acris, quae illico penitus evacuari nequeunt, nullum citius ea superat, atque indolem eorum commutat, quam hocce remedium, quod aliis quibuscvis acidis blandius est, quae omnia revera cum illo in hac dote conveniunt, quod liquidorum oleosorum ranciditatem devincant, uti modo (§ IX. No. 6.) de putrido ulcere agentes diximus. Et hinc fit, nempe ab effectu ejus bilem debilitandi, et ex stupore etiam illo peculiari, quem in nervos inducit acetum, quod saepissime adeo efficax sit ad vomitum vehementiorem, sive a ventriculo contentis, sive ab emeticis excitatum, suppressum; et quod appetitum vel languidum augeat, vel amissum restituat. Hinc etiam intelligimus unde fiat, ut nausea, cardialgia \*, cholera †, tenesmus ‡, singultus,

\* Celsi medicina, lib. 5. cap. 5.

† Id. lib. 4. cap. II.

‡ Id. ibid. cap. 18.

gultus\*, medelam ab aceto accipiant; et cur alvum adstringentibus medicamentis ab antiquis annumerari id soleat†.

α. Ex dictis patebit, si in primis viis jam accumulentur liquores acidi, ab aceto, utpote quod perniciosam hanc temperiem augeat, abstinendum esse.

β. Si etiam debilia sint ventriculi et intestinorum vasa, atque ingestorum ad pressioni resistendum, aut functiones peragendas inepta, prohibendum esse usum aceti.

Propter hanc causam, pueris tenellis, iis etiam qui tympania, ictero a canalium biliosorum obstructionibus pendente, chlorosi, et similibus afficiuntur, haud convenit acetum, licet in his morbis quandoque oriantur postea indicationes, ex paragraphis praecedentibus facile intelligendae, quae ejus exhibitionem postulare videantur.

γ. Iis quibus mucus, qui tubum intestinale semper oblnit, nimis dilutus ac tenuis fit, neque sensiles ejus tunicas satis munit, valde nocet acetum, quoniam mucum magis solvit. Ab hoc equidem effectū est, quod, qui illi diu sese assuefaciant, dolore afficiantur, atque si quidquam perfrigidum, aut calidum, acre, aut solidum in ventriculum ingerant, id vomitu ejiciant.

4. Haec in genere de aceti effectibus in succos ac vasa viscerum chylopoieticorum hucusque dicta sunt, fed

\* Galen. de remed. paratu facilibus.

† Hippocrat. de diacta, lib. 2. § 23. Celsi medicina, lib 2. cap.

fed et aliis porro qualitatibus gaudet, quae, licet ad statum solidorum vel fluidorum naturalem referri nequeant, multum tamen aegro proficere possunt. Contra lumbricos istos saepius in primis visceribus haerentes acetum olim adhibitum, atque inter anthelminthica numeratum \*. Ex dictis distinguendum est, in quibusnam aegris contra vermes profit hocce remedium, vel quando usurpanda sint alia medicamina.

5. Quoniam affirmant nonnulli plurima venena, quibus antidotum est acetum, praecipue, si non unice, in primas vias agere, hic non incongruum erit notare quod maxime iis conveniat, qui opium, cicutam, fungos, &c. deglutierunt †.

Verum, ut acetum aptum est remedium, si corpora haec memorata in primis viis haereant; ita in aliis casibus valde nocebit: E. g. si quis substantiam aliquam metallicam sumpserit, quae cum acido unita, sive in illo soluta, acrimoniam notabilem solet acquirere. Quibus etiam exhibetur mercurius, torminibus, doloribus, purgationibus, dysenteria vexabuntur, si acetum aut aliud acidum hauriant: Ex horum enim permissione mercurius antea corpus satis blandum acerrimum evadit. Hinc, quum pro anthelminthico stanni pulvis usurpatur, ei acetum adjungere absonum esset: Hoc enim generari poterit sal Jovis, qui, licet ab auctoribus tanquam lenis atque mitis laudetur, emeticus haud raro et catharticus fit; praeparatio enim pro

fale

\* Celsi medicina, lib. 4. cap. 17.

† Hippocrat. de morb. vulg. comment. 6. § 5. Dioscorid. lib. 5. cap. 17. Galen. in lib. 6.



sale Jovis vulgo venditata, nihil aliud est praeter faccharum Saturni, aliena facie obtectum.

XI. 1. Acetum modice sumptum tot aliis liquoribus miscetur, horum etiam plurimi viribus ejus opponuntur, ut perpaucae ejus particulae, illis quae chylum componunt coagulationem, aut canalibus chyliferis obstructionem, inducere nequeant. Usus autem ejus diu magna copia continuatus, ad suam indolem succos animales magis assimilat, ita ut tandem in concrectiones periculosas perducantur, praesertim in glandulis mesenterii vagis dictis, in quas plurima vasorum lacteorum primi generis sese exonerant, ex quibus etiam lactea secundi generis liquores accipiunt. Hinc verisimiliter oritur marasmus iste, qui ab aceti usu immodico quibusdam incidit; atque hinc glandulae istae dilatatae schirrhos simulant in his, aut in illis qui plantis acido-austeris nimium indulserunt.

2. Acetum cum chylo sanguini affusum mutationes prius enumeratas (§ VII. No. 10.) efficit; propensionem isti quam in putrefactionem habent nostri liquores resistit; sanguinis rarefactionem minuit, ut spatium minus possideat, unde extenuantur vasorum capacitates; globulos rubros densos in minores serosos liquefacit; vim vasorum contractilem debilitat, tum ea laxando, tumque forsan stimulum a liquoribus alcaliscentibus animalibus iis applicatum imminuendo, atque sensum vasorum obtundendo; calorem lenit, vel ne ex processu animali humores in putredinem vergant impediendo, vel motum fluidorum circulatorium coercendo. Praedicta autem liquidorum solutione et vasorum relaxa-

H h

tione,

tione, promoventur secretiones tenuiores, vel saltem ad hoc prompta sunt omnia in organo hoc aut illo secernente, prout ab aegri conditione vel fecus liquida determinantur. Hinc, cum sanguinis rarefactionem cohibeat, atque illum refrigeret, unde decrescit ejus moles, contra haemorrhagias ab interna causa ortas, aequae ac in vulneribus, multum valet acetum; id quod a veteribus ei in laude positum est\*. Fluida nostra etiam pro secretionibus aquosis rite praeparando, egregium fit remedium diureticum, sudoriferum, &c. si quae harum excretionum obstructa sit, aut si eam solito copiosiore esse velimus.

3. Ex dictis de aceti in sanguinem effectibus constat, quod, in morbis plerisque acutis, dum rarefcunt plurimum liquores nostri, et in putredinem inclinant, praecipue si partium aquosarum copia nimis parca sit, simulque et fibrae solidae nimia tensione praeditae, ad haec mala corrigenda nil hocce remedio magis conferat. Saepissime igitur, in omnibus fere febribus inflammatoriis, illum praescribere antiquiores. Quando in his casibus, five per renes, five per cutem (in qua insignis est ejus vis) expellenda est materia morbosa, ad horum alterutrum methodo vulgari, uti in aliis diureticis et sudoriferis, facillime determinari potest acetum. Si frigidum propinetur, et frigida retineatur cutis, tum promovetur diuresis: At si cum cautelis his contrariis adhibeatur, et magna copia hauriatur potus aliquis tepidus, tum sudor homini superinducitur.

Longe

\* Dioscorid. lib. 5. cap. 17. Celsi medicina, lib. 4. cap. 4. Fernelii therapeut. lib. 5. cap. 3.

Longe aptius videtur hoc medicamentum quam acriora diuretica vulgaria, aut alexipharmaca calfacientia vel opiata. Sudorifera enim haec in operatione sua multo magis incerta sunt: Si ab iis exprimatur sudor, eorum stimulo, et rarefactione ac putredine, quas in fluida inducunt, plus nocet quam prodest evacuatio; sin minus expellatur, uti non raro fieri solet, tunc augetur febris, et ex febre pendentia mala, quae nunquam ab aceto proveniunt.

Quamvis in febribus plerisque profit acetum, quaedam tamen sunt illarum species, quibus mea quidem sententia illud haud convenit; e. g. in febribus nervosis dictis, etsi fluidorum putredo praecavenda, atque auferendus sit spasmus † quidam in solidis, ad quae bina symptomata tollenda optime accommodatur acetum; quoniam tamen in his febribus solvuntur saepissime liquores nostri, solida etiam stimulo carent, absque quo languidus devenit aeger, deficient quoque functiones, remedia his indicationibus apta aliis dotibus praedita esse oportet: Quae omnes cum in liquido illo ex quo producitur acetum, sciz. vino, reperiantur, ad illud potius refugiendum, cujus fere solius ope sanatas esse has febres observavi. In febre itidem hectica, ubi liquorum totius massae colliquatio fit, acetum, quod fluida magis solvit, minus aptum erit antisepticum quam acida mineralia, quae potius liquida coagulant; unde magis crassae atque densae fiunt particulae, nec per organa aquosas partes excernentia effluere permittuntur.

4. Hu-

† Vide Gilchrist, Medical essays, vol. 4. art. 23.

4. Humores nostri inquilini varie vitii ex particularum nimia cohaesione visceri evadunt. Quando pendet haec visciditas a τὸ πυρὶ, igne isto, de quo saepius loquuntur veteres, praesertim si una cum liquidorum in vasis obstructionibus accadat, quod fit in phrenitide, pleuritide, rheumatismo, &c. aceto nil praestat, cum τὸ πυρ hocce extinguat, aut statum fluidorum hunc phlogisticum corrigat, et has liquorum coagulationes validissime resolvat. Ubi abest haec indoles inflammatoria, verum mala ista particularum fluidarum conformatio viscida oritur a bilis atrae aut adustae redundantia, uti voluerunt antiquiores, sicut in visceribus hypochondriacis obstructis; acetum cum aliis aptis remediis medelam magnopere promovet, propensionem istam quam fluidorum particulae ad cohaerendum habent tollendo\*.

5. Quando nimia copia accumulatur particulae viscidae morbidae in glandulis, unde saepius distenduntur aut infarciuntur istae, liquores hos viscidos optime resolvit acetum, atque glandulas deplet: Quamobrem in pituitosis glandularum mucosarum oesophagi et amygdalarum infarctionibus, gargarismus praestantissimus est acetum paululum dilutum. Eodem modo in tussibus catarrhosis olim laudatus erit†. Adhuc etiam permanet haec praxis, atque ne a medicis indiscriminatim praescriberetur hocce medicamen, cautela Dioscoride‡ memorata observari debet. 'Tussim verem mitigat, recentem laceffit acetum.'

#### 6. Quam-

\* Celsi medicina, lib. 4. cap. 9. Galen. de melancholia, de composit. medicament. secundum locos, lib. 2.

† Dioscorid. lib. 5. cap. 17. Cels. lib. 4. cap. 4. Galen. de composit. medicam. secundum locos, lib. 8.

‡ Loco citato.

6. Quamvis hucusque magna ex parte nos lateat nervorum particularis operandi modus, nec forte quae ab illis pendere dicuntur phaenomena omnia explicare possimus; attamen plane docet experientia, varias esse causas a quibus oriantur morbi nervosi dicti, quarum aliae aliis contrariae sunt: E. g. convulsiones, tremores, stupor, epilepsia, &c. quae ab inanitione aequae ac repletionem originem ducere possunt. Irritatio valida a vulnere, a stimulo acido aut alcalino, eisdem effectus creare queunt. Unde liquido constat, quod saepius praecavere et causas rite perpendere necessarium sit in morbis nervorum tractandis. Inter has causas variae sunt quibus adversatur acetum, et proinde malis ab iis ortis. Ubicunque, e. g. a fluidorum rarefactione nimia, vel a plethora nascitur morbus nervosus; si nimis sensibiles aut rigidae sint fibrae; vel ubi stimulus alcalinus adest; ex jam dictis liquet, horum quibuscumque idoneum esse medicamentum acetum. Hinc saepius ab auctoribus laudatur, tanquam praecipuum remedium contra morbos huiusce generis permultos\*. In hoc tamen culpa haud immunes sunt, quod quibus in casibus acetum etiam noceat minime distinguant. Sunt autem ejusmodi casus haud pauci, isti omnes nimirum qui ab inanitione aut fibrarum laxitate pendunt; isti etiam in quibus liquida globulis serosis nimis abundant, nec satis ad naturam animale, i. e. ad statum alcaliscentem sunt perducta, ne dicam ea in statu acido aut aciescente adhuc permanere.

7. Materies quaelibet acris, vel a cibo nata, vel a vivendi genere inducitur, tanta copia saepius in sanguine

\* Vide Celsi medicina, lib. 3. cap. 10. 20. 23. 27.



ne abundat, ut morbos periculosissimos progignat. Tales sunt scorbuti quidam vehementiores, quibus in peregrinationibus diuturnis obnoxii sunt nautae; crura nigra, tormina ventris, quibus vexantur metallurgi: Contra has acres particulas antidotum est acetum, earum acrimoniam corrigendo, aut illas e corpore expellendo; saepissime enim illis medelam attulit, qui in summo vitae discrimine versati sunt \*.

8. Nullum adeo universale alexipharmacum contra venena laudant antiquiores ac acetum, praecipue contra papaveris et cicutae succum, atque aspidis aut canis rabidi morsum, et similia †. Si aceto gargarizetur os, tollitur valida illa ex belladonna contractio ‡. In peste quoque effectus ejus insignes celebrarunt omnes, qui hoc malo vexatis id exhibuerunt ||. Quod de se narrat De le Boe Sylvius ¶ notari in primis meretur, is, sciz. cum pestis Lugduni Batavorum grassaretur, aceti cochleari mane sumpto, nihil incommodi passus est: At si, declinante morbo, hoc prophylacticon neglexisset, quoties domum, in qua durabat adhuc pestis, ingressus est, cephalalgia afficiebatur.

9. α. Ut autem in his classibus morborum multum ad salutem confert acetum, ita in aliis valde noxium est.

\* Diemerbroek de peste, lib. 2. cap. 5. anotat. 7.

† Dioscorid. lib. 5. cap. 17. Celsi medicina, lib. 5. cap. 27. Galen. in Hippocrat. de morb. vulg. com. 6. § 3.

‡ Ephemerid. German. Dec. 3. ann. 9. et 10. obs. 92.

¶ Sennert. de febribus, lib. 4. cap. 5. Kircherus in scrutin. pestilent. § 3. Bartholin. histor. cent. 4. histor. 13. Hoges de peste, § 7. Diemerbroek de peste, lib. 2. cap. 5. annotat. 7. Id. ibid. cap. 10. annotat. 17. Id. lib. 3. cap. 5. annotat. 18. 19.

¶ Prax. medic. append. tractat. 2.

est. Quando in mammis mulierum stagnat atque coagulatur lac, hoc malum, causam ejus augendo, acetum confirmaret.

β. Quum jam debilitantur fibrae solidae, solvuntur etiam fluida, uti hydropicis, chlorosi laborantibus, et similibus, accidit, tum assiduus aceti usus illam temperiem depravatam auget, ad quam etiam generandam satis proclive est, quod saepius tristi experientia senserunt nonnullae adolescentulae de forma sua nimis sollicitae.

γ. Quandocunque liquida nostra naturam animale vel alcaliscentem minus participant, si ad cibum recte digerendum nimis diluta ac debilis sit bilis, prorsus alienum a re fuerit tali medicamento uti, quod temperamento illi opponitur cui restituendi sunt liquores.

δ. Ubi organa liquida aquosa secernentia, magis quam in sano, ad morbum usque dilatantur, quod saepius evenit in diarrhoeae variis generibus, lienteria, profluvio nimio urinae, diabete, fluore albo, sudationibus nimis, atque salivatione; ex dictis patet ratio, cur remedium de quo agimus nequaquam adhibendum sit.

XII. Haec de aceto in genere sufficiant: Quoniam autem in casibus plerisque memoratis, illud per se administrare raro conveniat, quaerendum nunc est, quomodo his variis conditionibus illud accommodare conati sint medici, sive partium ejus separatione, sive aliorum cum illo mixtura.

1. Aceto *cocto* saepius utebantur antiqui: Coctione certe longe augetur ejus acrimonia, particulas aquo-  
fas

fas plurimum dissipando. Propterea obstructionibus frigidis a pituita inerte ortis, veluti tumoribus articularum albidis, strumae, &c. sub hac quam alia forma aptius est acetum. Monendum est autem, ad usus internos sic adhibitum nimis acre esse, nisi aqua postea debilitetur; quod remedium pejus nobis exhibebit, quam acetum absque coctione.

2. Ebullientis aut fervidi aceti *vapor* ab antiquis in variis morbis fauste adhibebatur: Et hinc quidem intenditur ejus vis attenuans atque relaxans, partesque ejus in subtiliores divisae, tum caloris vi, tum relaxatione ex calida lenique humiditate promptius penetrant. Exhalationum aceti usus adhuc apud medicos persistat.

3. Aceti partes, quae aliter inter coquendum avolarent, in vasis destillatoriis bene junctis detinent chemiae cultores, quem *spiritum* aceti vocant, ex partibus, sciz. acidi tenuioribus volatilibus cum aqua permixtis compositum. Quod si etiam destillationi recens committatur acetum, spiritus ardentis portiuncula obtinetur. Multo autem minore acrimonia quam acetum coctum praeditus est ille spiritus, et vix quidem tanta, quanta est acetum acre. Quum vero terrestribus liberatur particulis, quibus inviscantur binae priores praeparationes, penetrat magis, i. e. a vasis cutaneis aut tubo alimentari facilius absorbetur, poros etiam corporis minores transit; ideoque in morbis, in quibus afficiuntur vasa vasorum, opem praestantiorum adfert. Hunc spiritum *rectificando*, i. e. destillationem saepe numero repetendo, phlegma ejus separando, acidum etiam volatilius reddendo, acrimonia ejus ac vis penetrandi augetur: Unde in quibusdam casibus magis  
efficax

efficax fit; in plurimis tamen, ubi resolvendi attenuandique sunt humores stagnantes, dubitari potest, annon cuivis spiritui ab eo extracto compositus ille liquor saponaceus, acetum, sciz. ipsum, praeferendus sit.

4. Ad hunc spiritum acriorem adhuc reddendum, aceto uniuntur metalla, ac post concentratum quasi in illis acidum ejus, spiritum destillatione obtinent chemici. Hoc fit in spiritu aceti *aeruginoso*, cupro, sciz. in aceto stillatio soluto; in salem dein chrystillinum redigitur solutio, quae per destillationem spiritum acrem ac corrosivum exhibet: Quod usibus internis plane ineptum, acerrimum etiam externe applicatum; adeo ut in operationibus chemicis praecipuus sit hujus spiritus usus.

XIII. 1. Inter simplicissimas aceti cum aliis compositiones est *oxycratum*, acetum nempe aqua dilutum. Aptum sane hoc est in morbis quamplurimis, quando resolvendae, relaxandae, atque refrigerandae sunt partes. In internis semper, in externis plerisque etiam casibus, diluendum est acetum, quo plus minuive acre ad libitum evadit. Placet prae aliis mihi regula Galeni \*, qua statuit diluendum acetum donec sine molestia hauriri possit.

2. Sicut in oxycrato debilitetur aceti vis, ita auctetur in *oxalme* aut *acida muria* ejus acrimonia, sale permisto, aut sale in aqua soluto; unde usui interno devenit ineptum, ac fere etiam externo, nisi pro corrosivo solum adhibeatur.

I i

3. Ab

\* De method. medendi, lib. 14, cap. 4.

3. Ab antiquis, tanquam optimum medicamentum laudatur *oxymel* seu *acetum mulsum*: Id tradit Galenus, ‘Omni aetati et naturae utilissimum.’ Is \* autem ejus praeparationem sic fieri praescribit; coquendo, nempe, cum una aceti duas mellis partes, donec mel fatis despumetur; vel aliter coquendo prius mel cum aqua ad despumationem, addito dein aceto; vel denique haec tria simul coquendo. Ante eum adjiciebatur sal †; qui plerumque medicamentum, excalfaciens et acre illud reddendo, vitiavit. Mel acetum mitescere facit, et saponacea sua indole intimam illius cum liquoribus nostris commixtionem promovet; quod confirmat Galenus ‡; ita enim ille, ‘Omnes viae angustae expediuntur, ut nusquam crassus glutinosusque humor haereat;’ atque iterum ||, ‘secare et attenuare crassos humores potens citra calfactionem.’ Antiquorum celeberrimum fuit hocce remedium, in ple-  
risque casibus ubi acetum antea memoravi interne exhibendum: Pauci tamen ab iis excipiuntur, sciz. in primarum viarum collectionibus biliosis, ubi a melle augeri morbum crediderunt: Ob eandem etiam rationem ab eo ingravescit malum in diarrhoea aut dysenteria. De idiosyncrasia autem ista, qua hodie adeo saepe tormina, dolores colici, et alvi profluvium, sumpto melle, in quibusdam excitantur, silent veteres: Propterea circa hanc rem, priusquam praescribatur mel, inquirendum est; cujus loco, si necesse sit, apte potest substitui saccharum, a quo haec mala nunquam oriuntur.

## 4. Varia

\* De sanitate tuenda, lib. 4.

† Dioscorid. lib. 5. cap. 18.

‡ De succ. bonitate et vitio, cap. 12.

|| Id. de composit. medicament. secund. locos, lib. 9.



4. Varia sunt *infusa* atque *decocta* ex vegetabilibus diversis cum aceto praeparata, quorum plurima apud Celsum † atque Galenum ‡ extant, quorum etiam numerum recentiores haud parum auxerunt. Cum autem de singulorum horum simplicium, quibuscum acetum admiscendum est, viribus disquirere prius oporteat, quam effectus eorum rite intelligere queamus; et quoniam vires, quas acetum iis impertit, ex iis quae supra de eo diximus cognosci possunt; idcirco ab eorum catalogo recensendo, longaue medicamentorum, quorum compositionem ingreditur acetum, serie pertexenda prorsus abstinebo.

5. Unum tamen non praetereundum est, utpote summis laudibus ab antiquis celebratum, saepissime etiam hodie praescriptum, *acetum* dico *scillinum*; de quo medicamento Galenum, aut quicumque librum de medicinis paratu facilibus † scripserit, dicentem audire operae pretium erit. ‘Salubre,’ inquit ille, ‘optimum acetum scillinum a Pythagora scribitur, quo medicamento usus est a quinquagesimo aetatis anno, et usque ad centesimum decimum septimum vitam produxit integer. Aceti hujus parum mane sorbeto; tibi autem haec evenient, ut ne faucium orisque partes unquam remollescant, os ventriculi bene valebit, facile spiritum duces; vox, oculi, aures in officiis manebunt, nullusque flatuosus vapor in ventre unquam excitabitur; ad civilia negotia recte habebis, non acidum, non falsum ructabis, si aliquid hujus assumpseris.

† De re medica, lib. 5.

‡ De composit. medicament. et method. medendi.

|| Lib. 3. § 205.

‘assumpseris. Item phthysicis, morbo comitiali diuturno, podagricis, jecoris lienisque duritiis, efficaciter profuit’ Praestare non ausim omnes hosce effectus ab isto medicamento produci posse: Quum tamen adeo fortiter resolvens ac incidens remedium sit scilla, dubitandum non est, quin ejus vis cum aceto conjuncta, ad pituitosas, catarrhofas, aut alias liquorum coagulationes solvendas, plurimum valeat. Et quidem magna copia haustum vomiturationem urget, parca autem alvum ciet, parciore adhuc, ut praecaveantur haec, sanguinis massam, uti aiunt nonnulli, secretiones tenuiores promovendo, repurgat: Ita ut, cum pituita afficiuntur primae viae, in ictero multiplici, hydrope, nephritide citra inflammationem magnam, tussi catarrhofa, pulmonum tuberculis gelatinosis, variisque similibus, saluberrimum sit acetum scillinum.

6. Quae de aceto scillino modo diximus cum dictis de oxymelle simplici comparata, *oxymellis scillini* vires satis monstrant.

7 Ut saepissime medicamentorum compositiones interne exhibendas ingressum fuit acetum, ita haud rarius in remediis ad tumores discutiendos depellendisque aptis illo externe utebantur veteres; veluti in embrocationibus, cataplasmatibus, unguentis, emplastris, uti liquet ex Celsi et Galeni operibus de remediis aut morborum curatione.

8. Coctione aceti aut spiritus ejusdem concentratione augeri plurimum aceti stimulum jam dictum est; at quorundam medicamentorum admixtione, inflammatoria et corrosiva evadit aceti vis. Medicamentis enim indole ei contraria praeditis permixtum acetum acrimoniam eorum haud corrigit, quod salibus chemicis plerisque

plerisque oppositis accidit, sed acriora longe reddit. Vesicatoria, in quae ingressae sunt cantharides, ad cuticulam attollendam magis stimulant, si addatur acetum, aut si eo affricetur cuticula priusquam applicentur. Ab aceto etiam magis excalfacientes evadunt plantae alcaliscentes, ut sinapi, raphan. rusticanus, &c.

9. Hoc habet acetum commune cum aliis acidis quibus metalla solvuntur, quod in eo soluta acriora redantur metalla. Escharoticum est cuprum in aceto solutum, ac usui interno plane ineptum; Emeticum et catharticum est stannum in salem ab illo redactum, quamvis utrumque blandum antea fuerit. Plumbum ab aceto sub sacchari saturni forma acrimoniam acquirit; ad sanguinis autem rarefactionem minuendam acetum vim auget. Acris fit chalybs in illo solutus; ad internos tamen usus aptus manet: Praeferendus etiam est vel sal vel ejus solutio hac methodo praeparata illis quae ab acidis acrioribus producuntur.

10. Quum haec metalla aceto praeparata remedium tam externorum quam internorum compositiones varias, pro cujusque viribus, ingrediuntur, quorum si formulas diversas commemorarem, ultra limites transgrederer: Idcirco, quoniam classes haecenus memoratae omnia, inter quae numeratur acetum, medicamina complectantur, atque satis submonuerim quomodo cognosci possit quatenus ad vires eorum id conducat, quod mihi pro dissertationis argumento praescriptum est, pensum nunc tandem absolvi.



DISSERTATIO MEDICA  
INAUGURALIS,  
DE  
P A R T U.

QUAM,  
ANNUENTE SUMMO NUMINE,

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

STUARTUS THREIPLAND,  
SCOTO-BRITANNUS, A. & R.

Ad diem 5. Augusti, hora locoque solitis.

EDINBURGI:

M, DCC, XLII.







Spectabili ac perquam erudito Viro,

JOANNI CLERK,

P R Æ S I D I,

Reliquisque inclyti et florentissimi

Collegii Regii Medicorum

Quod Edinburgi est Sociis;

Ob egregiam in omni literarum genere,

Nominis famam consummatam praefertim,

Longoque et indefesso usu collectam,

In re medica experientiam,

Longe lateque celeberrimis:

Hunc primum ingenii sui foetum,

Quaecunque observantiae ipsius monimentum,

D. D. D.

STUARTUS THREIPLAND.

Kk.



# DISSERTATIO MEDICA

## INAUGURALIS,

DE

## PARTU.

**Q**UEMADMODUM nihil generatione animalium frequentius, neque majoris momenti ad nobilissimam mundi visibilis partem, in perpetua mortalium inter se succedentium serie, continuandam; ita nihil generi humano utilius esse potest, quam modum scrutari investigareque, quo tuto et feliciter in vitae lumen producat. quod in tenebris genitum fuit. Cumque corpus humanum in quovis statu ad medicinam spectet, sic ejus in partu conservatio medico summae debet esse curae. Hac de causa me tempus haud inutiliter impensurum existimavi, si studerem et investigarem quo modo, tum mulieres, tum infantes, in difficili et periculoso partu, conservari possint. Atque  
ut

ut institutis hujus academiae, inter eruditos per orbem terrarum tam merito celebris, morem gererem, specimen hocce in publicum prodit.

In hac autem dissertatione agetur de iis quae ad chirurgicas partes in puerperio spectant. Et, ne limites opusculi hujus generis excedam, infinitos fere morbos, aliaque ante, sub, aut post partum accidentia, etsi ad medicinam propius spectare possint, vel intacta relinquam, vel leviori calamo transibo. Abortiones etiam, quamvis eae crebrae sint, quia tamen in his neque foetus perfectus est, neque tempus puerperii completum, silentio praeterire visum est. Partium quoque situs et descriptio anatomica praecognita supponuntur; quare et iis insistere haud fuerit opus.

I. Mulieres plerumque novem menses uterunt, gerunt, quibus fere peractis, appropinquantis laboris symptomata incipiunt. Aliquot ante puerperium diebus abdomen decidit, vel \* superiores partes graciliores fiunt, et extenduntur loca super pectus et inguina, et frequenter urinae desiderium nascitur. Quoniam caput infantis, quod hactenus foetus erectum in utero tenebat, nunc, cum humoribus quibus innatat specificè ponderosius evadat, in pelvim illabatur, pedesque sublevantur, ita ut facies ossi coccygis materno obversa, et vertex ad os uteri applicatus sit. Atque hic est infantis in omni partu naturali situs. Quamvis haec abdominis mutatio felicem partum, infante bene posito, portendat; saepe tamen matri molestia

\* Petr. Foresius, observ. 71. lib. 28. Deventer. ars obstetricandi, cap. 18.



lesta est, quod foecis intestinalis lotiiue excretionem impediat, et verenda, capite viscera in pelvim premente, turgeant. Obstructio sanguinis ex vagina redeuntis copiosam lubricissimi linimenti, ad inungendum et laxandum transitum, excretionem excitat: Quod sanguine tinctum, nixum non procul abesse indicio est.

II. Nunc foetus motus nixusque eo vehementiores ad carcerem effringendum habet, \* quo coërcitio molestior, et faex intestinalis lotiumque acriora et ponderosiora sunt: Hi motus matri violentos cruciatus, ad certa intervalla repetitos, excitant, tenesnum creant, et uterum et musculos abdominales, maximo cum matris dolore, contrahunt. Hos aliquando alii vehementiores † colici hysterice dolores, *spurii* seu *falsi* nuncupati, quoniam partum impediunt, comitantur; quos a prioribus distinguere oportet, quia illos, nempe *veros*, incitare, hos autem sedare opus est. Veri a lumbis incipiunt, inde per totum abdomen se porrigunt, femora afficiunt, et saepe tremorem genibus creant, et tenesmo foetus violenter deorsum pellitur in pelvim, unde os tincae dilatatur. At falsi in superiori et media potissimum ventris parte percipiuntur, et nullum creant conatum expellendi foetum. Sed inter se certe et probe distingui non possunt nisi tactu: Quapropter obstetricem, unguibus resectis et digitis unctis, unum vel alterum digitum in vaginam usque ad os tincae introducere oportet; quod in veris doloribus maxime dilatatum, in falsis doloribus os uteri magis contrac-

\* Hermanni-Boerhaavi instit. medicæ, § 485.

† Devent. ars obstet, cap. 17.

tum, et membranas humores continentes relaxatas, nulla vi ad foetum expellendum applicata ea inveniet. Eos igitur phlebotomia, quae nullum incommodum ante partum afferre potest, vel opio et medicamentis antihistericis vel emollientibus coërcere liceat.

III. Postquam genuini, tempore partus appropinquante, dolores a spuriiis seu ventris torminibus distinguuntur, tum obstetrix explorare debet, (tunc temporis praesertim quando nihil puerperae adsit doloris) partusne futurus sit *naturalis* an *non naturalis*. In partu *naturali*, matris utero in ipso medio pelvis sito, vertex infantis ad os uteri primum pervenit, facie adversus matris dorsum posita. Hasce conditiones nonnullae res adversae quandoque comitantur, quibus partus naturalis difficilis redditur. Per partum *non naturalem* omne intelligitur partus genus, in quo matris uterus ad hoc vel illud pelvis latus conversus est, vel foetus ullam aliam corporis partem praeter verticem emittit, vel ullo alio quam quem jam diximus modo situs est: In quibus omnibus, si etiam accedat matris vel infantis prava constructio, partus magis adhuc difficilis fit. In tali phaenomeno res ipsa auxilium postulat. Sed antequam membranae humores continentes rumpantur, non facile est, nisi multum in arte versatis, explorare quae pars foetus orificio uteri objicitur: Hisce vero membranis ruptis, facillimum est partem quamlibet ab alia tactu distinguere. Et hoc quamprimum faciendum est, ut infaustus praecaveatur eventus; nam partus non naturalis, opportuno expertae manus auxilio, prosperum eventum aequae ac naturalis habere potest: Sed absque hac idonea et tempe-

stiva

stiva ope, difficilior et periculosior necesse est evadat. Indice vel duobus \* prioribus digitis unctis, et in vaginam immisissis, figuram et situm oris uteri exploret obstetrix. In partu naturali os tincae mediam † occupat pelvis regionem, quia caput infantis recte prolapsum est: Sed in non naturali altius suspenditur e pravo situ infantis; et ab uteri obliquitate ad unam vel alteram pelvis partem inclinatur, unde aegre possit attingi. In partu autem naturali ‡ humores membranis contenti in latitudinem sese complanant, neque longe in os uteri delabuntur, quia caput infantis undequaque os tincae premit: Contra, in partu non *naturali* humores in longitudinem sese coarctant, et instar herniae prodeunt; quia ore uteri non obturato, aquae undequaque pressae qua data porta ruunt. Atenim hoc aliquando non evenit, nam nates meatum obturare possunt.

## PARTUS NATURALIS.

IV. In partu naturali os tincae et vagina ita dilatari debent, ut simul cum utero unum aequalem et continuum canalem efficiant: Ergo || membranas humores continentes prius rumpere non oportet quam os uteri satis apertum sit; nam quamdiu aquae retinentur, dilatatio gradatim conficietur, et tempore nixus partes  
lubri-

\* Devent. ars obstet. cap. 19.

† Id. cap. 16. 18. part. 2. cap. 5. exam. 1.

‡ Id. cap. 40. part. 2. cap. 5.

|| Devent. ars obstet. cap. 31.

lubricabuntur. Interea semper cavendum est ne urina et faex alvi supprimantur: Haec ergo cienda est ope clysteris emollientis, illa ope catheteris emit-tenda.

V. In hoc partu mulieris situs debet esse medius inter sedentis et recumbentis in dorsum, vel in lecto, vel in sella idonea\*; sit os coccygis a compressione liberum, femora disjuncta: Pedes sustineantur, calcibus retro versus nates ductis; aliquid etiam utraque manu constringat mulier, quo validius ad expellendum foetum niti queat. Nonnullae etiam stantes, vel in genua provolutae parturire malunt.

VI. Si tum matris tum infantis habitudo bona sit †, haud opus erit auxilio; os uteri tantum, vagina, et partes adjacentes, oleo, butyro recente, vel pomato, inungenda sunt: Ac quamprimum caput extra vaginam prodit, id manibus apprehendere oportet; tunc leniter trahendo deorsum, versus intestinum rectum foetus facile extrahetur: Quo facto, ita collocandus erit, ne aquis aut recrementis subsequenter suffocetur. Funiculus umbilicalis filo quadruplici aut sextuplici, ad longitudinem duorum vel trium pollicum a corpore infantis, ligandus est, atque ad distantiam unius pollicis extra hoc disseccandus.

VII. Si gemelli vel plures fuerint (quod dignoscitur si membranae adhuc in utero aquis distentae reperiantur)

\* Devent. ars obstet. cap. 26. Heisteri instit. chirurg. p. 2. § 5. cap. 152. § 1.

† Devent. ars obstet. cap. 23.

tur) placenta primogeniti non prius auferenda est, quam omnes pariantur, ne forte haemorrhagia moveatur, vel placentae reliquorum una divellantur, quod funestum foret: Itaque funis umbilicalis matris femori alligandus est, usquedum omnes nascantur.

VIII. Secundinae educendae sunt lente trahendo funem umbilicalem \*: Si autem non expedite sequantur, dum altera manus funem umbilicalem digitis obvolutum tenet, altera per eundem in uterum adhuc satis apertum immittenda est, ut digitorum extremitatibus secundae ab utero separentur. Si funis umbilicalis ruptus fuerit, manus introducta placentam plerumque superiori et anteriori uteri parti † adhaerentem inveniet, a qua incipiendo a margine segreganda est.

IX. Si uterus obstetricis imprudentia in secundis avellendis invertatur, extemplo in situm naturalem reduci debet; quod hoc modo efficitur ‡. Matre resupinata, coxis sublatis, et secundis si adhuc cohaere-

*non possunt* L I *in utero* ant

\* Quamvis Deventerus, cap. 28. strenue manum in uterum ad secundas auferendas semper introducere suadeat, attamen mihi videtur damnosum id facere, quando placenta prompte et non aegre evelli potest: Nam dum uterus per immissam manum apertus est inutiliter, ab injuria aëris periculum erit. Neque puto uteri jam se contrahentis situm meliorem futurum per manum in eo retentam; nam cum haec tandem educenda fuerit, uterus non minus oblique se contrahere potest.

† Edinburgh medical essays, vol. 2. art. 9.

‡ Ruisch. obs. anat. 10. Heisteri instit. chirurg. p. 2. § 5. cap. 157.

§ 5.



ant resolutis, chirurgus inferiorem partem uteri proidentem, primo in vaginam ope digitorum, deinde et uterum et vaginam in pelvim, five locum naturalem, manu in uterum introducta, collocare debet.

X. Post foetum in lucem editum et secundas extractas, si sanguis, sublata jam resistantia, nimia violentia ruat in aortam descendantem, ortum praebet lypothymiae, syncopae, convulsionibus, et id genus aliis; quibus occurritur ventrem fascia lata leniter constringendo. Mater deinde in lectum calidum componenda, femoribus ad se invicem adductis, et cruribus extensis, hinc quoque modice calefacto ad naturalia appposito, ne uterus ab aëre frigido laedatur, lochiaque reprimantur; cavendum denique ne vel sollicitudine vel strepitu perturbetur. In cibo et potu mediocritas observanda; nam vires dejectae magnam cibi copiam coquere nequeunt. *Et cum obstruuntur placentae.*

Paucis autem hic loci differendum venit de eo, qui cuique mulieri post partum evenit *lochiorum*, hoc est, sanguinis ex vasis uteri fluxu; qui quidem primo floridus ruberque magna copia fluit, paulatim vero minuitur magisque dilutus fit et pallidus, donec tandem desinat. Varietas tamen quaedam hic contigit quoad lochiorum copiam, colorem, et durationem, pro variis mulierum temperamentis. Ut horum phaenomenon ratio reddatur, considerandum venit uterum gravidum magnopere extendi\*, eadem interea manente ejus crassitie atque antea; hincque vasa sanguinea necessario augeri. Uteri fundum obtegit peritoneum: Ipse

*et per se non potest sustinere tantam vim.* constat

\* De Graaf de mulier. organ.

constat \* permultis crassis, musculosis, et elasticis fibris, et Ruischii † musculus orbicularis ad ejus fundum invenitur. Intus tenui membrana tegitur, per quam vasa sive tubuli a cellulis seu sinibus uteri provenientes suos effundunt liquores. Hi sinus ipsius uteri substantiae inhaerent; et tum illi, tum eorum canales, dum mulier uterum gerit‡, adeo distenduntur et augmentur, ut apicem minimi digiti jam admittere possint, qui antea ne quidem stylum admitterent. Uteri multae sunt arteriae et venae sine valvulis, a spermaticis, hypogastricis, et haemorrhoidalibus vasis ortum ducentes, quae numero pene infinitae, varie complicatae et contortae, inter se invicem per anastomosin communicant, earumque ramuli laterales in cellulas sive sinus aperiuntur. Per arteriosos ramulos liquor blandus mucosus fudat; rubri vero sanguinis globuli non prius per eos transeunt, quam momento sanguinis per plethoram aucto hi ramuli distendantur: Tunc quidem sanguis floridus et ruber effunditur, qui purgationem menstruum constituit. Idem fit, si sanguis in suo per venas reditu impediatur; ni enim liber per venas detur ei transitus, sanguis arteriarum ramulos capillares ita dilatat ut purus exeat. Atque ipsae quoque venulae laterales, quae humorum tenuiorum resorptioni inserviunt, arteriarum exhalantium vicibus quandoque fungi possunt. Si enim comprimatur vena super ramuli istius ortum, dum sanguinem ab arteria sua accipit, neque

\* Malpigh. dissert. ad Sponium, de uteri compage.

† Ruisch. adv. anat. dec. 2. n. 10. dec. 3. tab. 3. fig. 1. tractatio anat. de musculo in fundo uteri.

‡ Morg. adv. anat. 4. animad. 24. Edinburgh medical essays, vol. 2. art. 9.

neque transmittere potest, accumulatus humor lateralis rami orificium eousque dilatabit, ut per eum regurgitans effluat. Quemadmodum in omnibus arteriis vis propulsiva fortior est, et circulatio velocior, quam in venis; ita minore compressione obstruuntur hae quam illae. Hinc, post amputationem major, fit haemorrhagia, si membrum nimis arcte obligatum fuerit, (nam omnes arteriolae suos effundent liquores) quae relaxata fascia sedatur. Sic cur lochia fluere pergant rationem tenemus. Quamprimum enim foetus ac secundinae, quibus uterus fuerat distensus, abstrahuntur, fibrae musculares fortiter se contrahunt, ac sanguinem ex arteriis venisque uterinis jam ampliatis protinus expellunt. Hac vero contractione venae obturantur, dum circulatio in arteriis compressionem superat, rubrumque sanguinem in sinus usque impellit, donec fluidi momentum evacuatione minuatur, et arteriae elasticitate sua diametros solitas assequantur. Sicut haec pedetentim fiunt, ita lochia gradatim minuuntur, et colore rubicundo excidunt.

Cum matri, quamdiu uterum gestabat, duo corpora alenda essent, ad hoc necessaria erat major sanguinis quantitas: Nunc vero, altero corpore ablato, utilissima fit haec purgatio ad dictam quantitatem minuendam, corpusque ad statum priorem reducendum. Atque haec ita se habere arguunt lochiorum suppressorum pravi effectus.

Fieri potest ut haec evacuatio minor sit justo, vel omnino supprimatur; vel, e contrario, consuetum excedat: Quae omnia, una cum causis suis, ex symptomatis, ex habitu corporis et pulsu, dijudicanda veniunt.

Si lochiorum ex defectu sanguinis in matre diminutio fiat, haud opus erit evacuatione; neque enim quid sequitur incommodi: In tali casu diaeta idonea analeptica tantummodo requiritur.

Lochia imminui vel sisti possunt nimia fibrarum uteri contractione, vel arteriarum elasticitate, vel fluidorum viscositate; frigidus etiam aër in uterum ingressus vasa contrahere potest. In his omnibus indicationes sunt, vasa relaxare, et fluida attenuare, medicamentis praecipue quae humectant, leniunt, emolliunt, tam interne quam externe.

Si uterus, post frigus susceptum, potum frigidum, aut perturbationes animi, spasmodice contrahatur, ut in affectionibus hysteris, tum lochia imminuuntur, vel penitus sistuntur: Aliquando etiam ex febricula lactea retinentur; febres, inflammationes, ac alia gravia mala ab iis excitari possunt, prout in hoc illudve viscus rapiuntur. Indicatio curativa est, ut lochia rursus fluant, ut febris removeatur, et inflammatio resolvatur; quod efficitur iis, quae vias laxant et referant, et antihysteris lenioribus, quibus spasmus tollitur.

‘Requiruntur,’ inquit Cl. Boerhaavius\*, ‘antacida lenia, ad labem acidam feri sopiendam; diluentia lenia ex hordeatis, avenatis, amygdalatis jusculis; aperientia specifica lenissima ex moderato cardiacis et uterinis; aperientia localia, clysmata, fomenta, cataplasmata, emplastra, linimenta, cucurbitae, pessaria, suppositoria.’

Si vero symptomata urgeant, opiata lenia prodesse possunt: Et evacuationes aliae ciendae. Aliquot post partum diebus leniter purgantia saepe juvant. Venae sectio

\* Aphor. § 1331.

sectio autem, quia vires vitae jam puerperio magno-  
pere debilitatas ulterius adhuc deprimeret, et sangui-  
nem ab utero revelleret, non adhibenda est, nisi ur-  
gente summa necessitate; quando nimirum pulsus ple-  
nus, durus, celer, ac fortis; et tum quidem in pede,  
quo sanguis versus uterum revocetur, hujusque copia  
minuatur.

Considerandum erit, si mater ipsa infantem lactatu-  
ra sit, mammas esse fovendas: Neque enim opus erit  
ut lochia tamdiu fluere pergant, quia lac hujus evacua-  
tionis vice quodammodo fungitur. Sin aliter, mam-  
mae non adeo fovendae, lochia vero, quo diutius flu-  
ant, cienda; unde lactis quantitas minuetur, et mam-  
mae inflammationibus, suppurationibus, schirrhis, can-  
cris, minus erunt obnoxiae. Perniciosa valde est ob-  
stetricum quarundam aliorumque praxis, qui, ut lac-  
tis ad mammas accessionem arceant, acetum applicant;  
quod quidem, lac coagulando, dictos praves effectus  
creat, qui, sicut fere omnes a lacte morbi, antacidis  
corrigendi sunt. Cum igitur lac mammas distendit,  
exfugendum erit dum tolerare possunt, quantitate pau-  
latim imminuta donec evanuerit.

Lochiorum nimius fluxus cognoscitur, si aegrae vi-  
res, spiritibus exhaustis, dejiciantur: Ergo, si pulsus  
debilis, parvus, et frequens fuerit, cum aliis sympto-  
matis debilitatis conjunctus, tum purgatio nimia est.  
Quod fit ex debilitate aut relaxatione arteriarum, vel  
† A nimia fluiditate, agitatione sanguinis, vel ut  
plurimum a foetu alio, secundinis vel grumis san-  
guinis in utero retentis, ejus contractionem impedi-  
entibus. Si a retentis, haec manu educenda. Si  
ab

† Hermannii Boerhaavi aphor. § 1325, 1326, 1327.



‘ ab affectu animi, sanguine nimis fluido, nimis agitato, concurrendum ad hordeata, gelatinas, emulSIONES, ‘ opiata, adstringentia.’ Debilitati et relaxationi arteriarum eodem fere modo medicina fit.

## PARTUS NATURALIS, SED DIFFICILIS.

XI. Multa accidere possunt, quae partum naturalem difficilem reddant; nam, licet foetus in situ naturali progrediatur, plethora \* tamen matris impediri potest, qua vasa majora extenduntur, minora comprimuntur: Hinc, suffocatio in liquidis; inertia, desidiaque corporis: Vasa uteri, vaginae partiumque vicinarum sanguine adeo turgent, ut aegre dilatari queant. Quo in casu phlebotomia tempore laboris expedit, opiumque adhibitum partium contractionem magnopere diminuit.

XII. Si matri ad pellendum foetum etiam bene positum non suppetant vires, † hae excitandae sunt operum medicamentorum quibus vigor renovatur, et dolores augentur, ut uterinorum, cardiacorum, sternutatoriorum, et clysterum acrium.

XIII. Quicquid ‡ circa os uteri, vaginam, vel partes adjacentes, impedit partum, ante id tempus, si fieri potest,

\* Id. instit. med. § 781. aphor. § 106.

† Herimani Boerhaavi aphor. § 1312.

‡ Ibid. § 1313, 1314, 1315.

test, sanandum vel auferendum est; id quod medicus peritus pro re nata praestare valebit.

XIV. Aliquando caput infantis recta prodit, et de improvviso foetus in ventrem regreditur, ut attingi non possit: Tum praesagium funestum est, quia uterus rumpitur. In hoc casu foetus per pedes eximi debet, si fieri possit; sin aliter, per sectionem Caesaream \* illico educendus est, alioquin et mater et foetus brevi morientur.

XV. Aliud est incommodum quod in partu naturali evenit, viz. uteri in vaginam vel extra corpus prolapsio, † quae pelvis latitudini et oris uteri rigiditati adscribenda videtur: Nam, si pelvis ossa uterum non sustineant, donec caput infantis sensim os tincae extendat, omnia in vaginam, et aliquando extra corpus delabentur. Quamobrem obstetrici explorandum est, an caput infantis coronatum sit, i. e. an os uteri non laxatum, verticem circumdet instar annuli; nam, si ab initio operam det uterus sustinere tempore laboris, digitis sustinendo, et dilatando os tincae, usquedum a capite distendatur, mulier facile parturire potest. Sed, si matrix cum infante prolabatur, tum ‡ foetus illico educendus est dilatando os uteri, (quod in hoc casu plerumque difficile reperitur, quia versus os coccygis vertitur) et uterus in situm naturalem remittendus, (§ 9.) Aliquando ligamenta uteri et partes circumjacentes

\* Heisteri instit. chirurg. part. 2. § 5. cap. 113. § 14.

† Ruisch. obs. anat. 9. Devent. ars obstet. cap. 23. 27. part. 2. cap. 3.

‡ Moriceau maladies des femmes grosses, liv. 2. cap. 16.

cèntes adeo relaxantur, ut exinde uterum in loco proprio, absque ope \* pelli et idoneorum remediòrum adstringentium, retinere non possint.

XVI. Infans bene positus caput inter ossa pelvis ita fixum habere potest, ut nec sursum nec deorsum propelli queat; quod ex capitis amplitudine, vel pelvis angustia, accidit: † Uterque casus aequè gravis, et eo gravior, si partus siccus sit, i. e. quando humores jamdudum defluerunt, et partes aridae relinquuntur. Quaestio est magnopere inter anatomicos agitata, num pelvis ossa tempore partus sejungantur? Mihi clarissimi Professoris nostri Alexandri Monro, hoc tantummodo ‡ in casibus raris, et extra consuetum naturae ordinem positis, nec sine summo matris incommodo evenire asserentis, sententia rationi maxime consentanea videtur. In hoc diuturno labore, meatus linimentis, quantum fieri potest, lubricandus et dilatandus est: Quapropter manus, oleo inuncta, in vaginam introduci, et digitorum extremitates in os uteri usque ad caput infantis immitti debent; ut dolores integrascunt, || os coccygis manus parte averfa prudenter retroagendum est, quod et transitum dilatat et dolores stimulat; et simul divaricando digitos, os uteri ita patefaciendum erit, ut infans egredi possit: Deinde manus sensim educenda est, ut caput foetus procedat. Mater interea totis viribus eniti debet, ut foetus expellatur. Sin ve-

M m

\* Heisteri instit. chirurg. part. 2. § 5. cap. 157. § 8. Devent. ars obstet. cap. 29.

† Devent. ibid. cap. 27.

‡ Monro's anatomy of the human bones, last edit. p. 214. 1797.

|| Devent. ibid. cap. 27.

ro haec omnia minus succedant, tum forceps D. Duse \* utilissima potest esse ad extrahendum foetum vivum. Si certum fuerit foetum mortuum esse, cujus cognoscendi ratio postea tradetur, tunc uncis † evelli potest. Sed, quia unci uterum vel vaginam laedere possunt, infans educendus est ope *ductoris capitis Mauricaei*, Galice *tire tete* dicti; vel cochleae ‡, qua pari successu, et minore cum molestia, uti possumus. Haec majore cranii diametro longior est, ita ut torquendo cochlea firmari possit in basi cranii, praecipue in media et posteriore ossis sphenoeidis parte, ubi cranium crassius est; quae pars, si trahendo frangatur, ut mater cochlea laedatur minus est periculi. Si caput tantae sit magnitudinis, ut nulla ope educi possit; tum, ad conservandam matrem, cranium aperiri et cerebrum digitis extrahi debet. Cum caput foetus plerumque largius sit ulla alia corporis parte, hoc protruso, corpus illico extrahendum est, ne os uteri circa collum constringatur. Aliquando humeri, § utpote ampliores, in meatu haerent; quo in casu, digitis sub axillis infantis immixtis, vel brachiis ejus deductis, corpus eximi potest. Si post haec abdomen adeo hydropicum sit ut  
partum

\* Edinburgh medical essays, vol. 3. art. 20. Commodius erit, si vice clavi mobilis, qui in cardine est, substituitur fibula alteri maxillae seu laminae instrumenti infixae, altera autem lamina habeat unam aut plures incisuras, quae fibulam facile complecti possint ad axim hujus cardinis faciendum.

† Heist. inst. chirurg. part. 2. sect. 5. cap. 152. § 17.

‡ Cochleam hanc mecum communicavit doctissimus vir Tho. Carmichael, M. D. Perthensis; constat autem sicca parva chalybea, cui lamina ejusdem materiae in spiram, forma cochleae ad subera extrahenda adhibitae, convoluta circumducitur.

§ La Motte des accouchemens, liv. 3. chap. 24.

partum impediat, tum aqua idoneo instrumento exhaurienda est.

## PARTUS NON NATURALIS.

XVII. In partu praeter naturam nihil ad excitandos dolores \* adhibendum est: Nam, ubi infans male situs est, magis magisque doloribus in meatu figetur, et his inutilibus nixibus matris robur absumetur. Sed obstetrix, quando aqua effluxit, partem delapsam inhibere debet ne inter ossa figatur, aliter perdifficile esset manum in uterum immittere: Quapropter, ubi constat situm esse non naturalem, discerpere membranas necesse est, et illico per pedes infantem extrahere, ut postea monstrabitur.

XVIII. In partu non naturali mater varie locari debet, pro vario infantis in utero situ, quo foetus facilius ex situ pravo diverti possit, partusque naturalis evadat. Sed, cum foetus per pedes educendus est, tum mulieri lectus vel mensa idoneae altitudinis sterni debet, coxis levatis, ita ut infans in uteri fundum relabi possit, quo chirurgus facilius manum utero immittere foetumque per pedes apprehendere queat. Mensa autem vel cubile ejus sit altitudinis, ut obstetrix pedibus insistens et erecta manum operi admoveat, majoremque vim exerere possit.

## XIX.

\* Heisteri inst. chirurg. part. 2. sect. 5. cap. 152. § 7.



XIX. Obliquus uteri situs †, qui varias infantis capitis positiones producit, varie partum impedire potest: Nam, si fundus uteri super os pubis propendeat, os tincae cum foetus capite in oppositam pelvis partem, nempe os sacrum, ita impingit, ut caput in pelvim delabi nequeat: E contrario, si uterus in spinam dorsii nimis reclinet, fieri potest ut caput in os pubis figatur; item, si uterus in alterutrum latus se obliquet, caput in opposito latere affigetur. Haec omnia tactu facile distingui possunt: Nam obstetrix os uteri alte suspensum inveniet, et vix nisi inferiorem oris uteri partem tangere poterit, quia id alicui ossi pelvis obversum est. Inde dignoscitur uterum in oppositam partem inclinare. In his omnibus commodissimum et promptissimum est manum in uterum immittere, et infantem per pedes educere: Fieri enim potest, ut post multam navatam operam, quo caput in pelvim deducatur, humeri super idem os figantur; quo in casu neque magnitudo capitis humerum chirurgi manu sublevare finet, neque jam foetus per pedes extrahi poterit. Sed, si caput in pelvim illapsum fuerit, et partus impediatur prae humerorum situ transverso super ossa pelvis, tunc matre in situm idoneum collocata, quo corpus infantis rectius in meatum incidat; si spatium sit, inter caput et vaginam inferatur unus aut alter digitus ad submovendum humerum ab ossibus pelvis; et eodem tempore trahendo caput infantis versus oppositam pelvis partem, ubi humerus figebatur, totum corpus facile

† De obliquitate uteri fusius agit Deventerus toto suo libro de arte obstetricandi, et Heisterus in instit. chirurg. part. 2. sect. 5. cap. 152. § 16.

cile deduci potest. Quando caput vel humeri ossi pubis impinguntur, deprimi possunt manu applicata ad partem externam abdominis, immediate super os pubis sitam. Si caput peramplum sit, ut digitus id praeterire nequeat, tum methodo quam supra diximus (§ 16.) procedendum est.

XX. Ubi caput infantis procedit, sed facie ossi pubis obversa partus non magni est laboris, dummodo mater in situ apto collocata sit, quoniam vertex ossi coccygis innititur, ergo nixus ossi superincidet. Muliere igitur stante, vel in situ erecto collocata, caput infantis vaginae et ori uteri instabit: Idcirco, tempore doloris urgentis, obstetrix digitis os uteri, quod versus os coccygis multum vertitur, in partem anteriorem pelvis movere debet. Cavendum autem est ne facies infantis tangendo laedatur.

XXI. Saepe infans alteram aurem vel tempus obvertens procedit †, qui perdifficilis est partus, quoniam humerus super os pubis ita affigitur ut exire nequeat: Quamobrem, si primo foetus in situm naturalem facile verti non possit, tum statim per pedes invertendus et extrahendus est.

XXII. Ad foetum per pedes educendum, ‡ quando nullus est dolor, chirurgus manum bene inunctam in uterum introducere debet. Os vero uteri dilatetur  
immit-

† La Motte des accouchmens, liv. 3. chap. 22.

‡ Devent. ars obstet. cap. 45. Meist. instit. chirurg. part. 2. sect. 5. cap. 152. § 10.

immittendo unum digitum, deinde alterum, et sic deinceps, donec sensim tota manus ingrediatur: Tum pedes apprehensi, leniter et caute educendi sunt, ne crura luxentur vel frangantur. Si uterque pes eodem tempore non inveniatur, tum primus in vaginam deducendus est, ibique manu vel fascia larga retinendus, donec alter deducatur. Si forte gemelli in utero sint, † crura habenda est ut pedes ad eundem foetum pertineat, aliter simul in lucem edi conabuntur; quapropter necesse est investigare an uni eidemque corpori adjecti sint: Deinde, dolore irruente et matre connitente, obstetrix seu chirurgus foetum prudenter extrahat. Quando foetus usque ad graciliorem dorsii partem pervenerit, ejus positionis ratio habenda est: Nam, si venter ossi pubis obversus sit, semper ad os sacrum verti debet; aliter mentum ossi pubis impinget, unde partus perdifficilis fiet. Sed, si imperita obstetrix hoc non animadverterit, et mentum instar unci ossi pubis inhaereat, tum introducendo ‡ unum vel alterum digitum inter os pubis et faciem, et premendo versus intestinum rectum, caput infantis educi potest; idque promptius, si eodem tempore adjutor corpus foetus attollat, ita ut occiput primum prodeat. Postquam foetus pronus et ad axillas pervenerit, brachia educenda sunt; unum vel duos digitos immittendo, usque ad ejus cubitum, ibique articulum flectendo, brachium facile educi potest sine ossium fractura; quae evenisset si vis medio ossi humeri, vice articuli, applicata fuisset:

Et

† Devent. ars obstet. cap. 44. Heist. instit. chirurg. part. 2. sect. 5. cap. 152. § 11.

‡ Heist. loco citato, § 14.

Et eodem modo cum altero brachio procedendum est. Suadent nonnulli \* brachium relinquere: Sed hoc partum difficiliorem redderet, cum caput infantis alia quaecunque corporis parte per se multo largius sit; itaque brachium cum eo simul prodiens amplitudinem maxime augebit; et relinquendo brachium id solum commodi proponitur, ne os uteri circa collum infantis constringatur: Sed hoc praestantius manu chirurgi sublevari potest; nam brachium secundum temporum planitiem erectum vix repugnantiam menti et occipitis inaequalitate factam impedire potest; at infantem super alteram manum † ponendo, et unum vel duos digitos ejusdem manus in ore ‡ infantis introducendo, praecavetur ne uterus circa collum contrahatur. Eodem vero tempore duobus digitis situs capitis mutari debet, mentum propius collum adducendo; quo pacto et largissima capitis inter progrediendum diameter minuitur, et inaequalitates menti et occipitis remouentur. Postquam infans ita super hac manu situs est, pars colli posterior et humeri, per quae excutitur, altera manu excipienda sunt: Et simul corpus infantis  
versus

\* Devent. ars obstet. cap. 45. Heist, instit. chirurg. part. 2, sect. 5. cap. 152, § 14.

† La Motte des accouchemens, liv. 3, chap. 18.

‡ Heisterus in loco citato, post Hoornium, praecipit manum sub collo ultra mentum et os foetus in uterum demittere, digitisque duobus maxillam inferiorem et superiorem ita prehendere, ut nasus in medio inter digitos sit, ne tenera maxilla violetur, vel omnino evellatur: Verum praestare videtur quem diximus modus, quo digitus unus aut alter in os immittitur, non ut caput eis excutitur, sed ad ejus situm accommodandum; qua ex re maxilla minime periclitatur.

versus os pubis allevari debet, quod magnopere conducit ad directionem meatus promovendam \*.

Si, dum foetus per pedes extrahitur, caput propter suam amplitudinem ita in meatu haereat, ut collum fere diffringatur, tum caput educendum est ope instrumenti, quale est forceps De Duse : Ita facilius evelli potest, quam si caput discretum fuisset a corpore ; quia caput non fixum et globosum ex forcipe evadere possit. Si vero caput a corpore divulsum fuerit, chirurgus, manu in uterum introducta, indicem vel duos priores digitos in os infantis immittendo, et pollicem sub mentum applicando, per maxillam inferiorem caput evellat. Eodem fere modo per foramen magnum ossis occipitis extrahi potest, vel hamo † capiti infixio. Si neutrum succedat, tum maxime idonea erit burfa satis capax ad caput recipiendum et educendum. Si caput per amplum sit, ut transire nequeat, tum scalpello aperiendum est, ut cerebrum exire possit.

XXIII. Si caput et brachium eodem tempore descendant, et in pelvim ita figantur, ut non facile fuerit brachium reducere ; utrumque exire potest sine magno incommodo.

XXIV. Si manus et brachium descendant, non opus est eas intro retrudere ‡ ; nam plerumque adeo in meatu

\* Deventerus, cap. 45. contrarium docet, nempe infantem deorsum versus intestinum rectum trahere ; sed, quia in hoc casu occiput ab osse pubis maximum impedimentum habet, quando corpus levatur, id obstaculi commodius tollitur.

† Mauriceau des maladies des femmes grosses, liv. 2. chap. 15.

‡ La Motte des accouchemens, liv. 3. chap. 3. et 32. Heist. instit. chirurg. part. 2. sect. 5. cap. 152. § 9. 10. 11.



tu figuntur et tument, ut fere impossibile sit id fieri, quoniam promptius erit brachium frangere vel uterum laedere, quam locum invenire, cum uterus fortiter contrahatur et brachium turgescat: Quare commodius erit vaginam et os uteri dilatare, quam premendo foetum utero vim inferre. Tum manum sub brachium infantis introducere, et pedibus apprehensis foetum, ut jam dictum est (§ 22.), extrahere oportet. Dum pedes egrediuntur, brachium plerumque retrahitur; quoniam in utero plus spatii est, situsque infantis mutatur: Et, licet brachium non regrederetur, parum incommodi exinde eveniret.

XXV. Modo diximus inutile esse brachium delapsum reducere, in partu non naturali; idem \* de alia quavis parte intelligendum, tum propter easdem rationes (§ 24.), tum quia pars plerumque primo urgente dolore in pravam situm revertitur. Attamen, si chirurgo id facere visum fuerit, cavendum est ne partem remittat, dum uterus se contrahit; ne nimia violentia uterus rumpatur, quod lethale esset.

XXVI. Quando nates primae in partu apparent, † quamprimum aquae erumpunt, foetus per pedes educendus est; quo facto, dislocationes et compluria mala impediuntur, quae aliter evenissent, si foetus duplicato corpore eductus fuisset. Si nates ulterius protrusae fuerint, vel inter ossa pelvis figantur, et vigor sit matri; tum foetus per nates educi potest, introducendo

N n unum

\* Heist. instit. chirurg. part. 2. sect. 5. cap. 152. § 7.

† Heist. ibid. § 13.

unum vel duos digitos ad inguina ex utroque latere, quibus sicut uncis tempore laboris extrahi potest. Postquam foetus ad graciliorem dorſi partem pervenerit, tum pedes deducendi ſunt, et infans, uti ſupra memoratur (§ 22.), extrahendus.

XXVII. Si genu, pes, abdomen, dorſum, vel denique ulla alia corporis pars, praeter caput, in ſitu naturali, procedat, tunc foetus per pedes extrahendus eſt (§ 22.), et quo citius, poſtquam membranae humores continentes ruptae ſunt, eo melius; nam tunc temporis matrix non adeo circum infantem ſe contrahit, ac paulo poſt, quando difficilius erit manum in utero verſare ad pedes infantis inveniendos. Tempus non terendum eſt ſaepe iterando conatus partum non naturalem in ſitum naturalem deducendi\*, ob rationem ſupra memoratam, et quia foetus aequae facile per pedes ac per caput educi potest: Et ſaepe, quamvis infans in ſitu naturali collocatus ſit, partus non ſubſequitur, quia vires matri defuerint, vel propter quiddam aliud incommodi; atque jam caput infantis, inter oſſa pelvis fixum, partum per pedes difficiliorem redderet.

XXVIII. Si ad haec (§ 18. ad 28.) inſuper accedant vitia matris (§ 11. 13.), tunc partus difficilior efficitur: Nam matris vitia prius corrigenda ſunt, deinde foetus per pedes, ut jam diximus, eximendus.

XXIX. Si haemorrhagia, ut in abortionibus, vehemens ſit, vel ſi mater convulſionibus afficiatur, aut debilis

\* Mauriceau des maladies des femmes groſſes, liv. 2. chap. 27.

bilis sit, tunc infans educendus est \*, quamvis dolores partus matri defint: Os uteri gradatim aperiendum est, sensim introducendo digitos et manum, qua pedes infantis apprehendendi sunt, et foetus eximendus (§ 22.)

XXX. Si placenta et secundae ab utero separatae sint, quod facile per partis progredientis mollitiem vel haemorrhagiam dignoscitur, † tum foetus illico per pedes educendus est, membranas unguibus rumpendo, et manum in uterum introducendo. At si, ruptis membranis, secundae in meatum delabantur, ‡ eae ante foetum eximendae sunt. Si funis umbilicalis cum capite, vel alia quavis corporis parte, prolabatur, || funis immittendus, vel foetus extemplo extrahendus, ne suppressa sanguinis circulatione cito moriatur.

XXXI. Infans ¶ ‘ mortuus cognoscitur, si immobilis; si arteriae umbilicales sentiuntur in funiculo umbilicali quiescere, maxime prope corpus infantis; si foetida exeat; si pondus ingens; si mater laborat tenesmo; si syncope; horripulatione, halitu graveolente, colore livido, si jamdiu elapsis aquis nondum pepererit; si epidermis prompte a cute, praecipue capitis, secedat; si cutis foetus flaccida, facile separanda, ossa mollia et mobilia.’ Licet haec omnia non

non

\* Mauriceau des maladies des femmes grosses, liv. 2. chap. 29.

La Motte des accouchemens, liv. 3. chap. 6. 8. 12.

† Mauriceau loco citato, chap. 23.

‡ Id. ibid. La Motte des accouchemens, liv. 3. chap. 15.

|| Devent: ars obstet. cap. 38. Mauric. loco citato, chap. 17.

La Motte loco citato, chap. 14.

¶ Herman: Boerhaavii aphor. § 1318.

non concurrant; at si tot eveniant quot rem certissimam faciant, tum foetus per pedes, si possibile, extrahendus est (§ 22.): Nam ingratum est infantem instrumentis dilacerare, et inde vulgi clamoribus et calumniis ansam praeberere. Sed interdum ut dissecetur necesse erit, ut si foetus sit bicorpor, aut bina habeat capita, vel etiam insolitae fuerit magnitudinis. Caeterum, vir acris ingenii, quibus instrumentis ad partem obstantem separandam uti par sit, prout hanc vel illam partem obstare compererit, prompte dijudicabit, et pro vario rei statu diversam adhibebit operationem.

XXXII. Post enumerata tam multa in puerperio pericula, tamque varios morbos qui ex solis lochiis proveniunt, haud mirum videri debet, si et aliis aliunde ortum ducentibus puerperae quandoque afficiantur. A resistentia, quae ab infante fit utero se contrahente, atque a dilatatione quam os uteri et vagina in partu ferunt, hae partes saepe contusionem patiuntur; ita ut minuta vascula confracta liquores suos, praeter debitam circulationis viam, apud interstitia vasorum effundant, quibus arteriae comprimuntur et obstruuntur; dum interea circulationis vis liquores versus partem obstructam propellens, inflammationem cum suis effectibus producit. Obstructio in quavis parte incepta facile eodem modo per alia vasa vicina propagari potest, donec totus uterus inflammatione corripiatur. Obstructio vero tanto pertinacior erit, quanto per subitam partium prius dilatatarum contractionem exacerbatur; quo magis liquoris extravasati densitas augetur, et arteriarum diametri minuuntur, cum interea earum initia multum  
praeter



praeter solitum ampliantur : Ita sanguis in partem obstructam majore impetu fertur ; sicque inflammationem ultra modum intendit. Aliquando ex suppressione lochiorum similis oritur inflammatio, quae vicissim lochia obstruit ; ita alterum malum alterum advocat, et junctis viribus in partis ruinam conspirat.

Diagnosıs hujus morbi est, inferioris abdominis regionis distentio cum ingenti ardore et dolore, aliisque solitis contusionum et inflammationum symptomatis.

Inflammationis sedes atque aegrae imbecillitas morbi eventum atrociores reddunt.

Indicationes curativae sunt, inflammationem resolvere, et lochiorum fluxum reducere ; sicque suppurationes, gangraenae, scirrhi, &c. prohibentur.

Ad primum scopum, in aliis inflammationibus, sanguis copiose missus aliis quibusvis evacuationibus praestat : At, in hoc casu, propter lochiorum suppressionem matrisque languorem, nisi symptomata gravissima urgeant, contraindicatur ; mater enim jam debilitata evacuationem adeo celerem vix impune feret ; et porro, dum (ea) revulsionem ab utero facit, lochiorum suppressionem auget, quorum fluxus restitutus inflammationem optime compesceret : Nam aliis uteri arteriis referatis, sanguinemque in ejus cavitatem evomentibus, aliae cum istis per anastomosis conjunctae humore suo distendente liberantur. Praecipuus igitur finis est materiae hujus attenuatio, et vasorum occlusorum relaxatio, per emollientia, diluentia, aperientia, applicata in specie fatus, cataplasmatibus, injectionibus, chlysmatibus, &c. Atqui, ut supra dictum est, si symptomata gravissima fuerint, et partis ruinam minitentur, ad phlebotomiam et purgationes antiphlogisticas, sicut in

aliis



aliis inflammationibus, recurrendum erit; ad aegrae tamen vires, et fluxum lochiorum ciendum ratione habita: Adeoque sanguis, ex pedum potius crurumque venis, quam ex brachio colloque, mittendus.

### PARTUS CÆSAREUS.

XXXIII. Quando mulieres modis ordinariis parturire non poterant, sectio Caesarea, quamvis periculossissima, saepenumero tum matres tum infantes conservavit. Haec operatio perficitur, vel quando tum mater tum foetus vivunt; vel quando mater mortua, sed foetus vivit; et e contrario. In primo tantum casu ea facienda est, quando, sciz. transitus foetui negatur mala ossum pelvis conformatione, vel praeternaturali vaginae et oris uteri coarctatione, ita ut nullo modo dilatarı possint; dum interea prognostica benigna sint, quod mater aliter bene se habeat. Sed, si vires illi defuerint, non peragenda est; nam in tali statu de salute matris ferè desperatur: ‘Nec subeunda species ejus, ut occisae, quam fors ipsius interemit†.’ Si foetus supervivat, statim post matris mortem excidendus est. Quando foetus in utero mortuus est, et manus vel instrumenta per vaginam introduci non possunt ad infantem evellendum, vel comminutum consecandum; aut si foetus in tuba Fallopiana, vel in ovario, vel in ullo alio loco extra cavum uteri, mortuus sit; tum ad matrem conservandam per sectionem Caesaream educendus est.

Methodus

† Cels. de med. lib. 5. cap. 26.

Methodus hujus operationis ubertim descripta est apud Rosetum, Heisterum, aliosque.

Quae in hoc novo et inusitato forsan themate illustrando dicenda habuimus, vobis expertis et clarissimis patronis meis, omni qua par est reverentia, subjiciuntur. Nihil inde laudis mihi ipsi arrogare, nec vobis consilium dare, unquam in mentem venit. Eandem tantummodo libertatem mihi concessum iri, sententiam meam qualemcunque in medium proferendi, qua Horatius in amicos usus est, ex nota vestra benevolentia et humanitate augurari liceat:

Quamvis, Scaeva, satis per te tibi consulis, et scis  
Quo tandem pacto deceat majoribus uti ;  
Disce, docendus adhuc, quae censet amicus ; ut si  
Caecus iter monstrare velit. Tamen aspice, si quid  
Et nos, quod cures proprium fecisse, loquamur.

HORAT. epist. 17. lib. 1.

F I N I S.



c

DISSERTATIO MEDICA  
IN A U G U R A L I S,  
D E  
AERE, AQUIS, ET LOCIS.  
Q U A M,  
ANNUENTE SUMMO NUMINE,  
Ex Auctoritate Reverendi admodum Viri,  
D. GULIELMI WISHEART, S. T. D.  
ACADEMIÆ EDINBURGENÆ Praefecti;

NEC NON  
Amplissimi SENATUS ACADEMICI consensu,  
Et nobilissimae FACULTATIS MEDICÆ decreto,  
P R O G R A D U D O C T O R A T U S,  
SUMMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

Eruditorum examini subjicit

EBENEZER MACFAIT,  
SCOTO-BRITANNUS, A. & R.

Ad diem 11. Aprilis, hora 4. pomeridiana, loco solito.

EDINBURGI:

M, DCC, XLV.

O o







Viro eximio

SAMUELI MARTIN,

ARMIGERO,

Ingenio, moribus,

Publicaeque utilitatis studio,

Insigni;

Has qualescunque primitias suorum

In re medica laborum

D. D. D.

EBENEZER MACFAIT.



# DISSERTATIO MEDICA

## INAUGURALIS,

DE

AERE, AQUIS, ET LOCIS.

**Q**UICUNQUE rerum causis cognoscendis animum rite adhibuerit, is, pulchro naturae spectaculo, ipsiusque varietate infinita, haud parum delectabitur; hinc multa etiam commoda in publicum vitae usum intelliget, praecipue quae ad praxin et medicinae theoriam dirigendam magnopere profint. Nulla quidem est philosophiae pars aut historiae naturalis, quam a medicinae studio existimare liceat alienam. A medico tamen acriter, ante omnia, sunt varii aëris, aquae, locorum situs, in vitam mortaliumque salutem effectus observandi: Quum hi, modo artem irridere, modo medicamentorum omnium in loco esse, soleant. Idcirco quaedam hoc tempore de hisce rebus tradere conati

nati sumus; ab aëris et aquae qualitatibus incipiendo, dein ad eorundem effectus progredimur, quatenus pro variis locis atque terrae plagis mutantur.

I. Aër fluidum est, tenuissimis constans partibus, parva vi movendum, grave, elasticum: Corporibus tamen magna vi impulsis obstat; idque in ratione velocitatis majore quam duplicata. Permultum omnino expandi potest aër aut densari; unde plurimi fere atque maximi motus viresque in rerum natura pendent, quum intimam omnium corporum substantiam ingreditur. Inter horum quidem particulas attractus atque clausus, nullum elasticitatis suae praebet indicium; tandem autem aliquando carcere solutus, vim suam saepe mirandum in modum ostendit.

Ejusdem autem in animalium corpora effectus varii sunt et permagni; nunc alimentorum promovet cotionem, nunc varia interne excitat tormina, dolores, &c. semper interea sese per totam insinuans machinam. Vegetabilium etiam vitae inservit, liquorum fermentationi, putrefactioni, omnibusque fere motibus intestinis.

Quatenus autem hominum afficiat corpora, praecipue nostra intererit novisse; quo cognito, varia exco- gitanda victus erit ratio, et morborum medela. Fluida quidem atque solida corporis nostri aëre multo repleta esse, quamplurimis experimentis patet. Intraſſe autem cum alimentis videtur aër, per lactea absorptus vasa. Humoribus autem corporis detentus atque implicatus, elasticitatem suam amittit: Neque in exsecta vena sanguine plena se in antlia pneumatica prodit, donec ad sedecim, circiter, vel septemdecim uncias ascenderit

ascenderit mercurius. Idem etiam fere obtinet in pluribus aliis liquoribus.

Aëris autem externi in corpora nostra effectus diversi erunt, pro caloris, frigoris, ponderis, levitatis, aut humiditatis ratione.

II. Calore panditur aër, adeo ut in terris sub curru nimium propinqui solis degentes subtiliorem hac nostra spirent auram. Calore, primo quidem, panduntur tum fluida corporis nostri, tum solida; laxior fit solidorum cohaesio, atque debiliores fibrae: Calore autem continuo partes solidae tandem fiunt densiores, se mutuo fortius attrahentes, ablatis fluidioribus: Quo fit, ut calidarum regionum incolis ossa specificè dicantur esse graviora nostris; minore etiam corporis solent esse mole. Tandem etiam, aëre nimium sicco aestuante, partes aquosae atque volatiles avehuntur, reliquum sanguinis crassius, nigrius fit; magis obstructionibus generandis atque morbis inflammatoriis obnoxium. Putrefactionem citam facit, praecipue si cum humiditate jungatur. De hisce autem et de frigore, ulterius in locorum situ dicetur.

III. Aër nimio humore repletus, perspirationem impedit, debilitat fibras relaxando, (quod et in chordis musicis patet), sanguinem diluit, morbosque ab inertissimo diluvio producit, praesertim si frigori jungatur. De hisce etiam in locorum situ. Si vero pondus incumbentis atmosphaerae minuatur, tum ipsa sua elasticitate panditur aër. Quare, super altissimorum montium cacumina, levior redditus, noxius esse potest, non solum vapore penetrante quodam, in sublimibus aëris regio-



regionibus diffuso, sed etiam pulmonum nixui ad elaborandum sanguinem, atque respirationi non fatis inserviens; remota quippe aëris pressione, intumescunt vasa; saepe etiam eruptiones fiunt humorum, iisdem disruptis; corpora fiunt specificè graviora; in pulmones accumulatur sanguis; languet animal; cito moritur.

IV. Ex aëris levitate nimia certiora oriuntur incommoda, quam ab ejusdem aucto pondere; modice enim corpora premens, circulationem promovet, sanguinem ad interna cohibet: Hinc plenior fit spirituum secretio, magisque viget animal; quemadmodum in mutis quibusdam animantibus, canibus praesertim, observare licet, quandocunque mercurius in barometro affurgit. Si vero nimium gravis, subitò saltem, reddatur, tunc, nimium premendo canales humoresque totius corporis, (praecipue in pulmonibus), auget resistantiam cordi factam; motum suffocat humorum; crassos etiam vapores, ubicunque occurrentes, secum vehendo, vesiculas occludit aëreas.

V. Non solum autem, ponderis, caloris, vel humiditatis variantis ratione, nostra afficit corpora; infinita enim semper secum vehit rerum natantia corpuscula, a terra, mari, lacubus, fluviis, paludibus, &c. abrepta; quae inter sese differunt, secundum locorum naturam ex quibus oriuntur, atque tempestatem anni. Hujus rei manifestum fatis est, inter alia, indicium, quod, juxta metallorum fodinas, aut in vicinia montium qui sulphureas vomere solent flammæ, vapores oculis non percipiendi

percipiendi quotidie affurgant ; conspicuos tamen saepe in noxam hominum aut salutem edunt effectus.

VI. Saepe etiam repetitis experimentis, jam satis constat, machinam hanc nostram hydraulicam, infinito artificio fabricatam, per totam ejus superficiem, tubulis sine fine parvis vapores perpetuo exhalare ; qui, praecipue frigoris injuriis obnoxii, varios, ex obstructa perspiratione, generabunt morbos. Similiter constat, innumeris vasculis minimis per totam superficiem apertis, ambientes hauriri vapores : Qui, in pulmones etiam respiratione hausti, et in ventriculum alimentis atque saliva delati, pro varia sua indole varie humores nostros afficient. Haud igitur dubitandum erit, quin morbi hinc saepius eveniant endemici.

VII. Praeterea, quandoquidem exhalationes pestiferae, ubicunque oriundae, vento et aëre per longa terrarum spatia transvehi possunt ; excitabunt aliquando morbos, a loci natura aut anni temperie minime pendentes, epidemicos. Ex eadem etiam terra, diversis temporibus, diversae oriri poterunt exhalationes, quae morbis diu antea ignotis originem praebeant. Inter alia aëris effecta in generandis morbis, Hippocrates aërem etiam morborum esse causam autumat, quum corpora nostra, *morbidis inquinamentis infectus, subiecit* : Nam duo statuit genera febrium, unam omnibus communem, pestem ; hanc autem communiter invadere asserit : ‘ Quod eundem omnes spiritum attrahunt, et simili corpori spiritu similiter permixto, similes oriuntur febres.’ Statim etiam postea : ‘ Cum igitur aër inquinamentis hujusmodi quae hominum natu-

P p

rae

‘rae adversantur, plenus fuerit, tum homines aegrotant \*.’

Huic sententiae etiam suffragatur fidelis ille et assiduus naturae speculator, Sydenhamus †. ‘Quamvis autem,’ inquit, ‘diversas diverforum annorum habitudines, quoad manifestas aëris qualitates, maxima qua potui diligentia, notaverim, ut vel exinde causas tantae epidemicorum vicissitudinis expiscarer; me tamen ne hilum quidem haëtenus promoveri sentio, quippe qui animadverto annos, quoad manifestam aëris temperiem, sibi plane consentientes, dispari admodum morborum agmine infestari; et vice versa.—Variæ sunt annorum *constitutiones*, quæ neque calori neque frigori, non sicco humidove, ortum debent; sed ab occulta potius et inexplicabili quadam alteratione in ipsius terrae visceribus pendent. Unde aër hujusmodi effluviis contaminatur, quæ corpora humana huic aut illi morbo addicunt determinant-que.’ Atque huic sententiae longe plures assentiunt eorum qui de aëre et morbis epidemicis scripserunt.

VIII. Quum animis quidem reputemus varias occultas aëris qualitates; quot in eo perpetuo vehantur corpusculorum agmina diversa; horum vires et actiones mutuas, haud aliquid fere postea naturae viribus arcanis non superandum credemus. Hujus exempla sint phaenomena lucis et ignis, ejusdem attractio, repulsio, et immensa velocitas; effluvia etiam electrica,  
quæ

\* De flatibus, prope initium.

† De morbis epidemicis.

quae semper aliquid novi et mirandi praebent; quaeque tantum in corpora nostra habere videntur imperium, uti levi vel actu systema concutere atque tremefacere valeant nerveum. Neque effluvia magnetica minus huic scopo inserviunt, quae a polo ad polum perpetuo gyrate videntur; vi tamen et densitate forte, in dato quovis loco, semper variante. Quemadmodum etiam artificum ille peritissimus observavit, acum magneticam dici cujusvis spatio vacillantem, semper tamen in summa Occidentem versus deflectere. Ita Sydenhamus invenit morbos epidemicos, quamvis non in totum destruantur externis coeli atque aëris qualitatibus, attamen multum exinde imminui atque cohiberi.

IX. Plura adducere licuisset, quando miraculis foecunda est natura \*. Exempla vero quaedam morborum epidemicorum in hunc finem postea conscribentur. Observationes autem accuratae, atque experimenta fida, sola sunt quae litem hanc componere valent; de ortu, scilicet, et natura epidemicorum. Proderit forte etiam investigare ulterius qualitatem istam aëris, qua vitam animantium alit atque flammam; quantum elasticitati, quantum ignotae isti qualitati, sit tribuendum? Quo in statu atmosphaerae aër maxime hoc repleatur aethere? Qualesque fiant mutationes aëris interea dum morbi saeviant epidemici?—Forte etiam, in hunc finem, experimenta magnetica et electrica, aliis saepius jam descriptis conjuncta, multum inservirent; quotidie enim videmus eorum vires et virtutes diversitate coeli variatas. Opus quidem per se jucundum; sem-

\* Vide Boyleum de effluviis.

semperque aliquid pulchri novique exhibiturum iis, quibus animus adest atque otium, naturae divitis loca, nullius ante trita solo, peragraré. Atque haec de aëre sufficiant.

X. Aqua fluidum est, nulla elasticitate praeditum, neque ulla comprimendum vi; quod enim congelata aut calida rarior fiat, videtur tribuendum externae cuidam materiei congelanti atque igni. Particulae ejus non immerito censentur rotundae, ob facilem eorum lubricumque motum: Ipsas etiam in immensum exiguas esse patet, experimento illo celebri, ubi, multa vi compressae, transibant per solidi poros auri. Hinc animantium vitae, atque vegetabilium incremento, optime inservit aqua; minimas corporis facile permeans canales; obstructa referat, acria retundit, viscida diluit; aegrotorum sitientium ardores sine noxa restinguit; vitae vigenti atque sobriae imprimis conveniens. Hinc etiam in fontibus medicatis aqua ipsa pura maximam saepe laudis partem meretur, fatentibus scriptorum hac de re praestantissimis\*. Quoniam vero aquarum dotes diversae sunt, ratione situs, ortus, et locorum per quae decurrunt; harum attingere libet aliquas, Hippocratem praecipue respiciendo, qui observationes de hisce rebus conscriptas reliquit†; quarum plurimae, saltem, rationi videntur esse consentaneae, quamvis nondum omnes hodierna experientia confirmentur.

XI.

\* Hoffmanni. Short.

† De aëre, locis, et aquis.



XI. Aquae palustres et stabiles, aestate quidem calidae, stagnando partem amittunt tenuiorem atque limpidissimam; quae vero crassior est manet; male etiam odorata est hujusmodi aqua; multa quoque terra, sale, oleo crasso scatet: Hinc difficulter ventriculo domatur, difficulter etiam per vasa transit mesenterica; unde sensim humores corporis crudi fiunt et inertes; solida debilitantur; febres quartanae atque hydropes fiunt. Per hyemem vero glaciatae, frigidae, turbidae, pituitam gignere et raucedinem aptae sunt: Mulieres, praecipue, morbis a seroso frigido provenientiibus erunt obnoxiae; vix concipiunt, et cum difficultate foetus magnos at tumidos pariunt, quique postea contabescunt: Neque bona ipsis post partum purgatio contingit: Praeterea, saepe mulieres praegnantibus sibi videntur, et, cum pariendi tempus instat, ventris moles disparet; quando, scilicet, uteri hydropes laborant. Si vero respiciamus regiones quibus haec mala magis endemica fuerint, forte palustre Effexiae solum, atque inertes Batavorum canales, imprimis occurrent.

XII. De natura glaciei et aquae quae ex imbris colligitur, traditurus Hippocrates, docet, non incognitam sibi fuisse perspirationem, ex corpore nostro, humorum insensibilem. Eleganter etiam depingit, vapores in sublime evehctos, coctos sole atque edulcoratos, donec tandem, averso nubium concursu, compacti inter se atque densati, graviores aëre fiant; unde purus atque limpidus defluit imber. Aquae vero pluviae natura diversa erit diverso anni tempore, post longum aestum, vel diuturnos imbres Specificè levior est fluminum vel fontium aquis; mora tamen turbida sit, atque

atque in putridum degenerat liquorem; praecipue si aestuante coelo cadat, aut in regionibus torridis. Quamvis autem jam pravum conceperit odorem, poterit tamen sine incommodo bibi, percolata, post brevem, ad necanda animalcula, (quae citissime in ea generantur), coctionem, acidum vitrioli spiritum modica quantitate permiscendo. Quod in terris aequatori vicinis prodest.

XIII. Aquas quae ex nive et glacie proveniunt, damnarunt veteres, tanquam insalubres. Experimur autem, nivem, quae per altorum montium cacumina colligitur, purissimam reddere atque levissimam aquam, nullo fere sale, oleo, aëre, aut alia quavis materie, inquinatam: Quae quidem oculorum inflammationi prodest; atque ad alios usus eandem cum aqua pluvia habere creditur virtutem. Propter tamen gravium virorum auctoritatem, dubia forte relinquenda erit quæstio.

XIV. Fontium præstantissimi sunt qui ex sublimibus locis profluunt puri, praecipiti cursu exercitati. Si vero soluta secum vehant quaedam principia metallica, qualitas aquae mutabitur, secundum naturam materiei qua impregnatur.

Idem fere de fluminibus dicendum. Quae enim celeri cursu per calculosa strata torquentur, depurata magis fiunt: Quae vero ex diversimodi generis aquis permixta sunt, atque per loca coenosa deferuntur, futura videntur crassiora. Aquae vero fluviatiles pleraeque, quales e flumine Thamesi hauriuntur, longa in navigatione

navigatione optimae sunt, seque ipsas a putrefactione, iteratis vicibus, in pristinam restituunt dulcedinem.

XV. Jam de locorum situ atque ejusdem effectis, quaedam tradenda restant; quae plurimum momenti ad sanitatem hominum adferunt. In hunc finem igitur, rite perspicendum erit, quomodo quaeque civitas soli ventisque objiciatur; quali utatur aqua; quaenam sit conditio terrae; ipsorumque etiam hominum victus ratio. Neque hoc solum, sed et natura regionum, et magnitudo marium circumjacentium, considerata; quidam etiam venti frequentissime spirare soleant; horum quoque effecta diversa in regionibus calidis atque frigidis.

XVI. Inter tropicos, perpetuus ab Oriente fertur ventus, exceptis paucis quibusdam locis: In hujusmodi igitur regionibus, civitas orienti soli, ventisque aniversalis rite exposita, eo videtur fore salubrior; utpote quae constanti recreatur aura, qua torridum ventilatur coelum, noxiique pelluntur vapores. In locis etiam omnibus alterutri tropico vicinis, propter consensum aëris, videtur ventum Orientalem fore frequentissimum; atque quo calidior fuerit regio, eo magis Aquilo amicus et gratus erit; quemadmodum in Graecia contingit, atque regionibus multis mari Mediterraneó vicinis. Ob hanc igitur causam, videtur illis in locis civitatem orienti soli expositam, salubriorem fore civitate Austrum versus spectante; quaeque ventis ab Austro calidis sit exposita, qui mare transvecti Mediterraneum, Graeciae atque Italiae pluviosum obducebant coelum.

XVII.

XVII. Regio Septentrionalis, quæ ab Austro et æstivis sit objecta ventis, homines robustiores habet, quorum corporis compages est rigidior, unde vasa ipsis sæpe rumpuntur; obstructions a frigore, inflammationes etiam, morbique fiunt fibrarum rigiditati peculiares. Quoniam vero frigore confirmantur partes solidæ, majorque sit attritus, præsertim secundante motu et exercitio, hinc sæpe resolvuntur obstructions, non aliter superandæ. Præterea, quum frigore corpora conservari soleant a putrefactione, exinde etiam, et a partium robore, par est, Septentrionales fore maxime longaevos: Moribus tamen agrestes erunt, potius quam mansueti; nisi ubi mutantur instituto vitæ, patriisque disciplinis.

Quæ de locorum situ scripta reliquit Hippocrates, quatenus diversas quatuor mundi plagas respiciant, præcipue videntur referenda ad loca Græciæ, insulam Cœum, aut Thessaliam forte, ubi aliquandiu vixisse dicitur; ubi etiam Thessalica Tempe, poetarum carminibus celebrata, florebat; sita Orientalem versus oram; ‘intus quæ, luco viridante argenteis aquis allabitur Peneus, viridis calculo, amoenus circa ripas gramine, canorus avium concentu\*.’

In Ægypto atque regionibus ultra mare Mediterraneum, Auster æstium semper auget atque siccitatem: Venti vero Septentrionales, mare Mediterraneum transeuntes, nubes, humidumque secum vehunt aëra.

XVIII. Si vero de locis in frigidioribus hisce tetrissit agendum, videtur, Austrum versus sitam regionem, quæque a Borealibus tuta sit ventis, si cætera sese rite habéant,

\* Plin. hist. nat. lib. 4. cap. 8.

habeant, fore saluberrimam; calor enim genitalis certo opus est gradu, tum vegetabilia, tum hominum corpora maturefcere: Populo vero aridiorem colenti terram frigus Aquilonis gratum est; subfolanus etiam gratum frigus ipsis praebet, vel quod invertat atmosphaeram, partesque frigidiores detrudat; vel quod a locis Borealibus originem duxerit. Aër enim a Borea meridiem versus fluens, ad loca terrae progrediens quae majori semper velocitate motu diurno circumvehuntur, ipse, interim tardiore motu circulans, derelinquitur; sensimque ita in subfolanum fere degegenerat\*.

Simili de causa, Favonii (quibus spirantibus nobiscum mitescere solet coelum) regionibus Australibus originem suam aliquando debent. Ex eo autem quod nobiscum vento Orientali, Aquilone praesertim, ingratum oriatur frigus, credere licet, Orientalem oram hujus insulae Occidentali esse asperiores: Cumque Britanniae pars Occidentalis oceano multo latiore terminetur, aër ejus mitior erit, magisque pluviis abundans. Utinam diligenter coeli atque tempestatum mutationes, alias ob causas, notanti (quo tempore intertentamina medica proxime recensentur) mihi quoque, quamvis medicinae nondum dedito, in mentem venisset, morbos in Occidentali ora dominantes observare; conjecturas enim, hac de re, attulisse, aut famam vulgarem, haud multum proderit.

XIX. Britanniae coelum multo mitius est, quam in aliis locis aequaliter a polo distantibus, aut in quibus-

Q q

dam

\* Vide tractat. de fluxionibus, Edinb. 1742. art. 694.



dam etiam terris magis Australibus ; ‘ Crebris nebulis  
 ‘ ac imbribus est foedum ; asperitas frigoris abest †.’  
 Calor enim atque frigus cohibetur semper a vaporibus  
 mari circumfluo oriundis. Ipsi autem hi vapores coe-  
 lum nobis mutabile humidumque praebent ; unde ra-  
 chitis, tussis, phthisis, totaque morborum chronicorum  
 dira cohors, saepissime dominantur. Inter hosce me-  
 lancholiae est species quam Angliae indigenam qui-  
 dam esse volunt : Ab illa quidem melancholia differt  
 quae calidiores infestat regiones, ubi magis torretur  
 atque excoquitur sanguis, ipsique homines adusti fiunt  
 temperamenti, ad iram et ultionem proniores, quique  
 facinora nefanda, semel excandescences, minus horre-  
 rent. Britanniae vero coelum inconstantia laborans,  
 nostri corporis machinam, repetitis quasi ictibus, im-  
 pellit atque debilitat ; nunc animum vitamque purissi-  
 mo aëre exhilarat ; nunc frigido humidoque depri-  
 mens, febres excitat lentas, animique dejectiones, dif-  
 ficillime saepius curandas ; praesertim ubi luxuria vitae  
 aggravatur malum.

XX. Batavi vero, quamvis adhuc humidiores in aëre  
 degentes, morbum tamen hunc penitus nescire dicun-  
 tur ; quod eorum aër minus sit mutabilis, quamvis  
 crassior, neque multum ingeniorum elegantiae amicus.  
 Forte autem hoc magis adhuc tribuendum erit eorum  
 industriae eximiae, atque patientiae laborum ; quibus  
 mens exhilaratur, viresque confirmantur corporis.  
 Hisce autem non immorabimur ; non enim animus est,  
 hic loci, de regionum vi ad maturanda hominum in-  
 genia inquirere.

XXI.

† Tacitus de vitae Agricolae.

XXI. Inter Batavos, quidem, scorbutus est endemicus; propter aëris et aquarum crassitiem: Baltici etiam maris accolis, seu ingenus fere, hic morbus grassatur: Neque infrequens populis omnibus Arcticiis, qui a gradu quinquagesimo quinto ad polos usque porriguntur. Graeciae vero, Hispaniae, Italiae, regionibusque calidioribus incognitus; cujus itaque ab Hippocrate nulla fit mentio.

Lappones, Finni, Norvegi, saepissime peripneumonia, dolore capitis et dorsi, laborant. In illis etiam regionibus, sphacelus ex levi etiam externa membrorum laesione oriri solet. Pustulae quoque a frigore oriuntur; naresque et aures saepe decidunt, sphacelo, ex immanitate frigoris, contracto.

Pannonies et Illyrici graviter affligi solent arthritide et podagra, propter vini spirituosius abusus, lautamque dietam. Calidum humidumque est solum; perpetuae ibi fiunt exhalationes, quae efficiunt ut minus salutaris sit aër, morbosque putredini aptos creent. Unde febris etiam, Hungarica dicta, promanat, cum summo capitis dolore, *αγρυπνια*, cardialgia, deliriis, et angina.

In tenui Graeciae coelo, obstructions, indurationes viscerum, glandularumque infarctus raro eveniunt: Morbi tamen inflammatorii frequentes.

Constantinopoli omnibus annis grassari solet pestis, quae verno tempore incipit, circaque menses autumnii frigidos desinit. Hujus causae dicuntur esse humiditas calorque loci, sordes urbis, vinum prohibitum, balneorum nimius usus. Lues autem venerea hac in urbe plane incognita est; forte etiam ab assiduo balneorum usu.

XXII. Sicuti cuique coelo sui sunt morbi, alii quoque iunt errabundi, nunc hanc, nunc alteram, perlustrantes regionem; magnique, sine dubio, foret pretii, si eorum adventum praevidere possemus, ne nos omnino improvidos corripere: Quare non ingratum fore laborem arbitrabar, pauca progressus eorum exempla huc adducere.

XXIII. Pestilentia, quam Thucydides divina sua eloquentia descripsit, primam ex Æthiopia traxit originem: Mox in Ægyptum migravit; dein imperium Persarum late populata est; subito tandem Athenis erupit, ubi ingens tunc temporis multitudo infelicitate confugerat ex agris, ad vitandam irruptionem Peloponnesiorum. Plena ejus historia ex Thucidide colligi potest, vel ab ejus interprete Lucretio.

XXIV. Pestilentia Ægypto morbus est familiaris; quae quidem influente Nilo abit; eodem vero recedente, redire solet: Mense vulgo incipit Septembri, ab aquarum putrefactione; Junio vero cessat. Ipsa vero vires suas in regionibus frigidis amittere videtur, ex eo, quod hyberno tempore cessare soleat; neque ad Lapponiam unquam adhuc penetraverit.

XXV. Exemplum aliud magis est domesticum. Sudor ille quem Anglicum appellant, apparuit anno 1486, diutissimeque stragem edidit permagnam, donec tandem sudores promoveri atque modice cardiaca exhibere didicerunt. Postea vero, in continentem transiens, per Hollandiam, Inferiorem Germaniam, Daniam, et Norvegiam disseminatum est hoc malum.

(Correpti

Correpti statim animo deficiebant, cum summo viri-  
um languore, inquietudine, cardiogmo, capitis dolo-  
re, pulsu crebro, celeri, inaequali; cordisque palpita-  
tione maxima \*.

XXVI. Morbum epidemicum memorat D. Arbuth-  
not †, qui a Septentrionalibus Europae locis versus  
Australia tendebat. Anno incepit 1732. Mense No-  
vembri in Saxonia locisque vicinis apparuit, in Hollan-  
dia priusquam in Anglia visus est; Edinburgi quam  
Londini; paullo serius adhuc invasit Parisios, circa,  
scilicet, 21. Januarii, v. s. post medium autem Martis  
faeviebat circa Neapolim. Diutius etiam in locis Au-  
stralibus haerere solebat.—Incepit rigore modico; dein  
sequebatur febris, quarto die absoluta, nisi periturus  
erat aeger; capitis aderat dolor, aliquando etiam dorsi;  
non multum sitis; catarrhus vero tenuis et acris in  
nares; tussis cum pituita, primo tenui, sed postea cras-  
sior. Febris etiam haec multum omnino appetitum  
atque animum prosternere solebat.

XXVII. Huic morbo satis apte componere possimus  
malum epidemicum, quod, biennio jam exacto, circa  
idem etiam hoc tempus, hic loci furebat. Progressus  
autem ejus ab Australibus ad Boreales erat regiones.  
Credebatur idem fuisse illi quod non multum antea  
Italos vexaverat, atque ab his *Influenza* erat vocatum;  
Boream versus autem eundo, mitior fiebat. Audivi-  
mus quanta vi faeviebat Londini, antequam Edinbur-  
gum, intermediis salutatis regionibus, pervenisset.  
Quam.

\* Sennertus de sudore Anglico, inter alia ejus opera.

† De effectu aëris, p. 193. &c.

Quamdiu hac in urbe dominabatur, ventus, ut plurimum, ab Oriente, sed leviter, flabat, coelo nubiloso; quo tempore fastigium suum attigerat; consistenti altioribus locis, Austrum versus ab oppido, licebat observare humiliores terras, ipsumque etiam oppidum, tenui quasi vapore submersas humido, qui se in planum porrigebat ad oram usque Fisanam, ultra fretum: Ventus, biduo vero postea ab Occidente perflans, incumbentem dissipavit vaporem, citissimeque cessavit morbus; qui perrexit tamen nihilominus reliquam invisere Scotiam, ad ultimam usque Thulen. In hunc modum fere morbus invadebat. Vertigine corripiebantur, capitisque dolore, qui praecipue frontem atque tempora occupabat; per spinam etiam pervadebat dolor, cum lassitudine magna, vehementi siti atque tussi: Linguae vulgo crusta tegebantur alba; pulsus arteriarum raro velocior; saepius sudores disfluebant, quibus vincebatur morbus. In hoc morbo curando, venae sectio nocebat, viresque reprimebat animi, nisi ubi aderant signa inflammationis, aut plethorae. Non multis tamen in perniciem saeviit, si paucos excipias senes, aut qui morbo antea diuturno languebant.

XXVIII. Haud difficile erit medico alicubi diutius habitanti, conjectare quales vulgo futuri sunt quovis in tempore morbi; modo accurate satis observaverit tempestatum vices, quantumque ab iisdem patiantur incolae: Quando etiam morbus quidam epidemicus in aliis saeviat regionibus, ex anni tempore, loci natura, ventorumque mutationibus perspectis, non infelicitè praedicere poterit, num patriam sit invisurus suam,



suam, quantum etiam virium amittet aut acquirere cundo.

XXIX. Ex hisce facile intelligitur, quantum venti ad sanitatem mortalium inserviant; aërem, scilicet, mutant, noxios pellunt vapores, stagnantemque agitant atmosphaeram, quiete in stragem hominum corrumpendam.

Ventorum coelique ratio in Italia atque regionibus mari Mediterraneo vicinis, magis fixa est et aequalis, quam in Britannia: Ideoque verisimile est, morborum crises, diebus statis, posse certius expectari, quam in coelo nostro mutabili, ubi febres vix per biduum aequabili tenore persistunt.

Ventorum omnium in Graecia, maxime statim sunt aquilones, qui exortum Caniculae octo fere diebus antecedunt; post ejus exortum vero constantius perflant, diebus quadraginta; magnumque lenimen calori in-gravescenti praebent, atque praecipuum ad sanitatem auxilium: Iisdem enim debilitatis flantibus in Thaso, observavit Hippocrates morbos frequentiores invasisse\*.

Videtur etiam, quod in Guinea vapores nitro-sulphurei, aut cujuscunque generis, exhalati, defectu moderantis aerae, stagnantes, sanitatem convellunt; frequentesque tonitrus atque ignis tempestates horridas excitant: Neque indicium ferunt esse certius, quate ora Guineni proximum esse intelligas, perpetuis hisce nubium fragoribus, qui adeuntes a littore salutant.

XXX.

\* De morbis vulg. lib. I.

XXX. Quantum vero perpetua dominatrix aura ad sanitatem hominum inferviat, paulisper Indiae Occidentalis, Brasiliae praecipue, historia perspecta ulterius patebit.

Omnibus inter utrumque tropicum degentibus, annus duas tantum patitur vicissitudines, calorem cum sicco aëre conjunctum, vel multa cum pluvia. De aëre aestuante jam diximus; morbi autem hinc oriundi diversae erunt indolis, pro vario locorum situ, ventorumque vi. Hinc fit, quod ora Brasiliae Orientalis, aura perenni recreata, salutem promittit perpetuam: Quum interea Occidentalis ejusdem ora, ultra montes et paludes, magis sit insalubris, multis nebulis et pluviis abundans. Coeli Brasiliensis praestantiam celebrat Pifo\*, iisdem fere verbis quibus Hippocrates Asiam laudabat. ‘Neque enim solis ardore torretur haec  
 ‘terra, neque squalore vel aquarum penuria reficcatur,  
 ‘neque frigore extinguitur; sed rore perpetuo, imbri-  
 ‘busque multis, ac fontibus irrigatur: Unde et feracis-  
 ‘simum esse, et multa illic tempestive nasci, oportet.  
 ‘—Perquam mature pubescunt incolae, senescunt tar-  
 ‘de: Quo fit, quod, longe ultra certissimum aetatis  
 ‘annum, viridi senecta, non Americani tantum, sed et  
 ‘ipsi Europaei, fruuntur.’

Quoad constitutionem anni, siccitates assiduus imbris praefertuntur. Aestate fiunt laterales morbi; febres ardentes, raro tamen lethales; impetigines contumaces, pruritus, dysenteriae, haemorrhoides, inflammationes ani et oculorum. Mensibus hybernis, si Auster perpetuus corpora solvat, febres putridae, multa  
 capitis

\* De Indiae re medica et naturali,

capitis et ventris pituita, albus alvi fluxus, hydrops, hernia.

XXXI. In regionibus Boream versus sitis, inter aequatorem atque tropicum Cancrī, major futurus videtur aestus, quam in iisdem ab aequatore Austrum versus distantis; sol enim circiter septem dies diutius, aequatori a Septentrione quam ab austro, moratur. In insulis etiam Americanis, major erit humiditas coeli, mari circumfluo oriunda, quam in continenti; adeo ut, non sine labore, ferrum rubigine, aes aerugine, argentum squalore tueantur †. Humiditas, haec aestui conjuncta, laxat atque debilitat corporis compagem; sanguinis auget visciditatem, humorum putrefactionem inducit. Obnoxii sunt febribus, colicis, morbis nervosi generis atque biliosi; saepe etiam diarrhoeam patiuntur, dysenteriam, hydropem, atque icterum. Insulae interea, ubi venti anniversarii tardius incipiunt, atque debiliter spirant, caeteris erunt insalubriores.

XXXII. Haec autem effecta maxime ab Europaeis sentiuntur, quorum corpora ad frigidiorē aërem usu comparata, minus facile, primo saltem ingressu, aestum ferunt. Hujusmodi tamen malorum pars maxima erit tribuenda intemperantiae vitae, atque inscitiae eorum quae cuique coelo conveniunt. Benignus enim naturae Opifex hominem finxisse videtur, non ut plantam certo cuidam coelo destinatam, sed civem orbis, qui, debitam adhibendo curam, vel polare frigus, vel aequatoris ardores, ferre valeat. In hunc finem, quae,

R r

ad

† Towne de morbis Indiae Occidentalis.

ad sanitatem in Brasilia tuendam, suadet Pifo, mutatis forte paucissimis, toti Indiae Occidentali respondebunt.

In consideratione situs Australis, forte ratio esset habenda auctae velocitatis, a terrae super axem suum revolutione pendentis. Unde, per motum centrifugum, corporum minuitur gravitas juxta aequatorem. Hisce autem subtilioribus immorari, in longum nos abduceret.

XXXIII. Coloniis in America Septentrionali, a gradu trigésimo ultra quinquagesimum se porrigentibus, locorum ratione, diversum fore coelum satis patet. Aestivo tempore in Virginia, multae fiunt vicissitudines subitae, ab aestu, ad frigidum aëra; hyeme vero, a glacie rigida, ad lenem neque injucundam tempestatem. Itaque haud mirum est, quod febribus, praecipue intermittentibus, ibi laborant. Mensibus calidis levi spirare solet aura Eurus, qui ad Austrum circa medium vergit diem; inter Septentrionem et Occasum glomerantur interea nubes nigri, tenebricosi, ignei; subito, saepe circa horam secundam, ventus ab hac ora perflat, secum una ferens tonitruum fulminumque tempestatem; cujus utilitatem sentiunt maximam in aëre purgando. Raro ulla ibi conspicitur aurora Borealis, multoque minus in regionibus versus aequatorem; quum vapores hi in fulmina calore, uti videtur, accensi sint perpetuo; qui, solis motibus suis intestinis frigidiores in aëre agitati, diu volitant inextincti.

XXXIV. Pauca haecce exempla de locorum natura diversa adduximus. Ulterius haec profequi deerit forte occasio; animus nunquam. Plura tamen corrolaria

laria ad praxin utilia deducere interea liceret; quale est, medicinae rationem pro locorum diversitate esse variandam. Hinc febres saepe calidis in regionibus haud raro sudore solo curantur; nostro autem in aëre, ubi cutis spiracula minus patent, aliis vulgo evacuationibus opus est. In curanda dysenteria observavit D. Butler, inter Moroccenses, sibi optime cessisse morbum, quando libere sanguinem diluebat; unde sudore blando fieret morbi crisis. Atque super haec Sydenhamus: ‘Existimo ego par esse, ut, in calidiore isto climate, longe rarius careat successu haec methodus, quam in nostra Britannia \*.’ Exempli hujusmodi forent infinita. Similiter quoque in tractandis morbis, ratio est habenda tempestatis anni, atque aëris temperiei; cujus etiam innumera sunt exempla. Ex diversa etiam regionum natura, patet, aegrotorum multis coelum esse mutandum, secundum morbi indolem: Neque semper coelum praestantissimum aegrotis prodesse invenitur; morbi enim purissimo in aëre invadentes, crasso saepe atque humido paterno curantur coelo †. Vulgo etiam, neque sine vehementi causa, ingeritur, naves et xenodochia, locaque hujusmodi, novo semper aëre reficiendas esse. Hoc ferme etiam consilio, urbium fugere suademur aërem; atque incorrupto ruris frui coelo. Rure etiam certiora de morbis epidemicis ferre possumus judicia, quam in urbe; ubi morbi hi fere semper, fumo, halitu, hominumque victus ratione, genuinam suam naturam amittant. In domiciliis etiam ponendis, aëris et loci natura intuenda venit; praecipue

\* De dysenteria anni 1669, &c.

† Vide Armstrong de conservanda sanitate.



cipue autem in castrorum metatione ; in hac re, enim, errores saepissime plurima exercitibus attulere damna.

XXXV. Neque praeterire licet quantum ad subtiliores nostrae machinae partes reficiendas valeant prospectus noti, si modo ampli fuerint et amoeni. Hujusmodi plurima quotidie occurrunt exempla ; maxime autem conspicue sese offert morbus ille vulgo dictus Helveticorum ; viri enim patriae amore non delendo celebres, diu apud exteras detenti nationes, maxime cultas fastidiunt terras, languent corpore animoque ; non antea exhilarandi quam, defueto diu, grandi iterum fruantur prospectu, patriosque montes reviserint.

F I N I S.

DISSERTATIO MEDICA  
I N A U G U R A L I S,  
D E

Crifibus in Morbis Acutis.

Q U A M,  
ANNUNTE DEO TER OPT. MAX.

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

N E C N O N

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

P R O G R A D U D O C T O R A T U S,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjjcit


T H O M A S E L L I O T,

SCOTO-BRITANNUS.

Ad diem 15. Augusti, hora locoque solitis.

EDINBURGI:

M, DCC, XLVI.





Nobili Claroque viro

D. GILBERTO ELIOTT

D E S T O B S,

Equiti Baronetto :

Nec non,

Medico perito

A N D R E Æ P L U M M E R,

Chemiae in Academia Edinenfi

Professori :

Has suas in arte medica Primitias,

Quaecunque perennis observantiae,

Et animi grati

Monumentum, humiliter offert

T H O M A S E L L I O T.





I N A U G U R A L I S.

D E

**D**ICTURUS de Crisibus in Morbis Acutis, primo omnium mihi incumbit, quid sit crisis definire. —Crisis vocabulum non uno sensu, apud Hippocratem et Galenum usurpatur. —Hippocrates frequenter, uti notat Galenus\*, in primo epidemiôn libro, et potissimum in tertio, morbi simplicem solutionem crisin vocat, nulla neque excretionem, neque abcessu evidenter praegresso.

Ipse Galenus, de crisi- bus ex instituto scribens, se-  
quentia profert †: ‘Sive subitam in morbo mutationem,

S. f.

' five

\* De dieb. decretor. l. 2, cap. 4.

† De crisibus, l. i, cap. i.

‘ five ad meliorem statum inclinationem, five perturbationem, quae eos antecedit, five omnem morbi solutionem, five eam tantum quae bona sit, crisin velit quis appellare, non est mihi nisi obiter hoc in loco distinguere propositum.’ Postea vero accuratius crisin a morbi solutione distinguit, quae fit morbo jam declinante, his verbis \*. ‘ Saepius vero, neque ullo crisis fit status tempore, sed paulatim solvitur morbus longo tempore coctionem recipiens ;’ et paulo inferius haec subjungit ; ‘ clarum est quod hujusmodi solutionem, neque Crisin nomino : Si qua vero confertim fiat permutatio, et multo magis eam perturbationem, quae illam praecedat, ita appello.’ Exinde apparet, Galenum per Crisin intellexisse, non omnem morbi solutionem, sed mutationem potius quandam, quae subito fit, praegressa perturbatione aliqua insigni.

Quae vero totam crisis ideam non prorsus absolvent ; nam sub ejus adventu, alia quaedam eveniunt, notatu digna. Unde Galenus alibi de crisis sic scribit †. ‘ Sola subita ad sanitatem conversio simpliciter crisis nominatur ; et quidem omnino fit per manifestas quasdam excretiones, aut effatu dignos abscessus ; quicumque enim aliter quieverint, malignius recurunt. Antecedit autem hujusmodi excretiones, et abscessus, non mediocris perturbatio in corpore aegrotantis.’

Dum adstantes viderint aegros tanta in perturbatione versatos, non mirum est, eos magno timore corripi,

et

\* De crisis, cap. ultimo.

† Ibid. l. 3. c. 2.

et conclamare, quod tunc iudicium de vitâ aegrotantis ageretur. Unde nomen κρίσις ἀπὸ τῆς κρίνεται, a iudicando, dictum.—Galenus subitam in sanitatem mutationem, Crisin vocat, tantum per excellentiam, quasi omnium optimam, et qua natura superante (per quam nihil aliud intelligo, nisi aggregatum diversarum corporis functionum, et in morbis, quod de sanitate adhuc superest) perficitur; nam subitam in mortem mutationem appellavit quoque Crisin, sed *malam* \*; illam autem, quae aliquam insignem facit mutationem, non tamen integre morbum tollit, *imperfectam* †. Nunc aegri in ipso morbi principio moriuntur, uti illis accidit, quibus vires cito deficiunt, morbi magnitudini impares; nunc sub morbi statu, natura a vi morbi devicta; nunc etiam, sed rarius, sub ejus declinatione, vigore vitali soluto; in hisce casibus notat Galenus ‡ aegros absque Crisi mori, et naturam nihil ad morbum depellendum moliri; ubi vero hoc moliebatur, sed succubuit, simulque excretiones, vel abscessus effatu digni adfuerint, *malam* Crisin, talem eventum appellat.

Hisce omnibus rite perpenſis, Crisin sic definire licet.

Crisis est subitanea morbi mutatio, in pejus vel melius, quam praecedunt quaedam oeconomiae animalis turbae, et comitantur, vel sequuntur, excreta per alvum, sudorem, vomitum, &c. vel humorum in nonnulla corporis loca abscessus.

Crises hoc sensu proprie pertinent ad morbos acutos, qualis febris est ardens, qualis synochus, et hujusmodi;  
et

\* De crisib. cap. 1.

† Ibid.

‡ Ibid. cap. 9.

et praecipue si magni sint, ut monet Galenus\*, ‘ siquidem, magni judicantur omnino ; qui autem parvi solvuntur solum ;’ si aetas juvenilis, si tempus anni calidum, et similia adfunt, quae futuris judicationibus consentiunt.

Non tamen inficias ibo, quin aliquando, sed rarius, morbi etiam diuturni, atque lenti, quadam Crisi specie terminantur. Perspicuum est enim, morbos ejusmodi, circa illam vitae periodum, qua corpora utriusque sexus insignem subeunt mutationem, sponte interdum evanescere. Sic epilepsia, pueris adeo infesta, tempore pubertatis, et erumpente in virginibus fluxu menstruo, saepissime solet abire. Plures sunt quoque historiae aegrorum, a mania, melancholia, et epilepsia liberatorum, diarrhoea, vel eruptione aliqua cutanea, sponte abortis†. Hydropem Anasarcam post diarrhoeam spontaneam sine medicamentis evanuisse testatur Forestus‡.

Attamen medici minus in hisce morbis, quam acutis, Crises respiciunt, ad quos curandos natura ipsa saepe solum sufficit, et suis viribus optime instructa, nostra non indiget ope ; dum, qui diuturni sunt, auxilium medici, et majorem medicamentorum apparatus requirunt.

Cum cognitum sit, qui morbi per Crisin saepius finiuntur, videamus proxime, quae Crisin jam instare demonstrant.

Diximus Crisin semper praecedere insignes quasdam

\* De crisib. c. 4.

† Tulp. observ. med. l. 1. c. 8.

‡ Forest. l. 10. obs. 31.

dam in corpore turbas; sic Hippocrates †: ‘Quibus  
 ‘Crisis fit, iis nox gravis ante accessionem, quae vero  
 ‘subsequitur magna ex parte levior solet existere.’  
 De hac re moniti etiam sumus a Galeno ‡. ‘Omni-  
 ‘no enim fit aliqua novitas, quando crisis est futura,  
 ‘vel circa respirationem, vel circa mentem, vel audi-  
 ‘tum, vel visum, vel ferendi facilitatem, vel circa ali-  
 ‘quid eorum, quae jam diximus, quae sane uno no-  
 ‘mine, summatim judiciaria symptomata, et signa ap-  
 ‘pellamus.’ Hoc tempore, febris exacerbari solet,  
 magnum fit quorundam symptomatum incrementum,  
 et aliquando vix ulla est corporis functio, quae non  
 mire turbatur. Hae, quoad aegri conditionem, mu-  
 tationes, appellantur symptomata critica, seu perturba-  
 tio critica, quae improvise exoritur, nulla accedente  
 nova morbi causa. Hinc subinde, delirium, sopor,  
 vertigo, vigiliae, oblivio, sensuum inusitatus error,  
 dyspnoea, rigor, dolor capitis, cervicis, stomachi, alia-  
 rumve partium insignis; ad haec aurium susurrus, falsi  
 oculis objecti splendores, invitae lachrymae, tremula  
 labii inferioris agitatio, frequens nausea, aestus, fitis  
 solito major, pulsus sine ordine, urinae suppressio, alvi  
 murmura. Inter has turbas, aeger totus angitur, in  
 omnem partem sese jactat, vociferatur, et nonnunquam,  
 plane in furorem actus, in lecto detineri nequit.

Nemo existimet haec omnia simul aegrum lacescere,  
 quippe illico moriendum esset homini tot malis oppres-  
 so. Omnia recensui, quorum nunc plura, nunc pau-  
 ciora, sunt Crisis futurae indicio; imo saepe evenit,  
 Crisis

† Aph. l. 2. 13.

‡ De crisib. l. 3. c. 10.



Crisin portendi uno solummodo symptomate ferociore reddito, ut dilirio, sopore; et hujusmodi.—Periti est medici haec rite distinguere ab symptomatibus quae morbo crescente proveniunt, neque decet eum turbari, uti imperiti solent. Quosdam suo tempore extitisse, conqueritur Galenus †, qui ingressi ad aegrum, putabant, nihil ab ipsis gestum esse praeclarum et artificiosum, nisi cum cataplasma imposuerint, vel clysterem indiderint, vel venam inciderint, vel aliud hujusmodi fecerint.—Hi medici, quoties ad aegrum accedunt toties peccant. In hac re igitur, summo judicio, summa prudentia opus est. Quando haec symptomata salutem promittunt, et medicamentis non sunt aggregienda, postea melius patebit, cum de Crisibus bonis atque malis egerimus; sufficiat impraesentiarum innuisse, quod hisce ita comparatum est, ut post notas concoctiones aegro sunt saluti; substante cruditate, perniciem minentur. Bona quoque sunt, si sub morbi statum apparent, vel in aliquo horum dierum qui Crisi sunt proprii; incipiente vero morbo plerumque exitiosa.

His praevisis, quae ad crisis praenoscendas faciunt, jam indicare operae erit pretium qualis futura sit crisis: Ut hac quoque parte instructum sit medici judicium, ne circa morbi eventum hallucinetur, vel temere aliquid effundat, quod rerum exitus postea falsum esse monstrabit—Plures recensentur apud auctores cresium differentiae, quippe quaedam bonae, quaedam malae, quaedam perfectae, quaedam imperfectae, quaedam fideles et certae, quaedam incertae, quaedam manifestae,

† De dieb. decretor. l. i. c. xi.

stae, quaedam obscurae, quaedam per dies *contemplabiles* indicatae, et quaedam denique absque ulla indicatione provenientes. At omnes hae species facile ad crises bonas atque malas revocari possunt, de quibus solum a nobis est agendum.

Sed antequam dico, quibus signis hae crises se manifestant, non alienum videtur paucis exponere, quae sit *coctio*, quae *cruditas* in morbis, adeo inter veteres decantatae, et quas tanti fecerunt, tum ad morbi tempora distinguenda, tum ad naturam crisis futurae perspicendam. — *Coctio* morbi (Graecis *παρασμός* audit) est talis ejus materiae mutatio, qua functiones corporis minus laedit, vel apta redditur ut ex corpore eliminari possit; idque vel actione vasorum, vel mutatione ipsius materiae spontanea, aut medicamenti juvantibus.

In febre ardente, ubi sanguis, partibus suis tenuioribus orbatus, difficile movetur per ultimos arteriarum fines, requiritur, ad morbi coctionem, ut humores stagnantes, idoneo solidorum agentium et reagentium auxilio, ita dissolvantur, et attenuentur, ut meatus venarum contiguarum subire queant; et sic in circulum cum tota massa sanguinea circumducti, postea expelli possint, per corporis emunctoria, si indolem sanis humoribus similem nondum adipiscuntur. Si vero humores vitiantur, et fiunt morbofi, vel fluore nimio, vel acrimonia quacunque, hujus subactio, illius incoctio, ad concoctionem est necessaria. Non igitur subtile quidpiam per coctionem intelligi videtur, et nihil aliud est, quam morbi ipsius allevatio; causa quae morbum fecit, jam qualitates deponente, quae sanitati adversabantur. — Sub coctionis tempore, functiones

laesae

laesae incipiunt iterum in integrum restitui, ut quoque morbus suam remittere faevitiam.——Hic vero monendum, omnem morbi diminutionem non pro coctione esse habendam, qui non raro mitior fit, morte jam instante; sed illam tantum quae virium firmitatem comitatur.——Si vero morbus minuitur, dum simul aegri vires augeantur, de morbi coctione falli non possumus.

Signa coctionis praecipue in excretis quae siverunt veteres, quae eo meliora quo propius ad statum sanum accedunt.

In morbis ventrem occupantibus, alvi excrementa consulebant, de quibus Hippocrates † monet, illa esse optima quae venter reddit mollia, atque concreta, eodem fere tempore, quo secunda valetudine affuevit, modoque his convenientia quae assumuntur. Tales enim defectiones inferiorem ventrem valere ostendunt. In febribus acutis imprimis consulitur urina, quae est optimi praesagii, in qua per totum morbi curriculum, donec ipse judicatus sit, sedimentum, album, laeve, aequale, cito subsidens, apparet. Hoc est enim signum in urina coctionis, et morbum brevem fore pollicetur ‡.

In morbis vero pectoris atque pulmonum, sputa erant contemplanda, quae si alba, aequalia, non admodum tenuia, vel crassa, et sine difficultate excreta, concocta esse dicebantur ||. Hae notae sufficiant pro cognoscenda coctione, in excrementis alvi, urinis, atque sputis.

Signa

† In prognostic. charter. tom. 8. pag. 626.

‡ Id. ibid. p. 631.

|| Id. ibid. p. 640.

Signa coctionis hoc sibi peculiare prae criticis vendicant, quod semper salutifera sunt, quocunque demum morbi tempore appareant; et mehercle tanti sunt ad salutem praedicendam momenti, ut Galenus non dubitat affirmare, morbum non prius solvi, quam in excretis signa coctionis conspiciantur.

Materia morbi, ea natura praedita, ut morbum faciat, vel augeat, appellatur *Cruda*; et ille status morbi dicitur ejus *Cruditās*: Cognoscitur ex symptomatum augmento, ex functionibus impeditis, at omnium optime, per excreta, substantia et contentis mutata, ab iis quae in sanitate fiebant. Hinc in morbis acutis, urina tenuis, aquosa, exiens, ut signum cruditatis semper habetur. Testatur enim sanguinis fluidas et aquosas partes, a magis crassis, separari, quae jam in ultimis vasis sistuntur, et immobilia haerent. Unde etiam, copiosae tenues urinae, probe idolim adnotante Hippocrate, delirii sunt indicio. Sanguis enim, subducto sero crassior redditus, facile in meningum vasculis, sub arteriarum cerebri impetu languidiori, stagnat, et phrenitidem producit.

Atque haec de coctione et cruditate morbi.

Jam de Crisium eventu pauca dicenda, et talia signa, quibus dignosci poterit, an haec naturae conamina aegrotanti saluti futura sint, nec ne, proponenda. Ut a priore ordiamur. Primum et certissimum felicitis Crisis signum est, quum ex excretis appareant indicia coctionis jam absolutae. Hoc tanti pretii est, tantamque certitudinem pollicetur, ut Galenus \* scripserit, se millies, crisis accidentibus, assuuisse, et ne vel semel

T t

aegro-

\* De Crisib. l. 3. c. 3.

aegrotantem morte sublatum vidisse, cui contigisset Crisis eo quem diximus modo.—Haec sunt ejus verba.

‘Primum quidem et maximum inter omnia est, considerare coctiones ex urinis, alvi excrementis, et sputaminibus. Siquidem ego millies, cum, dum crises fierent, interesssem, neminem unquam vidi intereuntem, qui praecedentibus coctionibus crisin, habuisset.’

De Crisium quoque exitu, judicandum est, ex tempore, quo accidunt; experientia enim docuit veteres, quae apparerent, quum morbus ad statum \* pervenisset, eas maxime fideles esse; vel si die critico antecedente indicarentur, concoctione, aut alio bono signo. Ita Hipp. † ‘Quibus septima morbus judicatur, his nubesculam urina continet quarta die rubram, et alia ex ratione.’

Haec autem Crises omnium felicissimae, quae cum omnibus praedictis conditionibus comitantibus sponte apparent, quibusdam diebus, quos experientia docuit dicatos esse quodammodo criticis febrium mutationibus. Hujusmodi sunt, septimus, undecimus, et decimus quartus. Sed de his postea fusius tractandum.

In crisis bonis atque perfectis, humorum excretio praeterea morbi naturae congruere debet; compertum enim est, febres alias alia evacuatione finire. Ita ardentium febrium proprium sere est ut Crisis fiat pleno sanguinis ex naribus fluxu; praesertim calido anni tempore, florente juventute, aut regione calida. Febres pestiferae et malignae, contra, saepius terminari diarrhoea

\* De crisib. c. 6.

† Aph. 4. 71.



arrhoea aut dejectione observantur, quod a Galeno \* notatum, et a pluribus recentiorum deinceps confirmatum fuit. ‘Ego quidem’ (ait Hoffmannus de febre petechiali scribens) ‘praxi quinquaginta annorum confirmatum habeo, rarius sudore aut haemorrhagia, sed frequentius per diarrhoeam, septimo, nono, vel undecimo die, erumpentem, solutos fuisse hos morbos.’ Sic quoque Gerardus Columba † memoriae prodidit, quod in quadam constitutione pestilenti, fere omnes quibus alvus copiose deiecit, licet cum signis cruditatis fuerit, tandem liberatos fuisse. Bonas denique Crises sequuntur, melior vultus, expeditiorque spiratio, et major in convertendo et levando corpore vis, et pulsuum ad justam mediocritatem, aequalitatem, ordinemque reditio. ‘Si vero ex his aliquid deficit, tantum ab optima deficit, quanta est ejus quod deficit vis ‡.’

Haec quae modo protulimus, de felici crifium eventu dijudicando, mere conficta non sunt, sed in experientia posita; nam ab Hippocrate confirmantur, et deduci possunt, ex compluribus historiis in praeclaris ejus, de morbis vulgaribus, libris, memoriae traditis; praesertim aegri qui in Dealcis horto cubuerit ||, Nicodemus ¶, Periclis \*\*, Annaxionis ††, et Herophiti ‡‡. Qui omnes febribus acutis laborabant, felici Crisi terminatis,

\* Lib. de Atr. Bil. c. 4.

† De febr. pestilent. p. 231.

‡ Gal. de Crif. l. 3. c. 3.

|| Hip. epidem. l. 3. § 1. aegr. 1.

¶ Ibid. § 2. aegr. 10.

\*\* Ibid. aegr. 6.

†† Ibid. aegr. 8.

‡‡ Ibid. aegr. 9.

minatis, et in his omnes, vel saltem pleraeque conditionum quas diximus esse Crisis salutiferae indicia, notabiles sunt.

Aliae sunt crises, quibus, quamvis plerumque bonus sit eventus, non tamen sunt adeo certae et fideles, ut his medicus niti debeat aequae, atque antedictis, quum saepius accidit, hisce non obstantibus, quod aegrotans aut aegerrime convalescit, aut in morbum relabitur. Hae, crescente morbo, apparent, cum adhuc concoctio sit imperfecta, vel jam tantum inchoata; aut si eveniunt hisce diebus, qui critici non sunt, aegrotante humorum evacuationem aegre ferente, neque inde dolore liberato, neque conditione pulsus multum in melius mutata\*. De hisce crisis imperfectis notandum, optimas esse, quae sanguinis fluxu per nares sese ostendunt; aegroti aliquando ex hac evacuatione perfecte judicato, idque licet ab initio appareat, nullo signo coctionis praecedente.—Haecenus de bonis crisis; jam considerandae veniunt, quarum eventus est infausus, mortemque aegrotanti asserunt.

Crisis hujusmodi signis contrariis, quibus optimas praefagiri, dignoscuntur; scire igitur licet, Crisin exitiosam futuram esse, ad morbi initia, et vigente adhuc cruditate, provenientem, quo tempore, quicquam boni natura nunquam excernit; de hoc certiores erimus, si diebus decretoriis apparet Crisis, cum evacuatione quadam per se prava, urina, sciz. nigra, crassa, et mali odoris; sudore frigido; sanguine de naribus, sed parco admodum, erumpente; vomitu virulento, vel qui varius et multorum colorum est, praecipueque si  
malus

\* Gal. de Crisib. l. 3. c. 7. 12.

malus in hoc odor est; alvi colliquatione, similibusque.

Ad haec, si accedunt ea indicia quibus mors plerumque denunciatur; qualia sunt ubi brachiis atque cruribus calor non subest, ubi frigidus est spiritus, ubi aeger in veste floccos legit, fimbriasque diducit, et alia perquam multa, quae mortem subesse testantur. Post crises, quae exitiosae futurae sunt, secus ac in salutiferis, aegrotanti neque vultus, neque spiritus, neque pulsus meliores fiunt, sed contra decumbentes magis inquieti et debiliores redduntur. Aliquando quidem, propterea quod natura jam victa labascit, meliores se habere videntur, et liberatos esse a morbo et symptomatis quibus vexabantur; et ignari his dolis delusi falso credunt, omnia in vado esse, dum medicus peritus, ex pulsu languidiori, aliisque memoratis, mortem jam impendere probe intelligit.

Si aegro vires validae sunt, natura forte, iteratis vicibus, hostem adgredietur, et plures erunt crises imperfectae, signis coctionis nunc in medium prodeuntibus, nunc evanescentibus iterum, usque donec morbus, in totum, rerum potitus est, et mors subsequitur †. Atque haec de crisis bonis atque malis.

Proxime dicendum, quo demum genere vacationis, sive qua via febris judicatio fit.

Si febris acuta est, et aegri vires validae, scire licet, excretionem potius aliquam, quam expectari abscessum oportere ‡. Igitur, ut rem brevi expediam, liceat mihi, evacuationes illas quibus febres solutae sunt percurrere;

† Hippocrat. Epidem. l. 3. § 1. aegr. 12.

‡ Gal. de Crisib. l. 3. c. ult.

re; fiunt autem per sanguinis eruptionem, per vomitum, per alvi fluxionem, per sudores, et denique per urinae profluvium. De his ordine.

Primum itaque, Crisis solet fieri per sanguinis fluxum e naribus, si praecordia, vel dextra vel leva, sine dolore intenduntur; simulque si spiritus sit difficilis; et caput pulsante atque distendente afficitur dolore; et facies tota, potissimum oculi, nares, atque malae, rubescunt: Si hebes sit vitus, vel oculis obversantur splendores; si collum atque scapulae dolent, vel adest illorum tensio; si obsurdescunt aures; si illachrymant oculi repente atque involuntarie; si arteriae in temporibus vehementer agitantur; si nares pruriunt; magisque si dolor, circa faciem atque tempora, tum quoque gravis versatur\*. Ad haec, aegroti aliquando expavescunt ex quibusdam rubris spectris, et in lecto insurgunt, quasi aufugerent; ut olim Juveni Romano contigit, de quo meminit Galenus, qui, sanguine jam ex naribus fluxuro, credidit se magnam rubri coloris serpentem per laquearia repentem vidisse, et tanto timore correptus erat, ne aberrans super ipsum dilaberetur, ut de lecto exilire tentaret†.

Opportunae sunt huic vacationi febres ardentes, et ea infania quam Graeci *φρενιτις* vocant, ut quoque omnes quae sub praecordiis fiunt inflammationes, jecoris praesertim atque lienis, ad haec, si aestas est, ipsaque aetate florens homo. Larga oportet esse haec haemorrhagia; ubi vero paucae tantum stillae prodeunt,

\* Hip. epid. l. 1. Prog. 3. text. 33. id. 1. text. 22. Gal. de cris. l. 3. c. ult. Lomm. observ. p. 36.

† Gal. de Praenot. ad Posthum. c. 13.

unt, idque die quarta, semper pressimi est praesagium. An parca sanguinis in febre ardente eruptio est indicio, illum ita esse inspissatum, qui in aëre statim coeundo, viam sibi praecludit? An ideo signum lethale, quia sanguis, jam parte sua tenuiori orbatus, per vasa ultima transire nequit, unde humorum motum cito suffocatum iri? Causae huic feбри ansam praebentes, et effectus qui hinc oriuntur, talem esse sanguinis conditionem liquido monstrant. Facile videre est, quod pleraque symptomatum, sanguinis fluxum praecedentium ortum debere majori tensioni et impletioni arteriarum, cum per internas, tum per externas capitis partes, dispersarum: Quid vero huc facit illa praecordiorum tensio sine dolore, non adeo liquet. Interim facta cadavera docent, illis qui haemorrhagiae narium obnoxii fuere, saepe viscera abdominalia, ut jecur, vel lienem, obstructa esse atque indurata†. Licet illud sanguinis per nares profluvium sit omnium maxime frequens, et magis salutare; tamen in febre ardente, aliae etiam sanguinis vacuationes, per haemorrhoidalia vasa, vel vias uterinas, aegro sunt praesidio. Sic in febribus, status tertii apud Thasum, ab Hippocrate‡ descriptis, plurimis menstruae purgationes apparuerunt, et ait se nescire, quibus menses rite eveniebant, an ex iis quaequam perierit.

Nunc ad signa transeo, quae crisin per vomitum praefagiunt. Qui expectari debet, si toto capite gravi ac vertiginoso, oculisque caligantibus, afficitur doloris morfu

\* Coac. praenot. No. 59. 134. lib. I. Epidem. in historiis Philech. Epamiont. et Silén.

† Hoffman. Med. Rat. tom. 2. p. 195. fol. edit.

‡ Lib. I. Epidem.



morfu stomachus et crebro nauseat, idque cum ore amarescente, et multae tenuisque salivae sputo, et labri inferioris tremore Tum quoque hypochondria anteriorius tenduntur, spiritusque est difficilis. Sin rigorprehendit, simulque loca praecordiis inferiora refrigerescunt, adhuc citius vomitio aderit. Ad haec, si febris tertiana subest, si aestas est, et homo quintum et trigessimum aetatis annum excessit\*.

Sequitur ut notas explicem, quae crisin per alvi fluxum demonstrant. Galenus† quidem asserit, nullum hujus vacuationis esse signum proprium, sed tantum illius suspicionem nasci, dum crisis futura sit, et nullo alterius cujusdam vacuationis signo se prodeunte. Sed tamen non desunt signa quaedam, quae hoc iudicium praenunciant; cujusmodi sunt, si murmure quodam fluctuat venter, si rugit atque pungitur. Scripsit quoque Hippocrates‡, si per febres, dolori praecordiorum submurmuranti, supervenit lumborum dolor, alvum ut plurimum humectari esse solitam.—Haec enim cum signis criticis alvi fluxurum sunt indicia.

Quod ad sudorem criticum attinet, scire licet eum instare, si jam praeiverunt signa coctionis, si adsunt perturbationes criticae, et in debito morbi tempore contingentes; dum simul desunt alia, quae docent, materiam per alias vias sibi exitum moliri. At etiam certior fuerit sudor, si (ut in febre ardente) sub accessione, aeger deliraverit, simulque summa corporis magis

\* Gal. de crisib. l. 3. cap. ult. Hippoc. 3. Prognost. sent. 30. Epid. l. 1. aegr. 13. Lom. obs. p. 38.

† De crisib. l. 3. sub. finem.

‡ Aph. 4. 73.

gis incalescunt, atque rubent, vaporemque quendam emittant calidum, qui antea non fuit, cum pulsu alto, molli, atque undoso. Aliquando aegri, sub crisin, balneis sese prolui, sub infomniis putant, id quod sibi contigisse, per acutam febrim sudaturo, meminit Lommius\*.

Bonos esse, sciendum, si uberes calidique feruntur, toto simul insudante corpore; damnandi autem frigidi, et qui circa caput tantum, faciem, vel cervicem oriuntur.

Denique per urinae profluvium solum rarius videntur febres judicari, quod plerumque aliis vacuationibus comitatur; nulla sunt quod sciam huic propria signa; et veteres medici coctionis et cruditatis notas frequentius quaesivere in urinis, quam expectabant criticam materiae morbi per illas expulsionem. Haec de vacuationibus, quibus febres nonnunquam solvuntur; et hic loci illud observatione dignum, videtur, quod saepius notat Hippocrates, morbi liberationem, pluribus vacuationibus, non semper unica perfici consueisse; ut si forte ea, per febrim ardentem, sanguinis e naribus fluxu fieri coeperit, quem mox effusi sudores excipiunt, absolvuntque crisin.

At febres aliquando abscessu nato solvuntur; et hae sunt quae tarde moventur, vigesimumque jam egressae diem, quibus nulla evidens facta vacuatio est, et si cruda diu atque tenuis urina fertur. Sub his enim casibus abscessus metum detrahit urina multa, alba, crassa, in qua quod residet perquam multum est†.

U u

Si

\* Observ. p. 40.

† Hip. aph. § 4. 74.

Si juxta aurem futurus abscessus est, his notis cognoscitur; spiritu difficili, quem protinus sequitur capitis gravitas atque dolor, altusque sopor, et surditas. Si vero nulla ex his affuerit, sed, in locis inferioribus, vel dolor, vel gravitas, vel inflammatio est, scire licet his in locis abscessum oriturum esse †.

Quae hactenus de Crisium doctrina dicta sunt, depromptissimus ex venerabilibus antiquitatis monumentis, praecipueque ex operibus praeclarissimi Hippocratis, qui jure merito summis laudibus effertur, eo quod tanta diligentia varios naturae processus in morbis observaverit.

Quamvis hujus magni viri in omni parte medicinae insignis erat scientia, tamen in nulla, quam in praefagiendo quid aegrotanti esset eventurum, enituit magis sagacitas. Hac maxime ratione, in qua nullus eum unquam exaequaverit, tantum assecutus est nomen, ut antiquum encomium ei a Celso datum ‡ merito adhuc debeatur; sciz. quamvis recentiores medici in curationibus mutarint, tamen illum optime praefagisse fatentur. Utque doctrina Crisium est praecipua in arte praefagiendi pars, ita ei acceptum referendum omne fere illud, quod in ea notum est. Quamvis magni progressus facti fuerunt in omnibus fere partibus medicinae, ex quo vixit divinus ille vir, nihilo fecius haecce doctrina, quam tanti fecerit, nescio quo fato, adeo infelicissima fuit, ut jam prorsus obsoleta sit, et ludibrio habita. Me quidem latet, an quidquam his, quae ab Hippocrate prodita fuerint memoriae,

† Gal. de crisib. l. 3. sub finem.

‡ Cels. l. 2. in praefat.

moriae, additum fuit, donec nuper Franciscus Solano de Luque, Hispanus medicus, magno labore, hanc doctrinam novis inventis exauxit atque polivit. Ille quidem nulla eruditione, neque philofophiae naturalis fcientia nobilis erat, ideoque in obfervationibus faciendis, minus in ullam opinionem, prius adoptatam, inclinabat. Hac ratione inſtructus, ex fedula pulſus in febribus obſervatione, didicerat varias criticas evacuationes, per alvum, fudores, &c. praedicere, imo faepe definire, quo die, quave hora diei, hae Crifes futurae eſſent.—Cum hujus viri obſervationes elegantiffimae et proſus admirandae ſint, et cum veterem doctrinam multum augeant, amplioremque reddant, condonatum mihi iri ſpero, ſi in diſſertatione hujusmodi, in qua nihil novum proferre aſſumo, ſed unicum et ſolum conſilium eſt, eodem modo, quo naturales hiſtorici ſolent, talia colligere quae huic doctrinae lucem aliquam affundere poſſunt; ſi, inquam, exponerem regulas, quibus Solanus Crifes praedixerit, quae, niſi firmiſſimis testimoniis, et repetita experientia, probatae fuiſſent, ficta fabula viderentur. Hanc rem paucis abſolvam, et a ſignis critici fluxus ſanguinis auſpicabor.

Pulſum quem veteres medici *Dicrotum* vocant (quando in diaſtole arteria bis ferit digitum tangentem, antequam ſyſtole ſequatur, et vernacule appellari poteſt *rebounding pulse*) fluxui e naribus ſanguinis ſemper praecedere inveniebat\*. Sanguinis autem fluxuri tempus determinabat, ex intervallo inter hos pulſus *Dicrotos* intercedente. Ita ut, ſi trigefimo quoque pulſu,

\* Nihell on the pulſe, part 2. § 1. c. 1. obſerv. I—7.

pulsu, arteria resiliret post quadriduum, haemorrhagiam expectabat; si quoque decimo sexto, post triduum; si octavo, post biduum, vel biduum cum semisse; denique si pulsus *Dicrotus* cum quaque quarta, tertia, vel secunda pulsatione reverteretur, vel si continuus erat, sanguis intra Nuchthemeri spatium fluebat\*, cum haec intervalla regulariter minuerentur, certissime Crisin praedicere poterat, quae pari passu appropinquabat. Aliquando natura, extra ordinem, Crisin nunc accelerat, nunc moratur, et tunc pulsus *Dicrotus* magis vel minus frequenter recurrebat, eodem fere gradu; si vero intervallis inordinatis recurreret, ea certitudine qua alias, Crisis futurae tempus praefinire haud poterat†. Quoad vacuationis quantitatem, si pulsus *Dicroti* ictus secundus primum robore superaret, hinc habuit compertum, magnum fore sanguinis fluxum, et vice versa; si vero illi aequales, hic quoque mediocris‡. Fluente sanguine, paulatim minuebatur illa pulsus resilitio, donec tandem post Crisin omnino evanesceret||; si vero a fluxu rursus appareret, alteram ejusdem generis Crisin indicabat¶; et si in altero brachio evidentior erat, sanguis plerumque majori copia ex nare ejusdem lateris profiliebat.

Quod dictum est de pulsu *Dicroto*, sciz. tempore quo recurrat, et intervallo aut longiore, aut breviori, quo.

\* Nihell on the pulse, part 2. § 1. obs. 1. et c. 2. obs. 4.

† Ch. 2. observ. 7. ibid.

‡ Id. ibid. ch. 1. observ. 5.

|| Hoc de aliis Criticis pulsibus, mutatis mutandis, quoque intelligendum.

¶ Id. ibid.



quo Crisis inde accidere annunciat, de caeteris quoque criticis pulsibus intelligendum, ne diutius in huiusmodi notationibus immoremur.—Proxime de diarrhoea; quam praedixerit Solanus, ex pulsu, qui semper pessimus in febribus esse reputatur, sciz. intermittente; et non dubitat asserere, illum tantum fieri lethalem, quando naturae, ad Crisin perficiendam, deficit vis †. Quantitas diarrhoeae varia intermissionis duratione determinatur; adeo ut, si spatium unius tantum diastoles duret, vacuatio parva; si vero duarum, vel duarum cum semisse (quod spatium esse longissimum Solanus unquam observasset) excretio indicatur larga. Cum durities aut mollities arteriae pulsus intermissionem comitatur, illa vomitum, haec urinae profluvium diarrhoeae superaddi notat; atque utrius vacationis quantitas a maiore vel minore duritie, sive mollitudine pulsus, praevидetur.—Crisin simplicem, per urinam aut vomitum, sine diarrhoea comite, nunquam observavit Solanus; quare se ignorare fatetur, an habeant signa ulla specialia veteribus incognita.

Denique, sudorem criticum fore praesagivit ex pulsu, quem describit ita se habere; quando nempe binae, tres, vel quatuor pulsationes successive insurgunt, non tantum supra praecedentes, sed etiam supra se mutuo, illo ordine quo se sequuntur, sic ut secundus robore primum excedat, tertius secundum, et sic porro. Hunc appellavit *pulsus inciduum*, qui mollitiei arteriae conjunctus, signum praebet certum sudoris futuri critici ‡. An idem est cum pulsu undoso molli, de quo olim  
inter

† Id. ibid. § 2. c. 2. observ. 1—7.

‡ Id. ibid. § 2. c. 3. observ. 1—6.

inter notas sudoris critici meminebat Galenus †? Quantitas sudoris, juxta Solanum, est in ratione composita ex numero et robore pulsuum supra se mutuo surgentium.

Solanus non asserit signa jam memorata omnibus crisibus semper praecedere, quippe qui observaverit, quasdam fieri nullo horum praecedente. Id solummodo affirmat, Crises his signis apparentibus regulariter insequi, adeo ut ab anno hujus seculi 1707, quo primum has observationes fecit, usque ad 1738, Crises ab his pulsibus praevisas, ter solum spem fefellisse meminerit.

Sic breviter regulas recensui, quibus Solanus Crises praedixerit, plurimis observationibus confirmatas. Quum vero nihil usitatus sit, quam ex *dati* indubitatis falso concludere, in eodem errore versari videtur Solanus, dum regulas suas nimium extendere vult. Nullus est qui primo intuitu non videat, propositionem ejus de pulsu intermittente nimis esse generalem, et pluribus exceptionibus obnoxiam. Sectio defunctorum, qui pulsu intermittente laborarunt, patefecit eum saepius ortum ducere ex Polypis, aliisque variis impedimentis, circa cor, vasa proxima, atque pulmones. Hoc quoque effici poterit plurimis aliis causis, longe a Crisi alienis, spasms nempe, convulsione, inflammatione, exinanitione, aliisque ejusmodi. Hae omnes axiomati generali de pulsu intermittente manifesto repugnant.—Utut haec res sese habet, observationes ejus stabiles et immotae nihil fecius remanent; adeo ut a consequentiis quas inde deduxerit everti non possint;

† De Praesag. ex pulsib. l. 2. c. 9.

sint; cumque novae sint, spectentque evidenter ad praxin in febribus ulterius provehendam, dignae sunt attentione cujusvis animi benevoli, et excitare debent medicos, quavis data occasione, has pulsus mutationes in morbis observare. Rem esse arduam fateor, etsi umma cura et diligentia indigere; commoda vero, quae arti medicae inde orirentur, vel in hisce stabiliendis, vel aliis novis detegendis, satis superque laborem remunerabuntur.

Crisium historiam tandem absolvisse videor, nisi dierum criticorum restaret adhuc explicanda animadversio, quibus vis est, febres per Crisin finiendi, in quibus explicandis non dubitabo auctoritate veterum, praecipueque Hippocratis, uti. Licet omni fere morbi tempore Crises evenire fateantur veteres, statim tamen ac certis diebus et frequentiores et perfectiores fieri per experientiam didicerunt. Hi dies quaternario et septenario circuitu definiuntur, suntque 4, 7, 11, 14, 17, 20, 24, 27, 31, 40. Inter hos dies, hoc maxime interest, non eandem vim esse omnibus. Septimus est maximi nominis, adeo ut Galenus certiores nos faciat, se Crises eo die bene evenientes annumerare non posse; dignitati huic proximus est decimus quartus. Sicuti variationes febrium notabiles statim diebus accidunt, ita ab accurato morbi observatore praedici possunt, idque praesertim signis in urina coctionis, quae plerumque dierum trium spatio Crisin futuram praecedunt; ita, si urina sit bene cocta, et alia indicia benigna appareant die quarto, Crisis bona die septimo expectetur; si vero omnia pessima, et signa cruditatis adsunt, metuenda est mors die proximo decretorio.

Quare

Quare quartus septimi index habetur, atque undecimus decimi quarti, decimus septimus vigesimi, &c. Hi dies, qui ex illorum usu dicuntur indices, five *contemplatorii*, sunt etiam critici, crisibus hisce diebus saepius incidentibus. Praeter hos, sunt etiam alii, ordinis quasi inferioris, quibus natura irritata, aut qualitate maligna materiae peccantis, aut aliquo vitio five aegrotantis five medici, cogitur Crisin ante debitum tempus conari, materie morbida nondum satis subacta, vel a sanguinis massa separata, ut corpore expellatur; hinc hae Crises imperfectae habebantur, et minime fideles. Hi dies dicuntur coincidentes, cujus generis sunt, tertius, quintus, atque nonus.

Crises etiam subito aliis diebus accidere possunt; ut sexto, qui prae omnibus aliis infauftissimus compertus erat, Galenus hunc diem Tyranno caede et sanguine civium suorum gaudenti comparans; hujusmodi quoque sunt, sed aliquanto magis tuti, octavus, decimus, duodecimus, decimus sextus, et decimus nonus. Decimum tertium quidem ancipitem esse, et medium inter bonos et malos, volunt. Illud notare non inutile est, morborum impetus, ad quartum usque decimum diem, imo ad vicesimum, magnos esse, et diebus tum septenariis tum quaternariis judicantur. Post vicesimum vero illorum vis magis remittitur, atque mitescit, et vix ulli dies praeter septenarios aliquid judicare possint. Qui vero quadragesimum superaverunt, prorsus languescunt, et coctione potius vel abscessu, quam crisi aliqua evidente, terminantur. Si quae notabiles in his mutationes fiunt, absolvuntur singulis tantum vicenariis, puta, sexagesimo, octuagesimo,

fimo, centesimo, et sic prorsus \*. Ut vero recte fieri potest dierum criticorum computatio, requiritur ut cognoscatur a quo tempore febris initium statui debet. Quod optime fit, ab ea hora, qua aegro primum sensus frigoris vel horripulationis † percipitur. —

Haec denique est doctrina Hippocratica de Crisibus et periodis morborum, quae videtur esse vera experientiae proles, et observationis alumnus, quamvis olim ab Asclepiade et Celso contemptui habebatur, quasi ex praejudicio praeconcepto erga numeros Pythagoricos nata. Quum observare Crises et dies Criticos, res sit magni laboris, cui operam pro virili dare oporteat, mirum non est, si multi auctoritate Celsi confisi, nihil laborarunt ultra scire, an fundamento firmiore stabilita haec doctrina esset nec ne; adeo ut obsoletum sit hoc studium, et irrideat, aut supervacaneam ducat, medicorum vulgus omnem de hisce quaestionem. Quaeritur tamen an adhuc falsa esse probata fuerit, experientia sedula saepiusque repetita? ad quam solam in huiusmodi quaestione provocare possumus: Quum aequum absurdum videtur, aggredi vel explicare vel enervare hanc doctrinam, rationibus abstrusis metaphysicis. — Erit operae pretium inquirere, an sit haecce doctrina mere speculativa; annon potius in experientia fundata quae nullis conditionibus vel temporis vel loci mutari potest?

Veteres experimenta ad vindicandam ejus veritatem adduxisse, supervacaneum est dicere; nam accurate  
X x  
perlegenti

\* Hippocrat. prognost. 3. sentent. 1. 2. 3. § Aph. sect. 2. 24. et Galenus in libris de dieb. decretor. passim.

† Boerhaav. aph. 575.



perlegenti libros Hippocratis de morbis vulgaribus, fatis constabit, febres ibi depictas, regularem servare ordinem, et plerumque his diebus, qui critici sunt, insignes suas subire mutationes. Respondebitur fortassis hanc simplicitatem, vel miti coelo illius regionis, in qua Hippocrates medicinam fecit, ortum debere, vel modo victitandi regulari, vel angustiori ejus febres tractandi rationi, quae aegrotantis victum solum fere spectabat; quum hodie, venaesectione, aliisque ad initia febrium adhibitis praesidiis, Crisibus obviam itur. — Incipias ire nequeo omnibus hisce suum inesse momentum; et ipse Hoffmannus, strenuus quidem doctrinae criticae assertor, agnoscit, se semper Crises certissimas, maximeque fideles, sub coelum sudum atque ferrenum observasse \*; sic quoque Baglivius, qui Medicinam Hippocraticam summo opere coluit, fatetur; ‘In frigidis, paludosis, et septentrionalibus regionibus, raro Crises perfectae observantur; ut Germani aliarumque regionum frigidarum medici abunde testantur †.’ His non obstantibus, temerarium videtur asserere ‡ Crises nequaquam posse congruere hisce borealibus plagis, et hodierno artis exercendae modo; quippe quod judicio doctissimorum recentioris aevi medicorum, et historiis febrium a practicis observatoribus memoriae traditis, repugnat. Primum igitur audiamus illorum opinionem, qui hanc veterem doctrinam, tenebris obvolutam, in apricum iterum proferre conantur. — Primum quod adducam testimonium,

est

\* Med. rat. syst. vol. I. p. 389. fol. ed.

† Prox. med. 2. p. 234.

‡ Pitcairn. elem. med. 1. 7. sect. 3-4.

est celeberrimi Friderici Hoffmanni \* qui ex luculenta quadraginta annorum praxi semper compertum habuit, *Febres Ephemeræ*, viginti quatuor horis, *Synocham* quarto vel septimo die, solvi plerumque per sudorem vel sanguinis e naribus fluxum; *Pleuritidem*, seu *Pecripneumoniam*, leviolem et mitiorem fieri circa diem quartum, per tussim ejectione materie cruenta, circa septimum vero solvi sudore, et liberiori expectoratione; graviolem vero extendi ad decimum quartum interdiem, et, si ulterius procedat, in *Empyema* mutari; *Ventriculi Erysipelatem*, nunc per vomitum, nunc per sudorem, die quarto vel septimo dimitti; *Hepatis inflammationem*, septimo, undecimo, vel decimo quarto die partim sudore, partim alvi fluxione, terminare; *Arduentes febres* septimo plerumque aut die decimo quarto, sudore, aut alvo uberiori judicari; *Pestem*, si aeger servatur, quarto, septimo, vel undecimo die, truculentiam suam relinquere; et denique, uno verbo, pieraque febres continuæ septimo, undecimo, aut quarto decimo die ordinariæ suum decursum absolvere. Haec Hoffmannus. Huic suffragatur clarissimus Van Swieten †, qui eandem in febribus harmoniam in Belgia locum tenere asserit, et suas observationes quas magna cura fecerat adamussim cum regulis Hippocratis congruere. Sed quid multa? Statne ab hac doctrina immortalis ipse Boerhaavius, magnus ille simplicis Hippocraticæ rationis medendi morbos instaurator? Certe, in praxi sua eleganti, Crises et criticos dies semper respicit ‡.

Horum

\* Med. rat. syst. ibid.

† Comment. in Boerh. aphorism. tom. 2. p. 54.

‡ Aphorism. sec. 587. 741. 833.

Horum illustrium virorum testimonia ad stabilien-  
dam hujus doctrinae veritatem satis superque suffici-  
unt; ad hanc rem vero magis probandam, et certio-  
rem reddendam, forsitan hic loci non alienum foret  
illam paulo intimius inspicere, et perscrutando histo-  
rias morborum epidemice grassantium, ab Sydenhamo  
aliisque traditorum, monstrare, naturam in omnibus  
demum saeculis et regionibus, semper eodem tendere.  
In hunc finem plures proferri poterint febrium histo-  
riae, quas tamen, ne in molem excrescat haec disserta-  
tiuncula, legentibus forsitan permolestam, studio prae-  
termittimus \*.

Ita probare conatus sum, hanc doctrinam, experien-  
tia, tum antiqua, tum recentiore, inniti; ideoque ne-  
que rejiciendam, neque tanto vano contemptui ha-  
bendam, donec hae observationes evertuntur. Hic  
notandum, si ulla experimenta hoc consilio facienda  
sunt, ad normam veterem omnino institui debeant, id  
est, ratione signorum coctionis atque cruditatis habi-  
ta; sedulaque simul adhibita opera, ne natura turbe-  
tur eo tempore, quum aliquid ad morbum removen-  
dum utile conetur; aliter enim nullo possunt adduci  
jure, ad fidem veterum observationum minuendam.

Quod ad medicinam vero pertinet, Crises in morbis  
attendere, certe summi est momenti: Inde enim com-  
perta via qua insistit ad morbos curandos natura, qui-  
busque

\* Qui plura de hac re desiderat, consulat. Romazin. constit. ep.  
urb. anj. 1691, sect. 34. Wintring. com. Nofol. p. 81. Con. epidem.  
Uratissav. 1699. Morton. pyritolog. append. p. 235. Gomez. Pe-  
reira. Nov. med. 35. p. 537. Sydenh. in Feb. 1661, 62, 63, 64, et  
1673, 94. Muschenbroeck, Ephemer. Ultraj. 1728, et clariss. Mar-  
tin, in Dissert. de Cris. et period. morborum.

busque exitibus humores morbosos ejicire molitur, fiet, ut non solum non opera ejus salutaria turbemus, sed etiam instructi erimus, quando nos illi socios atque adjutores adjungere, vel impedimenta tollendo, vel materiem morbosam mobiliorem reddendo, vel denique laboranti novas ad assequendam metam vires suppeditando. Praeterea, sicuti in liquoribus ad fermentationem perficiendam, fructibus item ut perveniant ad maturitatem, concedendum est quoddam temporis spatium; ita liquet febres statas et regulares periodos omnino requirere, ut suam, si ita loqui fas sit, maturitatem attingant, sive eam conditionem, qua materies febrilis ita mutatur, et subigitur, ut corpore expellatur; quae plerumque signis coctionis praeuntibus innotescit. Et quoniam observatione comperitum est, quod vacuationes, quae fiunt per initia, et crudo adhuc existente morbo, frequenter suspectae sunt et periculosae; hinc oritur utilis in praxi observatio, quam caute ab initio febrium, purgantibus, sudoriferis, alexipharmacis, aliisque fortioribus, utendum est; ad quae, magno cum aegrorum damno, nimis saepe sese recipiunt ignari, quibus morbus, aut in longum ducitur, aut lethalis redditur. Fatendum est quidem, quod aliquando morbus sit naturae adeo acutae atque malignae, ut, veluti in peste obtinet, nullam moram patiatur, quin protinus ab initio aliquid magnum faciendum est, sive sudores promovendo, sive ulla alia via, aliter natura succumbet, vi morbi devicta. Hinc rursus patet utilitas Crises et Criticos dies observandi, ne intempestivo artis molimine noceamus, dum ad excernendum nitimur, quod ad exitum non paratur.—Quo vero magis Crisium effectus,

effectus, in febribus, his quae optimis remediis debentur comparatos ponderemus, eo magis ad eas observandas incitabimur. Nonne saepe Crisibus, absolute, et quasi momento temporis, solvuntur febres, aegroti pristina sanitate restituta? Dubitandi tamen est locus, an unquam, etiam maxime Herculeis remediis adhibendis, aliquid tale effici potuerit? Hae quidem saepe magnam mutationem morbo inducunt, eum in melius vertendo; estne vero illorum virtus hisce limitibus contenta? Forsitan excipi potest arteriotomia, quae licet hodie fere negligitur, tam felici successu instituta erat a medicis quondam praeclaris\*, ad capitis dolores levandos, omnibus aliis medicamentis contumacius resistentes. Ex hac Crisium effectuum consideratione suggeri debeat illarum benignior idea, quam quae plerumque obtinet.—Porro, si verae sint observationes *Francisci Hippoliti Albertini*†, sciz. febres intermittentes nunquam cortice Peruviano tuto sanari, sine Crisi alicujus evidentis interventu; quanto major earum virtus oportet esse in febribus acutis, quibus non datur specificum adeo certum, et ubi apud omnes in confesso est naturam plus quam in intermittentibus valere?—Haec de Crisium utilitate.—Cum haec doctrina igitur confirmatur, tum experientia, tum ratione, tum suffragiis clarissimorum in arte nostra virorum, cumque videtur fundamentum esse haudquam infirmum bonae in febribus praxeos, optandum est, ut splendori antiquo iterum restituatur.—Sed quomodo hoc praestandum?

Si

\* Ballonius, Seyerinus, Marcus Aurelius, &c.

† *Act. Acad. Bonon.* an. 1731.



Si consideremus, videre et vitare errores aliorum, optimum esse verae scientiae fontem; forte haud alienum erit, sin exponam causas tanti Crisium contemptus, quas patefactas effugere licebit, et in posterum aliis longe et tutioribus insistere viis. Quantum conjectura assequor, ad duas potissimum causas sequentes reduci possunt.

1mo, Quod medici minus intellexerint veterum auctorum, praesertim Hippocratis, scripta; nam quum forte observarint, aegrotantes saepe recidivas pati, imo aliquando mori, post Crises etiam manifestas; et illas, tali ordine, et tanta simplicitate non semper succedere, statim temere judicarunt, totum esse inane atque absurdum. Cum revera horum scriptorum perspectior notitia, cito illos errorem docuisset; quoniam veteres tales regulas instituerunt, quibus innotescat, num Crises futurae sint nec ne? et quo successu? sicuti etiam conditiones exposuerunt, quae illas aut accelerant, aut remorantur, vel illarum ordinem simplicem et regularem turbant. Illustrissimus Van Swieten \* nobis praebet hujus rei documentum praeclarum, cum fatetur, se bis in eodem morbo errasse, nulla alia ratione, quam quod axiomata veterum medicorum non bene observaverat. Historia, quam narrat, perlegi jure meretur, cum sit simul indicium nobile et hujus magni viri candoris, et illorum veritatis, quae de crisibus memoriae tradiderunt veteres.

2do, Altera causa Crisium negligendarum, erat, quod plurimi medici, veterem observandi consuetudinem

\* Comment. in Aph. Boerhaav. tom. 2. p. 56.

nem derelinquirint, et operam nimis navarint, in causis morborum a priori investigandis.

Jam inde, a tempore Hippocratis, plurima in medicina utilissima sunt inventa; magna sane sunt commoda, quae ex Anatomiae, Chemiae, et Mechanices sedula cultura mutuati sunt medici. Fatendum tamen, incommoda quoque exinde orta fuisse, quippe multa falsa et absurda medicinae introducta sunt, ex quo medici hisce auxiliis instructi sint, fortasse plura quam seculis praecedentibus.

Mens humana enim natura irrequieta, et novae scientiae cupida, raro nuda rerum observatione contenta est, quin audax longius procedit, ad remotissimas illarum causas perscrutandas. Ita medici ex paucis *datis*, sive chemicis, sive mechanicis, prout haec illave scientia illis magis arridebat, theoremata generalia morborum fecerunt, ex quibus omnia illorum phaenomena explicare sibi assumunt. Utinam intra hos limites constitissent, et a fingendis novis curandi praeceptis sibi temperassent, et nullus sane illis suarum hypotheseôn invidisset honores. Sed in hac etiam re similiter peccant; ita in libris multorum recentiorum de febribus pervolvendis, inveniemus illos praecipientes; ‘Mineram morbi esse eradicandam;’ ‘furorem Archaei esse sedandum; materiem malignam’ ‘diaphoreticis, ad corporis superficiem, esse pellendam; aciditatem, medicamentis aromaticis, faleque’ ‘volatili praeditis, corrigendam;’ et mille alias absurditates quas vel repetere taede est. Minime igitur mirandum est, si sub his conditionibus, Crises et Dies Critici ignota fuerint, cum adeo complicate et intempestive medicam artem exercendo, natura in operibus

ribus suis turbatur, et incertum saepe efflet, quinam ab ipso morbo ducerent originem dolores, quosve afferrent, malo more ingesta pharmaca.

Si igitur nobis cordi et curae sit, tales effugere errores, quomodo id melius fieri poterit, quam si, Hippocratem ducem sequentes, methodum observationis prosequamur, optimum filum, quo dirigi possint medicorum ratiocinia; et abjecta omni futile hypothesis, accurate omnia morborum phaenomena, ut in natura apparent, attendamus; hoc est quod fecit magnus Sydenhamus, et exinde felices adeo et simplices curandi regulas deduxit.

Illud forte a me quaeret aliquis: An igitur omnia naturae prorsus committenda? An oportet medicum otiosum esse spectatorem, nihil aggredientem? minime vero. Medico licet, et quidem ei incumbit, sub febris initio, et sanguinem mittere, et aliis hujusmodi praefidiis uti, quibus ad solutionem felicem febris perducatur; eodem vero tempore accuratissime invigilare oportet, in omnibus febris conditionibus, ut salutaria signa critica probe intelligat, et tunc demum nihil agat, si salutarem futuram Crisin esse prospiciat. Ita imitabimur praeclarum Sydenhamum, qui fatetur, saepae, post febris vim moderatam, se nihil amplius fecisse, sed totam rem naturae reliquisse, quae suo tempore morbum ad exitum felicem perduxit.

Expectabitur forsan, me prius, de causis regularium in febribus periodorum, aliquid dicturum, quam ad finem hujus dissertationis perveniam, quas una ore tota antiquitas, *Naturae*, quaedam intelligenti, omnia regenti et gubernanti, quae vel in corpore sano vel morbofo fiunt, retulit. Quasi dixerint, mira haec

phaenomena, causae aequae mirabili et in intelligentiam nostram non cadenti, accepta esse referenda. Facienda est igitur nostra ignorantia, et Crises et criticos dies esse totidem observationes, quarum veritatem experientia novimus, causa vero nos latet, et fortasse semper latebit.

Et ut finem faciam, si hanc rerum universitatem, variaque naturae opera intueamur, stupendam regularitatem sibi ubique constantem inveniemus; quae admirationem nostram non posset non excitare, nisi quotidiano impediretur usu. Ubi vero est ille, qui explicare valet, cur aves ad ova excludenda praefinito temporis spatio incubant? Cur diversis animalium generibus diversa sunt gestandi tempora? Cur tanta florum varietas; et quisque tempore sibi proprio prata exornat? Et denique, quod rem propius attingit, quis unquam rationem reddidit de regulari circuitu variarum, febrium intermittentium, atque morbillorum? Hae quaestiones, potius ad philosophum, quam medicum spectant; huic sat est phaenomena observasse, quamvis causas illorum latentes investigare nequeat.

Non fingendum aut excogitandum,

Sed inveniendum, quid natura faciat aut ferat.

BAC.

F I N I S.

DISSERTATIO MEDICA  
INAUGURALIS,  
DE  
RHEUMATISMO.  
QUAM,  
ANNUENTE SUMMO NUMINE,

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

DAVID CLERK,  
SCOTO-BRITANNUS.

Ad 18. Calendas Septembris, H. L. Q. S.

EDINBURGI:

M, DCC, XLVI.





OTIS & SONS  
100 N. 3rd St.

RECEIVED

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

AMERICAN MEDICAL ASSOCIATION

Viro lectissimo

JOANNI CLERK, M. D.

Nuper

C. R. M. E. P.

Non tam ob insignia ipsius in multis aliis merita,

Quam quod sibi fuit Patrum optimus,

Praeceptorum summus,

Opusculum hoc, studiorum suorum primitias,

Intemerandae pietatis, ac gratitudinis non simulatae,

Monumentum ponit

DAVID CLERK.

THE NEW YORK PUBLIC LIBRARY

ASTEN LENOX TILDEN FOUNDATION

500 N. 5TH ST. NEW YORK, N. Y.

1897

1897

1897

1897

# DISSERTATIO MEDICA

## I N A U G U R A L I S,

D E

# R H E U M A T I S M O.

**A** PRIMIS aëvis fuisse morbos, ex ipsa corporis humani constat fabrica ; quae a natura ita comparata est, ut seipsam suis etiam viribus cito destruat necesse sit, nisi per alimenta reficiatur perpetuo atque renovetur. Ad hoc accedit, quod varios casus, qui prorsus vitari nequeunt, ex injuriis aëris, ex cibi potusque natura, ac multis id genus aliis, oportet semper fuisse causas morborum. At dum moderata simplexque vitae ratio obtinuit, admodum rariores fuisse apparet quam postea, quum hominum moribus desidia atque luxus intulerunt se, quae corruptentia et animum et corpus, aegritudines multo quam antea reddebant

debant frequentiores. Sed etsi haec omnia per multa jam secula extiterint morborum causae generales, eorum tamen sunt quidam, noti satis temporibus antiquis, quos nostris ne vel semel audimus incidere, pluresque alii, nunc nimis etiam frequentes, quorum neque mentionem faciunt veteres, neque videntur unquam cognovisse. Utrum hoc referendum sit ad certarum rerum fortuitos concursus, ex regionum differentia, vicissitudine tempestatum annorumque habitu, occupationum vivendique variis generibus quae temporibus diversis invaluerunt, atque ejusmodi aliis; an ii morbi, qui nobis quidem novi sunt, in aliis, ubi *ενδημιοι* fuerunt, terris, diu antea viguerint, ac postea transducti aliquomodo, ubique se disseminarint, vel quicquid aliud sit ejus causa; certum est, quod *variolae*, *morbilli*, *lues venerea*, atque *rachitis*, satis quod proposui confirmant. Ut vero sunt quidam, qui praeter rationem existimant omnes jam cognitos morbos in libris veterum descriptos esse, ita alii sunt, qui nimis leviter in gravia illa atque veneranda monumenta disquirentes, praetermittunt affectus, si forte in iis vel strictius sint expositi, vel sub nominibus diversis. Hujus rei documentum esse videtur *scorbutus*; at praecipue ille morbus, qui nunc vocatur *rheumatismus*, et qui apparet varias apud antiquos, variis temporibus, ac secundum diversas mali species, habuisse appellationes. Si enim summi Hippocratis aliorumque examinemus scripta, multa loca huc spectantia inveniemus, quae morbum hunc plane demonstrant illis innotuisse.

Ac primo quidem vocabulis *πυρετος κοπωδης*, *αρθριτις*, *διαθεσις γεννατικη*, &c. eum fuisse designatum, hae inter alias



alias ostendunt sententiae. ‘ Quibus spes est aliquid  
 ‘ ad articulos abscessurum, eos liberat ab abscessu urina  
 ‘ multa, crassa, et alba reddita, qualis in febribus *κα-*  
 ‘ *πῶδες* quarto die quibusdam esse incipit. Quod si  
 ‘ etiam ex naribus sanguis fluxerit, brevi admodum  
 ‘ solutio fit; *Hippocrat. aphorism. S. 4. n. 74.* Hisce  
 ‘ *καπῶδες* febribus hoc inest, quod abscessus faciant  
 ‘ cito, non expectato, uti caeterae febres faciunt, lon-  
 ‘ gior tempore; *Galen. comm. in eund. aphor. Ἀρθρίτις*  
 ‘ morbus quum detinet, corripunt calor ac dolor cor-  
 ‘ poris articulos: Invadit vero etiam acutus, et aliae  
 ‘ atque aliae juncturae dolores vehementiores ac le-  
 ‘ viores insiguntur.—Hic vero morbus ex bile oritur  
 ‘ ac pituita, quum agitata commissuris infederint. Ac  
 ‘ brevis quidem fit et acutus, non vero mortiferus.  
 ‘ Solet autem junioribus magis quam senioribus con-  
 ‘ tingere; *Hippocr. (vel Polybi) lib. de affectionibus,*  
 ‘ *cap. 8.* Quibusdam in omnis corporis ambitum va-  
 ‘ gatur [*αρθρίτις.*]—Transitus quoque in dorsi tho-  
 ‘ racisque musculos fit. Incredibile est quam late ma-  
 ‘ lum serpat; *Aret. de caus. ac sign. morb. diut. lib. 2.*  
 ‘ *cap. 12.* Potest igitur immoderatus fieri menstru-  
 ‘ rum fluxus, si totum corpus propter aliquam cache-  
 ‘ xiam sit gravatum sanguine, (et si nondum is natura-  
 ‘ lem *συμμετρίαν* excedat), ipsumque propterea ad uteri  
 ‘ venas protrudat, ut accidit *ἐν ταῖς ρευματικαῖς διαθεσεσιν*,  
 ‘ ubi aliis in aliam partem fluxus fit; *Galen. in aphor.*  
 ‘ *comm. 5. S. 57.* Quapropter partes infirmiores om-  
 ‘ nium primae *περιττωματικαῖς* morbis corripuntur.  
 ‘ Hujusmodi quapiam ratione *τὰς καλούμενας ρευματικὰς*  
 ‘ *διαθεσεις* scito provenire, toto videlicet corpore imbe-  
 ‘ cillo, quae una est mali habitus species, principibus  
 ‘ Z z vero

‘ vero istius locis gravari solitis, (licet in iis paucus  
 ‘ sit sanguis), eumque ad carnosas cutis partes protruh-  
 ‘ dentibus,’ &c. quae sequuntur ad finem capitis, ubi  
 medendi quoque tradit rationem; *Id. de venaesecl. lib.*  
*therapeut. c. 8.* Auctor librorum *de morbis*, adscrip-  
 torum Hippocrati, *de lumbagine* quoque videtur me-  
 minisse, sub nominibus *πρωτης* ac *πλευριτις ει πρωτω*, uti  
 cernere licet in *lib. 2. de morb. S. 54.* atque *lib. 3. S.*  
*21.* Ac de coxarum dolore *rheumatico* plurima oc-  
 currunt, et apud hunc auctorem et alios. Ex multis  
 vero haec, quae protuli, exempla sufficiant: Alia \*  
 adducere licuit, si necessarium. Fateor quidem anti-  
 quos hunc effectum minus accurate quam solent defi-  
 nivisse; sed quidni in aliis fecerint, quam quae ad nos  
 devenerunt, scriptis? Uteunque est, Gulielmus Ballo-  
 nius, auctor Gallus, seculo exeunte decimo sexto, fu-  
 isse primus videtur, qui de eo scripsit ex industria, at-  
 que nuncupationem ei *rheumatismum* imposuit; quum  
 temporibus illis, pro specie *catarrhi*, aut *arthritidis*,  
 vulgo habitum, quod ad naturam ejus fere ignora-  
 bant.

Hujus morbi duo sunt genera, quorum alterum po-  
 test acutum dici, alterum longum. Licet homines  
 quovis anni tempore utrique sint opportuni, saepius  
 tamen solent incidere sub insignibus aëris ac tempe-  
 ratum mutationibus, vere nempe, praecipue vero au-

tumno.

\* Hippocr. aphor. f. 4. n. 36. et 44. de loc. in hom. f. 14. 16. et  
 19. de intern. affect. f. 54. de vict. rat. in morb. acut. f. 49. et 64.  
 praedict. lib. 2. f. 47. Coac. praenot. f. 75. 317. &c. Galen. de  
 medendi ratione ad Glaucon. l. 2. c. 2. ac lib. 10. de compositione  
 medicam. secundum locos. cap. 2. Denique Aëtiæ Tetrabibl. 3. serm.  
 4. ubi plura habentur.

rumno. Laceſſunt autem imprimis aetate atque robore vigentes, feminaſque \* ſaepius quam viros, ſi nimirum vehemente exercitatione aut alio modo calefactum corpus, vel expoſuerunt vento frigido, vel in aquam † ſubito demerſerint, vel utcunque etiam frigus tum admiferint: Proniores tamen adhuc in hunc morbum ſunt, quibus praeterea humorum aderit plenitudo, ſive ex victu lautiore, ſive ſolitis laboribus et exercitiis intermiſſis, ſive neglecta conſueta ſanguinis miſſione, ſive haemorrhoidum denique et in feminis fluxus menſtrui ſuppreſſione: Quinetiam multi ſunt, ait Hoffmannus ‡, qui poſt largiorem ſanguinis per venam ſectam miſſionem, dejectiones alvi nimias ab acrioribus purgantibus vel ſponte inductas a natura, copioſiorem menſtruorum muliebrium effuſionem, atque ex abortu factam haemorrhagiam, ſeſe diutius aëri frigido aut humido committentes, in violentas inciderunt *rheumaticas* affectiones. Cauſae jam memoratae, ſub quibus et προηγούμεναι vulgo dictae, et προκαταρξιναι continentur, ſi graves ſint, acutum generant *rheumatismum*, cum alterum ejus genus vel ex iſdem levioribus ortum ducit, vel prioris male curati reliquiae eſt.

*Rheumatismus* acutus, ſeu qui cum febre invadit, atque *rheumatismus κατ' ἐξοχήν* ſaepe dicitur, ſequentibus plerumque ſtipatur *ſymptomatis*. Sentitur primo laſſitudo ac gravitas artuum, cum horrore atque extremarum partium frigore: Subſequitur internus, praefertim

\* Hoffmann. medic. rat. ſyſt. tom. 4. p. 2. ſ. 2. c. 9. § 6.

† Vid. River. obſerv. cent. 3. obſ. 41.

‡ L. 2. c. 8. § 10.

fertim circa præcordia, æstus cum anxietate, pulsus plenior et concitator, cibi fastidium, nausea quandoque ac vomitus, inquietudo, fitis, atque spirandi nonnunquam difficultas. Die uno aut altero plus minus interjecto, dolor acer, prægressum torporem excipiens, nunc hunc, nunc illum artum excruiat, qui noctu ingravescit, atque juncturis præcipue, et humeris, carpis, ac genubus præ caeteris infestus est; sæpe tamen nullam fere intactam relinquens, totum penitus corpus immobile reddit. Hosce dolores, quamcunque partem occupent, tumor, ac plerumque rubor, qui etiam illis aliò migrantibus residui sunt, comitantur. Aliquando paulatim discedit febris, remanente dolore, at quandoque huic depulso superest, cum pulsu debili ac depressio; vix unquam autem intra hebdomadas duas evanescit, in totas sex etiam sæpe perdurans. Usitatus est huic affectui sudor parvus, glutinosus, parum levans; qui vero ubi sponte largus effluerit, soluisse morbum observatur\*: Notabile quoque, quod vel in sudatione per artem excitata ficci maneant articuli dolentes, neque prius sudare incipiant, quam abeunte dolore liberi prorsus evadant. Urina plerumque est quantitate modica, rubro colore, albidumque demittens sedimentum; et quanquam ex tali nihil aliquando desidit, haud diu tamen ita permanet, brevique iterum redditur cum subsidentia; tempore autem pleni sudoris, copiosior aliquantum, dilutior, et instar feri lactis quodammodo, ferri solet†: Memoratuque valde

\* Hoffmann. l. ult. c. § 18.

† Apud Morton. (in oper. med. tom. 2. exerc. 1. cap. 9. hist. 22. et exerc. 2. c. 9. h. 10, 11, 13, et 14.) exempla adfunt Rheumatismorum,

valde dignum videtur Baynardi experimentum \*, qui decumbente robusto homine ex *rheumatismo*, urinae ejus, in summo febris incremento redditae, fescuicongium *chemice* dedit examinandum, et observavit in ea non supra tricesimam partem salium reperimentam fuisse, qui ex eadem quantitate sanorum urinae consueverunt extrahi. Urget quoque alvi ut plurimum suppressio, interdum profusio: Haec autem, ubi accedit, semper fere *symptoma* morbi est, ac non nisi rarissime † hunc tollit. Evenit vero aliquando, ut aliqua parte sponte facto sanguinis profluvio ‡, vel etiam oborto salivae fluxu ||, ex toto finiatur morbus. Nec sine magno sunt aegris levamine, quae in cute fiunt variae eruptiones ¶, et quae praedictum sputum nonnunquam comitantur. Sanguis denique ex vena missus in hoc affectu, perinde ac in pleuritide caeterisque inflammationi conjunctis, ubi conquieverit aliquamdiu, crusta albida, firma, atque tenaci plerumque obducitur, quae

morum, cum urina rubra, lateritium deponente sedimentum: Hoc vero in huiusce potuit accidere aegrotis, ex febribus intermittentibus, quas antea forsitan habuissent; quum talis urina ex quacunque febre laborantibus usitata sit, si aegri cum intermittentibus unquam ante fuerint confecti. — Hippocrat. lib. 2. praedict. prope finem: Quibus circa articulos dolores fiunt, ac tumores, desinuntque non podagrico modo, in his magna comperies viscera, et in urina subsidentiam albam.

\* Philos. Trans. abridg. by Lowth. vol. 3. p. 265.

† Hujus exemplum occurrit in Med. Sil. satyr. spect. 4. obs. 3.

‡ Vid. Hoffmann. l. ult. c. ac. Ballon. de rheumatism. in opusc. med. p. 282.

|| Duo talia observata legere licet apud Med. Sil. sat. sp. 1. obs. 9.

¶ Hoffmann. l. ult. c. ac. Morton. oper. med. tom. 2. exercit. 2. cap. 9. hist. 13.



quae \* crassior quidem quam in iis morbis, sed minus dura esse consuevit.

Hujus acuti *rheumatismi* interdum, etsi rarius, est species *lumbago rheumatica*; in qua dolor infestat vehemens ad lumbos, cum febre assidua. Auctor librorum *de morbis* †, ac Ballonius ‡, qui soli sunt quos hunc affectum novi descripsisse, accedere dicunt tussim, lassitudinem, atque spirandi difficultatem; dolores porro ad inguina descendere, ac vel sputum vel urinam edi subcruentam. Si vero moriendum sit, id quinto potissimum vel septimo die evenire; quem si effugerit aeger, malum postea lene evadere, atque minus mortiferum.

At longi generis hujus morbi plures sunt species. Vel enim acuti *rheumatismi* reliquiae esse potest, ut supra positum est, ubi, febre sive minori cum successu sive imperitius curata, continuati dolores per menses atque etiam annos aegrotum vexent. ‘Quamvis in hoc casu,’ inquit Sydenham §, ‘non eodem semper vigore, sed paroxysmis quibusdam periodice repetitis, ad instar arthritidis, subinde lacescit: Imo vero potest fieri, ut ubi diu multumque vexaverint dicti dolores, tandem sponte desistant; atque interim aeger omni membrorum motu ad mortem usque privetur, digitorum articulis quasi inversis, et protuberantiis, ut in arthritide, nodosis in interna magis quam externa digitorum parte se proidentibus: Stomacho nihilominus

\* Dissertat. inaugural. de inflammationis theoria, per Payan-Dumoulin, 1743, p. 34.

† Ad loc. cit. p. 3.

‡ De pleuritide dorsali in lib. cit.

§ Oper. cap. de Rheumatismo.

\* hilominus valeat, et caetera sanus vitam toleret.<sup>2</sup> Vel dolor est in uno pluribusve locis corporis, saepius ad articulos quam muscutorum media, conjuncti interdum cum tumore tantummodo partis, quandoque rubore etiam, alias vero sine utroque, et qui easdem cum febre *rheumatica* habent causas, sed minore tantum gradu. Hujusmodi est plerumque *lumbago*; nimirum ingens dolor ad os sacrum vel lumbos hominem excrucians, infixus aliquando circa renes, atque per ipsos ureteres ad vesicam usque descendens. Hujusmodi quoque ut plurimum est ischiadicus dolor, qui ad os coccygis atque sacrum, vel ad femur ipsumque crus nonnunquam porrigitur; rarissime \* vero febricula, caeterisque acuti *rheumatismi symptomatis*, et his levioribus tantum, comitatur: Quandoque tamen suppuratur † locus dolens, quod in mali hujus nulla ‡ alia fere specie contingit. Neque alio referendi sunt aurium ac dentium dolores, quoties simili accedunt ratione, vel ex dolorum *rheumaticorum* aliis inhaerentium partibus in hasce transitu fiunt, cum quibus tumor capitis, praesertim ejus lateris, simul plerumque adest, atque in *odontalgia* salivae fluxus copiosus, in utrisque autem pulsus celeritas comitesque ejus interdum observantur. Notandum est vero, quod quibus hoc

\* Occurrit apud Hoffmann. l. c. cas. 3.

† Hippocr. epidem. lib. 5. s. 3. ac Valles. comm. in eund. loc. Paul. Aeginet. lib. 3. cap. 77. River. observ. 53. cent. 2. ac. prax. med. lib. 16. cap. 2. ad finem. Hildan. observ. 71. cent. 1. si modo haec omnia ad Rheumaticam pertinent ischiadem.

‡ Carolus Piso (de diluvie ferosa, sect. 5. cap. 1. obs. 132. et cap. 2. paulo ante obs. 135.) etsi valde raro accidere fatetur, semel aut bis tamen in acuto Rheumatismo se vidisse affirmat, in hominibus *plethoricis admodum et crapulae ac vino deditis*.

hoc genus morbi inveteravit, ubi descenderit argentum vivum in Torricelliano tubulo, ad aëris nempe ex graviore in leviozem mutationem, incrementum sentiunt dolorum; vel, si his tunc vacarint, saltem molestia \* quadam iis locis afficiuntur, quibus antea inesse soliti fuerant; quae tamen, eodem statu aëris per dies aliquot continuato, evanescent, vel quales fuerint dolores aliis tempestatibus evadunt.

*Rheumaticorum* autem corporum dissectiones, quae paucae quidem ab auctoribus, eaeque parum etiam accuratae plerumque traduntur, nihilominus non videntur omittendae. Clopton Havers † occurrisse sibi narrat, in Drelincurtii scriptis quibusdam praelectionibus, historiam *rheumatici* cadaveris ab ipso incisi et examinati, in quo materiam invenerat, *gelatinae* instar concretam, et crassitudinis duorum aut trium nummorum *ducatorum*, musculis superjacentem. Multi auctores ‡, in corporibus afflictis antea, tum ad coxam tum alia loca, doloribus qui videntur *rheumatici* fuisse, post mortem humores *serosos* circa musculos eorumque *tendines* observarunt collectos. Quidam || denique scripserunt, se in cadaveribus ischiadicorum coxendicum reperisse suppurationes, easque non puris

\* Etmuller. oper. tom. 2. part. 1. p. 680. edit. Francof. 1708. Ballon. de Arthrit. in opusc. med. p. 15.

† Osteolog. nov. cap. de Rheumatismo.

‡ Ballon. ephemerid. et epidem. lib. 1. p. 46. et conf. 14. lib. 1. apud Bonet. sepulchr. anatom. Coiter. observat. anatom. apud eund. auctorem; ac Schneider. lib. de catarrhis special. p. 908. ab eodem quoque laudatus.

|| Hildan. observat. 71. cent. 1. et confer caetera loca adlata in nota || p. 366.

tantummodo inter musculos collectiones, sed Riverius  
 \* casum etiam adfert, in quo, \* coxa usque ad os re-  
 \* secta, parvae quaedam inventae sunt glandulae sup-  
 \* puratae, quae pus concretum, ita ut effluere non po-  
 \* tuerit, continebant.' An vero omnes hi casus ad  
*rheumatismum* referri debent, quum difficillimum sit,  
 partim ob narrationum defectus, nolo definire.

Sed etsi morbus, de quo agimus, supradictis insigniatur notis, tamen ex his quum plures sint non perpetuae, atque exteriorum corporis dolores, quod praecipuum quidem est signum, in multis aliis etiam adsint affectibus, exortum est ut, medicis praesertim minus peritis, cum his confundantur nonnunquam, et errores exinde in medendo haud leves insequantur. In *scorbuto* enim, *arthritide*, ac *lue venerea*, affligunt ejusmodi dolores, et qui noctu quoque, ut in *rheumatismo*, intenduntur; nihilo fecius autem, si ad causas attendatur, satis facile dignoscuntur. Praeterea usitatus ille in *scorbuto* pulsus parvus, inaequalis, et urina varia cum livore quodam, majoribusque notis putrefactionis quam quae calori respondent, potiusque desiderio, praeter alia signa parum constantia, hunc morbum luculenter distinguunt †. Ita et in *lue venerea* multa sunt bene cognita, quorum semper nonnulla cum hisce doloribus una se offerunt, ex quibus satis certo potest dijudicari. Haud inficior equidem, *arthritidis* esse speciem quandam, dictam *vagam*, cujus a *rheumatismo* simili *diagnostica* non adeo liquido, quam quod optandum esset, constant; nihilominus tamen parvi interest,

A a a

quum

\* Observat. 53. cent. I.

† Vide Eualenum de scorbuto, ad capita 9, 14, 15, et 28.

quum eadem utrumque ratione sanari possunt. Denique, de *lumbagine* memorandum est, quod ea saepius simillima apparet impetui *nephritidis*, sub eaque specie promptissime medicos decipit incautos : Si vero an nausea vomitusve adsint necne advertatur, quae *nephritidis* non *lumbagini* solent accedere, bonum habetur indicium quo discernantur \*.

Si *rheumatismo* tempestive occurratur, nullum ejus genus, ne vel acutum, unquam fere mortiferum est, etiamsi summam semper molestiam, cruciatusque saepe diuturnos, aegroto creet. Eorum quaedam faciliores sunt sanatu, alia difficiliora ; pertinacissimum vero omnium saepe est *ischias*, ex qua qui diu laborarunt, iis nonnunquam femur luxatur †, et quae consequentia sunt, membri ejus macie atque claudicatione infestantur.

Quod ad curationem vero attinet, primo *rheumatismi* acuti generalis, uti antiquos leviter tantum perstrinxisse affectum hunc supra demonstravimus, ita nihil fere certi occurrit apud eos de medendi ratione. Auctor quidem libri *de affectionibus*, inter Hippocraticos numerati, ad capitis septimi partem *de arthritide* antea prolatam, sic praecipit. ‘ Huic confert, quae  
 ‘ parte dolor adest, refrigerantia admove, et quae in  
 ‘ alvo sunt per clysteres aut balanum subducere ; ac  
 ‘ forbendum bibendumque exhibere quicquid tibi visum fuerit profuturum. Quum vero dolor remiserit ‡,  
 ‘ me-

\* Sydenham. oper. loc. cit.

† Vide Hippocr. aph. s. 6. n. 39 et 60. ac River. prax. med. ad initium capitis antea cit.

‡ In omnibus fere exemplaribus legitur *et*, quod alii interpretantur



‘medicamentum catharticum bibendum dato, ac de-  
 ‘inde ferum coctum, aut lac asininum.’ Celsus nihil  
 de hac re memoriae prodidit; neque multum apud  
 caeteros reperitur Latinos, nisi quod cum cura *arthri-*  
*ididis* videtur confundi. Galenus vero, ad locum, ex li-  
 bro *de curandi via per sanguinis missionem*, supra quo-  
 que memoratum, haecce scribit. ‘Merito igitur ho-  
 ‘rum [*ῥευματικῶν διαβήσεων*] curatio non exinanitionem  
 ‘habet pro proposito, sed totius corporis confirmatio-  
 ‘nem. Initium tamen ipsos curandi fit a sanguinis  
 ‘detractione. Si vero vitiosa fuerint excrementa qua-  
 ‘litate, purgationem etiam adhibemus: In quibus  
 ‘maxime corporibus, neutrius plenitudinis expectare  
 ‘oportet proprium *symptoma*, gravitatem nempe, ejus  
 ‘quae ut ad vires est, tentionem vero, ejus quae ut ad  
 ‘id quod infunditur.’ Ex quo apparet, Galenum mit-  
 tendo sanguinem inchoasse curam, et aliquando al-  
 vum etiam purgando; haec autem non pro ipso re-  
 medio, sed ut praeparationem tantum habuisse, atque  
 propositum ejus fuisse totum corpus confirmare: Qua  
 ratione vero id faciendum sit, neque hic, neque alibi,  
 quod sciam, exposuit. Apud Aretaeum ac reliquos  
 Graecos ferme nihil invenitur, praeterquam quae tra-  
 didit Paulus Aegineta \*, haecque eadem propemodum  
 cum iis quae prodidit Galenus. Ex eo autem aliisque  
 veteribus, applicasse eos apparet locis dolentibus ca-  
 taplasmatum varia genera, secundum diversos humo-  
 res, quos morbum fingeant excitare. Neque scripto-  
 res

tur intus fuerit, alii adfuerit; *αὐτὴν* vero, remiserit, quod in Feurei ha-  
 betur codice, videturque multo aptius et verborum sensui et sanae me-  
 dicinae congruere, reponi mallere.

\* Lib. 3. cap. 78.

res Arabes, atque eorum sectatores, quicquam fere novi addiderunt. Ex his tamen, Janus Damasce-nus \*, auctor seculi undecimi, vomitum quandoque initio molitum fuisse videtur. Franciscus Pedemontanus, qui seculo quartodecimo supplementum scripsit operibus Mesues, capite secundo *de aegritudinibus juncturarum, rheumatismum* acutum, ut verisimile est, tractans, post factam *phlebotomiam* ex parte opposita, admove-re se ait nonnunquam sanguisugas juncturae dolenti, *si sanguinea fuerit materia, et ex toto cessaverit a fluxu.*

Sed morbus hic cum *arthritide* semper erat confusus; tandemque cum *catarrho* etiam, quod praecipue forte Fernelii debebatur auctoritati, asseverantis *arthritidem* originem suam solum ducere ex humore ab exterioribus capitis partibus in articulos delapso, atque ideo, in affectus ejus diversis generibus, ex quibus unum fuisse videtur *rheumatismus*, medicamenta extrinsecus capiti applicantis; donec Ballonius, qui Fernelio sese in multis opposuit, sub exitu seculi sextidecimi, ut supra posuimus, ad morbum hunc explicandum incumbens, eum ab affectibus distinxit jam memoratis, nomenque rheumatismi indidit. Nihilominus tamen, de specie ejus acuta generali duntaxat loquitur, caeteras, ut videtur, ad *arthritidem* referans, praeter *lumbaginem* acutam, quam morbum vult sui generis esse, atque *pleuritidem dorsalem* ex Hippocrate nominat. In illius curatione † *phlebotomiae* largae

fac-

\* Lib. 6. cap. 23.

† Libro ejus antea cit. ad p. 279, 280, et 281.

saepeque repetitae introduxit usum, quum antea raro vel parce fuisse videtur adhibita. Clysteres commendat frequenter infundendas: Catharticis autem ore sumendis, nisi cassia ac *lenientibus*, quae omnino non improbat, interdicit. Remediis paregoricis usus est; ab his vero, quae *αποκρυστικα* vocantur, praesertim valentioribus, abstinuit. ‘Cornicula, ait, frequentia, et hirudines copiosae, habitui corporis applicitae, conferunt: Sed, qui thermis ac decocto *ligni*, in dies uti voluerint, id nullo fecisse profectu.’

Talis medendi ratio in Gallia, et ubique fere, postea invaluit, et hujusmodi fuit qua usus est celebris Sydenhamus \*. Hic enim quater vel saepius, si opus fuerit, mitti sanguinem, binis diebus aut ternis interpositis, praecepit. *Julapium* refrigerans et *incrassans* ad libitum bibendum praebuit, aut *emulsionem quatuor seminum frigidorum majorum*; atque parti dolenti cataplasma, ex albissimo pane ac lacte croco tincto, applicuit. Diebus a phlebotomia liberis, clysmum *laxativum*, veluti lac *saccharatum*, curavit injiciendum. Si vero aegri imbecillitas *venaesectionem* toties repetitam ferre non potuerit, tum, post secundam vel tertiam, lenia cathartica dedit diebus alternis sumenda, iisdem noctibus *paregorica ex syrupo de meconio*, donec convaluerit. A medicamentis autem *anodynis* pronunciavit omnino temperandum esse, modo consilium fuerit in curatione sanguinis missionem solum adhibere, quum et confirmarent morbum, ut phlebotomia

\* Oper. edit. 3. cap. de Rheumatism. p. 238, 239, 240. Epist. 1. responso. prope finem, p. 282, 283, et 284. atque process. integ. cap. de rheumat.

tomia saepius opus sit quam alias, et in statu morbi vix adferant levamentum. Sin his remediis non cesserit morbus, et aeger nullo modo exinaniri ob infirmitatem tolerare quiverit, medicamenta *antiscorbutica*, qualia *conserva cochleariae hortensis*, ac *lujulae*, exhibuit. Postea autem, magnis observatis incommodis, quae detractionem sanguinis tam frequentem subsequerebantur plerumque, aliique remedio intentus excogitando, sequentem reperit curandi viam, quae in juvenibus, atque iis qui temperantius vixerunt, vino non praeter modum dediti, *rheumatismum* acutum aequae feliciter, ait, ac altera illa operosior ratio, depellit. Aegrotum solo lactis fero per dies quatuor nutrit; postea, praeter ferum, semel in die prandii loco similagineum dedit panem, donec penitus convaluerit; nisi quod postremis diebus iterum panem sivit in coenam comedere. Symptomatis non amplius urgentibus, pullorum elixorum carnes, caeteraque leviora, concessit; tertio autem quoque die, solum lactis ferum, donec firmissima fuerit valetudo.

Etmullerus \* in initio atque incremento morbi commendat *phlebotomiam*, non vero saepe repetitam; aitque, ejus vice cucurbitulas cum scarificatione † optime succedere. In principio quoque vomitum ‡ multum prodesse asseverat. Lumbricos terrestres, variis modis et extrinsecus et intrinsecus adhibitos, veluti summum laudat

\* Oper. tom. 2. p. 510. et 511. colleg. pract. cap. de scorbuto. Rheumatismum autem vocat Arthritis vaga Scorbutica.

† Hoffmannus ait, quod cucurbitulae cum scarificatione locis dolentibus admotae, profundioribus etiam factis incisionibus, multo pauciores solito sanguinem eliciunt. Cap. supra cit. § 11. curationis.

‡ Idem admodum laudat Musgrave.

laudat remedium; dicitque, vivum lumbricum loco dolenti impositum, citissime cum doloris levamine extinguui, atque alios novos semper applicandos esse, donec non amplius, aut saltem non tam cito, moriantur\*. Multum utitur, quod et facit Hoffmannus †, lenioribus diaphoreticis ut medicamentis testaceis, *alcalinis fixis, oculis cancrorum, antimonio diaphoretico, &c.* ac postea etiam volatilibus.

Richardus Morton aliam prorsus usurpavit rationem hunc affectum curandi. Misso semel vel bis sanguine, atque stomacho per vomitum, nonnunquam etiam alvo per clysmum, purgato, quamprimum remissionem nactus sit febris, *corticis Peruviani* cum *opiat*is frequentes doses aegro praebeuit devorandas ‡. Praeterea || decocta et ecligmata *pectoralia lubricantia*, et in-crassantia, liberaliter praescripsit, etsi nulla urgens tussis adfuerit, aut dyspnoea.

Quin et alia adhuc nova via nuper tantata est, idque non sine prospero admodum successu. Primo detracto satis liberaliter sanguine, alvus lotione ducitur, si fuerit suppressa, et interdum, pro aegroti statu, vomitus elicitur. Dein sudor per medicamenta evocatur, quae eum minimo movent cum calore, qualis est *Spiritus Mindereri* in *pharmacopoeia* Edinburgensi, ut alia *sudorifica* aceto temperata, simulque aegrum multa veste operiendo, atque potus calidi, veluti feri lactis

vi-

\* *Vermes terreni illiti*, inquit Plinius, *ne cervicis scapularumque nervi doleant, praestant.* Nat. hist. lib. 30. cap. 43.

† Cap. jam. cit. § 4.

‡ Oper. med. tom. 1. lib. 3. cap. 11. hist. 1. 2, et 3. ac tom. 2. exerc. 1. cap. 9. hist. 12 et 22. et exerc. 2. cap. 9. hist. 10, 11, 12, 13, et 14.

|| Tom. 1. lib. 3. cap. 11. prope finem.



vinolenti vel *acetosi*, copiam praebendo. Haec sudatio tamdiu assidue, vel saltem cum intermissionibus quam brevissimis, donec dolores desinant, continuatur: Hoc autem citius fit, quam per sanguinis missiones, neque adeo hominem infirmat; quum post sanguinolentam illam curationem, qui liberati sunt *rheumatismo*, aliquando in tabem \* incidant, aut nervorum imbecillitatem, saepeque diu postea se moribundos esse opinentur.

Si *rheumatismo* huic male medeatur, vel per purgationes alvi ineptas, vel usum imprudentem medicamentorum reprimentium, sicuti *spiritus vini camphorati*, vel aliter exasperetur morbus, observatum est †, quod *hemiplegia*, *apoplexia*, phrenitis, *peripneumonia*, *asthma*, *colica*, *nephritis*, aut *hydrops*, nonnunquam superveniunt, aegrumque ut plurimum e medio tollunt.

*Rheumatismi* acuti generalis curatione confecta atque absoluta, quum et hunc praecipue tractare institutum erat, et ultra hujus generis opusculi fines duceret, si de morbi ejus omni specie plene atque cumulate dicerem, pauca generaliter duntaxat de cura *rheumatismi* longi, sive qui sine febre est, proponam. Ubi igitur uni loco inhaerescit dolor, facta *phlebotomia*, inungere convenit balsamis *anodynis*, aut *vesicatorium* emplastrum parti superinjacere. Eidem quoque utilissime admoventur hirudines, vel cucurbitulae ‡ cum ferro. Si autem dolori nulla certa sedes sit, sed huc

illuc

\* Morton. oper. cap. ultimo cit.

† Alex. Pascoli de homine, &c. lib. 3. § 3. cap. 5.

‡ Has commendat. Celsus, lib. 4. cap. 23.

illuc vagetur, sudorem movere expedit medicamentis, sicuti gummi guajaci cum sale cornu cervi. Commo-  
dissimum etiam est urinam citare; quod, alvo prius  
purgato aliquoties per lene catharticum, fieri licet,  
bis die cochleare devorando feminis sinapi integri, de-  
coctumque radice bardanae liberaliter bibendo. Effi-  
cax remedium est, saponis optimi unciam quotidie  
sumere. Nec non herbae *antiscorbuticae* auxilio sunt.  
Quibusdam vomere prodest ex *turpetho minerali*: A-  
liis fontium medicamentorum sulphureorum potatio, iis-  
que lavari salutare est. Neque in aqua communi  
tepida desidere est alienum. Si vero morbus ve-  
tustus factus est, aliisque resistit remediis, *mercurius*  
moderate exhibitus, ut levis excitetur *salivatio*, optime  
succurrit.

Jamque ea exsecutus, quae dicere habui de hujus  
morbi historia, sive quae de ejus causis *remotis*, *symp-*  
*tomatis*, *diagnosi*, *prognosi*, atque cura, fuerunt adhuc  
observata, de *proximis* causis, seu *theoria*, tradam  
quaedam, quae in hunc locum distuli, ut certiora mi-  
nus certis, his scilicet per illa inveniendis, praecedere-  
rent. Neque haec omnino praetermittenda esse duxi;  
propterea quod tam fuse particulatimque exponi ne-  
queunt praecepta atque observationes, quin saepissime  
occurent casus, qui non comprehenduntur illis; ideo-  
que aliud quid requirunt medentem dirigere, et quia  
hae conjecturae a *theoria* suppeditatae, postea confir-  
matae ab experientia, certis observationibus subjungi  
queunt. Itaque haec quae sequuntur pro conjectura-  
libus tantum haberi velim, ex quibus tamen proprio  
usui applicatis, boni forte nonnihil acquiri posse.

Ex tempestatibus igitur, quibus plerumque infestat

*rheumatismus*, caeterisque ejus causis, praecipue deberi videtur suppressae *perspirationi cutaneae*, humidorum copiam, antea etiam magnam \*, adaugenti, ac simplici frigoris effectui, quo, *vasis* externis constrictis, interiores rami ex iisdem ac illi truncis derivati, plus recipere coguntur.

Per humorum enim multitudinem *vasa* maxime distenduntur, et imprimis quae pertinent ad musculos, partim ob propinquitatem iis quae obstruuntur aut arctantur in cute, partimque forte propter *vasorum* illorum in quibusdam hominibus naturalem, reliquorum ratione, debilitatem.

Ex vasorum nimia distensione, difficilius propelluntur humores, pronique ad stagnandum lentescunt, ac febris, a prioribus orta obstructionibus, ope hujus lentitiae, augebit eas, et in propagando ad proximos musculos juvabit.

Quum *tendines* et *aponeuroses* acutissime sensiles sunt, eorum canalium distentus magnum excitabit dolorem, praesertim si humores acres sint, ut Baynardi experimentum supra memoratum videretur indicare †.

Hic acer *tendinum* et *aponeurosum* sensus causa potest esse dolorum subitae ex alio in alium locum migrationis, propter *vasa* sua adeo facile irritabilia, ut in contractionem, excitentur tam fortem, quae vim ea obstru-

\* Ubi praegressa exinanitio praedisponens causa est, per effectum suum minuendae perspirationis videtur agere.

† Musgrave ait, serum sanguinis rheumatismo laborantium, syrupo violarum admixtum, virescere, et cum Mercurio sublimato corrosivo albissimum deponere concretum; et haec quidem ita fieri expertus sum; sed eadem prorsus accidebant, ubi serum sani sanguinis adhibebatur.

obstruentem vel dilatantem superet. At materia ista repulsa in magna *vasa*, fatisque spatii non ibi inveni-ente, haec ab illa expedire sese, alioque mittere nitentur; quumque canales, e quibus modo egressa est, manebunt probabiliter aliquamdiu contracti, eos haud valebit iterum intrare, sed vel ipsa, vel humorum similis portio, in quodcunque membrum tunc recipere aptissimum est immittetur. Hoc evenit esse alius loci *tendo*, aut *aponeurosis*, ex magnitudine, ut verisimile est, *vasorum* fuorum, redundantis *serosae* materiae particulis convenientissima. Sed si medicamenta reprimentia, ante factam exinanitionem, admoveantur, ita ut dolor ex alio expellatur in alium articulum irritando et confirmando eos, non mirum videtur, quod appellitur nonnunquam materia ad partes interiores, ut juveni cuidam novi accidisse, qui *spiritum vini camphoratum* applicando semper quocunque accessit dolor, *hemiplegiam* sibi mortiferam induxit.

Propter multitudinem humidorum, vasorumque distentionem, quaedam horum in *membranam cellulosan* suos humores emittent \*, ibique efficient tumorem, qui, si ulli ex suis canalibus rubro sanguine, per compressionem aut aliter, obturentur, erit ruber. At si quidem haec *vasa* minus sensilia et *contractilia* sunt quam illa, difficilius suo onere liberabuntur, ac, postquam illa expediverunt sese, obstructa manebunt.

Causa vero quare in hoc morbo rarissime suppurent tumores, haec esse videtur; quod suppuratio et *cellulosae membranae vasis* per sanguinis rubras praecipue particulas obstructis oritur, quum in *rheumatismo*, ea, quae

\* Vid. Simson. Dissertation. 3. § 36.

quae ad *tendines* et *aponeuroses* pertinent, afficiuntur praesertim, atque infunditur *serosa* duntaxat materia in *membranam cellulosa*m. sique ulla ex hujus *vasculis* rubro sanguine obturentur, apparent adeo pauca esse, ut raro excitent suppurationem, etsi id aliquando in hominibus admodum *plethoricis* efficiant.

Quod pellicula super sanguinem *rheumaticum* crassior sit, sed mollior, quam in quibusdam aliis morbis *inflammatoriis*, magis generali inflammationi, febrique interim remissiori, videtur deberi.

Cur autem denique febris ac dolores noctu ut plurimum intenduntur, causae est, ut verisimile videtur, noctis, supra quam quae diei est, frigiditas, *perspirationem* imminuens.

Ex iis quae dicta sunt appareret, materia nulla specifica, maligna, absorpta per foramina cutis, pro eo quod facit morbum, ponere opus esse.

Neque ullo modo probabilem esse sententiam Cloptoni Havers, de acida caeterisque *acrimoniis*, quas in *rheumatismo* opinatur nasci, et quibus diversas curationes pro humorum differentia praescribit. Nec *muco-ginosae* illae *glandulae*, in quibus statuit sedem morbi, revera existere videntur.

Siquidem muscoli ducendo spiritui destinati, saepe in hoc affectu affliguntur, atque ita spirandi accedit difficultas, nonne apparet ineptum esse plerumque, *pectoralia lubricantia* et *incrassantia* exhibere?

F I N I S.



C  
DISSERTATIO MEDICA  
INAUGURALIS,

DE

Morbis venereis localibus.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

JACOBUS LIND,

SCOTO-BRITANNUS, A. & R.

Ad V. Nonas Maias, hora locoque solitis.

EDINBURGI:

M, DCC, XLVIII.





Praestanti viro,

GULIELMO PORTERFIELD, M. D.

Ob multifariam eruditionem,

Insignemque in medicina solertiam,

In orbe literario non minus spectato;

Quam ob humanitatem morumque facilitatem

In commercio vitae privatae dilecto:

Hanc Differtationem,

Nulla necessitudine conjunctus,

Famae laudique merita obsecundans,

Sui, erga Virtutem ejusque Aseclas studii,

Monumentum

Extare voluit

J A C O B U S L I N D.



# DISSERTATIO MEDICA

## INAUGURALIS,

DE

### Morbis venereis localibus.

#### PROOEMIUM.

**U**T solenni illustrissimae hujus Academiae instituto morem geram, quo, singulis medici nomine legitime donandis necesse est, antequam summos in medicina honores capeffant, sui in arte medica profectus specimen aliquod in publicum proferre; ego etiam in arenam descendere institui, et e re medica, quae latissime quidem patet, et generaliores plurimas quaestiones suppeditat, argumentum tamen particulare de *morbis venereis* propugnandum seligere; horumque morborum speciem aliquam tantum particularem

C c c



larem attingere, ut brevitati, quam hujusmodi exercitatio postulat, consulam, simulque ne eruditis Professoribus taedium pariam. Quare, omissis in horum morborum originem, propagationem, et periodos, disquisitionibus, ingeniosis magis quam utilibus; ut et etiam in specialem veneni venerei qualitatem et naturam; ea solummodo, quae ad praxin et curationem potissimum spectant, simpliciore stylo percurram; siquidem suffragante *Seneca*, Ep. 76.

*Non quaerit aeger medicum eloquentem, sed sanantem.*

MEDICORUM nunc communi consensu comprobatur, labem veneream unica tantum ratione, ex traduce scilicet communicatione facta, ab infecto in sanum propagari. Et quamvis rariores aliquot apud auctores medicos contagionis hujus contrahendi casus inveniuntur, nempe ex aegri halitu, in iisdem linteis jacendo, eadem vestes induendo, &c. jure tamen licet horum casuum fidem in dubium vocare, cum quotidiana et certa experientia constet, contagiosum hoc venenum ex contactu immediato, proximo et intimo, solummodo propagari. Et quamvis ex hoc contactu partium ulceratarum, pure scatentium, ubi pori cutis apertiores, laxi, et veneno facile permeabiles sunt, praecipue si epidermis derasa fuerit, verisimile est, venenum in aliquamcunque corporis partem imbibi posse; hi tamen, qui sequuntur, praecipui atque ordinarii infectionis contrahendae modi inveniuntur.

I. *Ufus veneris* II. *Lactatus*, quo nutrix impura alumnum inficit; vel infans, aut etiam adultus inquinatus,

natus, in nutricem sanam fugendo luem transmittit.

III. *Basia*, qui casus, etsi rarius occurrat, exemplo tamen non caret; quando, scilicet saliva, purulentis miasmatis ex ulceribus in gingivis, labris, et interioribus oris partibus inhaerentibus, inquinata, feminio morbofo, ex intimo contactu labrorum, contaminat sanum.

IV. *Genitura*, qua foetus tenellus, alterutrius parentum vitio, in utero labem haereditariam suscipit, eorumque delicta immeritus luit. Et in hoc casu posteriore solummodo, lues universalis, absque praecedenti aliquo morbo locali, contrahi posse videtur; quum in omnibus aliis, primo semper eae tantum corporis partes afficiantur, per quas virus venereum fuit admissum, localibus et topicis symptomatibus, priusquam sanguis, caeterique corporis humores, contagione inquinantur. Hinc evenit, ut, si ab impuro coitu dimanet, inflammationes, ulcera, et variae genitalium affectiones, gonorrhoearum, cancerum, bubonum, &c. nominibus vulgo insignitae, semper primo oriuntur; si ab infante inquinato contaminetur nutrix, in hujus mammis, mamillarumque papillis, primo semper ulcera, aliaque topica symptomata venerea, apparent; contra, si nutrix impura alumnum inficiat, ex aphthis, variisque in interiore oris parte affectionibus, lingua scilicet, gingivis, palato, cognoscitur. Quemadmodum etiam in iisdem partibus similia accidunt, si e basiatione, aut labra labris conferendo, contagio contrahatur.

## D E F I N I T I O.

Unde patet, *morbum venereum localem* facile definiri posse, primum infectionis gradum, vel luem veneream incipientem, quando contagio nuper admissa adhuc iis corporis partibus inhaeret, quibus ingressa est; et labes etiam vicinarum et circumjacentium partium limitibus est circumscripta. Ad praxin autem perutile est, hanc claram et distinctam horum morborum ideam teneri, quum saepe uni corporis parti virus venereum diu astrictum comperiamus, nulla, aut saltem minimo, progressu facto; et in paucis casibus, sola fere naturae ope, virus posse corpore expelli; in plurimis vero, artis auxilio, in hoc incipiente locali et topico statu, profligari, debellari, et radicitus extirpari, nulla labe ulteriore in corporis habitum inducta, nec sanguine nec aliis corporis humoribus contaminatis: Quod si fieret, *lues universalis vel confirmata* dicenda esset.

Et hoc in loco, quae huc spectant, quaedam e doctissimo *Astruc de morbis venereis* adducam, quae horum morborum diagnosi inservient.

## D I A G N O S I S.

‘ I. Virus venereum partibus, quascunque afficit,  
 ‘ ruborem, calorem, tensionem, uno verbo, phlogosim  
 ‘ vel inflammationem infert.

‘ II. Virus venereum sibi permissum sensim rodit,  
 ‘ exulcerat, depascitur partes quascunque aliquandiu  
 ‘ inflammavit.

‘ III.

‘ III. Virus venereum in partibus, quascunque attingit roditve, scirrhus, tumores scirrhosos, callosque producit.’

Hic observare licet, post admirandos variorum venenorum in corpori animali effectus, et operationes mechanicas, nihil esse admirabilius, quam naturae vires atque conatus in hisce ipsis expellendis, processus quidem suos et methodos, pro venenorum varietate, variantis; in singulis autem processibus aequabilis et constantis: Quod permultis exemplis, in varioloso, pestilentiali, aliisque venenis, illustrari potest. Sed nullum magis, quam virus venereum (ut ad propositum redeam) videre est, veneni sui constantem et aequabilem vim et effectum, in partibus primum effectis exserere; atque adeo naturam, singularem quandam vim suam et processum, in eo pellendo et subigendo, semper adhibere, in quacunque corporis parte ex recenti infectione confederit.

Ex sequentibus enim apparebit, hoc modo et processu, hisce primariis affectionibus, sciz. inflammatione, ulceratione, et suppuratione partium, virus expelli posse ex corpore. Ut hoc confirmetur, effectus et progressus hujus infectionis notabimus, ubi primum in externis solum partibus insidet; tum enim singula facillime observari et animadverti possunt, utpote oculis, aliisque sensibus obvia et aperta.

Non raro in viris accidit, post impurum concubitum, aliis corporis partibus illibatis, virus venereum, in sebaceis seu odoriferis circa balani coronam glandulis, subter cutem aditis, sedem suam habere; et hic semper primo se produnt inflammatio, calor, et dolor partium, quos

quos humoris lymphatici, tenuis et diluti, profluxus excipit, qui indies et acrimonia et copia auctus, partium erosiones, et interdum exulcerationes, in balano et interna praeputii facie efficit. Si autem, ut primum haec prodeunt symptomata, pars tepida, mollis, et perspirabilis fervetur, si solo topicorum emollientium, attrahentium, et leniter detergentium usu, fotu. aut cataplasmate, inflammatio resolvatur, humoris acrimonia demulceatur, et uberior ex erosione aut ulceribus fluxus promoveatur, intra paucos dies humor lenior, parcius, et spissior evadens, sine minimo labis serpentis periculo, aut recidivae metu, tandem sponte sua profluere desinit. Et hoc modo nullus dubito, quin in quibusdam levioribus gonorrhoearum speciebus, virus venereum e corpore eliminari interdum possit, nullis adhibitis internis medicamentis; ubi inflammatio, sciz. cito resolvitur, acrimonia veneni obtunditur, labes latius serpere prohibetur, et virus sola partium, ubi morbi fomes erat, benigna supuratione penitus ejicitur.

Sed in priore casu, nempe glandularum odoriferarum infectione, ut ut levis sit, si medicantis imprudentia fluxus cohibeatur, vel etiam aegri incuria, humor diutius intra praeputium et glandem retentus, majorem acrimoniam acquirat, tunc inflammatio, dolor, et partium calor augentur, erosiones latius et profundius serpunt, et saepe in ulcuscula parva, callosa, et contumacia, vulgo *cancrofa* dicta, degenerant. Haec ulcera cancrofa interdum a causa jam dicta oriuntur, saepius autem pustularum discretarum, cito ulcerantium, forma, primo post coitum impurum prodeunt. Et hic semper comperimus, ubi nec gonorrhoea nec  
bubones



bubones adfunt, si cancri ficci et callosi maneant, nec ad digestionem perducì queant, praesertim ubi verrucarum vel calorum forma, varias genitalium partes et perinaeum obsident, sanguinem, nisi summa adhibeatur cautela, seminio morbofo cito contaminari; quod ex horum ulcerum et topicarum affectionum *situ*, in balano, sciz. praeputio, vel alia quavis penis aut perinaei parte, contingere vix videtur; sed ex horum *natura et indole propria*, qua ad suppurationem, aut digestionem, ad virus ejiciendum necessariam, perducì non possunt: Praesertim quum ulcera rite fluentia in his, aequè ac in aliis corporis partibus salutarem morbi solutionem spondeant; ut ex bubonibus benignis et rite apertis, ex gonorrhoeis, ulcerationibusque largis, in quacunque parte ex recenti infectione, ubertim et libere pus copiosum et benignum emittentibus, praesertim si remedia idonea adhibeantur, virus admissum cito et tuto e corpore prorsus eliminari potest.

## P R O G N O S I S.

Unde patet, quae sit horum morborum prognosis, sciz. pro copiosa et benigna suppurationis et digestionis ratione, salutem aegri, et contagii extinctionem, statui atque judicari posse.

Hinc etiam primaria indicatio curativa desumenda, sciz. in omnibus hisce ex infectione recenti topicis affectionibus et ulceribus, in quibuscunque partibus appareant; ex hisce partibus, ut propriis morbi sedibus, atque via et exitu a natura ad id destinatis, virus eliminandum esse. Nempe, quacunque parte ingressa fuerit labes, ea conandum luem exigere, naturae obsecundando,

cundando, ejusque conamina promovendo, quod faepissime fit copiosa et larga ex ipsis partibus digestionem et suppurationem. Quoniam autem hoc non semper plene effici potest, propter ingravescentem veneni vim, ulcerum venereorum naturam, indolem, et situm, variasque affectiones, tumores scil. scirrhosos, callos, &c. quique nunquam ad suppurationem et digestionem, ad virus pellendum idoneam, perducuntur, contagione interim symptomatibus saevis sese diffundente, et sanguinem infecturo, arte occurrendum est; ejusque progressus terminandus usu mercurii, unicae verae specificae adversus hanc luem, sive localem, sive universalem, antidoti.

Ejusque usu prudenti in variis praeparationibus, quantitativisque, variaque administratione, tuta, plena, et stabilis curatio quam maxime pendet. In quam rem sequentia haec theorematum ponere conabimur.

I. Quum Mercurius crudus inunctus, per cutis poros, naturali sua forma, ad sanguinem permeans, luem quam maxime inveteratam, si non ultra, at aequè saltem ac ulla praeparatio mercurialis, sanet et tollat; statuendum est, simplex hocce et genuinum minerale certissimam esse hujus veneni antidotum; et quicquid a multis de praeparationibus mercurialibus specificis, arcanis, eorumque venditatis effectibus, jactetur, has eatenus tantum operari, et ad virus venereum eradicandum valere, quatenus mercurius in nativam suam formam in sanguine redactus est. Unde hae ex iis eligendae, et prae aliis usurpandae, quae facillime et tutissime

tutissime cum maxima simplicis mercurii copia, in sanguinem possunt insinuari.

II. Rationi consentaneum est, ut et experientia comprobatum, sive interius, per os datus, *mercurius* in sanguinem per vasa lactea aut venosa absorbentia transit, sive exterius, unctione, vel quavis alia ratione, per cutis poros ingreditur; eisdem effectus in virus venereum praestare. Sed *mercurius* crudus per se deglutitus, et quaedam ejus praeparationes, quamadmodum *Aethiops mineralis* et *cinnabaris*, vix, aut saltem minima ex parte, ut effectū patet, ad sanguinem perveniunt; idem tamen tenacibus et viscosis extinctus, quibus atomi mercuriales a se invicem separati et disjuncti servantur, praesertim si penetrante simul et aperiente vi polleant, ut tereb. Venet. sap. Venet. gum. Guajac. camph. &c. cito in sanguinem insinuat, ut, ex copiosa admodum salivatione harum compositionum usu plerumque excitata, plane demonstratur. Atque ita simplex hocce minerale in variis formulis, tuto et facile in sanguinem, nativa sua forma transfundi potest, omnis acrimoniae expers, minima in primis viis facta molestia aut perturbatione; nec plurima incommoda, quae ex diuturno et repetito usu praeparationum chemicarum oriuntur, efficit: Hae autem proximae memoratae non aspernandae, utpote quae peritiles saepe inveniuntur, praecipue calomel. ex praeparationibus chemicis mitissima, certum et citum sibi in sanguinem aditum patefaciens, quod subita ejus efficacia in molestissimis symptomatibus leniendis, et venerea virulentia coercenda et domanda, percipitur. Mirum sane est in hac re *Astruc.* lib. 2. cap. 8. in tantum errorem incidisse, ut laudata pana-

cea mercurii, ‘tanquam una praeparationum mercurialium, quae cum chylo omnium maxime miscibilis, levissima, nulla purgandi facultate praedita, atque adeo quae ore sumpta, omnium copiosissime cum chylo in sanguinem transfundi, et salivationem efficacissime excitare valeat; (*haec etiam adderet*) tamen constat semuncia una mercurii, unguenti forma, cuti ex arte illita, largiorem salivationem moveri, et cum minore eritherismo, quam semunciam puri mercurii in panaceam arte chemica conversi.’ Quod quidem contrarium est ei quod in praxi quotidiana experimur, quum constet in eodem aegro, ubi crudi mercurii semuncia, cuti illita, salivationem excitat, panaceae vel calomel. quartam unciae partem ore exhibitam, fere semper tantundem efficere. Cum ergo dosis mercurialis ore sumpta facilius statui possit, et minore quantitate plerumque scopum attingat, mitiores habeat effectus, atque hi citius se prodentes facilius inhibeantur, salivatio praesertim inopinata, in multis casibus usurpanda est. Sed in quamplurimis aliis, exteriori mercurii usui anteponitur, praesertim ubi in pertinacibus, inveteratis, et gravioribus infectionibus, magna mercurii copia opus est, qui heic tuto et certissime in sanguinem abit, intacto ventriculo, et, si necesse est, immediate in partes affectas via brevissima infundi potest; atque, etiamsi alvus laxa sit, efficaciam suam exferet; in qua alvi laxitate, siue ex ipsis praeparationibus mercurialibus, siue catharticis vulgo cum iis administratis, orta, multo minus ipsius mineralis in sanguinem transfunditur, ubi ore accipitur; quoniam hoc in statu, humorum flumine deorsum praecipitatur.

III. Quocunque modo haecce antidotus adhibeatur, oportet, ut ejus effectus, cursu circulationis, in parte morbida percipiantur, nec temere incipientibus morbis localibus, *topice* parti affectae administretur: Et in morbis hisce curandis ad diversam mercurii efficaciam attendendum est; quatenus ut applicatio topica, et quatenus ut universalis fluidorum correctiva et alterativa usurpatur. Nam ex exiguae quantitatis mercurii praecipitati rubri, cum vulgari aliquo unguento, ad probam et laudabilem digestionem statim promovendam, effectu, e fumigatione cinnabarina, et unguenti mercurialis usu topico, emplastris pulveribusque mercurialibus, diu partibus inhaerentibus, quibus ulcera cito sanantur, verrucae, excrescentiae, calli, scirrhi, bubones, et pleraque venerea symptomata topica amoveantur, insignis mercurialium applicationum topicarum efficacia declaratur, cum decupla mercurii cum sanguine circulantis quantitas non tantundem efficeret. Hic tamen semper cavendum, ne prima symptomata cito nimis amoveantur, neve ulcera venerea prius sanentur, quam virus venereum prorsus fuerit eliminatum et expulsum; aliter enim pessima quaeque sequerentur. Nam praepropera et sola unguenti mercurialis applicatione, canceri cito saepe quidem sanati sunt; inde tamen in inguine bubones, et lues etiam confirmata, sunt interdum consequuta. Quodque hujus remedii, in aliis morbis, quibus accommodatum est, usu plenius illustrari potest; scabie, sciz. herpete, tinea infantica, &c. in quibus omnibus, ad affectiones topicas amovendas, eruptiones repellendas, topicis mercurialibus nil efficacius invenietur. Quinam autem sunt effectus? Morbus, externa parte  
amotus,



amotus, causa interim in sanguine non sublata, in habitum corporis retropellitur, varia et graviora symptomata inducens. Contra, in morbis jam dictis, ubi prudenti ejusdem medicamenti usu, in sanguinem transfusi, et cum humorum circulantium massa intime commixti, sanguinis dyscrasia correctæ est, et humor peccans subactus; atque causa interna amota, tum quidem topicorum mercurialium applicatio efficacissima invenietur ad symptomata topica tuto et cito amovenda. Et experientia comprobatum est, idem in venereis affectionibus topicis accidere.

IV. Quamvis copiosus, legitimus, et diuturnus pyralismus fere semper efficiatur ex quantitate mercurii, quæ quam maxima tuto in sanguinem transmitti potest, et proinde curatio sit maxime efficax ad luen universalem, morbosque etiam locales inveteratissimos et periculosissimos eradicandos; hæc tamen methodus curativa cum tanto taedio et molestia, et nonnunquam periculosa, rarius in prima infectione necessaria est, quum multo minor antidoti portio, et ratio facilior, jucundior, et tutior, plerumque eodem perveniat. De hac autem secretionem mercurio excitata, usque observandum est, uti exempla sunt, in quibus lues quam maxime inveterata assiduo mercurii usu sublata fuit, ubi tamen aeger singulari humorum idiosyncrasia, ad sputandum nunquam adduci potuit; sic contra, in topicis affectionibus, ex contraria humorum diathesi facile colliquescentium, parvas hujus medicamenti doses aliquamdiu sputamen copiosum effecisse, aegrum tamen non sanatum; unde ex subitis mercurii in hac evacuatione promovenda effectibus, certa morbi sanatio non statuenda videtur. Quodnam igitur criterion datur,

datur, quo, medicamento portio, veneno huic subigendo, et radicitus extirpando idonea, statui possit? Respondetur, experientia; qua comperimus in infectionibus gravibus et valde virulentis, ubi virus intromissum altius repositum in corpore latet, nec ullo aut parciore pure ab ulceribus manante, exhaustum est, ubi ulcera, sciz. parva, callosa, et sicca, tumores duri, scirrhusi, maligni, et pertinaces, prima infectionis symptomata apparent, mercurium parvis et parcis quantitatis sumptum, non satis efficacem esse ad aegrum a veneni venerei ulteriore progressu tutandum; et in quibusdam infectionibus gravioribus necessarium esse, tantum fere mercurii in sanguinem transfundere, ad virus in locali statu domandum, quantum ad universalem in sanguine luem subigendam sufficeret. Contra, in infectionibus levioribus, ubi mitiora symptomata sunt, et copiosa suppuratione ubertim et libere profluit admissum virus; ut in gonorrhoeis, et in universum, ubicunque larga extant ulcera, sive in pene, inguine, labiis, &c. benigne profluentia, doses parvas et lenes sufficere; quoniam symptomata mitigando, contagionem latius serpere prohibebunt, et ulcerum venereorum ad laudabilem hanc et benignam digestionem adducendo, virus in primo ortu penitus subigent et eliminabunt. Hinc, antidoti hujus dosium quantitas morbis venereis localibus tollendis idonea, ad morbi magnitudinem, gravitatem, inveterationem, et majorem aut minorem veneni virulentiam corpori inhaerentem, est accommodanda; effectus autem ita aestimandi, ut in circulationis ambitu in partibus affectis sese prodiderint; magis, sciz. veras et naturales horum morborum solutiones promovendo, quam ulla alia, quamcunque

effe-

effecerint, evacuatione aut secretione : Diuturna solum et copiosa salivatione, magna et legitima copia mercurii excitata, excepta.

Haecenus de horum morborum curatione universali. Superest ut therapeiam cujusque speciei particularem nunc tradam ; sed, quum hoc ultra hujus generis opusculi limites me duceret, pauca tantummodo de infectione ex veneris usu contracta, quae frequentius occurrit, proponam.

Ad majorem autem rei elucidationem, ac brevitatis etiam causa, primarios virorum genitalium, ex recenti infectione, morbos, in tres classes dividam (virorum, inquam, quoniam quae de his dicta fuerint, facile, minima variatione adhibita, ad sequiorem sexum applicari possunt)

I Quando inflammationes, exulcerationes, et caetera signa pathognomica, in morborum diagnosi descripta, internis incident partibus, urethrae, scil. glandulis, prostata, vesiculis feminalibus, &c. haec morbi species, quam ex his partibus stillicidium fere semper comitatur, vulgo *gonorrhoea virulenta* appellatur.

II. Quando eadem topicae affectiones *exterius* in pene, perinaeo, &c. se ostendunt, *inflammationes*, scil. *exulcerationes, calli, cancri, &c.*

III. Quando virus venereum, a vasis lymphaticis absorptum, in glandulas inguinales deferretur, ibidem obstructions, et inde tumores, *bubonum* nomine designatos, efficit.

Omnes istae affectiones vel seorsim vel conjunctim existere possunt ; recte tamen morbi primarii dicuntur ;  
nam

nam alia innumera ab auctoribus descripta symptomata effectus tantum secundarii sunt, a prioribus fluentes : Sic dysuria, stranguria, priapismus, veretri chorda, &c. in gonorrhoeis, ab inflammatoria et ulcerosa urethrae diathesi oriuntur ; phymosis, paraphymosis, et chrySTALLINAE, inflammationum et ulcerum externarum partium, qui primarii sunt morbi, solum effectus sunt ; et sic de caeteris.

### GONORRHOEÆ CURATIO.

A gonorrhoeae igitur curatione incipiamus. Haec in initio plerumque suam in urethra sedem habet, quod dolore, per totam ejus canalis longitudinem percepto, et dysuria, symptomate nunquam non comitante, quodque non aliter eveniret, plane demonstratur. Urethra autem, tot numerosis glandulis et lacunis a Coupero, Littero, et Morgagnio detectis, ita scatet, ut copiosum illum, qui in gonorrhoeis cernitur, humoris profluxum suppeditet : Quamvis sine dubio in gonorrhoeis admodum virulentis et diuturnis, contagio ad partes remotiores, prostatam, sciz. vesiculas seminales, et ad inficiendum usque liquorem testium feminalem, serpere possit. Sed principio fere semper inflammatio, ut et postea erosio et urethrae exulceratio, in gonorrhoeis existit : Ubicunque autem sedes fuerit gonorrhoeae, eadem est curatio.

Ut primum igitur infectio hoc modo se prodit, aestus, phlogosis, et inflammatio genitalium omni opera resolvenda et mitiganda sunt, antiphlogisticis, sciz. refrigerantibus et attemperantibus medicamentis, cum regimine, et diaeta tenui et levi huic scopo accommodatis.

datis. Quare exercitationes immodicae, potationes,  
 nimia appetitus indulgentia, ut et omnia libidinis ob-  
 jecta, acrida omnia, aromatica, stimulantia, interdici-  
 enda sunt. In quibusdam casibus venae sectio celebra-  
 da, et, pro re nata, repetenda est. Sed inflammatio  
 haec plerumque tollitur purgatione lenitiva, quae hic  
 semper fieri debet, purgantibus refrigerantibus, salinis  
 diureticis, &c. Liquida enim, refrigerantia, diluentia,  
 diuretica purgantia in hoc statu semper eligenda, aq.  
 scil. vel sal Epsom. sales Glaub polychrest. &c debent  
 etiam genitalia, penis, sciz. perinaeum, &c. foveri  
 identidem emolliente et subtepido decocto flor. fam-  
 buci, chamemeli, fol. althaeae, sem. lini, &c. cum pau-  
 xillo spir. vini camphorati addito: Nec certe semicu-  
 pium in dolore nephritico ureterem inflammatum, cal-  
 culo aut arena distensum, magis demulcet et sublevat,  
 quam hoc in casu, dolore, calore, et partium inflam-  
 matione minuendis, molestisque dysuriis et priapismis  
 amovendis. Pauxillum etiam liquoris alicujus blan-  
 di, aut lactis, vel decoct. hordei, post micturam, in  
 aegri penem leniter syphone injici debet, guttatim  
 quasi, ne urethra inflammata distendatur: Utiliter e-  
 tiam hoc tempore administrari possunt calomel. doses  
 aliquot, ut profluxus leni hujus praeparationis stimulo  
 acceleretur; cui pauca camphorae grana addita, geni-  
 talium calorem et phlogosin multum minuent, et ca-  
 lomel. ad sanguinem cum minore in primis viis ere-  
 therismo transmittent. Ubi hisce remediis, partium  
 inflammatio, aestus, et dolor minuuntur, et profluxus  
 ex urethra liber et copiosus fit; doloris, caloris, et in-  
 flammationis symptomata, corpus laxum, temperatum,  
 et solubile servando, usque subigenda; humorum acri-  
 monia



monia, et virus, emolliente lubricante regimine et di-  
aeta demulcenda; veneni e corpore exitus copioso ab  
urethra profluxu promovendus; ejusque in corpore pro-  
gressus prohibendus, reliquiaeque mercurialibus penitus  
tollendae. In hanc rem semel aut bis die fots conti-  
nuetur; sit potus communis, emulsio vel ptisana refri-  
gerans et humectans; salinorum diureticorum pur-  
gantium loco, manna cum cremore tartari, aliave ca-  
thartica ad aegri habitum accommodata, adhibeantur,  
ut alvus bis vel ter die respondeat: Et si calomel. usus  
minus arideat, ejus loco pilula mercurialis, ex argento  
vivo, sapone Veneto, gum. Guajaco, aliisque idoneis  
composita, usurpetur, repetenda usque et continuanda,  
donec ejus efficacia, et, copioso ab urethra profluxu,  
virulentia penitus fuerit profligata et extincta. Levis  
etiam, pro re nata, unctio mercurialis perutilis inve-  
nietur ad symptomata molestissima amovenda, quippe  
quae immediate ad partem affectam aditum habeat,  
et alternatim cum pilulis adhiberi possit. Ubi hoc  
modo, genitalium calor, dolor, et inflammatio, cum  
dysuria, priapismo, &c. prorsus abierint; et profluxus  
sensim copia imminutus, blandus, viscosus, et lauda-  
bilis evaserit: Urethrae, &c. ulcuscula interna tum  
demum sananda sunt, quod nulla re certius citiusque  
fieri potest, quam topica mercurii ad partes affectas  
applicatione, eas, scil. ad quas pertingere possumus,  
unguento mercuriali, calomel. vel alia quavis leni  
mercurii praeparatione, apta forma injectionis, saepius  
oblinendo. Efficacia topicarum mercurialium appli-  
cationum in cancris quam maxime cernitur, qui sub  
angusto praeputio diu abditi, multiplici curationi, mag-

E e e . . . . . naeque

naeque etiam mercurii in sanguinem transmissae copiae restiterunt; inciso autem praeputio, et unguento mercuriali, plumaceoli applicatione, obliti, paucis diebus sanati sunt.

Plurima autem insequuntur incommoda ex vulgari et indiscriminato calidiorum, acrium, et stimulantium balsamorum usu, sub morbi hujus finem, tereb. Venet. scil. bals. Copaiv. &c. unde phlogosis et genitalium dolor saepe recrudescunt, et molestissima dysuria non raro inducitur: Ut et effectus etiam magis perniciosi oriuntur ex diuturno et repetito cathartorum, mercurialium, &c. usu, ut stillicidium perducatur ad profluxum pellucidum, viscosum, et lymphaticum, quod in multis casibus nunquam fieri potest; quum in senibus, cachecticis, et qui diuturnis et frequentibus gonorrhoeis laborarunt, subflavidum et viridans usque, post virulentiam penitus subactam, persistat: Hujus enim qualitas variis ex causis immutatur; nec hoc mirum videri debet, quum sola rhabarbari dosis ei nonnunquam impertit colorem subflavum; in ichoribus etiam diuturnis, Anglice, *gleets*, stillicidii color et consistentia, pro varia aegri vitae ratione, habitu corporis, potatione, diaeta, exercitatione, &c. variatur.

Sed in hac morbi periodo, ut quae medicamenta, quaeve curatio sit idonea, dijudicemus, affectiones ex gonorrhoea in partibus relictæ, virulentia jam amota, observandæ sunt.

Stillicidia ex urethra, post sublatam in gonorrhoeis virulentiam, in tres classes reduci possunt. 1. Quando erosiones glandularum, vel emissariorum eorum ductuum, aut etiam ulcera, ut saepe fit, interna, post virulentiam veneni penitus demitam permanent; aut  
ubi

ubi exterius in-inguine aliisque partibus ulcera manent, virulentia etiam sublata. Et heic medendi ratio pro statu et ulcerum indole est varianda, quae rursus e profluxus indole judicanda. Itaque, si simplex sit erosio, omissis omnibus balsamicis calidis et stimulantibus, emollientia, agglutinantia, et refrigerantia, acrimoniam sanguinis et humorum demulcentia, adhibenda sunt: Ut, decoctum orizae in quo gummi Arabicum dissolvitur, sperma ceti cum balsamo Lucatelli, aquae minerales acidulae, lac, &c. Si vero ex profluxus indole, saniosi interdum et foetidi, &c. ulcera sordida et profunda esse videntur, tum ad detergentiam confugiendum, ut rite prius deterfa, proba carne postea repleantur, et ad cicatricem perducantur. Horum autem mitissima sunt, balsamum Copaiv. mel, serum lactis medicatum, rhabarbarum, &c.; efficacissima vero ejus generis ad ulcera contumaciora et admodum sordida, est tinctura cantharidum rite et caute adhibita, et haec non diutius continuanda, quam ut bene detergeatur ulcus; curatio postea agglutinantibus et cicatrisantibus perficienda est. Secunda species fillicidii, ulcerationibus omnibus perfecte sanatis, provenit e sola partium laxitate, vel atonia sive sphincterum sive fibrarum muscularium, quibus in statu naturali occluduntur emissaria glandularum; atque hoc post plerasque gonorrhoeas accidit, et plerumque elatere restituto sponte cessat profluxus; si vero non, amovendus est corroborantibus et astringentibus medicamentis, exhibendo, scil. bis vel ter de die, guttas aliquot El. vitrioli vel tinct. antiphth. &c. Si contumax fit profluxus. cort. Peruv. aq. mineral, acidulae, praecipue Spadensis, cum immersione in aqua frigida,

non

non solum istius partis, sed totius etiam corporis, fibrarum tonum restituent; et simul affectiones hypochondriacas, dejectiones animi, et inanem metum recidivi morbi, quae hic fere semper accidunt, medico et aegro aequè permolesta, remonent. Tertia et ultima species stillicidii, sive ichoris, est ubi post diuturnas admodum et virulentas gonorrhoeas, saepe male tractatas, glandulae schirrhosae evadunt; vel cum callis, cicatricibus, aut hyperfarcosi obductae sunt; vel etiam ubi glandularum emissaria, earumve substantia, verumontanum, &c. ab ulceribus profundioribus exesa fuerunt: Quibus in casibus morbus incurabilis plerumque fit, stillicidio hocce per totam vitam perdurante.

### CANCORUM, &c. CURATIO.

In primariorum, post coitum impurum, in genetalibus morborum divisione, secunda erat, ubi topicae affectiones venereae in variis partibus exterius sitae sunt; (quod cum, vel sine gonorrhoea accidere potest,) eandemque fere tractationem et curationem postulat, quae in priore proposita sunt, parva admodum cum variatione. Principio, sciz. minuenda est quamprimum inflammatio, et nè latius serpat praecavendum; et ulcera eadem, qua urethrae ulcuscula, regula et cura tractanda; partes saepius fovendae, molles, perspirabiles, et laxae servandae, emolliente discutiente et anodyno cataplasmate semper obvolutae. Eorum ope virus foras educetur et attrahetur, inflammatio tollietur; et ulcerum profluxus et digestio promovebitur efficacius, quam plerisque digestivis applicationibus,

bus, ob id laudatis. Ubi cancri sunt, applicationes omnes escharoticae, graves ob rationes, sunt vitandae: Et, quamvis mercurius inunctus, qui statim per vasa absorbentia in sanguinem transit, ad partem affectam tuto adhiberi possit; immatura tamen ejus applicatio pulveribus, emplastris, aut unguentis diutius insidentibus, et validius quam mercurius in sanguine topice operantibus, nonnunquam periculosa est. Fetus et cataplasmatibus usu, cancri plerumque molles et faciles servantur, superficialiter serpentes, et liberiores quam ulcera alia ratione digestionem habebunt. Gravis est morbus et infectio periculosa, ubi parvi, sicci, et callosi cancri, verrucae, &c. ut sola infectionis symptomata, apparent, nec ad suppurationem aut digestionem perducuntur: Hoc in casu in inguine bubo exortus, fausta et salutaris morbi crisis evadit, modo ad promptam suppurationem perducatur, et, ubi aperitur, aliquamdiu in digestionis statu fervetur. Quo in casu observandum est, cancos maxime inveteratos sponte sua saepe sanari et evanescere, veneno per vasa lymphatica ad inguē traducto, ibique a corpore pulso. Hoc autem si non accidit, tantum mercurii in sanguinem transmittendum est, aut ore, aut unctione, aut (quod plerumque efficacissimum est) utroque modo, quantum ad virulentiam penitus tollendam et subigendam sufficiat: Tum ulcera topica sananda sunt applicatione unguenti, plumaceolis illiti, cum majore vel minore quantitate mercurii, prout ulcerum contumacia postulaverit. Saepe calomel. asperfus ad sanandos cancos valet, ubi unguentum mercuriale nil proficit. Si autem maxime permaneant contumaces, callosi, fungosi, cum prominentibus labris, turpethum minerale



minerale leve cathaereticum invenietur, et si viginti quatuor horarum spatio ulceri infideat, callum leves escharae forma amovebit cum minimo dolore: Si verrucae, excrescentiae, &c. virulentia sublata, maneant, aut scalpello aut forfice residendae sunt, earumque radices caustico lunari postea delendae.

### BUBONUM CURATIO.

In tertia morborum topicorum classe sunt bubones; aut symptomatice, ubi ex cancro molesto, aut ulcere in alia quavis parte oriuntur: Aut idiopathice, ubi virus hisce glandulis admissum eos afficit; et post coitum impurum, vel seorsim, vel aliis symptomatibus comitantibus, se produnt. Duplex eos tractandi ratio proponitur, resolvendo, sciz. et suppurando; neutrum autem semper efficere possumus, quum nunc quidem cathartice fortioribus administratis, atque etiam in media salivatione, nonnunquam ad maturitatem perveniunt; nunc autem, omni opera, cataplasmatibus, sciz. suppurativis, gummosis emplastris, et cucurbitis ficcis, frustra adhibita, ad maturitatem perducere nequeunt: Saepius etiam, post blandam benignae suppurationis spem, languescunt, et prorsus tandem evanescunt.

Ubi seorsim apparent, ut unicum infectionis symptoma, suppuratio omnino est promovenda, indicio, ut plerumque fit, ab ipsis dato. Ubi maturuerunt, incisionis semper facienda, non ut vulgo, primo scalpello, dein forfice dilatando; sed potius, et cum multo aegri compendio, tum doloris praesentis, tum in posterum molestiae, amplo vulnere ulcus circumcidendo patefacere,

cere, exempta parte circumcisa. Atque haec ratio plerumque isti anteponenda, qua caustico ulcus aperitur; nisi tumoris suppuratio fuerit imperfecta, et puris inopia, atque ubi glandulae callosae, fungosae, nec suppuratae, fuisse putantur. Tum enim causticum est adhibendum, et quotidie repetendum, donec calli, durioresque partes glandularum totae absumptae fuerint, et ulcus ad mundum et probum digestionis statum perductum; in quo statu, sub eadem cura et regimine, quo in aliis partibus ulcera venerea, aliquandiu servandum est; et post virulentiam penitus subactam et profligatam, therapeia hactenus tradita, ad cicatricem perducendum.

F I N I S



H U G O N I,

Comiti de MARCHMONT,

Baroni de POLWART, REDBRAES, et GREENLAW,

Amplissimae curiae ad politicam

Apud Scotos administrationem dirigendam constitutae,

Praefidi dignissimo,

Viro primario,

Libertatis vindici,

Virtutis amico ;

Ob eloquentiam

Caeterasque quae oratorem ornant

Facultates conspicuo :

Qui maximam patriae spem,

Ab adolescentia de se conceptam,

Quocunque in dignitatis gradu enitescere licebat,

Superavit :

Patrono suo perpetim colendo.

Nec non

D. JOANNI RUTHERFOORD,

In Academia Edinburgena

Medicinae Theor. et Pract. Professori

Celeberrimo :

Non magis ob egregiam in sua arte peritiam,

Quam ob ingenii et morum facilitatem

Humanitatemque insigni :

De se praecipue, ob animum quasi paternum,

Optime merito :

Hanc dissertationem,

Studiorum suorum primitias,

Sacram vult

A N D R E A S W I L S O N.





H U G O N I,

Comiti de MARCHMONT,

Baroni de POLWART, REDBRAES, et GREENLAW,

Amplissimae curiae ad politicam

Apud Scotos administrationem dirigendam constitutae,

Praefidi dignissimo,

Viro primario,

Libertatis vindici,

Virtutis amico ;

Ob eloquentiam

Caeterasque quae oratorem ornant

Facultates conspicuo :

Qui maximam patriae spem,

Ab adolescentia de se conceptam,

Quocunque in dignitatis gradu enitescere licebat,

Superavit :

Patrono suo perpetim colendo.

Nec non

D. JOANNI RUTHERFOORD,

In Academia Edinburgena

Medicinae Theor. et Pract. Professori

Celeberrimo :

Non magis ob egregiam in sua arte peritiam,

Quam ob ingenii et morum facilitatem

Humanitatemque insigni :

De se praecipue, ob animum quasi paternum,

Optime merito :

Hanc dissertationem,

Studiorum suorum primitias,

Sacram vult

A N D R E A S W I L S O N.



2  
DISQUISITIO PHYSICO-MEDICA  
I N A U G U R A L I S,

D E

L U C E.

Q U A M,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

N E C N O N

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

P R O G R A D U D O C T O R A T U S,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

A N D R E A S W I L S O N,

SCOTO-BRITANNUS, A. & R.

Ad diem 29. Junii, hora locoque solitis.

Neque istas quaestiones physicorum exterminandas puto. Est enim animorum ingeniorumque naturale quoddam quasi pabulum, consideratio, contemplatioque naturae. Erigimur, elatiores fieri videmur, cogitantes supera atque coelestia. Indagatio ipsa rerum tum maximarum, tum etiam occultissimarum, habet oblectationem. Si vero aliquid occurreret, quod verisimile videatur, humanissima completeretur animis voluptate.

CICERO in Lucullo,

E D I N B U R G I:

M, DCC, XLIX.

F f f





adeo ut, licet corporum compagem non solvat, horum tamen interstitia pererret, partes mobiliore agitet, iterumque elabens, corporis sic perscrutati figuram, colorem, aliasque qualitates, oculis aliisque sensibus exhibeat.

Corporum *densitas* pendet a subtilitate atomorum ex quibus conflantur, quae facit ut arctius coire possint, et interstitia minima faciant. Lux, quum ex minimis atomis constet, densissima esse debet; quo majores enim atomi, eo majora interstitia, et contra. Hinc alia corpora, ex majoribus atomis conflata, majora etiam habent interstitia et poros, quos subtiliores Lucis particulae penetrant. Neque tamen Lux densior est, aut hujus atomi sibi mutuo propiores, primum e sole tanquam e centro emergentes, quam in ultimis suis tractatibus.

Lucis *agilitatem* fatis demonstrant experimenta electrica recentiora; eandemque confirmant corpora elastica, quae subito ictu percussa in arctius rediguntur, sed agilis Lux sic expulsa pari propemodum impetu in interstitia ruit, locumque extemplo recuperans, mutata corpora in pristinum statum restituit. Non vero tam aestimanda est Lucis agilitas, ex incredibili singularum atomorum velocitate, quam ex instantaneo harum motu per continuam seriem propagato; globulorum adinstar se mutuo contingentium, quorum si ultimus propellitur, anteriores omnes moventur.

Licet tantis proprietatibus gaudeat Lux, non tamen ex ejus essentia sequitur, ut sponte caleat, aut in ignem accendatur, nisi rapido et fervido motu intestino agitentur ejus partes minimae, quo huc illuc incerta directione, occurso, et collisu rapiuntur omnes, donec tandem



tandem e luctamine hoc mutuo et tumultuario evadentes, extrorsum fugiant et dissipentur. Quum autem atomorum sic eluctantium motus sensim languescat pro ratione distantiae a centro ignito, pari etiam lege decrescit calor.

Lux, in medio solis ardore, vegetior quidem magisque agilis, non tamen densior esse potest quam in ultimis ab eo distantibus: Namque atomi etiam hic se invicem contingunt, neque in ipso sole propius accedere magisque compingi queunt. Sol quidem consideratur tanquam Lucis centrum; non tamen inde propagatur Lux specie radiorum sensim magis magisque divergentium, sicut incautis apparet, sed undatim quaquaversum inde effunditur, instar aquae e fonte manantis, cujus atomi non per lineas rectas aguntur, ita ut quisque acceptam conservet directionem, verum, ceteratim et sine certa lege eundi progrediuntur. Simili ratione, perpetuus Lucis rivus e sole quaquaversum dimanat, et immensum mundi systematis spatium aequabiliter adimplet, ut aliam omnem materiem sua natura pigram, inertem, et passivam in motum et actionem excitet.

Quum autem experientia constet, quod ignis terrestris, aut focus quilibet arte extructus, sensim languet, tandemque consumptus, pereat, nisi novo adjecto fomite et nutrimento sustineatur; quaeri potest, Quomodo sol tam immanem lucis copiam assiduo emittat, neque tamen vel moles ejus minui, vel virtus languere videatur? Pabulum quoddam et materiem, qua tanta partium jactura reparari possit, ei subministrari oportet; ne sensim consumptus, tandem deficiat. Ipsi solis moles, ut ut ingens aestimetur, tanto tamque

# DISQUISITIO PHYSICO-MEDICA

## I N A U G U R A L I S,

D E

L U X E.

**C**UM nihil in rerum natura magis nobis ubique clarum sit et obvium, nihil tamen fortasse minus notum est et intellectum, quam Lux: Quae, licet alia pene omnia visibilia reddat, et tanquam praesentia oculis sistat; ipsa tamen adeo est tenuis ac fugax, ut per se comprehendi nequeat, sed solis effectibus et operationibus se prodatur. Operae ergo pretium duxi, pauca de ejus *natura, origine, propagatione, et effectis* proponere, potius quam illustrare.

Advertendum interim est, hujus dissertationis argumentum non esse lumen stricte dictum, quo alia corpora visibilia redduntur; sed subtile illud et aethereum fluidum, quod non solum lumini, sed et igni atque aëri originem praebet, quodque tantum non omnium

cf-

effectuum rerum physicarum praecipua causa existit. Hoc ergo fluidum, brevitatis causa, Lucem hic appello, quae quatuor imprimis proprietatibus gaudere videtur, sciz. summa *fluiditate*, *subtilitate*, *densitate*, et *agilitate*.

Lucis *fluiditas* luculenter se prodit, quum in alia corpora impingens, atque inde statim repercussa, momento temporis ea ipsa omnesque eorum conditiones oculo manifestet: Quin etiam cum corporibus omnibus in eo moventibus sine ullo renixu cedat, nulla partium cohaesio ei competere potest. Et licet ea videatur specie linearum vel radiorum divergentium a centro lucido propagari, considerandum est, quod nihil in filamenta extendi potest, cujus particulae non cum se invicem complicantur, aut gradu quodam cohaesionis tenentur, quae res Lucis fluiditati minime respondet.

Miram Lucis *subtilitatem*, seu, quod eodem redit, partium tenuitatem et minutiam, arguit ineluctabilis ejus per omnia corpora terrestria transitus. Corpora pellucida, quorum etiam pori sunt arctissimi, id satis monstrant. Auri metallorum solidissimi liquefactio in igne idem probat: Si enim Lucis, aut, quod idem est, ignis atomi in metalli intima non penetrarent, earum vis, per ignis actionem aucta, tantum abesset ab auro fundendo, ut superficiem magis comprimens ac condensans compagem metalli firmaret. Et quidem si penetrans haec Lucis indoles pigro aëre plerumque temperata esset, corporum omnium, quae assidue pervadit, partes dissiparet, omnemque cohaesionem solveret. Sed crassior aër admixtus, nimiam lucis actionem coercet et temperat,  
adeo

que diuturno dispendio nequicquam sufficeret, non si tota in fluidam lucem deliquesceret. Neque ipsa lux, quamdiu propriam conservat formam, in fontem suum reverti potest, atque inde iterum per repetitos circuitus nobis redire. Lucis enim motus ab igne solari extrorsum tendit, neque ei remeandi potestas conceditur.

Quo itaque hujus problematis solutionem inveniamus, expedit aëris naturam vel generationem explorare; tantus enim amor et amicitia mutua inter ignem et aërem obtinere observatur, ut facile credamus, hos duos genere et ortu esse cognatos, alterumque esse alterius progeniem. Norunt omnes, quod ignis sine libero commercio cum aëre, subsistere aut sustineri nequeat. Si parciore aëris accessus, languet; si omnino prohibitus et exclusus, statim extinguitur ignis. Contra, quo majori copia et impetu aër accedit, eo vehementius ignis ardet. Id fati docet folium usus, et ignis incrementum ab aëre, alia qualibet ratione valide afflato. Immo experimentum nuper excogitatum demonstrat, quod ignis vis eousque intendi possit, solo aëris frigidi afflatu forti et continuo, ut globus ferri prius ignitus, et huic expositus, sine foco aut fomite quolibet alio, sensim sensimque ulterius incandescens, tandem fundatur, et in guttulas deliquescat. Quum itaque tantum valeat *solus aër* ad ignis augmentum et vigorem, suspicari licet, quod fomites, quos igni adjicimus, focos quidem nostros sustineant atque alant, haud tamen ignis vim intendant, nisi per consequentiam, quatenus molem et superficiem foci idonea materia augendo, majorem aëris copiam attrahant et alliciant.

Aër itaque videtur proprium esse ignis pabulum, quum tam avide ab eo rapiatur; tanto interim acriori fervore Lux ex igne erumpit, quanto rapaciori amplexu ignis aëra corripit. Illic autem absumptus aër perit, vel saltem propria sua natura et indole spoliatur. Frustra quaeritur in foco: Nullus ibi aër, nullus expellitur, licet multus affluerit, sicuti nos docuit Ch. Hookii experimentum. An annihilatur? Minime. Mutatur tamen: Sc. aëris corpuscula in partes suas constituentes, nempe in Lucis atomos, vi ignis resolvuntur. Hinc ille lucis torrens, pro ratione admissi aëris, vehemens, ex igne assiduo erumpit, cui nihil materiem, unde nascatur, suppeditare potest, si aërem excipias; aliorum quippe fomitum, sive vegetabilium, sive fossilium, textura et compages in igne tantum solvitur; at dissipata materies arte chemica, sub aliis formis, sc. aquae, salis, olei, et terrae, recuperari potest.

Angusti hujus dissertatiunculæ limites haud sufficiunt generationi vel indoli aëris explicandae. Omnes tamen agnoscunt, quod hujus corpuscula multo crassiora esse debeant, quam sunt atomi Lucis. Hae enim, pro sua subtilitate, omnia pervadunt corpora sublunaria; illa autem interstitia plurimorum corporum penetrare nequeunt. Ergo atomi lucis simplices, aëris vero corpuscula ex aliis minoribus composita esse videntur; et quidem haec ex illis constari persuasum habemus. Nam, praeter motum primarium et progressivum, quo omnes Lucis atomi, a sole depulsae, extrorsum feruntur in omnem nostri systematis ambitum, unaquaeque etiam atomus vim quandam ei illatam a vicinis atomis, in eam recumbentibus, sustinere debet,

qua



qua vi et pressione mutua, particulae a deflexionibus anfractuosis cohibentur, et semet invicem in progressu suo retardant et impediunt. Vis quidem haec minima est prope solem, ob maximam fluidi velocitatem; sed quo longius atomi a sole recedunt, eo magis motus progressivus, quem ab ea receperunt, languescit, et pari ratione crescit pressio lateralis. Idem quoque in aliis fluidis contingit, quorum pressio perpendicularis minima est, quando maxima velocitate moventur. Sic, valido spirante vento, descendit in barometris argentum vivum. In magnis itaque a sole distantibus, multae atomi, dum, torpente motu, fortius in vicinas nituntur, cum his tandem cōire et conglomerari incipiunt in massulas majores, quae aëris corpuscula constituunt; omnis enim atomorum cohaesio externa pressione conciliatur. Non ergo materie, sed tantum plurium elementorum cohaesione *Aër* a *Luce* differt. Simili ratione sanguinis globi, majores, et rubri, ex pluribus particulis serosis minoribus in massulas istas concrefcentibus nascuntur, et quidem praecipue in venis, quoniam hic languet magis fluidi motus.

Sic itaque in remotis a sole distantibus, aëris corpuscula, e Luce genita, et ei innatantia, disperguntur assidue pariter per totam Lucis molem, ut in fluidis solventibus, *menstruis* dictis, observatur; quod solvendi corporis partes, non huic aut illi portioni, sed toti liquoris massae, se immisceant, ut hunc aequabiliter saturant: Sic cohaerentia aëris corpuscula, per puriorrem Lucem disseminata, in purissimum hujus fontem tandem rapiuntur; cujus vi in principia sua, i. e. in Lucem, denuo resoluta et fusa, iterum expelluntur, atque Lucis rivum perpetuant.

Dum

Dum itaque sol tantum aëris affluxum recipit, quantum Lucis effluxum emittit, idem perstat, senectutis, languoris, et interitus nescius; quum solidus ejus orbis e materia quadam adamantina, ignis viribus non mutabili, a sapientissimo Conditore constituitur.

Neque modo lux aëris generationi atque destructioni, aliisque omnibus nostrae atmosphaerae mutationibus producendis infervit; verum et vel per se, vel conjunctis cum aëre viribus, primaria causa est omnium phaenomenon, quae aliis corporibus contingere observamus. Licet sagacissimus Artifex infinita rerum varietate hanc nostram tellurem ditaverit, haec tamen spectabilis varietas, quae adeo nostram admirationem trahit, non tam ex diversitate materiae, (quamvis atomi sine dubio a se invicem mole et forma differant), quam quidem ex diversa ejusdem structura, compage, et conformatione, pendet. Rerum enim omnium primordia, seu femina prima, sunt, uti concipimus, corpuscula minima, perfecte solida, non mutabilia, neque in minores partes divisibilia, adeoque Atomum merito dicenda. Hae autem mentis, non oculi, acie spectandae, sua simplicitate, exilitate, et soliditate gaudentes, quum ab ipsa Luce penetrari nequeant, stabiles manent, neque ulterius compingi neque rarefieri possunt.

Ex hisce adeo simplicibus elementis, mirabilis illa, quam cernimus, comparatur rerum varietas. Namque atomi hae primo agglomerari videntur in massulas majores, quas particulas *primi ordinis*, appellare licebit, et quae, cum multiformes esse possint, et diversa ratione ac numero conflatae, magnam in corporibus

bus componendis pariunt diversitatem et dissimilitudinem : Omnia enim corpora, saltem magis homogenea, v. g. aqua, terra, oleum, et fal, ex particulis sui generis constare videntur. Atque cum nulla alia rerum primordia agnoscamus, praeter primarias has cohaesiones ex atomis conflatas, profusa illa in regno fossili, vegetabili, et animali, corporum diversitas, ex diversis particularum constructionibus enasci debet.

Verum nullius hujusmodi corporis compages tam firma et densa est, ut lucem excludat; quinimo haec omnium penetralia subit et pererrat: Neque atomi solidae sic in elementa *primi generis* cōire queunt, quin subtilis lux poros et interstitia penetret; quia hujus atomi adhuc minores sunt, quam illae mox memoratae, ex quibus alia corpora conflantur: Pro diversa igitur ratione, qua Lux recipitur, colligitur, permeat, aut expellitur, singulares corporum proprietates praecipue oriuntur. Quum porro experientia compertum sit, quod plurima corpora partibus consistant, quae facile igni cedunt, et ab eo dissipantur, hae particulae, *volatiles* dictae, videntur esse *bullulae*, aut vesiculae minimae, intus cavae, quae majore Lucis copia inflatae turgent, et sic specificè leviores factae, in vaporem aufugiunt; verum imminuta Luce contrahuntur et cōeunt, hac vero magnopere subducta, in glaciem consolidescunt. Aliae etiam particulae, licet non sic excavatae, uberiore tamen Luce perfusae, poterunt rarefieri, dum, subtili hoc fluido irruente, distenduntur omnia interstitia, recedunt paululum atomi solidae, et aucta mole, turgēt tota particula.

Corpora autem quae *fixa* dicuntur, quia ignis violentiam immutata sustinent, suas partes ita conforma-

tas habere videntur, ut subeuntem Lucem facile et sine renixu transmittant; vel, quod verisimillimum est, quaedam constant ex folliculorum disruptorum fragmentis, aut aliarum particularum ruinis. Nam, licet atomi istae solidae, e quibus corporum omnium elementa conflantur, prorsus sint immutabiles, particulae tamen cohaerentes non tam stabiles sunt, quin saepe numero dissiliant et frangantur, atque novas deinceps induant formas; uti chemicorum experimenta, et omnium fere corporum mutabilitas, satis demonstrant.

Denique, quum Lux omnia corpora pervadat et permeet, adeo ut nullum spatium vacuum aut inane relinquat, ab hujus actione, influxu, motu, copia, mora, effluxu, et expulsiōe varia, soliditatis, fluiditatis, elasticitatis, gravitationis, attractionis dictae, et repulsionis, nec non omnium in rerum natura phaenomenon causae, apte satis explicari possint, quas alii omni aevo, ex aliis, fluctuantis, heu! et mobilis nimium philosophiae principiis indagare satagerunt. Sed nostrum jam est de oeconomia animali agere.

LUCIS actio maxime luculenter se prodit in animalium fabrica, in qua exstruenda, natura summam suam posuit solertia, et in qua tuenda, ars medica praecipue versatur.

Haec interim observanda sunt: Quod, cum animalis vita a motu partium pendeat, hic motus a perpetuo *Lucis* nisu oriatur. Quod per corporis *calorem*, nihil aliud intelligam praeter vividiorē *Lucis* motum. Quod diversa corporis organa omnino necessaria sint huic actioni moderandae, ut mutanda materies varias induat formas. Quod denique humores constare debeant

beant particulis illis volatilibus antea descriptis, ut circuitionis legibus facile obtemperent.

Alimenta nostra, sive e regno vegetabili, sive animali petita, multo quidem *aëre* foeta sunt, sed ingesta et inquilinis humoribus permista, in ventriculo, ab omni commercio cum aëre externo secluduntur; atque ea, hic corporis calore fota, motum intestinum suscipiunt, qui, in tot diversis humoribus eodem loco calido congestis, facile nascitur: Unde ingressus *aër* in sua elementa resolvi videtur, atque alimenti particulae a se invicem separantur, et rariores ac mobiliiores redditae, se mutuo atterunt, resolvuntur, et novas induunt formas, humoribus nostris magis affines. Quae denique maxime calidae et activae, *calore* quaquaversum dissipatae, exitum inveniunt per vasorum hiantia officia, earum receptui dicata.

Hanc alimenti digestionem, et chyli ingressum in vasa lactea, haud parum promovet ventriculi et intestinorum motus peristalticus, alterna diaphragmatis et musculorum abdominalium actio, et valvularum conniventium effectus. Hisce enim fit, ut parula vasorum ora, irrudentibus effluviis, obvia sint, ut coerceatur nimia turgescens chyli expansio, et ut omnia deorsum determinantur. Hinc ergo intelligimus, quantum valeat calor in alimenti digestionē: Quam parum a veritate recesserit olim magnus ille Hippocrates, qui hanc mutationem soli fere calori adscripsit: Et tandem, cur imminuto corporis calore nativo, langueat adeo digestio et chylificatio; et cur tunc ingesta spontaneam suam sequantur indolem, in acidum aut alcali mutantur, et cruditates generent; unde flatulentia  
multa



multa in primis viis, et multiplex nascitur morborum cohors.

Chylus, sic ex alimentis paratus, sanguini tandem in vena subclavia affunditur, ut, in hujus naturam elaboratus, omnes corporis humores reficiat et recreet. Hi enim, licet indole, colore, et consistentia diversi appareant, omnes tamen ex eodem liquido genitali nascuntur. Sanguis autem quiescens, et sibi commissus, sponte sua in binas secedit partes: Scil. in serum fluidum et subflavum, atque crassamentum rubrum ex particulis majoribus rubris conflatum. Globi hi rubri per se fluidum haud constituunt, sed tenuiori innatant sero, et quidem ex pluribus feri elementis in unum corpusculum compactis conflantur, adeo ut facile, soluta partium cohaesione, in serum iterum delinqueant. Serum ergo considerari meretur, tanquam princeps et primarius humor, ex quo, varia ratione mutato, omnes reliqui nascuntur. Est enim fluidum simplex; id est, omnes particulae sunt ejusdem structurae et indolis, nisi forte quaedam vel magis acres, vel circuituioni parum aptae, diuturniore agitatione reddantur: Neque feri particulae in alias minores temere resolvuntur, quia non, sicut globuli rubri, ex particulis minoribus conflari videntur, licet mutabiles, quoad molem et figuram, factae, rarefieri, et diversas formas, data occasione, induere possint. Quo itaque hic humor magis mutabilis evadat, oportet ut ejus partes laxissimae inter se cohaereant, facillimumque Luci aditum et permissionem praebeant; indeque in diversis visceribus diversas subeat mutationes, et nunc in bilem, nunc in mucum, lympham, &c. transeat.

Principia

Principia itaque, in quae serum analysi chemica resolvi potest, in eo sub istis formis non per se extitere, sed vi ignis extorquentur. Serum enim, sicut omnia alia fluida in corpore organico, constat praecipue ex aqua et terra, primariis rerum elementis, quae, certa ratione subacta, in saponaceas, seu salino-oleosas, converti possunt, et quae distorta aut diffracta salem praebent, vel terram iterum deponunt, dum pura renascitur aqua.

Cum sanguis sit humor compressibilis et expansibilis, haec proprietas aliter intelligenda non est, quam quod *lux* aut *calor* ejus interstitia liberius repleat, atque particulas inflet, unde totius liquidi volumen augeri debet.

Globi sanguinis rubri, ex pluribus serosis in unam massulam concretis compositi, pro re nata in partes constituentes resolvi queunt: Quod praecipue in arteriis minoribus contingit, ex quibus paucae particulae rubrae integrae in venas incipientes trajiciuntur, sed mox iterum in majorum venarum alveis renascuntur, quia motus hic languidior: Nam si deessent, totusque sanguis ex solo sero constaret, ex levi qualibet causa nimiae rarefactioni et expansioni obnoxius esset.

Sanguis e corde in pulmonem projectus, per latissimam vesicularum superficiem diffusus, et aëri pene contiguus, ibi quidem refrigerari debet. Sed quantum aër sanguinem refrigerat, tantum sanguis calore suo aërem in *Lucem* solvit, quae, vasa sua subtilitate facile subiens, cum sanguine miscetur, et calori corporis refocillando inservit.

H h h

Aër

Aër externus comprimens, et Lux interna humores rarefaciens, ita sibi invicem remittuntur, ut omnes systematis nostri partes sustineant, et officiis aptas reddant; uti evincunt phaenomena, quae in animalibus vivis anthliae pneumaticae commissis observantur.

Humores omnes in canalibus, seu vasis solidis, moventur, quae ex fluidorum particulis concretis et in fortiorem cohaesionem compactis fiunt, nisu Lucis et humorum pressione. Non tamen constat, quod fluidorum partes singulari aliqua secretionem praeparari debeant, ut aptius in formam solidam concrecant. An omnes humorum partes pari lege huic operi idoneae sint; an potius quaedam prae ceteris aptiores sint; non hic definitio. Id saltem compertum habemus, quod in plerisque humoribus, aliae partes sint leviores, aliae graviores.

Partes solidae analysi chemica eadem exhibent principia, atque partes fluidae, diversa tamen proportione; solidae enim oleo, fluidae aqua magis abundant. Terra vero nulla pura, vel ex vegetabilibus, vel ex animalibus, elicitor, nisi igni aperto comburantur; unde videtur, quod particulae terrestres adeo oleosis inviscuntur, ut amplexus vix amittant, donec folliculi oleosi ignis vi fuerint disrumpti. Quum itaque solida adeo fixo oleo seateant, hinc facile *electrica per se* deveniunt.

Licet rudimenta omnia futuri animalis, in tenui embrione complicata, latere possint, vix tamen credibile est, omnia hunc habere vasa, quae in corpore adulto inveniuntur. Sufficiat forte, si vasa majora ita composita sint, ut humorum motibus cedentia tum

ex

extendantur, elongentur, et multiplicentur in requisitam formam, magnitudinem, et numerum. Id vulnorum et inflammationum phaenomena quaedam indicare videntur.

Vasorum autem parietes non ita compacti esse videntur, quin per harum texturam exhalari possint humorum effluvia, quae interstitia subeunt, et canalium omnium exteriora lubricant, humida conservant, et mobilitati partium inserviunt. Humidus autem hic vapor, nimia copia collectus, et congestus in canalium interstitiis, hydropi causam plerumque praebet.

Mirabilis interim sanguinis gyros, quo per omnia corporis puncta fluit refluitque, hisce praecipue causis sustineri et redintegrari videtur; 1mo, Recentis chyli admittance in vena subclavia, qui, e ductu thoracico ad angulum acutum in subclaviam venam infusus, missi humoris motum accelerat. 2do, Cordis vasorumque actione, sanguis valide versus tenuissimos arteriarum fines projicitur. 3tio, Calore interno expandente, aëre externo coërcente, horumque antagonismo perpetuo commotus humor, qua datur porta, ruit. 4to, Perspiratione et secretionem varia, quibus minuitur in arteriis sanguinis pressio ab anteriore, adeoque in harum extrema determinatur humorum motus; cor autem, contractione sua inanitum, in vacuas auriculas et ventriculos allicit sanguinis venosi affluxum.

Calor corporibus nostris, sive nascentibus, sive adultis, adeo est naturalis, ut aptissime veteribus diceretur *calidum innatum*, quoniam nullae in corpore inveniuntur causae, quae hoc gignere, licet multae adfunt, quae jam genitum fovere et refocillare queant; sciz. 1mo, Ingesta multo aëre foeta, qui aër in ventriculo

et



et intestinis in Lucem resolvitur, adeoque in materiem calori sustinendo aptam. 2do, Respiratione haud parum augetur; omnis enim inspiratus aër non expellitur, sed aliqua hujus portio in qualibet inspiratione calore pulmonis resoluta, sub specie Lucis in humores transit: Atque hinc intelligitur, cur eadem aëris quantitas respiratione non diu inserviat, quoniam repetita respiratione animali destruitur; quod instituta experimenta docent. 3tio, Corporis nostri superficies externa, quum semper magis aëre incalescat, necessario partes hujus propiores in elementa Lucis fundere debet; neque huic argumento obstat, quod gradus hujus caloris adeo sit moderatus, quum vel tempestate aestiva solis calor corporis humani calori haud par sit, magnam tamen aëris copiam in Lucem fundit. 4to, Liquidum nervosum perpetuo erumpens, et cum sanguine mistus, totam ejus molem exagitat, majoremque suscitatur motum.

Dum enim omnes corporis humores, admista Luce, mobiliiores fiunt, multa quidem suadent argumenta, quod nervi subtile hoc fluidum purum et sincerum transmittant. Quum nempe tantum valeat Lux in oeconomia animali, ut, sine ejus ope, partes sua munera exercere nequeant, haud a ratione alienum videtur credere, esse in systemate nostro scaturiginem quandam, unde novae Lucis suppetiae in usus necessarios semper derivari possint.

Haud parum inter se dissentiunt medici de natura et indole succi nervosi; nec sane mirum. Quum enim apud omnes in confesso sit, quod hujus ministerio peragantur actiones, dictae animales, atque hae tam vividae et subitae saepe sint, ut prorsus instantaneae appareant,



paréant, vix concipi potest, quomodo aliquis humor, e sanguine cretus, in tantam partium subtilitatem elaborari queat, ut phaenomenis istis respondeat. Hae certe proprietates nulli competunt humori Anatomicis aut Chemicis saltem noto; aqua enim per se nimis pigra et segnis videtur, et spiritus omnes dicti, sive volatiles sive inflammabiles, tanta semper per acrimonia valent, ut tenellos nervos roderent et destruerent. Simplex vero Lux non modo requisita gaudet agilitate, sed et placide, tuto, et sine quolibet incommodo, per partes transit, uti docet quotidiana experientia, et confirmant electrica experimenta.

Omnium partium actiones a motu pendent; motus autem hujus principium et origo adscribitur spiritibus in cerebro secretis. Debet ergo cerebrum existere ante alias corporis partes, quae sine eo immobiles, adeoque inutiles essent. Huic doctrinae stabiliendae favent omnia, quae in nascentibus animalibus detexit Anatomicorum industria. In primo enim animalis rudimento, nil aliud observare licet, praeter cerebrum, et appensam medullam spinalem, ejus propaginem. Ex hisce primo viscera, deinde artus exteriores, quasi protruduntur. Fuit ergo cerebrum, antequam nasceretur punctum saliens, antequam vel unica parata esset sanguinis guttula, quae futuri cordis antra et vasa nondum facta, saltem nondum extensa repletet, et purae Lucis rivulis agitabatur tenelli embrionis corpusculum, antequam excoquerentur crassiores humores, quum nempe omnes futurae partes motum suum et vim ab impulsu spirituum accipere deberent, aequum videbatur, ut prima sua stamina solida mutarentur a nervis, per quos spiritus e cerebro ad eos derivantur.

Cerebrum

Cerebrum quidem glandulae speciem exhibet; cum autem aliarum glandularum ductus excretorii simplices et breves sint, atque secretum humorem statim, vel in cavitatem quandam, vel extra corpus, effundant; nervi vero, qui cerebro pro canalibus excretoriis sunt, arteriarum more in omnia corporis loca feruntur, adeo ut nullum inveniri possit punctum, ad quod nervi fibrilla non appellat; hinc sicuti cor sanguinis, sic cerebrum est perennis spirituum scaturigo, et e duplici hoc fonte, in omnes partes derivatur quicquid ad haram motum, vitam, aut nutritionem requiritur.

Nervus omnis visibilis est fasciculus minorum nervulorum, qui eadem membrana involvuntur; quando itaque nervi findi et in ramos dividi dicuntur, haec divisio tantummodo intelligi debet de thecis istis membranaceis, quae eos in decursu tegunt, dirigunt, et muniunt. Ipsa enim filamenta nervea e cerebro oriunda adeo tenuia sunt, ut nec in ramos findi, nec ulterius gracilescere queant. Haec tamen Lux, atomorum subtilitate, pervadere bene poterit, sive fibrillae fuerint solidae, sive canaliculi praeter imaginationem angusti; id quod experimenta electrica demonstrant.

Neque absurdum videtur credere, Lucem in cerebro e sanguine secerni, licet hic parum forte cerebro tribuat quod non prius ab eo acceperit.

Pura Lux quum fugacissima sit, et omnia pervadat, nullis claustris aut obstaculis coërceri potest, ita ut sensibus nostris percipi queat; et quando aliis immiscetur corporibus, ita horum speciem et indolem induit, ut vix distingui possit. Hi autem sunt ipsi characteres spirituum animalium, qui anatomicorum solertiam eludunt,

eludunt, vincula spernunt, neque sensibus nostris per se manifestari possunt, licet effectus edant omnibus obvios et evidentes.

Novimus porro, quod Lux oculum usque ad retinam penetrans, rerum externarum imagines nervo optico imprimat, et spiritus qui in eo sunt adeo excitet, ut hisce internunciis afficiatur statim cerebrum, et in mente nascatur objecti externi idea: Sed liquidum, quod impingentis Lucis ictui tam facile cedit, ejusque imagines depictas tam accurate transmittit, atque subtile et agile esse debet atque ipsa Lux: Si autem singulares hasce Lucis proprietates habeat, jam vera Lux est.

Neque huic sententiae favet tantum ratio, sed et fere sensus. Quando enim attus aliquis, v. g. crus a compressione nervi obstupefcit, adeo ut dormire dicatur; simulac, sublata causa premente, spiritus de novo in nervos liberos fibrasque redeunt, tota pars quasi levissimis aculeis compungitur. Atque idem fere puncturae sensus excitatur, quando aura electrica ex alio homine in alium derivatur, pars sive erumpente sive irrumpente Luce percussa, similibus quasi aciculis leviter pungitur; mirus, scilicet ille aether electricus nihil aliud est, nisi Lucis uberius collectae et celerius motae rivus.

Observatur denique, quod liquidum nervosum corporum omnium externorum impressiones excipiat per interpositum medium quoddam humidum et molle. Sic nervus opticus, instar muci tenerrimi, per retinae membranam diffunditur; sic nervi auditorii aliorumque omnium sensibus servientium fines ultimi, qui  
objectorum

objectorum impressiones excipere debent, materie subfluida, blanda, et inerte obducuntur, idque in varios usus, scil. fugaces spiritus forte a materia illa quodammodo cohibentur, ne nimium exhalentur: Deinde fibrillae objectorum actioni expositae, humidae et lubricae conservantur, adeoque levissimo ictu ac tactu afficiendae; si enim instar pilorum arescerent, statim insensiles devenirent, atque hinc obiter ratio, cur in corpore senili, adeoque arido et exsiccato, sensus omnes sensim magis magisque langueant et minuantur; hinc etiam liquet quam parum congruat haec nervi conditio cum vibrationibus, instar *chordae musicae*, apud auctores quosdam excogitatis, quum nihil in rerum natura noscamus hujusmodi vibrationibus sive suscipiendis sive communicandis ineptius, quam est materia illa mollis et subfluida. Verum agilis Lux cerebro statim renunciabit quicquid in mollem nervum impingit; eademque aptissima est, quae vel proprio influxu, vel humores musculorum rarefaciendo, hosce statim in motum et contractionem excitet.

Quum autem hujus loci non sit, plura vel sanitatis vel morborum phaenomena excutere, theses hasce qualescunque candidis lectoribus committo. Quod si a philosophorum quorundam, quos magno in honore habeo, placitis aberrare ausus fuerim, eo major, ut spero, mihi debetur indulgentia, cum satis interim tenuitatis meae conscius sim, cumque ad haec sive excogitanda sive scribenda, non adeo me incitaverit ingenii lascivia, aut novitatis studium, quam amor quidem veritatis, quae doctorum solertiam quandoque eludens, forte quadam ab imperitis detegitur.

Denique,

Denique Praeceptoribus meis optimis, claris in hac Academia Medicinae Professoribus, gratias habeo quam maximas, ob singularem illorum erga me benevolentiam. Si quid vero hic erraverim, id mihi soli, non fane iis imputandum: Sin autem quicquam in Arte profecerim, hoc omne iis acceptum refero.

F I N I S

Iii





C  
DISSERTATIO MEDICA  
INAUGURALIS,  
DE  
FEBRE REMITTENTE.  
QUAM,  
ANNUENTE SUMMO NUMINE,

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit


FRANCISCUS HOME,

SCOTO-BRITANNUS.

Ad diem 7. Martii, hora locoque solitis.

EDINBURGI:

M, DCC, L.





Celsissimo ac potentissimo Principi,

A R C H I B A L D O

ARCATHELIÆ Duci, &c. &c. &c.

Magno apud Scotos hospitii magistro haereditario;

Magni figilli custodi;

Supremae in criminalibus curiae Praefidi;

In civilibus Senatori extraordinario;

Regi a sanctioribus consiliis;

Artium liberalium Maecenati;

Patrono suo,

Summo cum studio in perpetuum colendo:

Hasce qualescunque suorum studiorum primitias,

D. D. C. &

FRANCISCUS HOME.

THE UNIVERSITY OF CHICAGO

LIBRARY

1891

THE UNIVERSITY OF CHICAGO

LIBRARY

THE UNIVERSITY OF CHICAGO

1891

THE UNIVERSITY OF CHICAGO



# DISSERTATIO MEDICA

## INAUGURALIS,

DE

## FEBRE REMITTENTE.

‘**S**CIENTIÆ, quas nunc habemus, nihil aliud sunt quam quaedam concinnationes rerum antea ‘inventarum.’ Hic Verulamii aphorismus verissimus est: Ab hoc enim fonte omnes scientiae artesque proveniunt, et earum incrementa postea expectanda. Ars medica illustre hujus veritatis exemplum praebet. Dum sub vexillis experientiae militabant antiqui medici, progressum celerem et prope incredibilem habuit medicina; sed, duce relicto, et signis ad ratiocinium solum translatis, cheu! quam subito iter supprimunt! quam vana et irrita virum ostentatio! Tandem cordati aliqui denuo, post tantas tenebras, veterem ducem et disciplinam agnoscetes, veraque observatione insistentes,

sistentes, famam meritis suis debitam attigerunt: Inter quos *micat Sydenhami fidus, velut inter ignes lunae minores.*

Quaquam hisce temporibus medicina multa observatione et experientia ditetur, multum tamen adhuc restat nostro et sequentibus seculis. Manca adhuc complurium morborum historia; immo aliquorum fere nulla est, saltem uti nostris temporibus et regionibus sese monstrant. Praeclarum hujus rei exemplum habemus in Febre Remittente. Morbus continens vel *Συνεχης* antiquorum appellatus, ab hodierno remittente tantum, quantum coelum a terra, distat. Mortonus solus, quantum scio, historiam hujus morbi, ut in nostris regionibus apparet, aggressus est; de symptomatibus, diagnosi, et prognosi satis distincte scripsit; multa tamen deficiunt. A ratiocinio quoque ejus caveant omnes; nam miasma, in liquido nervoso delitescens, hujus morbi causam esse fingit, et, secundum eum, omnis fere medelae cardo in hoc domando et expellendo versatur; ideoque post venae sectionem celebratam, saepe praescribit medicamenta calida, ne deleterium suum spiritus nimis opprimeret.

Haud ab re erit, quantum huic dissertatiunculae convenit, historiam nudam duarum constitutionum febris remittentis levi manu perstringere, quae exercitum nostrum peregre militantem vastabant. Prima constitutio sese monstrabat A. D. 1743, castris nostris positis prope Wormaciam in Germania, sub fine Septembris; tunc temporis dies calidi, noctesque frigidae et humidae.

Primus hujus morbi insultus instar intermittentis erat. Sese manifestabat primo horripilatione et tre-  
more

more vago, quem statim, spatio duarum vel trium horarum, excipiebat calor continuus, fitis, et febris ardens, quae per totam noctem durabat, sed summo mane mitigabatur. Milites decepti, sese intermittente correptos dicebant; sed stadii febrilis durationem mirabantur. Initium morbi comitabantur haec usitata symptomata, dolor capitis, ossium, ligamentorum, nausea, vomitus materiae biliosae: Pulsus semper fere celer, depressus, durus, et lingua mollis, humida, alba. Aeger infomnio fatigatur, diarrhoea saepe supervenit, eoque citius, quo propius ad finem tendebat constitutio.

Sed praecipua hujus morbi nota, qua ab aliis distinguitur, erat remissio febris symptomatumque; haec remissio quoad tempus valde regularis erat. Per totum diem nullae erant querimoniae, pulsusque haud valde citatus, sed, nocte adveniente, regulariter, sine ulla frigoris sensatione, febris augetur, et symptomata adeo acerba deveniunt, ut saepe deliret aeger; quanquam postea mane pulsus periculum praetergressum non indicabat. Sub paroxysmi finem aliquando sudant, aliquando non.

Aliud quoque symptoma huic peculiare, nempe color ictericus in oculis, per totam cutem; immo aliquando verus icterus. Quando sub finem morbi apparebat hoc symptoma, munere criseos fungebatur, febre postea mitigata et retrocedente.

Morbus plerumque indicatur sexto, septimo, vel octavo die sudoribus copiosis, vel haemorrhagia narium; saepius febris terminatur priore, quam posteriore, methodo. Perdurant sudores, si non reprimantur, vel deficiat natura, donec febris cessat; quanquam saepe

K k k relapsum

relapsum patiuntur aegri, si sudores non impellantur medicamentis sudorificis.

In altera crisi sanguis fluit e naso, tam copiose, ut periculum subita sanguinis emissionem vitam perdendi aegro incutiat, praecipue quando nullum impedimentum haemorrhagiae, quanquam impense postulant, injiciatur. Posterior crisis priore certior; nullum enim relapsum vidi post narium haemorrhagiam.

Uti sexto, septimo, vel octavo indicatur aeger, ita hisce diebus ad manes subito migrat: Pulsus nullum instans periculum indicat, in paroxysmum febrilem incidit, noctu moritur.

Febre cessante, restat saepe dolor capitis, aegrum per longum tempus fatigans, et dolores rheumatici in partibus carnosissimis crurum, humeris, et dorso. Tanta est aliquando capitis vertigo, ut sine lapsu ambulare non possit.

Saepe in febrem iterum relabitur aeger, sine aliqua evidenti causa; attamen nullum inest periculum, sudores enim excitati facile febrem expellunt.

Haec constitutio, progressu temporis, gradatim a remittente ad veram febrem continuam vergebat: Initio enim Januarii nulla remissio apparebat: Symptoma ictericum evanescebat quoque, et diarrhoea, initio saepe critica, sub finem constitutionis semper symptomata erat. Multos milites e medio tollebat hic morbus.

Symptomatibus enumeratis, nunc nos ad causam investigandam accingimus. Causa enim referri debet ad rem aliquam generalem, et omnibus in castris communem: Praefecti enim initio, aequae ac milites, correpti erant; attamen, castris relictis, illis melius, quam

quam gregariis, pernoctantibus in itinere ad Flandriam, inque stativis, et nunquam sub Jove frigido excubantibus; militibus vero ad praesidia custodienda super muros stationem agentibus, priores non amplius, posteriores per menses aliquot, postquam in hiberna perventum est, morbo corripiebantur. Constitutio haec ad intermittentem febrem appropinquabat primo insultu, remissionibus et crisi per sudores; et quanquam, anno elapso, epidemicae erant intermittentes circa hoc tempus, attamen nunc ne minimum harum vestigium in castris, nisi inter equestres regiones satellites, qui in domibus prope regem degebant, haud aëris vicissitudini obiecti, videndum erat. Cessabat quoque constitutio haec remittens eodem anni tempore quo intermittens, anno elapso. Pro intermittente ergo substituitur remittens febris, causis quibusdam intervenientibus, et ad febrem continuam magis exaltantibus. Haec causa mihi videtur esse, major humorum exaltatio, et putredo a calore castrensi. Major et diuturnior calor est in Germania quam in Anglia, et in castris multo major quam in domibus. Exuruntur fere milites calore solis directo, vel reflexo ab arida terra; augetur quoque egregie intra parva ista tentoria. Vidi saepe per magnam diei partem mercurium ad centum et tres gradus thermoscopii Farenheitiani assurgere, et in hisce ipsis tentoriis dormientes milites. A fide dignissimo comperi, semel se mercurium in centesimo et decimo gradu stare, observasse, et militem ibi febre laborantem: Gradus sane caloris omnes observationes superans, et in quo nullus crederet hominem vitali aura frui potuisse.



iffe. Hoc calore febris excitatur per totum diem, donec gratum noctis frigus adventat.

Experimento hanc veritatem firmavi: Militis in aprico loco stationem agentis pulsus octoginta quinque pulsationes unius minuti spatio, attamen, nocte adventante, nonnisi septuaginta perfecit. Calor ergo ad majorem putredinem nostros humores advehit, et maximam aptitudinem ad motus febriles praebet; causaque febris certissima, si impediatur perspiratio Sanctoriana. Quo enim particulae sanguinis actiores, eo minor retentio laedit.

Sub finem Septembris multae pluviae decidebant, per diem egregie calebat, per noctem frigebat; inter calorem diei et frigus noctis differentiam triginta sex graduum saepius vidi. Winteringhamus, in suo commentario nosologico, refert descensum mercurii a septuagesimo quinto, ad quinquagesimum sextum, spatio quadraginta octo horarum: Tam subitam differentiam admiratur, et pro causa sequentium morborum habet. Quanto major esset illi admiratio, si nostris in castris celeres mutationes vidisset! Noctes quoque egregie humidae, calore diei sursum magna quantitate particulas aquosas elevante; saepius enim observavi hygrometro meo aërem humidiorum esse per noctem ferentem, post calidum diem, quam in maxima pluvia.

Hisce enim causis, viz. maxima humiditate, et summa differentia inter calorem diei et noctis, secretio humorum maxime exaltatorum per cutem impediatur, sanguis inflammabatur, febrisque talis apparebat.

Causa

Causa expedita, restat nunc explicare humiditatis operationem in corpus humanum, et ex ejus effectu febrem cum remissione eruere; sed quia avia medicinae peragro loca nullius ante, quantum scio, trita solo; juvat haec inter quaesita ponere.

In symptomatibus a febre deducendis nulla difficultas; ergo nonnisi icterico symptomati insistendum, quia peculiare huic morbo, et raro in aliis febribus conspiciendum. Bilis est inter maxime exaltatos humores nostri corporis; ergo credibile est eam ex maxime exaltatis fieri, quo major horum portio, eo, caeteris paribus, plenior secretio; attamen fieri potest, quod tanta quantitas secernatur, ut per ductus haud exire possit: Ergo pars regurgitat, ejiciturque supra cutem.

Haec ratio hujus symptomatis mihi esse videtur. Observatio quoque magnae bilis quantitatis in ventriculo et intestina ejectae, per totum morbi decursum, hoc ratiocinium confirmat. Magna haec secretio magnam quantitatem cum sanguine circulantem demonstrat. Observatione dignum est, quod jecur semper integrum, sine ulla evidenti obstructione vel schirrositate, inveniebatur, quando incisa erant cadavera mortuorum, hoc viscere semper diligenter explorato.

Nunc ad methodum medendi progredior, quam mihi, quasi digito, monstrabat diversa morbi terminatio, vel crisis, per narium haemorrhagiam vel sudores. Venam secare in initio vix ausus sum, ob pulsus depressionem; attamen, postquam sanguinem tanta quantitate e naribus fluere, febremque tollere vidi, periculo facto, optimum successum habuit venae sectio.

Haud

Haud concipi potest, quantae fordes semper deponantur in primis viis, durante hujus morbi cursu, ut simile in alio morbo haud videre liceat. Antea dictum fuit, quod magna summe exaltatae bilis quantitas in corpore formatur, ut cutis colorem ictericum induat; hujus pars in ventriculum et intestina ejicitur, excitatque vomitum et diarrhoeam. Ergo summa expellendi hos humores noxios necessitas est vomitu repetito, et purgantibus lenioribus. Haec effectus optimos habebant.

Sudores in hoc morbo oriebantur critici, qui febrem mitigabant; sed, fortasse viribus vasorum deficientibus, interrupti erant. Hi ansam methodo sudorificae praebebant. Sudoribus obrumpentibus, praescribebatur decoctum serpentariae, quo nihil melius huic intentioni respondebat. Ad hoc opus potius cum aceto, quam aqua, coquere vellem, quia certius sudat, et non tantum calefacit. Potus, durantibus sudoribus, optimus erat serum cum aceto, pro vino, factum. Haec methodo, sudante aegro viginti vel triginta horas, donec febris omnino cessat, immo postea, curantur optime remittentes, uti saepius expertus sum. Sed non sufficit ad hoc opus sudatio per paucas horas; febris enim recrudescit cum majore impetu, uti saepius experientia didici, quia, liquidissimis sanguinis partibus eductis, particulae remanentes magis obnoxiae sunt inflammationi, si aliqua materia relinquitur apta ad hoc opus: Ergo cautela haec valde necessaria, uti sudores promoveantur per horas aliquot post febris cessationem.

Nunquam ex usu salium refrigerantium aliquid boni proveniebat: Saepe diarrhoeam citius inducebant  
augmenta-

augmentabantque. Corticis Peruviani periculum feci in remissionibus, qui aliquando bene, aliquando male, cedeat. Quia adhuc in pulsu aderat febris tempore remissionis, non ausus saepe hoc remedium proponere, praesertim uti cutis postea arida et lingua torrefacta deveniebat.

Ab omnibus observatum erat, quod ne minimum quidem in constitutionis initio effectum habuerunt epispastica; attamen, postquam in continuam febrem vergere coepit, suos habebant usitatos effectus.

Inter omnia symptomata nihil magis quam insomnium aegros vexabat. Ad hoc symptoma tollendum Pil. Matth. praescribebam, sine ullo ab opio pravo effectum. Contra semper post somnum melius se habent, sudoribus lenibus saepe requiem comitantibus. Observatu dignum est, pilulis hisce in nosocomio omnino consumptis, opium crudum horum loco substitutum esse, neque unquam minimum ex illo periculum, respectu febris, observatum.

Ad capitis vertiginem, post febrem, nihil magis convenit quam opium. Ad capitis dolorem, qui remanet cessante febre, in hac constitutione nullum remedium invenire potui: Omnium remediorum, quae ad hoc symptoma tollendum expertus sum, sal C. C. optimos successus habuit. Quoad caeteros per totum corpus dolores, unguenta rheumatica conveniebant.

Symptoma ictericum semper ex se post morbum evanescebat sine ullo adhibito remedio.

Descripta hac constitutione, restat altera, quae anno quadragesimo octavo, ultimo nostrae militiae in Flandria, accidebat. Aestas praegressa calidissima erat. Castris ad finem Junii relictis inter pagos rusticos  
prope

prope Sylvam Ducis (*Boisleduc*) dispersiti fuimus. Medio Julii orta est remittens febris, praecipue inter equites, qui propius ad Sylvam Ducis siti erant. Totus circa urbem ager palustris. Nullus morbus, quantum scio, unquam inter homines tam epidemice grassabatur, quam hic inter equites Anglicanos. Totam turmam, *Grays* dictam, ne uno fere excepto, corripiebat, tanta erat hujus contagii vis. Attamen feliciter periculum non numerum aegrotantium aequabat, et vis morbi haud pari passu procedebat cum viribus contagii. Causa, quanquam generalis, vix morbum valde lethalem producere valebat. In nostra turma, (*Cope's dicta*), etsi in ea morbus hic non adeo saepe grassabatur, ducenti aegri erant, ex his octo solummodo ad inferos migrabant.

Historia hujus morbi ita sese habet. Oscitatio, pandiculatio, horrores, tremores, vagi dolores per totum corpus agmen ducunt. Sequitur calor febrisque. In primo febris insultu delirat saepe aeger, decidit in terram, ibi manibus et pedibus repit, vociferat, comediamque valde ridiculam agit. Adest fitis, vomitus bilis viridis, dolor capitis, dorsi, et articularum. Regio ventriculi dolet, et in tumorem elevatur. Hoc symptoma semper initio constitutionis observatum fuit, nunquam fere in fine. Sanguis detractus superne pallide rubebat, inferne fere nigrebat. Aëreae bullulae in superficie plurimae erant. Minor feri magis fusci coloris portio, et minor globulorum rubrorum cohaesio, quam in sano sanguine. Morbum, solo sanguine conspecto, cognoscebam. Venter initio constitutionis constipatus; sed sub finem oriebatur diarrhoea  
symp.



symptomata. Pulsus celer, nunquam fere plenus vel durus.

Sed symptomata hujus morbi characteristicum est remissio, quae accidit secundo die, tertio, &c. immo octavum aliquando praestolatur.

Ex sexaginta tribus prioribus aegris, viginti tres intermissionem habebant secundo die, quindecim tertio, tredecim quarto, octo quinto, tres sexto, unus septimo, unusque octavo. Ante hoc tempus febris erat continua, sed, aegro plerumque parum sudante, omnia symptomata cum febre mitigabantur, paroxysmus febrilis vel unoquoque die, vel secundo, adveniebat, vel irregularis erat. Ex sexaginta tribus prioribus aegris octodecim irregulares erant, duodecim unoquoque die, et caeteri secundo quoque die, insultum febrilem patiebantur.

Magna inter diversos aegros pulsuum varietas, in paroxysmo variatio est ab nonaginta ad centum et decem pulsationes spatio unius minuti. In remissione a pulsatione fere regulari ad nonaginta pulsationes eodem tempore.

In paroxysmo calor vix unquam superat gradum centesimum quartum thermometri Fahrenheitiani.

Paroxysmum febrilem antecedit aliquando frigus tremorque, sed saepius nullum. Accessio febris plerumque accidit, nocte adventante. Poenas dat saepe pro remissione aeger, quia febris cum majore vi eum adoritur, caput saepe petit, et per totum paroxysmum delirium excitat.

Urina in primis diebus et paroxysmo tenuis, pallida, et copiosa redditur, nunc tincta contentis rubet, et in remissione sedimentum saepe deponit. Hic morbus

vel exit in intermittentem, vel in mortem: Post paucos paroxysmos, ope sudorum et urinae saturatae, in veram febrem intermittentem degenerat: In hac intermittente deficit saepe stadium primum frigoris, sed in nulla alia re differt. Raro ultra quartum decimum diem durat, sed tota febrili materia, sudoribus et urina, consumpta, tandem desinit hic morbus.

Mortalis hujus febris status paroxysmus est. Inopinate periculum advenit, subitoque moritur aeger. Nihil magis miratu dignum in tota medicina, quam haec tragoedia. Aliquando in suo proprio cursu advenit paroxysmus, aliquando post remissionem, immo intermissionem quatuor vel quinque dierum, quando nihil tale expectatur. Cerebrum immediate tactum est. Nihil sentiunt, nihil loquuntur, taciti jacent, gemitumque aliquando emittunt. Nihil deglutire possunt. Foeces insciis elabuntur. Pulsus initio est mollis, vix depressus, neque instans periculum indicans. Attamen respiratio celer, impedita, et spiritus creber certissimum imminentis mortis signum praebent. Pulsus cito post ea mutatus, nunc tenuis, depressus, et tam celer, ut vix numerari possit: Obrumpunt sudores frigidi; moritur. Bis vidi in hoc ipso statu mortali intermissionem plenam a febre et omnibus symptomatibus per horas octo; sed postea eodem modo corripiebantur. Durat per viginti vel triginta horas, antequam mors advenit. In similem paroxysmum ante mortem omnes incidebant, neque cum his symptomatibus ullum vidi ex hoc paroxysmo elapsum.

Quanquam hujus morbi descriptio tam regularis data, attamen nullus magis varius magisque incertus. Quanquam plerumque incipit uti febris continua, et desinit

definit in intermittentem, attamen saepe secundo die remittit, et, paucis diebus elapsis, in veram malignam febrem continuam terminat. Paroxysmus aliquando perdurat tribus vel quatuor diebus, et cum hoc paroxismo solvitur morbus.

Durante et elapso morbo, aeger dolore capitis saeviente excrucietur. Quinque hujus constitutionis septimanae elapsae erant antequam apparuit hoc symptoma. Primo a cortice Peruviano oriri conjiciebam; sed postea ortum a morbo, non a medela, agnoscebam. Per plurimas septimanas, febre cessante, durabat hoc symptoma.

Irruptio pustularum saepe post morbum apparet, instar scabiei: Post morbum tumores hydropici in ventre, cruribus, pedibus, et tota membrana cellulari, sequuntur. In hisce collectio aquae tam subita est aliquando, ut foeminam ex aquae abundantia perire decimo die ab ista febre mihi contigerit videre.

Post morbum aliquando febre hectica, sudoribus nocturnis comitantibus, depascitur, in qua saepe centum pulsationes in uno minuto perficit pulsus sine ulla querela.

Post longum tempus parvam mutationem observavi in convalescentibus, eadem hora qua insultus febriles adveniebant. Saepe relapsum patiuntur convalescentes a minima irregularitate, vel aëris humiditate, et hodie impressionem hujus morbi plurimi adhuc sentiunt.

Coeli variationes a calore ad frigus, et vice versa, maximam in symptomatibus variationem efficiebant. In aëre calido symptomata saeviebant, magisque vergebat morbus ad febrem continuam. In aëre temperato

perato mitiora erant symptomata, et magis ad intermittentem appropinquabat. Has mutationes saepe, durante constitutione, observabam.

Sub finem Septembris haec constitutio egregie mutabatur: Remittens febris gradatim in intermittentem mutabatur: Delirium, quod in primo insultu hanc constitutionem comitabatur, non amplius durat.

Dolor in regione ventriculi nunc non sentitur: Quartanae intermittentes grassari incipiunt. Mense Decembris nullae remittentes, paucaeque intermittentes apparebant.

Inter priorem descriptum morbum et hunc magna aderat similitudo; sed in hoc pulsus neque tam depressus, neque durus, neque crisis unquam per narium haemorrhagiam, una vice excepta, eveniebat: Prior nunquam in intermittentem febrem terminabat, posterior, nisi impediante morte, semper. Prior constitutio gradatim in febrem continuam evehebatur, posterior gradatim in febrem intermittentem deprimebatur.

Enarratis symptomatibus, sequitur ut causam hujus febris investigemus. Vix inter milites, qui quindecim millia passuum ab Sylva Ducis aberant, conspiciebatur hic morbus: Ergo causa haud subtilis esse potest. Quo magis appropinquabant Sylvam Ducis, eo magis saeviebat morbus. Patet sedula situs examinatione, numerum aegrorum esse in eadem proportionem cum humiditate situs aërisque. Hoc observatur non solum in genere, sed etiam in diversis ejusdem turmae locis, immo in diversis domiciliis ejusdem pagi, ubi terra parum elevatur, ibi pauci corripiuntur; ubi deprimitur, multi. Una pars nostrae turmae ab  
altera

altera distabat tria millia passuum. Ea quae prope paludem sita erat, multo majorem aegrorum numerum habuit, quam ea quae a paludibus distabat. Sed, ut extra omne dubium ponatur haec quaestio, tabulam exactam humiditatis siccitatisque aëris semper servabam, hygrometro ad hoc opus facto: Diem quoque, quo unusquisque aeger corripiebatur, notabam: Hasce observationes forte fortuna postea conferens, numerus aegrorum exacte humiditati aëris respondebat; a vigesimo nono Junii, ultimo nostrae militiae die in castris, ad duodecimum Julii, ne unus quidem ullo morbo correptus fuit. Durante hoc tempore, neque tam humidus, neque tam ficcus, quam in tentorio meo, aër erat. Sub vesperem duodecimi hygrometer aërem humidissimum ostendebat. Ab hac ipsa nocte incipiebat haec constitutio, et tres milites remittente correpti erant. Aëre valde humido per octo dies existente, multi quotidie in hunc morbum incidebant. Decem sequentes dies ficciores, numerusque quotidie correptorum diminuebatur. Duo sequentes dies valde humidi, ideoque magnum aegrorum incrementum. Ita pari passu morbus cum aëris humiditate, non oculis sed instrumento mensurata, procedebat, quantum mihi licebat observare. Ideo eadem aëris qualitas, nempe humiditas, quae instrumentum movebat, corpora nostrorum militum afficiebat. Quam solido fundamento, quam certa observatione, innititur investigatio causae hujus febris remittentis!

Solis defectio inter causas hujus morbi ab aliquibus habebatur; sed non causam primariam esse abunde ex hoc patet, quod morbus duodecimo die incipiebat, illa vero quarto decimo conspiciebatur. Attamen ut humiditatem



ditatem augmentaret, haud sanae philosophiae incongruum videtur. Si lunae solisque conjunctiones tantam marinarum aquarum molem movent, quare non quoque movebunt nostram atmosphaeram octies centies leviolem, humiditatemque in ea natantem ad se attrahent, quae iterum in terrae superficiem decideret, separantibus sese hisce corporibus. Observatio quotidiana coeli mutationum hanc conjunctionem sequentium, hoc probare videtur.

Alia quoque enumerabatur causa, nempe, mutatio dietae a carne ad rusticorum dietam tenuem ex herbis, lacte ebutyrato, &c. Haec non causa primaria, quia illi, qui non cum rusticis comedebant, aequae ac alii, immo ipsi rustici, morbo correpti; attamen corpus aptius hae causae reddere possunt, quo facilius ab humiditate afficiatur.

Retenta in hoc aëre humido perspiratione, sanguis inflammatur, cor arteriaeque stimulantur, citiusque se contrahunt; ergo oritur febris cum omnibus suis symptomatibus. Delirium est inter primaria symptomata, quia vasa cerebri tenera non possunt tantam retentae perspirationis quantitatem, tamque vitiosam, tolerare, sine summo incommodo. Ab eadem causa insomnium provenit. Ab exaltatis et retentis humoribus magna bilis quantitas separatur, in ventriculum abunde ejicitur, ibique dolorem et tumorem creat.

Hi humores exaltati, si intestina petant, diarrhoeam symptomatice excitant. Si vis naturae vim febris superet, tunc in intermittentem degenerat: Si ab sanguinis inflammatione prosternantur vires vasorum, tunc morbus mutatur in veram febrem continuam pessimi generis, quia ruinae virium superstruitur. Non  
itaque

itaque mirum est, si paroxysmus antea descriptus tam saepe exitialis sit.

Prognosis et paroxysmo et remissione dependet. Quo symptomata in priore mitiora, et major a febre immunitas in posteriore, eo magis favorabilis prognosis: Quo saeviora symptomata in paroxysmo, et febris major in remissione, eo periculosior. Brevis remissio indicat quoque periculum. Si urina, antea rubra, nunc tenuis evadit, in discrimine aeger est. Caveat medicus qui in nullo versari periculo aegrum declarat, quia omnia ad votum succedunt. Fallax enim est hic morbus. Hodie omnia favorabilia, et fortasse per quinque dies fuerunt, nulla existente febre, nullisque querimoniis; attamen morti inevitabili paucis abhinc horis aeger condemnatur. Sydenhamus, incipiente secunda intermittentis constitutione, dicit, 'Magis indies ad continuarum speciem accedens, tacto cerebro tandem haud paucos extingueret.' Loquitur ibi de intermittentibus, sed ad remittentes, uti videtur, appropinquabant. Hinc non semper verus est hic Hippocratis aphorismus 43. sect. 4. 'Quocunque autem modo febres intermittunt, quod sine periculo sint; significat.'

Medela hujus morbi in diverso statu diversas indicationes requirebat.

Indicatio in statu febris continuæ vel remittentis erat, ut ad intermittentem reduceretur; in statu febris intermittentis, ut omnino morbus tolleretur. Æquilibrio inter vires naturæ et morbi servato, per se in veram intermittentem degenerabat.

Ad medelam me accingens, dubius haesi, an evacuationibus insistere, an omnino omittere, oporteret.

Haud

Haud erubescens confiteor postremam rationem prius secutum fuisse, adductum similitudine hujus morbi ad intermittentes, et gravi Sydenhami sententia; dicit enim, ‘Quod, in initio secundae constitutionis, prius insultus apoplexiae similis erat, a vi febris, caput petentis.’ In hoc casu omnes evacuationes vetat. Initio ejus sententiam secutus sum; sed cito errorem perspexi, evacuationumque necessitatem inveni. Venae sectione celebrata, severiora symptomata evanuerunt, morbusque citius ad intermissionem perductus fuit. Neque magis justae theoriae, quam praxi, consentaneum est: Primo, quia vis morbi retunditur, ut non caput cum tanto impetu petat, deliriumque ibi excitet. Secundo, sudores, si non copiosi, melius promoveantur, et generales deveniunt. Tertio, nullius pretii objectio est, quia remittens est similis intermittenti, quando consideratur, quod venae sectio saepe in his convenit.

Quousque pulsus plenitudo requirit, celebranda est, ita ut aliquando tribus vicibus venam secare necesse esset, attamen semel plerumque sufficiebat.

Summa erat necessitas evacuandi materiam biliosam in primis viis depositam: Vomitu purgantibusque perficiebatur. Quando primis momentis delirabat aeger, vidi delirium solvi vomitu naturali superveniente. Hac de causa videtur, quod irritantis et fere causticae bilis magno quantitas promovet delirium, si non originem praebet. Ergo quamprimum vomitus requiritur. Sed qui non eum suam potestatem ultra primas vias exercere existimat, adhuc in cunabulis medicinae versatur. Vis ejus mechanica omne corpus concutiens, poros aperiens, haud contemnendos in febribus

bribus effectus habet. Hinc saepe sudores promovebantur, quibus morbus penitus solutus fuit, vel ad intermittentem citius adducebatur.

Alia methodus primas vias evacuandi perficiebatur purgantibus, si alvus constipata erat. Experientia confirmavit, quod aloës remedium ad hoc opus efficacissimum est.

Haec regula, ventriculum et intestina bene et saepe depurandi, est una e praecipuis in hoc morbo, ergo nunquam negligi debet.

Epispastica, quamvis non morbum tollebant, attamen egregios habebant effectus in remissione ad intermissionem convertenda. Vis paroxyfmi parum minuebatur, attamen sequens remissio magis vacabat febre, siti, et omnibus doloribus.

Conveniebant quoque acida et nitrosa. In hoc morbi statu tota intentio erat, ut ad intermissionem reduceretur morbus. Sydenhamus in secunda constitutione dicit, ‘Quando ad febres continuas appropinquant, et remissio non nisi parva est, corticem Peruvianum in hoc statu praescribi debere.’ A magno illo viro dissentire mihi liceat, neque unquam hujus consilii auctor essem, ut cortex in pulsu febrili proponatur, quia ipse in hac re plura vidi ex illo incommoda. Aliquando febris devenit continua et pessimi generis, quanquam paroxyfmi sistuntur; saepe evenit quod pulsus febrem retinet indomabilem, cum arida cute, per aliquot septimanas, haud immediate lethalem, sed vix medicinis succumbentem.

Ab hac erronea praescribendi methodo, cortex sine causa culpatur, et ab hac, infamia ejus apud multos progressa. Ergo tractanda est uti febris continua, an-

M m m

tedicta

tedicta methodo, et expectanda intermissio, quae ex indole hujus remittentis eveniebat nono vel decimo die. Quando pulsus sine febre erat, ingerebatur cortex, qui certissime morbum tollebat.

Elix. vitriol. medicam. amar et equitatio sanitatem firmant.

Methodi sudorificae periculum quoque feci. Aliquando paroxysmus unus vel alter hoc modo sistebatur, sed semper fere quatuor diebus reveniebat. Aliquando hac methodo morbus magis ad febrem continuam vergebat, ideoque desistebam.

In mortali paroxysmo antea descripto, medicina, uti mihi videtur, nihil perfecit; mortis enim praenuncius est. Multum incassum tentatum, neque citus febris symptomatumque progressus ullum ex illo exitum sperare permittit. A capite tam cito affecto, et sequente diarrhoea, a priore certe concludendum erat, quod cerebrum intestinaque inflammata fuerunt. Aeger unus, post intermissionem quinque dierum, nullo vexatus symptomate, levi diarrhoea excepta, mane hoc paroxysmo correptus, tacto cerebro, ante noctem ad plures migrabat. Aperto cadavere, nulla in cerebro vel cerebello inflammatio, neque intestina a suo naturali colore mutata. Tantum valet ratio nostra. In fluidis inhaerere omnis hujus morbi causa videtur.

In duobus aegris hoc paroxysmo correptis, intermissio erat paucis horis ante mortem ab omni febre symptomatibusque. An cortex magna quantitate hoc tempore ingestus aliquam attulisset utilitatem? experimentum certe fecissem; sed nunquam suspicabar paroxysmum reversurum. Haud pejorem exitum habuisset morbus.

Restant



Restant symptomata quaedam tollenda vel minuenda, quae aegrum, durante vel cessante morbo, excruciant. Dolor capitis revera huic morbo familiaris. Hoc symptomata tam grave est, ut dies noctesque aegrum excruciet, aliquando in anteriore, aliquando in posteriore capitis parte situm. Epispastica parva temporibus applicata omnino tollebant. Saepe antea expertus fueram, dolorem capitis minui parva inflammatione in temporibus excitata, applicatione exterioris pellis citri ad haec loca, cogitabamque, si majorem inflammationem ibi excitare poteram, majus beneficium consecuturum. Epispasticis experimentum feci, et res ad votum successit: Quinquaginta enim hoc symptomate laborantes paucis horis liberabam. Vix credibile quanta vis hisce inest; spatio enim quatuor horarum tollitur hoc symptomata excrucians, quod aliter per plurimas septimanas duravisset. Saepius aufugiebat hoc symptomata, parvis epispasticis temporibus applicatis, quando ne hilum quidem profecerunt epispastica magna inter scapulas applicata. Experientia reiterata comperi, quod quo propius ad locum affectum applicantur epispastica, eo meliorem effectum habent.

Saepe evenit ut tota membrana cellulosa, immo abdomen, aqua impleatur. Aeger post remittentem hydrope laborabat; sed, superveniente diarrhoea naturali, ab aqua omnino liberatus fuit. Hic natura ipsa methodum medendi demonstrat. Sed plerumque, propter imbecillitatem, hanc viam sequi haud ausus fui.

Egregie proficiebant ad aquam tollendam incisiones ad pedes, per quas aqua gradatim effluebat tota, non solum e membrana cellulari, sed etiam ab abdomine,  
uti

uti vidi. Hoc sine virium jactura perficitur, corroborantibus eodem tempore propofitis.

Nihil febre hectica magis curatu difficile in arte medendi fcio. Est error aliquis in diaeta, vel intempestivus corticis usus, qui hanc febrem excitat. Nulas habent querelas, nullum patiuntur dolorem, sola adest sitis pulsusque celer: Hac febre impeditur omnino restitutio sanitatis. Ad hanc tollendam conducebant repetitae sanguinis missiones parva quantitate, et epispastica saepius repetita.

Quoad medicinam prophylacticam observatum erat, quod milites corripiebantur in majore proportionem, quam centuriones, quod temperati citius, quam bibaces, vim morbi sentiebant. Plurimos fcio ab hoc morbo servatos cortice cum amaris. Conveniebant quoque lene exercitium, vinum rubrum, balneum frigidum, fumataque nicotiana. Caveant omnes a nocturno aëre, praecipue matutino, et ab isto potu, *Punch* appellato.

Nunc pauca sub specie quaestionum veniunt, de quibus non adhuc mihi certe constat.

*Quaest.* 1. An humiditas omnium remittentium intermittentiumque febrium causa sit? In hisce duabus descriptis constitutionibus, praecipue postrema, clare patet humiditatem harum remittentium veram causam fuisse. Annon sequitur, quod aliarum causa sit? Eadem in aëre humiditas ortum praebere videtur intermittentibus, quia 1. Veniunt temporibus anni humidissimis, nempe, vere et autumno. 2. Aufugiunt temporibus siccissimis, nempe, hyeme et aestate. 3. In locis aquosis, paludosis, Flandria, Hollandia, Zelandia,

dia, Effexia, Cantia, comitatu Lincolnienſi, ſemper habitant. Dolendum eſt, quod humiditas aequae ac calor non ſemper menſuratur ope hygrometri, quia haud minores in noſtrum corpus effectus habere videntur.

*Quaeſt. 2.* An ſola inter remittentes et intermittentes differentia proveniat a calore praeterito vel praefenti? Hi morbi, uti videtur, ab aëris humiditate proveniunt, cauſaque ergo debet eſſe, qua major febris in uno, quam in altero, oritur. In hiſce duabus conſtitutionibus deſcriptis, calor praegreſſus maximus erat, quo humores noſtri ad majorem putredinem advehebantur; ergo major aptitudo ad motus febriles. Obſervationes quoque Wintringhami, in ſuo Commentario Noſologico, hanc ſententiam quoque confirmant; nam calida tempeſtas decimi ſexti anni, decimi ſeptimi, decimi octavi, decimi noni remittentes producebat. Annus vigefimus non egregie calebat, ergo graſſabantur intermittentes et remittentes; aeſtas vigefimi primi frigida, humida, et pluvioſa intermittentes ſolas habebat. Ergo ad intermittentes producendas convenit humiditas, ſed ad remittentes non ſolum requiritur humiditas, ſed certus caloris gradus.

*Quaeſt. 3.* An humiditas operetur fibras noſtras relaxando? Quomodo agat in noſtrum corpus ad morbum producendum humiditas, haud tam facile dictu eſt, neque ab aliquo tentatam explicationem adhuc ſcio. Quaeſtio accuratam diſquiſitionem meretur. Aequae effectus eſt, ut, quando partes animalium pervadit, particulas conſtituentes a ſe dimoveat, attractio-

nem

nem minuat, fibrasque ex hisce particulis constitutis longiores faciat; sed hic non sistit; impedit quo minus se restituant hac naturali elasticitate qua pollent. Fibra enim elongata iterum suum locum recuperat, dum nihil impedit; sed particulae hae aquosae non permittunt. Hoc facile experimento patet in corio et intestinis felis aridis. Non tantum effectum in naturali quam in arida fibra potest habere aqua, attamen quantum sufficit ad vigorem earum distrahendum, sed quo subtilior et quo magis comminuta aqua, eo fortior ejus vis. Omnibus notum est, quantam relaxandi potestatem fomentationes habent; sed pars non in fomentationem immittitur, lana enim in viribus ejus imbuta et fere ad ficcitatem pressa partem morbosam circumdat, et particulas ejus avolantes cum illa communicat. Vapor aquae, cum parte communicatus per fistulam, plus mihi videtur relaxare, et majores effectus praestare, quam methodus praecedens. Saepe enim celeriores progressum una hora vapore aquae feci, quam quatuor horis fomentatione. Humiditas aëris in hisce aquosis particulis, per atmosphaeram volitantibus, consistit; ergo effectus antea descriptos praestabit. Corpus enim humanum, in aëre humido degens, semper fomentatur aquosis istis particulis, magis magisque relaxatur, donec cum sanitate haec relaxatio haud amplius consistere potest.

*Quaest. 4.* Annon e vi fibrarum diminuta sequitur impedita perspiratio Sanctoriana? Sanitas hominum extruitur perspiratione insensibili. Quantitatem et normam hujus excreationis primus Sanctorius in Italia invenit et ponderavit. Dolendum est quod nuda  
sua

sua experimenta non mundo proposuisset, sine futili illa et erronea ratiocinatione quam saepe amplectitur. Dicit quod aër externus, per arterias in profundum corporis penetrans, potest reddere corpus levius et gravius; levius si tenuis et calidus, gravius si crassus et humidus sit. In sexto, sect. 2. aqua gravior et aër coenosior et ponderosior convertunt insensibilem perspirationem in ichorem, qui retentus et deinde non resolutus magna ex parte in cachexiam facessere solet. In octavo, sect. 2. in coenoso prohibetur perspiratio, meatus implentur, sed non densantur, fibrae laxantur, non roborantur, et pondus perspirabilis retenti laedit et sentitur. In proximo non solummodo dicit quod perspiratio retinetur aëre coenoso, sed quod fibrae etiam laxantur. Experientia ergo testatur quod humiditate perspiratio impeditur: Quomodo fiat, videamus. Haec secretio insensibilis provenit ex vasis minimis hi-  
antibus in cute: Ut materia haec subtilis promoveatur in vasis, et ex corpore expellatur, necessario requiritur vis et actio quaedam in ipsis vasis; sed haec vis elasticitate fibrarum dependet, quae minuitur humiditate aëris; ergo retinebitur materiae perspirabilis portio ad sanguinem inflammandum, morbumque sui generis producendum. Ad hanc rem firmandam testor experientiam; pulsus enim meus pulsationes septuaginta sex perficit spatio unius minuti, aëre sicco; sexaginta septem solummodo, aëre humido, uti periculo saepius facto comperi. Fortasse quoque in prima fortius quam in secunda tempestate pulsat, sed nullam virium certam mensuram habemus. Hinc ratio facillime patebit, quare die coenoso corpus gravius sentitur, mens vacillat, ingeniique acies hebescit.

*Quaest.*



*Quaest. 5.* Annon a fibra laxa perspirabilique materia, summe exaltata et retenta, rite fluat febris certis temporibus remittens? Nihil magis veritatem causae demonstrat, quam facilis symptomatum deductio ab hac ipsa causa. Perspirabilis materia retenta et laxa fibra originem tali morbo praebere valent. Quando febris a retenta perspiratione oritur, cor arteriaeque cum majore impetu et velocitate, quam ante, sese contrahunt. Ab hac vi resistantia cutis, antea humiditate relaxata, superatur, materiaque febrilis per vias cutaneas secedit. Attamen tantam sanguinis inflammationem vis vasorum superare non valet; ergo febris adhuc remanet, sed non tanta quanta antea. Eadem remanente relaxatione, iterum impeditur perspiratio, iterum redit paroxysmus, iterumque in sudoribus terminat. Hinc oriri videtur febris remittens.

Sed haec omnia, ea qua par est modestia et diffidentia, Professorum judicio subjiciuntur. Morbi hujus pro virili observati historiam describere, a proposito haud alienum fore putavi; praecipue cum in hoc celeberrimo medicinae emporio summum gradum ambientibus solenne sit peritiae suae specimen aliquod edere.

F I N I S.

DISSERTATIO MEDICA

INAUGURALIS,

DE

ICTERO.

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GULIELMI WISHEART, S. T. D.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

COLINUS DRUMMOND,

SCOTO-BRITANNUS.

Ad diem 22. Augusti, hora locoque solitis.

EDINBURGI:

---

M, DCC, L.

N n n

THE UNIVERSITY OF CHICAGO  
LIBRARY

1911

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

Viro vere Nobili

J O A N N I

Comiti de HOPETOUN,

Vicecomiti AIRTHRAY, Domino HOPE, &c.

Amplissimae curiae ad politicam apud

Scotos administrationem dirigendam

Constitutae

Ex proceribus uni :

Ad summa reipublicae onera sustinenda idoneo,

Si dulce et honestum otium

Omni negotio pulchrius non haberet ;

Cui Deus divitias, et quod rarius

Artem fruendi dedit ;

Qui ad ostentationem nihil

Ad conscientiam omnia refert

Recteque facti mercedem ;

Non ex populi sermone, sed ex facto petit ;

Cujus inter caeteras virtutes

Egregiam animi liberalitatem ;

Imprimis testatur

Nosocomium regium Edinense

Munificentiae ejus publicae

Monimentum aeternum,

Patrino suo, summo opere colendo,

Has studiorum primitias

Sacras esse vult

COLINUS DRUMMOND.

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY

THE UNIVERSITY OF CHICAGO  
LIBRARY



# DISSERTATIO MEDICA

## INAUGURALIS,

### DE

## ICTERO.

**Q**UUM hujus academiae legibus, non sane scribendi pruritu impulsus, dissertationem quandam medicam hac occasione edendam mihi incumbat; morbum tractandum suscepi, cognitu facilem, curatu vero saepe difficillimum; qui Icterus, Aurigo, Morbus Regius, et Arcuatus, auctoribus Graecis aut Latinis, appellatur; lingua nostra vernacula, *the Jaundice*.

### MORBI SIGNA.

Hic subito quandoque accidit, nullo symptomate praevio; saepius autem antecedit dolor in hypochondrio dextro acutus, nonnunquam obtusus, cum sensu ponderis,

deris, lassitudine, inertia, et somnolentia; cutis, ungues, et praecipue tunica oculi albuginea, insolita flavedine dehonestantur. Urina interim flavo-rubra apparet; et, immersa linthea aut chartulas, croceo colore tingit. Saliva quae in homine sano, insipida est, quandoque amarescit; cibosque suo sapore inquinat. Haec symptomata plerumque comitantur sitis, cibi fastidium, nausea, aliquando etiam vomitus. Flatibus, torminibus, borborygmis, saepe vexatur aeger. Foeces alvinae pallent aut albescunt, et pigra stringitur alvus. Adulto morbo, spirandi difficultas, cordis palpitatio, singultus, et praecordiorum angustiae, accedunt. Dum indies crescunt lassitudo et inertia; objecta externa flavedine tincta apparent\*; prurigo saepe et cutis ariditas adsunt.

Morbum denique inveteratum excipere solet hydrops medelam haud admittens†; aut lenta febris accidens, aegrum emaciatum e medio tollit.

Experientia medicos docuit, Icterum optime sanari diarrhoea biliosa superveniente, quandoque etiam sudoribus copiosis, vel etiam urinae hypostaticae profluvio.

Icteri causa in genere videtur esse, quicquid ductus biliosos, cysticum nempe, aut communem, ita ocludit, aut male afficit, ut bilis praecipue cysticae exitum in intestinum duodenum prohibeat.

Namque Icterus non adeo ab impedita, in hepate, bilis secretionem, oriri videtur, quicquid dicant auctores fere omnes veteres, et recentiorum nonnulli, quam quidem

\* Freder. Hoffman. oper. vol. 3. cap. 12.

† Aetius, de signis et causis diuturni morborum.

quidem ab ejusdem jam secretæ et elaboratæ, præfertim, ut opinor, cysticæ, repulsa et regurgitatione in sanguinem, quem suo colore, sua amaritie, caeterisque qualitatibus, inficit.

Sæpe enim observantur ingentes hepatis schirri, abscessus, aliique morbi; quibus vel parca admodum, vel nulla fieri potest, bilis secretio, sine tamen Ictero comite.

Sunt qui inter hujus morbi causas memorant, nimiam bilis visciditatem et crassitiem; sed si nimis crassa esset, quæ per ductum cholidochum efflueret, longe ineptior foret, qui per canales incredibiliter angustiores in sanguinem retroiret.

Opinioni vero huic repugnare videtur historia morbi cujusdam; ubi nullum Icteri signum apparebat. Inspecto autem cadavere, vesica fellea in immensam molem distenta, bili multo viscidior ac in statu naturali\*.

Causæ præcipue quæ hunc morbum producere observantur, sunt :

### C A U S Æ P R O X I M Æ.

1<sup>mo</sup>, Inflammatio.

2<sup>do</sup>, Mucus tenax, ductus obstruens.

3<sup>tio</sup>, Spasmus.

4<sup>to</sup>, Calculi ductibus impacti.

5<sup>to</sup>, Tumor vicinus, schirrosus præcipue, ductus comprimens.

6<sup>to</sup>, Ductuum concretio.

Cuivis

Cuivis interim in anatomicis versato patebit, has causas vel solum ductum cysticum afficere posse, quo casu bilis hepatica continuo, et quidem aucto rivo in duodenum profluens, chylopoesi absolvendae inserviet; vel ductum communem occludent et obstruent, unde nascitur Icterus longe deterior, pluribus et gravioribus phaenomenis stipatus; quum hepar, congestis humoribus gravatum, nullatenus in intestina se exonerare possit, et alimentorum concoctio, utriusque bilis ope et virtute, destituatur.

1mo, Licet hepatitis, seu acuta hepatis inflammatio saepe contingat, et quidem facile subsistere possit sine Ictero; nemo tamen, ut opinor, inficias ibit, quin si inflammatio ad membranas ductus cystici aut communis propagetur, aurigo etiam inter reliqua morbi hujus symptomata evenire possit. Tunicae enim ductuum inflammatione tumescentes, meatum intercludent; adeoque bilis egressum in duodenum intercipient. Hinc Icterus quandoque hepatitidem comitatur; saepius tamen deficit.

Haec Icteri causa, febre, aliisque inflammationis signis, distinguitur.

2do, Mucus tenax, aut viscosa quaelibet materies, ductuum meatus, horumque orificia, ita quandoque obsidet et opplet, ut exitum bili egressurae praecludat. Talis autem in ipsis his canalibus sponte quandoque nascitur, quum instar intestinorum tunica interiori villosa, multis lacunis mucosis, referta instruantur.

Hanc Icteri causam esse, quae remediis facile cedere solet, merito suspicari licet; cognita praesertim a-

gri

gri temperie, laxa, debili, et pituitosa; ex primarum viarum inertia, dyspepsia, flatibus et glutinosi phlegmatis cumulo:

Infantes etiam recens natos fere semper levior hujus Icteri species invadit, (quam, apud nos, nutrices et mulierculae vocant *the Gum*), donec viscida materies, qua in iis obstruuntur primae viae, expurgentur.

3tio, Quum porro ductus hi biliferi eadem donentur structura atque intestina, tunica etiam musculosa instruantur: Hujus fibrae spirales aut orbiculares in spasmos ductae, canalium cavitatem ita constringere possunt, ut nihil bilis transmittere quaeant.

Haec morbi causa noscitur, quando subito morbus advenit, nullo mali signo praecedente. Viros hypochondriacos, et foeminas hystericas, maxime exercet; etiam homines, praesertim pueros, subito terrore percussos, utque cito oritur, cito etiam et facile, soluto nempe spasmo, evanescit.

4to, Norunt omnes, sanguinem, omnesque fere inde derivatos humores, stagnando, in massulas coire solidas et duras: Hinc lapilli in variis corporis partibus, praecipue visceribus, toties ab anatomicis reperiuntur.

Bilis autem, ista proprietate, qua facillime coagulatur prae aliis humoribus, gaudere videtur, quum in hepate, in vesica fellea, et canalibus biliosis, tales calculi saepius, quam in alia qualibet corporis parte, inveniuntur.

Lapilli hi in vesica felleis praecipue generari videntur; ubi diu forte, sine magno incommodo, latere possunt,



sunt, donec vi quadam extrusi, in angustias ductuum impingant; viamque occludentes, exitum bilis in intestinum praecludant. Hoc a motu quolibet valido, praesertim a vomitu, contingere solet. Quum enim inter vomendum valide comprimatur vesica, lapilli, si qui fuerint, orificiis ductuum adaptati, impetu quodam in haec adiguntur; et si non cito transeant, infixi meatum obstruunt.

Hinc Icterus ab hac causa fere dignoscitur, quum motum, nixumque corporis validum, praecipue autem vomitum, siue natura siue arte excitatum, excipere solent. Dolor porro acutior, maxime sub morbi initio, hanc Icteri speciem comitari solet, ab impactu calculi et distractione membranarum ductuum, quae sensu admodum acuto praediti sunt.

Si calculus non adeo magnus fuerit, quin, per ductus tramitem pulsus, tandem in duodenum pellatur, sequitur statim diarrhoea biliosa, cessat brevi Icterus, et in foecibus quandoque reperitur lapidea morbi causa.

Si autem tanta fuerat calculi moles, ut per ductus angustias ire nequeat, sed ei infixus haereat, totumque meatum occludat, tum quidem fit Icterus immedicabilis; licet forte non perpetuus, sed repetitis paroxysmis accedens, recedensque. Quoties nempe nimia bilis copia turget vesica, huiusque fibrae multum distractae dolent, irritatio haec nervos omnes vicinos, praecipue vero ventriculi et diaphragmatis, afficit. Hinc oritur ventriculi aegritudo, anxietas, nausea, tandemque vomitus ingens; cujus impetu turgida vesica praelo quasi comprimitur, et bilis, quum per consuetas vias in intestinum effugere non possit, magna vi in  
canales

canales minores repellitur, in ramos venae cavae effunditur, totamque sanguinis massam inquinat. Exoneratur hac ratione vesica, cessant dolor et vomitus, sed fit Icterus: qui tamen sensim evanescit, donec bili iterum distendatur, et doleat vesica; unde redintegratur totus paroxysmus.

5to, Tumor aliquis, praecipue schirrus, qui saepe numero in hepate nascitur, si ductibus biliferis vicinus aut contiguus fuerit, hosce comprimendo, bilis exitum prohibet, et Icterus producit: Cujus rei exempla nuper in nosocomio vidimus.

Icterus hunc vix sane medicabilem fateri licet, signis schirri praegressis.

6to, Denique, ductuum latera compressione diuturna coalescere, vel etiam cum materie contenta concrecere, possunt, ita ut prorsus impervii fiant. Hinc fit Icterus, cujus causa nullo (quantum novi) signo distinguere potest, nullique auscultat remedio. Haec autem morbi species, aliaque a schirro orta, ire et redire potest, sicut illa quae a calculo nascitur.

Has Icteri causas detexit anatome in cadaveribus Ictericorum incidendis; sicuti apud Bonetum, in Sepulchreto anatomico, videre licet\*; easdemque tantum non omnes confirmavit autopsia, haud ita pridem in nosocomio nostro, quorum unum jam exemplum proferemus, mulieris nempe per aliquot menses Ictero laborantis; cadavere inspecto, latera ductus cystici concreta reperiiebantur, adeo ut vesica fellea, licet a-

tra

\* Bonet, observation. vol. 3. p. 323.

tra viscidaque bile distenta, ne vel guttula tamen in intestinum duodenum, vesica fellea fortiter compressa, exprimi potuerit.

Cum omnia Icteri phaenomena pendeant vel a bilis defectu in primis viis, vel ab ejus effectu in sanguinem; expedit quaedam de ejus natura et indole prius exponere, quam rationem symptomatum aggrediar.

Quanta sit bilis efficacia, quantaque vis in oeconomia animali, vel exinde patet, quod natura maximam suam in ea elaboranda posuisse videtur solertiam. Insignis nimirum et prorsus singularis est secretionis biliosae apparatus: Non enim secernitur bilis, sicut reliqui humores, ex sanguine arterioso, cujus exiguam tantum partem hepar recipit, habita ratione ad ingentem suam molem; sed e sanguine venoso, in vena magna portarum collecto, qui ex omnibus in abdomine sitis visceribus refluit; quae deinde, more insolito, in minores minoresque ramos continuo divisa, et ad omne hepatis punctum propagata; arterioso munere fungitur, et materiem bilis quam apportat, ab ultimis ramulis dimittit, quae per ductus biliferos vel in vesicam fellis deflectit, vel in intestinum duodenum affluit; dum superstes a secretione sanguis, in vena cava receptus, ad cor redit.

Bilis duplex habetur, hepatica nempe et cystica; quae tamen posterior a priore non differt, nisi majore amaritie, flavedine, spissitudine. Haec diversitas non tam ab origine, natura, aut secretione diversa, pendere videtur, quam quidem a mora et stagnatione in vesica; quae enim bilis hepaticae portio hanc vesicam ingreditur, subducta ibi aut dissipata parte tenuiore aquosa, sensim in cysticam crassescit. Hepatica longe copiosissima,

fiſſima, perpetuo fluore in duodenum diſtillat; cyſtica autem non ſponte profluere videtur, ſed expellitur, quoties novi chyli præparatio ejus ope maxime indiget.

Uterque humor conſtat aqua, oleo, ſale, et minutifſimis terræ particulis intime unitis, adeo ut non niſi ſumma ignis vi diſjungi queant. Flavedinem et amaritiem ſuam imprimis debet, copioſo quo ſcateat oleo, diuturno tritu fere ambuſto et rancido.

Bilis ergo eſt ſapo penetrantiſſimus, nec acidus nec alcalinus; omnes concreciones tenaces et oleoſas, ſive vegetabiles ſive animales, facile reſolvens et liquefaciens: Egregium itaque præſtat uſum in primis viis, varia ſcilicet alimentorum principia, aquam nempe, ſalem, et oleum intime unit, et in chylo parando conſociat: Ciborum etiam partes craſſiores attenuat et ſolvit, ut per vaſa lactea facilius rapi poſſint.

Ex analyſi chemica ſæpius inſtituta, conſtat bilem majorem longe in ſe habere æris fixi quantitatem, quam alium quemlibet in corpore humorem. Quod etiam verum eſt de calculis inde natis; naſcitur itaque ſuſpicio, latentem ærem in calculis generandis reliquarum partium attractionem aut coheſionem multum augere; eo etenim expulſo, reliqua calculi principia diſjuncta fatiſcant.

## RATIO SYMPTOMATUM.

Hiſce præmiſſis, ratio ſymptomatum, quæ morbum arcuatum vel comitantur, vel ei ſuperveniunt, facile intelligi poteſt; licet quædam ex ſingulari morbi cauſa potius oriri videantur.

Ponderis

Ponderis sensus, anxietas, et aegritudo circa hepatis regionem, licet a distenta nimium vesica fellea nasci utcunque possint in quolibet Ictero; praecipue tamen oriri videntur miseris istis aegris, quibus ductus communis cholidochus obstruitur; tunc enim utraque bilis sensim magis accumulata, non modo vesicam, sed et omnes suos ductus extendit; qui turgidi facti, vasa sanguifera vicina, et eadem capsula inclusa, comprimunt, magnamque sanguini transfluxuro resistantiam parient.

Hinc gravatum aegrotat hepatis, et compatiuntur viscera omnia abdominalia, quae se in id exonerare debent; languet simul ciborum concoctio, et chylopoesis, quae sine bile in intestinis perfici nequit.

Hinc etiam magna ex parte oriri videtur lassitudo, torpor, somnolentia, quae Ictericos saepe detinet; vel quia haec symptomata aegritudinem viscerum abdominalium plerumque comitantur; vel quia, gravato hepate, et compressis aut nimium resistantibus vasibus inferioribus, major sanguinis quantitas in superiora pellitur; hujus copia cerebrum obrui incipit, omnesque actiones animales torpent.

Dolor obtusus fieri potest, a bile sensim in vesica aut ductibus accumulata, harumque fibras nimium extendente.

Acutus autem ab inflammatione, sive Icteri causa sive effectu; quin et a subito calculi dilapsu ex vesica in ductum, cujus fibras vel mole sua distrahit, vel angulis et asperitate irritat et dilacerat. In Ictero autem periodico acutus dolor imprimis vomendi vi excitari solet; quando, egressu bilis impedito, turgida vesica repetitis ictibus tunditur, percussis etenim fibris prius

di-



disfractis, fieri nequit, quin hoc morbo laborantes acerrimis excruciantur doloribus; donec tandem eo impetu a bile in sanguinem pulsa relaxentur, interim novo sensim congesti humoris facto cumulo renovatur paroxysmus. Icterus itaque periodicus fit, itque redditque, vel quoties obstaculo quovis firmiter occluditur ductuum via, et repetitis vicibus nova bile turgent, et deinde per vomendi vim evacuantur bilis receptacula; vel quoties plures lapilli, in vesica nati, successive in ductus impacti, et aliquamdiu haerentes, successive etiam in intestina tandem expelluntur.

Nausea autem et vomitus a nervorum irritatione et consensu oritur, eadem ratione atque in dolore nephritico contingere solet. Vomitus porro hicce, saevum licet videatur symptoma, et acrem excitet dolorem, est tamen providae naturae molimen et remedium utile, ad tumida et distenta bilis receptacula exoneranda. Vias interim novimus nullas quibus bilis in vasa sanguifera repelli possit, praeter venulas illas absorbentes, qui in interiore vesicae superficie hiant, et in homine sano tenuiorem bilis hepaticae partem excipiunt, ut humor superstes in cysticam meraciorem mutetur. Hi itaque soli videntur esse canales, qui redundantem in vesica humorem auferre possunt, quando ductus cysticus obstruitur. Si autem, hoc libero manente, obturetur ductus communis, hic bilis, sive in vesica sive in tubulis congesta, vomendi impetu reprimi potest; motu retrogrado per poros biliarios in venae portarum et cavae ramulos, atque his viis sanguini admisceri.

Indecora cutis flavedo, oculorum, unguium, urinae,  
et

et salivae, pendet a sanguinis fero, et lymphae admixtae, bilis colore tinctis.

Pellucidis etiam oculorum humoribus, vitreo scilicet et aqueo, flavedine tinctis, objecta per flavum medium conspecta, flava apparent.

Bilis amarities salivam, adeoque alimenta comesta, suo sapore inquinat.

Ejus autem acrimonia materiem perspirabilem acuens, pruritus in cute excitat.

Faecum albedo et alvi tarditas, a defectu bilis oriuntur; qui in statu corporis sano faeces alvinas suo colore inficit, et intestinorum fibras leni stimulo in earum expulsionem sollicitat. Hinc etiam deest appetitus, cibi oritur fastidium et nausea, quum sine bile lente procedat alimentorum coctio, diu quippe in primis viis morantur, hinc cruditatis signa aegri saepe sentiunt.

Verum quodcumque impediti prius referantur ductus, bilis copioso rivo intestina ruit; dein sequitur fluxus alvi biliosus, optimum sanitatis praesagium.

Si inveteraverit Icterus, commixta bilis totam sanguinis massam tandem fundit, et in laticem aquosam solvit; quae, pro sua tenuitate, facile secedens in membranarum cellulas, in majoribus corporis cavitatibus sensim accumulatur, et hydropem variam, plerumque funestum, creat. Hinc itaque aqua inter cutem, Icterus diuturnum fere semper excipit.

Dyspnoea, praecordiorum angustiae, et cordis palpitatio, pulsusque inordinatus, praecipue aegros laceffere solent; nascente, aut jam nato pectoris hydrope, quando scilicet cor et pulmones, congesta lympa, obrui incipiunt.

Denique,

Denique, lenta febris Ictericos tandem consumere solet; quia acris bilis omnes humores inquinans, suo stimulo, cordis et vasorum fibras in frequentiores contractiones irritat.

## P R O G N O S I S.

Eventus Icteri varius praedicendus erit, pro ratione causae, symptomatum, aetatis. Spem sanitatis promittunt morbus recens, symptomata mitia, et aetas juvenilis, si causa mali fuerit spasmus constringens, aut mucus poros biliosos obnians, ex aegri diathesi et temperie plerumque cognoscenda; si non nimis profunde flaveat, cutis nec in colorem nigricantem vergat; si bilis aliqua vel vomitu rejiciatur, vel foeces alvinas adhuc colore suo tingat; si apte fatis absolvi videantur ciborum digestio et chylopoesis; si superveniat urinae imprimis, autem alvi fluxus biliosus. Icterus etiam benignus est, qui feбри superveniens post septimum diem, morbum critice solvit, si mollia simul sint hypochondria \*.

Pessimi autem omnis sunt et morbum, vel diuturnum, vel plerumque lethalem praenunciant, aetas aegri senilis, vires jam multum detritae. Symptomata multa et magna; color cutis ex flavedine nigrescens; foeces albae, et alvus sicca, sine quovis bilis indicio in primis viis; tarda alimentorum concoctio; frequens morbi reditus; diarrhoea colliquativa; hepar durum et schirrosum †; abdominis tumor et durities; hydrops

P p p superveniens,

\* Hippocr. Aphorism. § 4. 62.

† Ibid. § 6. 42.

superveniens, dyspnoea, cordis palpitatio, et pulsus inaequalis; febris denique hectica cum siti et anxietate: Quae posteriora omnem sanandi spem adimunt. Dubiam autem prognosin reddit concursus varius symptomatum mitiorum cum atrocioribus quibusdam.

## METHODUS MEDENDI.

Nulla generalis medendi methodus in morbo regio statui potest; quoniam pro variis Icteri symptomatibus, sanandi remedia diversa, pro causae diversitate, adhibenda sunt.

Si itaque inflammatio morbum vel produxerit, vel comitetur, sanguinis missio, et alia remedia antiphlogistica, statim adhibenda sunt.

Si a spasmo morbus originem duxisse videatur, in temperie spasmis multum obnoxia, opium, et antihysterica dicta remedia in usum vocari debent.

Si a glutinoso muco in temperie phlegmatica oriatur Icterus, medicamina saponacea et biliosa, attenuantia et resolventia, praescribenda, atque purgantia phlegmagoga dicta.

Si autem calculus bilis vias obturaverit, longe major nascitur medentibus labor. Haec enim Icteri causa nec facile cognoscitur, nec curatur. Experimentis compertum est, calculos e bile, remediis lithontripicis minus cedere, quam ex urina, genitos: Praecipua ergo spes, licet incerta, ponitur in lapilli expulsionem, qui instituitur,

1mo, Ductus laxando, minusque resistentes reddendo. 2do, Calculum per patulas redditas vias nixu  
aut

aut impetu facto pellendo: Ergo sanguinis missio, emulSIONES blandae, decocta emollientia; clysmata oleosa saepe injecta, fomenta, et cataplasmata, primum adhibenda: Deinde, cathartici, aut imprimis emetici vi, calculus, si fieri possit, excutiendus.

Si schirrus hepatis Icteri causa fuerit, maximo in periculo versatur aeger, et morbus immedicabilis pronunciatur.

Omnes enim agnoscunt medici, quam difficile sit in arte problema, schirrum resolvere; aliquid tamen boni quandoque attulerunt remedia saponacea, attenuantia, diu adhibita, aquae minerales, et cataplasmata resolventia, indies applicata.

Concretio ductuum, ut vix ullo signo cognosci potest, sic nulli remedio cedit: Ad sola itaque palliativa hinc confugiendum, quibus forte mali saevities leniri possit.

Brevitati studens, remedia singularia, harumque formulas, omitto, quae dissertatiunculam hanc longiorem quidem, vix tamen occasione aptiorem, redderent.

TOM. PRIM. FIN.





1870  
The following is a list of the  
names of the persons who  
were present at the  
meeting of the  
Board of Directors  
of the  
City of New York  
on the 1st day of  
January, 1870.

The following is a list of the  
names of the persons who  
were present at the  
meeting of the  
Board of Directors  
of the  
City of New York  
on the 1st day of  
January, 1870.

